

କାଳରାତ୍ରି

ଶ୍ରୀମାନ ନିର୍ଦ୍ଦେଶ ଥାନ
କଲ୍ୟାଣୀନେତ୍ର

প্রথম পর্ব

কয়েকটা মুহূর্তের জন্ত পৃথিবীর সমস্ত গতি, সমস্ত চেতনা, সমস্ত জীবনম্পন্দন যেন শুদ্ধ হয়ে গেল অংশমানের কাছে। মনে হল সূর্যের চারিপাশে আপন কক্ষপথে পৃথিবীর যে অবিরাম চলমানতা তাও যেন থেমে গিয়েছে।

কলে অংশমানের দৃষ্টির সম্মুখে স্থির এই জগৎ-লোকের সমস্ত কিছু আন্তে আন্তে মুছে আসতে আরম্ভ করেছিল। কোন আলো সেখানে ছিল না, কোন কালোও সেখানে ছিল না। তার নিজের অস্তিত্বও যেন তার নিজের কাছে মুছে যাচ্ছিল; গিয়েওছিল অনেকটা। নিভিয়ে আসা প্রদীপের শলভের প্রান্তে ক্ষীণতম আলো ও উত্তাপের মতই তার অস্তিত্বের অবশেষটুকু কোনরকমে বজায় ছিল।

মোটর অ্যাকসিডেন্টে আহত সেই রক্তাক্তদেহ শিশুটি তারই ছেলে? যাকে সে নিজের দুই হাতের ভাঁজের উপর তুলে নিয়ে মেডিক্যাল কলেজের ইয়ারজেব্বী ওয়ার্ডের টেবিলের উপর নামিয়ে দিয়ে এসেছিল—সেই অচেনা শিশুটি? তারই ছেলে? সীতা তার কাছ থেকে চলে গিয়ে নিজের হাতে নিজের সিঁথিতে সিঁথুরের চিহ্ন নিয়ে তারই উপাধি ব্যবহার করে ওই শিশুকে সগৌরবে আপন গর্ভে ধারণ করেছে; প্রসব করেছে; তাকে এতবড় করে তুলেছে; অবশেষে—

এইখানেই তার চেতনা ও চৈতন্তের শিখাটা নিতে যাওয়ারই কথা। কিন্তু এইখান থেকেই শিখাটা আবার একটু করে উজ্জ্বল হয়ে উঠল। এবং ক্রমে ক্রমে পূর্ণ চেতনার কিরে এল সে। সঙ্গে সঙ্গে পৃথিবীও চলতে লাগল—সকালের আলো আপন দীপ্তিতে উত্তাপে প্রকাশিত হল। মনে পড়ে গেল—সংলগ্ন বাথরুমটার মেঝের উপর ওই শিশুটি এবং সীতার রক্তমাখা কাপড়-জামাগুলি জড়ো হয়ে পড়ে রয়েছে।

একটা মিষ্টি গন্ধ আসছে বাথরুমের ভিতর থেকে। সে ল্যাভেণ্ডার সাবান ব্যবহার করে; দেশী ল্যাভেণ্ডার অবশ্য; সেই সাবান দিয়ে হাত মুখ ধুয়েছে—সেই গন্ধ বাতাসের সঙ্গে মিশে রয়েছে—তার সঙ্গে আছে জলো জলো ভাব। সামনে দাঁড়িয়ে রয়েছে রজন। রজন সংবাদটা এনেছে।

* * *

চলমানতার বেগ তাকে পিছনের দিকে নিয়ে পেল; সামনে তো অগ্রসর হবার সীমা শূন্যান পর্যন্ত বিস্তৃত। তার বেশী তো নয়। অন্ততঃ এই এখনি এই মুহূর্তে ওই শূন্যানবাট নিমতলা বা কেওড়াভলাকে অতিক্রম করে আর যাওয়া যায় না। না বৈভরণী নয়; ভাগীরথী আর কাটিগঙ্গা এগিয়ে যেতে দেয় না। বৃত্তালোক বা অমৃতলোক বা পরলোকের স্বর্ণ নরকের কথাও নয়। অংশমান ওতে বিশ্বাস করে না। বাস্তব জীবনেই এর পর আর কোন কল্পনা যেন পক্ষবিস্তার করতে পারছে না। শূন্যানের বুক কাঠ সাজিয়ে একটি চিতা তৈরি করে তার উপর ওই শিশুটির শব নামিয়ে দিয়ে—

চমকে উঠল; সারা বুকটা যেন তার টনটন করে উঠল। ছেলেটি যে তারই সন্তান।

মন তার চিত্তার আগুন দিতে গিয়ে থমকে দাঁড়ায়; পিছন ফিরে ছুটে পালায়। মন তার ছোট্টে পিছনের দিকে।

চৌরঙ্গী রোড আর ধর্মতলা স্ট্রিটের অংশে মন গিয়ে থামল। গতকালের অপরাহ্নবেলা—বেলা পাঁচটা; পশ্চিম আকাশে সূর্য তখনও বেশ উজ্জ্বল এবং নীপ্তিও তার খুব প্রখর। অংশুমান ফিরছিল ট্যাক্সিতে। তার ট্যাক্সির সামনেই ছিল একখানা প্রাইভেট। তার সামনে ছিল একখানা খালি ট্রাক এবং একখানা দোতলা স্টেট বাস। সব গাড়ি কখনাই মোড় নিচ্ছিল ডানদিকে ধর্মতলা স্ট্রিটে—সামনের বাস ট্রাক এবং প্রাইভেটখানাও। তার ট্যাক্সি বাবে সোজা উত্তরে। প্রাইভেটখানা ট্রাক ও বাসখানাকে পাশ কাটিয়ে যাকে মেয়ে বেরিয়ে যাওয়া বলে তাই যেতে গিয়ে কর্কশ শব্দ তুলে ধাক্কা লাগালে। লাগালে ট্রাকখানার সঙ্গে, গাড়িখানার ডানদিকের পিছনদিকটা একেবারে তুবড়ে গেল। প্রচণ্ড একটা শব্দ উঠল।

এই গাড়িতে ছিল সীতা। আর এই শিশুটি। এরাই ছিল পিছন সিটে। সামনে বসে বিনি ড্রাইভ করছিলেন তিনি বেঁচে গেছেন। ছোট শিশুটির একখানা হাত একেবারে খেঁতলে গিয়েছিল—সীতার মুখ ভাঙা কাঁচে কেটে ছোট ছোট ক্ষতে বিক্ষত হয়ে রক্তাক্ত হয়ে গিয়েছিল।

সীতাকে দেখে চমকে উঠেছিল অংশুমান। শিশুটি সীতার ভাতে স্নেহ ছিল না। সীতার মুখের আদল ছিল—আর তা ছাড়া ট্যাক্সিতে বাস পেটরা বেড়িয়ে বোঝাই করে যে মেয়ে ব্যক্তি, হাসপাতালে যার ভ্যানিটি ব্যাগে দেড়খানি সেকেন্ড ক্লাসের টিকিট পাওয়া গিয়েছিল সে মেয়ের ওই শিশুটি সন্তান ছাড়া কি হতে পারে?

বিনি গাড়ি ড্রাইভ করছিলেন তিনি অক্ষত ছিলেন এবং তাঁকে পুলিশ নিয়ে গেল থানার আর সীতাকে ও শিশুটিকে তার ট্যাক্সিতে তুলে অংশুমানই নিয়ে এসেছিল মেডিক্যাল কলেজ হাসপাতালে। সঙ্গে পুলিশও ছিল অবশ্য।

সীতার আঘাত বাইরে থেকে গুরুতর মনে হয় নি। কপালে একটা ইঞ্চি দেড়েক লম্বা কাটাই ছিল সব থেকে বড় আঘাত। তা ছাড়া টুকরো টুকরো কাঁচ বিঁথেছিল; সেগুলি খুব মারাত্মক মনে হয় নি কারও। তবে সে অজ্ঞান হয়ে গিয়েছিল এইটেই ছিল আশঙ্ক্যর কথা। বাইরে থেকে দৃষ্টির অগোচর কোন আঘাত যদি তার মাথায় কি বৃকে লেগে থেকে থাকে তবে সে আঘাত সামান্য হবে না।

অংশুমান ওই শিশুটিকে দেবার জন্ত কিছু রক্ত দিয়ে এসেছিল। 'ভাগ্যের কথা'—ডাক্তার তাই বলেছিলেন; অংশুমানের রক্ত নেবার সময় ডাক্তার বলেছিলেন—ভাগ্যের কথা বলতে হবে। একই গ্রুপের রক্ত।

তখন একটু চমকে উঠেছিল অংশুমান। সীতার শিশু এবং তার রক্ত অংশুমানের রক্তের সঙ্গে একই গ্রুপের?

মন তার আরও পিছনে চলে গেল।

তার চোখ আপনি ঘুরে গিয়ে নিবন্ধ হল তার শোবার ঘরের দিকে ; তার ওই সিংগল-বেড খাটখানার উপর ।

*

*

*

পাঁচ বছর আগে চলে গেল মন । ১৯৫২ সালে । তারিখও মনে আছে । ২৭শে জুলাই । তারিখ তার মনে থাকে না । ডায়রী রাখা তার ঘটে ওঠে না । বছরের প্রথমেই ডায়রী ক্যালেন্ডার বিভিন্ন প্রতিষ্ঠান থেকে পাঠায় । একখানা ডায়রীতে খরচ নয়, জমা লিখে রাখে ; বাধ্য হয়েই রাখে । না-হলে পাওনা হিসেবের সময় গোলমাল হয় । আর একখানা সে ডায়রী লিখব বলেই নাম ঠিকানা লেখে—১লা জামুয়ারী থেকে কয়েকদিনের ডায়রীও থাকে কিন্তু তারপর আর থাকে না । ইঠাৎ কোন দিন ডায়রীখানা টেনে নিয়ে ছুঁচুর লাইন লিখে রাখে ।

১৯৫২ সালের ২৭শে জুলাই লেখা আছে—“আজ সীতা চলে গেল । কাল রাত্রে সে এখানে ছিল । আমি তাকে জোর করে আটকে রেখেছিলাম ।”

তারপর কয়েকটা লাইন লিখেও কেটে দেওয়া আছে । কালির দাগে দাগে লেখাগুলিকে একেবারে ঢেকে দেওয়া হয়েছে । কিন্তু মনে আছে অংশুমানের । “অমুশোচনা হচ্ছে । অন্ত্রায়—” কেটে দিয়েছে । তারপর ছিল—“কালের সঙ্গে সে চলতে পারলে না । আমি আশ্চর্য হয়ে ঘাচ্ছি—এ কি সেই সীতা ?”

ভোরবেলা সে গাঢ় ঘুম ঘুমোয় । সেদিন ঘুমটা গাঢ় হয় নি । হতে পার নি । সীতা এবং সে এই এক খাটেই রাজি বাপন করেছিল । ঘুমটা ছিল পাতলার উপর । একটা জেট প্লেনের ল্যাণ্ডিংয়ের কঠিন এবং নিষ্ঠুর আওরাজে তার ঘুমটা ভেঙে গেল । প্লেনখানা রোজই আসে রোজই নামে—কিন্তু সেদিন এমনভাবে মাথার উপর এত নিকট দূরত্বে এসে পড়েছিল যে চমকে জেগে উঠতে হয়েছিল তাকে ।

মনে আছে প্রথমটা ঘুমের মধ্যেই তার মনে হয়েছিল যে হয়তো কোন একটা দুর্ঘটনা ঘটেছে । হয়তো জেটখানা ভেঙে পড়ছে । এবং পড়ছে বাড়ির মাথায় ।

পরক্ষণেই প্লেনখানা তার বাড়ির মাথার এলাকা অতিক্রম করে এগিয়ে চলে গিয়েছিল । কিন্তু তার মূখ থেকে আপনিই বেরিয়ে এসেছিল একটা বিরক্তিসূচক শব্দ ।

“আঃ” শব্দ করে সে চোখ মেলতে বাধ্য হয়েছিল ।

সব স্পষ্ট মনে পড়ছে ।

এত স্পষ্ট যে মনে হচ্ছে, আশ্চর্য কিছুই স্রোতে অবগাহন করে এমন স্পষ্ট হয়ে উঠেছে । না-হলে এই পাঁচ বছরের বাতাসে উড়েপড়া ধুলোর আশ্রয় কোনক্রমে মুছে ফেলা যেত না । বিবর্ণ হয়ে যেতই ।

মনে পড়ছে বিছানার-স্তরে-থাকা মুখের কাছেই ছিল সীতার মাথা দেওয়া বালিশটা । কোন গন্ধ তার নাকে এসেছিল কি না মনে পড়ছে না । অন্ততঃ সে-সম্পর্কে সে সচেতন ছিল না ।

বালিশটাই তার স্বতির আলোটিকে আলিয়ে দিয়েছিল । ইলেকট্রিক বাল্বের মত দপ্,

করে অলে উঠেছিল।

মুহুর্তে একই সঙ্গে মনে পড়ে গিয়েছিল গত রাত্রির সমস্ত ঘটনার কথা এবং খোলা চোখের সামনে দেখতে পেয়েছিল সীতা দাঁড়িয়ে আছে তারই দিকে তাকিয়ে। যেন বাবার জন্ম তৈরী হয়ে তার এই চোখ খুলে তাকানোর প্রতীক্ষা করেই দাঁড়িয়ে ছিল। চোখোচোখি হতেই অথবা তার আগে থেকেই সীতার মুখে একটুকরো এবং অতি ক্ষীণ-হাসি ফুটেছিল।

এ হাসি এবং এ দৃষ্টি যেন কাঁটার মতই তীক্ষ্ণ মুখে বিদ্ধ করেছিল অংশুমানকে। মনে পড়ছে সঙ্গে সঙ্গেই সে চোখ বন্ধ করেছিল। কিন্তু সীতা বলেছিল—চোখ বন্ধ করো না। আমি যাচ্ছি।

—যাক ? চোখ না খুলে পারে নি অংশুমান।

সীতা বলেছিল—কিন্তু এটা কি হল বল তো ?

এবার আবার চোখ বন্ধ করেছিল অংশুমান। সীতা আবার হেসেছিল। সঙ্গে সঙ্গে সারা মুখখানির উপর নেমে এসেছিল করুণতম বিষণ্ণতার ছায়া। নিরন্তর অধঃনিম্নীলিত চোখে অংশুমানের দিকে তাকিয়ে সীতা বারকয়েক বেদনার্তের মত ঘাড় নেড়ে বলেছিল—
উত্তর দেবে না ?

এবার চোখ বুজে থেকেই অংশুমান উত্তর দিয়েছিল, ‘ভোট বি সেটিমেন্টাল।’

এর আর কোন উত্তর দেয় নি সীতা। তার মুখে এবার ব্যঙ্গের নিষ্ঠুর হাসি ফুটে উঠেছিল। সে হাতব্যাগটা তুলে নিয়েছিল সামনের টেবিলের উপর থেকে, তারপর যুঁহু চটির শব্দ তুলে যত কম শব্দ করে হয় ঘরের দরজাটি খুলে ফেলে বেরিয়ে যেতে চেয়েছিল, কিন্তু দরজার মুখে গিয়ে আবার একবার থমকে দাঁড়িয়েছিল! বিছানার তার খালি যে অংশটা পড়ে ছিল সেই দিকে তাকিয়েছিল সে। ওই স্থানটুকু তার জীবনের স্বর্গ না নরক তা বুঝতে চেষ্টা করেছিল বোধ হয়। কিন্তু সে-প্রশ্ন সে করতে পারে না? ভগবান মানলে হয়তো তার কাছে করতে পারত। ভগবান সে মানে না এমন নয়—তবে মানে কিন্তু বিশ্বাস তো নেই। জিজ্ঞাসা করবার মত বিশ্বাস তো করে না। একটা দীর্ঘনিশ্বাস আপনি যেন করে পড়ল তার বুক থেকে। তার নাম সীতা—অংশুমানকে সে কিছুতেই রাবণ বলে ভাবতে পারে নি। কথা ক’টা সীতারই কথা। কথাগুলো মুখে সে সেদিন বলে নি। পরে চিঠিতে লিখেছিল। চিঠিখানা সে ছিঁড়ে ফেলেছে কিন্তু কথাগুলো তুলতে পারে নি। মাস চারেক পর হঠাৎ চিঠিখানা এসেছিল। ঠিকানা ছিল না। লিখেছিল—‘আমার নাম সীতা বলেই সেদিন ভোরবেলা মনে হয়েছিল তোমাকে রাবণ বলে গাল দেব। কিন্তু কিছুতেই তা পারি নি। তোমাকে রাক্ষস ভাবতে আমি পারলাম না। তুমি রাবণকে বলতে কুসংস্কারাচ্ছন্ন বর্বর; ব্রহ্মার অভিষাপকে ঐব মনে করে সীতার সর্বনাশ সে করতে পারে নি। তুমি কুসংস্কারাচ্ছন্ন নও—বর্বরও নও। এবং আমার জীবনের কিছুই তোমাকে অদ্বৈত ছিল না। কিন্তু— থাক—সব ভুবিরে দাও। তুমিও দাও। আমিও দিতে চেষ্টা করব। তুমি রাবণ নও আমিও সীতা নই। তোমার কোন হুকুমে অগ্নিপরীক্ষা আমি দেব না।’

থাক। সেদিন যখন সীতা দরজার মুখে দাঁড়িয়ে বিছানাটার দিকে ক্রি়ে তাকিয়েছিল

তখন তার চোখ আপনাআপনি বুজে এসেছিল। চোখ বন্ধ করেই সে তাকে বলেছিল—
শোন।

সীতা বলেছিল—বল।

সে বলেছিল—কোন ডিক্‌ক্যান্টি হলে আমাকে জানিয়ে।

এ কথার সীতার কপালে ক'টা রেখা জেগে উঠেছিল। কণ্ঠস্বর তিক্ত হয়ে উঠেছিল উত্তর
দিতে। উত্তরে তিক্তকণ্ঠে বলেছিল—ডিক্‌ক্যান্টি?

অজ্ঞপ্ত মনে পড়ছে কথাটা খোঁচার মত মনে হয়েছিল এবং সেও তিক্তস্বরে বলেছিল—হ্যাঁ
হ্যাঁ—ডিক্‌ক্যান্টি। খুঁকীপনা করো না।

সীতা বলেছিল—অত্যন্ত গভীরভাবে বলেছিল—না খুঁকী আমি নই। খুঁকীপনা আগে
করতাম এখন একেবারেই করিনে। বার জন্তে অভিনয় করাই ছেড়ে দিলাম। খুঁকী নই সে
জান আমার আছে বলেই আমার সকল কাজের দায় একান্তভাবে আমারই। সে বোধ
আছে বলেই তোমার আমার দেনাপাওনার দায় মিটিয়ে বা দেবার দিয়ে যাচ্ছি বা নেবার
নিরে যাচ্ছি। এর জন্তে যে দুর্ভোগই আশ্রুক না কেন সে একান্তভাবে আমারই। তার জন্তে
তোমার শরণই বা নেব কেন—তোমাকে শরণ করতেই বা যাব কেন?

অশ্রুমান চোখ বন্ধ রেখেই বলেছিল—আই সী।

সীতা বলেছিল—ভারী খারাপ লাগছে অশ্রু। তোমার মুখে ইংরিজী কথা। এম. এ.
পাস করেছ বাংলায়। বাংলায় বল না।

কথা ক'টা তার মুখের উপর ঘেন শপাং শব্দ তুলে চাবুকের মত আছড়ে পড়েছিল।
অত্যন্ত কঠিন কথা বলেছিল সীতা। সীতাদের বাড়ি খুব উগ্র ইংরিজীনবিসের বাড়ি। এবং
অশ্রুমান বাংলায় এম. এ-তে ফল ভাল করেও এবং লেখক হিসেবে খ্যাতি অর্জন করেও
ইংরিজীতে পোক্ত নয়। বার জন্তে ইংরিজীর উপর চটা সে; আহত হয়ে অনেক খুঁজে
অবশেষে সে বলেছিল—আমার ইংরিজীর উপর রাগটা তুমি অকারণ করছ সীতা। ইংরিজী
হয়তো আমার খারাপ। কিন্তু তোমাদের মত ইংরিজীনবিসদের ইংরিজী যে বেশী ভাল তা
নয়—

বলতে বলতে সে ধেমে গিয়েছিল; কারণ একটি স্মাগোলপরা হালকা পায়ের যুহু শব্দ যেন
উঠতে আরম্ভ করে ক্রগণ; ক্রীণ হতে হতে দূরে চলে গেল মনে হয়েছিল তার।

সীতা কি চলে গেল?

কথা বলা বন্ধ করে চোখ লেছিল অশ্রুমান। দেখেছিল সীতা নেই। সে চলে গেছে।
ঘরের দরজাটা একপালায় দরজা; সেখানাকে ঠেলে দিয়ে গেছে। সেটা এসে দরজার ফ্রেমের
গারে লেগেছে আলতোভাবে। কিন্তু অশ্রুমানের মনে হয়েছিল সীতা এবং তার মধ্যে ওই
দরজার পালাটা একটা চি রুদ্ধ আড়ালের প্রতীক হয়ে তার দৃষ্টিকে অবরোধ করে
দাঁড়িয়েছে।

মিনিট ধানেক পরেই সীতা আবার কিরে এসেছিল। আলতো ভাবে যে পালাটা

দাঁড়িয়েছিল সেইটেকেই ঠেলে দিয়ে ভিতরে এসে ঢুকেছিল। তার হাতে কিছু ছিল—প্রথম নজরেই সেটা কি তা সে ঠাণ্ডা করতে পারে নি। কাছে এসে দাঁড়াতেই সে চিনেছিল—ফাউন্টেন পেনের কালীর দোরাড এবং সেটা লাল কালীর দোরাড আর একটা নিব পরানো হ্যাণ্ডেল কলম।

অংশুমান বলেছিল—বস।

—না, আমি বসব না, তুমি শুঠা।

—কেন? শরীর বড্ড ম্যাজম্যাজ করছে। ইচ্ছে করছে না উঠতে।

—কিন্তু একুনি তোমাকে বেরতে হবে। তুমি বেরবে। আমি জানি। তোমার এনগেজমেন্ট আছে।

—এনগেজমেন্ট!

—হ্যাঁ। একটু আগে টেলিফোন করেছিলেন কোন একজন—বোধ হয় তোমার বান্ধবী। তিনি আসবেন এখানে। তুমি ঘুমুচ্ছিলে। হরি টেলিফোন ধরেছিল। আমি পাশে দাঁড়িয়ে শুনেছি।

চমকে উঠেছিল অংশুমান। হ্যাঁ। আছে, কথা আছে। তার নতুন নাটকের নারিকা একটি মেয়ের সঙ্গে দেখা করার কথা আছে।

অংশুমান সেই খ্যাতিমান অংশুমান চৌধুরী—যে নতুন যুগের নাট্যকার, যে নিজের খ্যাতিমান অভিনেতা এবং কিছু কিছু ছোট গল্প ও আধুনিক গানের গীতিকার হিসেবেও খ্যাতিলাভ করেছে। সর্বজন না হোক—বাংলা দেশে লিখনপঠনক্ষম এবং সংস্কৃতিতে অহুয়ঙ্গী অহুয়ক্ত যারা তাদের অনেকেই তাকে চেনে।

সে আজকের কবি নাট্যকার নয়—আগামী কালের কবি নাট্যকার এবং গীতিকার বলে মনে করে নিজে। সম্প্রতি একখানা নতুন নাটক লিখেছে সে। ‘ক্লক বৈপারন’।

অর্থাৎ মহাভারতের শ্রষ্টা মহাকবি মহর্ষি বেদব্যাস।

অংশুমান বলেছিল—আমার একান্ত ইচ্ছে ছিল—সত্যবতীর পাঁটটা তুমি কর। আমি পরাশর আর শান্তনুর ছোটো পাঁট করি।

—না।

—কেন?

—এর উত্তর তুমি জান। জীবন নিয়ে খেলা খেলতে যে পারে সে পারে, আমি পারি না।

—সীতা—

—দয়া করে মাফ করো আমাকে। এখন যা বলছি শোনো। যার জন্তে যেতে যেতে কিরে এলাম আমি।

—বল।

—এই হাণ্ডেলটার উণ্টো দিক দিয়ে একটু লাল কালি আমার সিঁথিতে পরিয়ে দাও।

—সিঁথিতে লাল কালী পরিয়ে দিলেই কি—

বিব্রল কর্ণে সীতা বলেছিল—তর্ক করতে আমি আসি নি। তর্ক করার মত মন আমার নেই। আমি তোমাকে ভালোবাসি অংশুমান। তার জন্তই এই স্মরণ-চিহ্নটুকু চাই। দাও পরিয়ে দাও।

—না। মুখ চোখ মন পাণ্টে গিয়েছিল অংশুমানের। আজও সে কথা স্মরণ করতে পারে অংশুমান। এবং ‘না’ বলে সে পাশ ফিরে শুয়েছিল যখন—তখন সামনের দেওয়াল ঘেঁষে যে ড্রেসিং টেবিলটা ছিল—তার আয়নার মধ্যে নিজের চেহারা সে দেখতে পেরেছিল। মনে পড়ছে—শক্ত কঠিন হয়ে উঠেছিল তার মুখের চেহারা। যেন আকাশে মেঘস্ফোরের মত কিছু একটা সঞ্চারিত হয়ে উঠেছিল তার মনে—তার ছায়া পড়েছিল তার মুখে। নির্ভর তিরস্কার বা কঠিন প্রতিবাদ জমে উঠেছিল মনে মনে।

বিবাহে সে বিশ্বাস করে না।

বিচিত্র তার জীবন পথের অভিজ্ঞতা। তাই বা কেন? সারা দেশই তো চলেছে এই পথে। একে সে অস্বীকার করবে কি করে? না—খর্ষে ঈষরে বিবাহে প্রেমে কিছুতে তার বিশ্বাস নেই।

—শোন।

তার ক্রুদ্ধ চিন্তার প্রবাহে ছেদ টেনে দিয়ে সীতা বলেছিল—আমি চললাম। আর কখনও আসব না। আমি নিজেই প’রে নিলাম ওই লাল কালির চিহ্ন। তুমি দেখলে না। তোমার স্নিরে দিয়ে গেলাম।

এরপর সীতা চলে গিয়েছিল।

জুড়টি ফুটে উঠেছিল তার কপালে।

কিছুক্ষণ পর একটা দীর্ঘনিশ্বাস ফেলেছিল সে।

মহাতপস্বী ব্রহ্মবিদ মহর্ষি পরাশর—তীর্থযাত্রার বের হয়ে যমুনার ঘাটে এসে উপনীত হয়েছিলেন। সেই ঘাটে দীঘররাজের পরমানন্দরী যুবতী কন্যা সত্যবতী পারাপারের খোঁজ নৌকা বহন করছিল। পরিপূর্ণ স্বাস্থ্য অপরূপ লাবণ্যবতী যুবতী কন্যার মন্দির ঘোঁষন তপস্বী ব্রহ্মউপাসক—তীর্থযাত্রী পরাশরকেও প্রকৃতি-নিয়মে চকল করেছিল।

পরাশরের ঠরসে—দীঘর-কন্যা সত্যবতীর গর্ভে বেদব্যাসের জন্ম। জন্ম হয়েছিল এক স্বীপে। তাই তাঁর নাম দ্বৈপায়ন। গায়ের রঙ তাঁর কালো তাই কৃষ্ণ বিশেষণযুক্ত তিনি কৃষ্ণ দ্বৈপায়ন। তিনি বেদব্যাস। মহাতারতকার। তিনি ভগবানের তুল্য স্রষ্টা। তিনিও মহাতপস্বী। তিনিও সমস্ত জীবনে বিবাহ করেন নি। কিন্তু তাঁর মায়ের আহ্বানে কৌরব বংশে প্রয়োজনের ক্ষেত্রে ক্ষেত্রজ পুত্র উৎপন্ন করেছিলেন। গোপন করেন নি সে কথা। তাঁর মা সত্যবতী তাঁকে প্রসব করেছিলেন কুমারী অবস্থায়। তারপর তিনি বিবাহ করেছিলেন মহারাজা শান্তজকে।

আশ্চর্য ভাবে সত্যের মহাপ্রকাশ হয়েছে।

অথচ এই সত্য নিয়ে বাস্তবে কত কুণ্ঠা কত অটলতা কত ভিন্নতার কত শান্তি!

বক্ষিয় রোহিণীর প্রাণদণ্ড দিয়েছেন। অমৃতপ্ত গোবিন্দলালকে সম্যাস দিয়ে প্রায়শ্চিত্ত করিয়েছেন।

মহাকবি বিনোদিনীকে বৈরাগিনী সাজিয়ে কালী পাঠিয়েছেন।

শরৎচন্দ্রের কিরণময়ী—পথ না পেয়ে পাগল হয়েছে, সাবিত্রী সতীশকে সরোজিনীর হাতে তুলে দিয়ে উপীনদার শেষ শয্যায় সেবা করতে গেছে।

কল্লোলের যুগে এই নিয়ে কলহের অন্ত ছিল না। সাহিত্যে আমরা এ সত্যের সহজ প্রকাশ গ্রহণ করতে পারি নি কিন্তু রাজ সমাজে তা বলে তো সে-সত্য মুখ লুকিয়ে অন্ধকার গুহায় আত্মগোপন করে থাকবে না। মাহুঘের দেহ কোষে কোষে এই প্রবৃত্তি রিপু হয়ে উঠতে চাচ্ছে এবং উঠতে। আশ্চর্য—১৯৪৭ সাল পর্যন্ত এ দেশ—যেন আর একরকম ছিল। তার আগে এ প্রবৃত্তি ছিল, ছিল না কে বলবে?

অকস্মাৎ একটা িদারূপ অস্থিরতায় অস্থির হয়ে উঠল।

১৯৪৭ সালের ১৩ই আগস্ট—স্বাধীনতা লাভের ঘণ্টাখানেক আগে সে নিজে ভেঙে হয়েছিল। সেই রাতে তার বাবা মারা গিয়েছিলেন।

তার মনে হয়েছিল—অভিশপ্ত হয়েছে সে। ওই পাপে। ভারতে ভাবতে সে যেন ভেঙে পড়েছিল। যে-সত্যকে সে সত্য বলে মেনেছে তারও উপর ভর দিয়ে সোজা হয়ে আর দাঁড়িয়ে থাকতে পারে নি।

মনে পড়েছে—অস্থির হয়ে উঠে বসেছিল সে। চীৎকার করে বলতে চেয়েছিল—সীতা! জীবনের এই দেওয়া-নেওয়ারকে কি একান্ত সহজ সরল করে নেওয়া যায় না? সীতা!

পারে নি। গলা দিয়ে কোন আওয়াজ বের হয় নি তার। একটা দীর্ঘনিশ্বাস কেলে সে আবার ঘুরে গিয়েছিল। আবার সেই প্রশ্ন মনে জেগেছিল। কেন এমন হল। একা তো সে-ই শুধু নয়—সারা দেশেরই এই একই অবস্থা। নিজের জীবন দেশের মাহুঘের জীবন বিচিত্র ভাবে একটা আশ্চর্য উগ্র চেহারা নিয়েছে। প্রাচীন সব কিছুই যেন অসহ্য মনে হচ্ছে। বৃকে যেন অকস্মাৎ কোন প্রমত্ত আগ্নেয়-গিরি জীবন্ত হয়ে উঠে অগ্ন্যুৎসার করছে।

রাজনৈতিক দলের নেতারা এই উগ্র মনোভাবের সুযোগ নিয়ে তাতে শুধু দাহপদার্থ নিক্ষেপ করছেন।

নানান দলের নীতি নানান ধরণের।

শুধু এ দেশই বা কেন? সারা বিশ্বের সকল দেশের অবস্থাই তো তাই। জলছে; মাহুঘেরা যেন জলছে। দেহের ক্ষুধার পেটের ক্ষুধার মনের ক্ষুধার—জলছে!

এ হয়তো এই কালেরই আশুন। এই যে কাল—১৯০১ থেকে এই ১৯৬৯ সাল পর্যন্ত এই কালে যেন কালেরই বুকখানাকে বিদীর্ণ করে তার ভিতরে সঞ্চিত বহু বহু কালের আশুন কেটে বেরিয়ে—এতকালের সব কিছু জালিয়ে দিচ্ছে। এরই মধ্যে সে এবং সীতা—

থাক, সীতার কথা।

আজ পাঁচ বছর পর এই মর্মচ্ছেদী সংবাদ পাওয়ার পর এই মুহূর্তে মনে পড়ছে সীতার কথা চাপা দেবার জন্তই সে ভেঙেছিল হরিকে।

হরি তার বাহন। বন্ধুরা বলে বাহন। সে তার সব। চাকর পাঁচক বন্ধু কর্ণধার—তার বাসার সব ব্যবহার সব আয়োজনের কর্মী কর্তা ছুই।

হরি এসে মাথাটি হেঁট করে দাঁড়িয়েছিল। এবং সেটা তার চোখে পড়েছিল। পড়ার কথাই যে। সীতা এ বাসার আগন্তুক নয়—সে এ বাড়ির প্রতিটি কোণ চেনে—এবং সবখানে তার পারের ছাপ একে বেধেছে আজ ছ'বছর ধরে; হয়তো এ ঘরের দরজাগুলি তার সম্মুখে খুলে যাবার জন্ত প্রতীক্ষাই করছিল কিন্তু তবু কাল যা ঘটে গেছে তাকে যেন স্বীকার করে নিতে পারছে না। আবার নীরবে একে হতমণ্ড করতে পারছে না। হরি সেই অবস্থিকে প্রকাশ করেছে ওই ভঙ্গিতে দাঁড়িয়ে। অল্প দিন হরি ঘরে ঢুকেই প্রগল্ভ হয়ে ওঠে; সে স্বভাবে প্রগল্ভ—কথা কম বড় বেশী। ঘরে ঢুকেই আরম্ভ করে—কি খাবে আজিকে? মাছখ আনিবো না মানসখ আনিবো? কালখ রাতিকে রঞ্জনবাবু ফোনখ করিছিলো। আর ফোনখ করিছিলো শিবখবাবু। আমি তাকে বারখখ করিছি আসিতে। আজও ইলিকটরিকর টাকা দিতি হইব। জমাদারনী রানীয়া আজ পাঁচ দিনখ কাম করিছে না। বলিলে ঝগড়া করিছে।

এমন অজস্র কথা। সংবাদ—প্রশ্ন—উত্তর। সে হাটবাজার চাল ডালের বাজারদর থেকে রাজনীতির বড় বড় কথা পর্যন্ত। সেই হরি পর্যন্ত বাক্যহারী হয়ে দাঁড়িয়ে ছিল সেদিন।

বোধ করি পূর্ণ এক মিনিট একটা বাক্যহারী নীরবতা শ্বাসরোধী গভীরতার গভীর হয়ে উঠেছিল। তাতে হাঁপিয়ে উঠেছিল অশ্রুমান এবং জোর করেই গত রাত্রির সমস্ত স্মৃতি এবং তা নিয়ে ভ্রায়-অভ্রায় বিচারের সমস্ত বিতর্ককে সরিয়ে দিয়ে বলেছিল—চা আন।

হরি বলেছিল—জল চাপালাম এখন। মাটির দিকে তাকিয়ে কথা বলছিল হরি।

বিস্মিত অশ্রুমান বলেছিল—সীতার জন্তে চা করলি আমার জন্তে করলিনে কেন?

—উ তো চা খেলে না।

—খেলে না? সীতা চা খায় নি? অশ্রুমান প্রায় চমকে উঠেছিল। সীতা চা পর্যন্ত স্পর্শ করে নি?

—না। আমি তো এই উঠলাম। এখন তো অনেক সন্ধ্যা আছে। ছটা বাজে নি। দিদিমনি আমাকে ডেকে দিয়ে চলে গেল।

চটে উঠেছিল অশ্রুমান।—সীতা চা না খেয়ে চলে গেল?

—কি করব? সাড়ে পাঁচটার সময় ডেকে দিয়ে চলে গেল। বললে—দুয়ার বন্ধ কর হরি। আমি চললাম। আমি বললাম—চা খাবে না? সে কিছু বলিল না, চলে গেল।

অশ্রুমান সবিস্ময়ে বলেছিল—চা খেয়েও গেল না সীতা।

কথাটার অর্থ সঠিক বুঝতে পারে নি হরি। বলেছিল—ই ঘর থেকে গেল। তোমাকে বলি গেল। আমি কি বলিব ?

এরপর আর কথা খুঁজে পায় নি অংশুমান। যে কথাই বলতে চেয়েছিল বা বলবে ভেবেছিল সেই কথাই আটকে গিয়েছিল জিতে; হয়তো বা তার নিজেরই একটা সম্ভা তার গলা টিপে ধরছিল।

‘এ ঘর থেকে গেল—তোমাকে বলে গেল’,—এ কথা’র পর কোন কথা বলবে সে ? হরির কাছেও একটা সংকোচের মত কিছু অনুভব করছিল। সেই সংকোচেই সে তাকিয়েছিল সীতার মাথার বালিশটার দিকে। তখন ঘরে আলো হয়েছিল। বাইরে রোদ ফুটি-ফুটি করছে। পরিস্ফুট আলোর চোখে পড়েছিল সীতার মাথার চাপের চিহ্নের উপর দুগাছি লম্বা চুল লেগে রয়েছে। একসময় সীতার চুল ছিল খাটো চুল এবং সে চুল ছিল শ্রাম্পু করা। সীতা পালটাচ্ছিল—চুলগুলি পিঠ ছাড়িয়ে লম্বা হয়েছিল। এবং এই লম্বা চুল দুগাছি থেকে ক্যান্সারআইডিন-সুরভিত একটি মুহূ গন্ধ আসছিল। বালিশটা সে উলটে দিয়েছিল।

সীতা ছিল তার বান্ধবী। তখন বান্ধবী থেকে প্রিয়বান্ধবীতে পরিণত হয়েছিল। একটি পরিচ্ছন্ন প্রথম সম্পর্ক ক্রমশঃ হৃত হয়ে উঠছিল।

হৃদয়তম হয়ে ওঠার কথাই।

কিন্তু—। কিন্তু বা হল তাতে যেন প্রশ্ন থেকে গিয়েছিল। সীতা প্রশ্নই করে গিয়েছিল—এটা কি হল বল তো ?

প্রশ্নটার মধ্যে এমন একটা কঠিন নালিশ ছিল এবং সেই কঠিন নালিশ দায়ের করার কর্তৃত্বের এমন সন্ধান একটা বেদনা ছিল যে, উত্তরে রুদ্ধস্বরে ইংরিজীতে ‘ডোন্ট বি সেন্টিমেন্টাল’ বলে চোখ বন্ধ করা ছাড়া আর কোন পথ ছিল না।

আকস্মিক দুর্ঘটনার মত—। না। তা কেন হবে ? আকস্মিক দুর্ঘটনা কেন হবে ? এইই তো ছিল নির্ধারিত পরিণতি। তার দাবি ছিল চিরন্তন দাবি। একটি যুবক এবং যুবতী—বন্ধু এবং বান্ধবী। পদক্ষেপে পদক্ষেপে প্রিয়বান্ধব প্রিয়বান্ধবী, নাই পৌছল সপ্তপদীতে। আত্মকের কালে পৃথিবীর সমস্ত প্রাচীন প্রথার মত এই সপ্তপদীও যেন বড় পুরাণো বড় জীর্ণ—বড় কষ্টদায়ক হয়ে উঠেছে। এ দেশের মত দেশেও যে উপলব্ধিই বল—আর দাবিই বল তার জোরেই কোডবিল পাশ হয়ে গেছে। বিজ্ঞানাগর বিধবা বিবাহ প্রবর্তন করতে পারেন নি। আজ বিবাহ বন্ধন অসহনীর হলেই বিচ্ছেদ পর্যন্ত গ্রাহ্য হয়েছে। তারও থেকে নুতন সম্পর্কে তারা পৌছাবে ঠিক করেছিল। কিন্তু হল না।

কাল সন্ধ্যার পর দুজনেই দুজনের প্রতি তিস্ত হয়ে পরস্পরের কাছ থেকে সরে যেতেই উদ্ভত হয়েছিল। সীতা চলে যাচ্ছিল। হঠাৎ ক্ষিপ্তের মত অংশুমান তাকে বলেছিল—না। এবং সারারাত্রি তাকে আটকে রেখেছিল।

সীতা বারকয়েক প্রতিবাদ করে হঠাৎ একসময় বিচিত্র হেসে আত্মসমর্পণ করেছিল। সে বিচিত্র হাসি এবং তার সে আত্মসমর্পণ প্রসন্ন কি অপ্রসন্ন, মর্যাদাসিক বেদনার্ত এ কথা সে বিচার করে নি। বুঝতে চায় নি। বুঝবার মত ইচ্ছা বা মনও তার ছিল না। সে পুরুষ। এ

যুগের পুরুষ সে। তাদের প্রতিনিধি। বিশ শতাব্দীর শেষার্ধের নবযৌবন; সে-যুগে ধর্মশাস্ত্র নীতিশাস্ত্র কালি কালি করে চিরে দেখা হয়েছে। এ যুগ অরণ্য যুগের মত বর্ষর নয় কিন্তু সকল অন্ধবিখ্যাসের বজা ছেঁড়া কালো ষোড়ার মত বিদ্রোহী। হয়তো খানিকটা ক্যাপাও বটে। সে ভাগ থেকে ভোগকে ভালবাসে। জন্মের পরিণাম যত্ন এ কথা সে অস্বীকার করে না তবে এইটে সে জেনেছে এবং এইটেকেই সে ধরেছে যে, জীবনের ধর্ম হল বাঁচা। এবং সে বাঁচার উদ্দেশ্য হল অক্ষুরন্ত ষড়ৈর্ধর্মময়ী পৃথিবীকে মম্বন করে তোলা উপাদানে গঠিত এই ষোড়শ-ঐর্ধর্মময় দেহময় জগৎকে আশ্বাদন করা। এই জীবন্যয় সৃষ্টিকে বাড়িয়ে তোলা।

কথাগুলো আজ এই নিষ্ঠুর দিনে নিষ্ঠুরতম মুহূর্তে মনে পড়ল তার। মনে হল। আজ সেদিনের সেই ঘটনাগুলো মনে করতে গিয়ে যেন নিজেই স্বতঃপ্রবৃত্ত হয়ে নিজের কাছে কৈকিরং দিচ্ছে।

কেন? কেন?

একটা গভীর দীর্ঘনিশ্বাস ফেললে অংশুমান। কিছুক্ষণ জানালা দিয়ে তাকিয়ে রইল বাইরের দিকে। তারপর আবার সে তার ছেঁড়া হুতো জোড়া দিয়ে টানতে লাগল।

হ্যাঁ।

সীতা নীরবেই আত্মসমর্পণ করেছিল। এবং সে আত্মসমর্পণের মধ্যে কোন কুণ্ড বা কোন কার্পণ্য ছিল না। শুধু নীরব হয়ে ছিল। সে নীরবতার অর্থ সে বুঝেছিল। কিন্তু বুঝেও জীবনাবেগকে সে সংহত করতে পারে নি। সীতাও এ যুগের মেয়ে। সে তার থেকেও অবিখ্যাসী এবং তার থেকেও উগ্র বিদ্রোহাত্মক আবহাওয়ার মধ্যে মাল্লব। একসময় সীতার হুতো আঙুলে সিগারেট খাওয়ার জন্ত গাঢ় নিকোটিনের দাগের ছোপ ধরেছিল। তার অতীত সম্পর্কে খোঁজ সে করে নি, কিন্তু সে অতীতের রঙ শ্রাদ্ধবাসরের শ্বেতপদ্মের মত সাদা নয় বা গন্ধে অশুকমেশানো ধূপকাঠির গন্ধের মত যুহু নয়।

তবু যেন একটা অশ্রুতি বৃক্কের ভিতর অশান্ত সাপের মত ঘুরপাক খাচ্ছে।

সেদিন, অর্থাৎ পাঁচ বছর আগে সেদিনও মন এমনি একটা অশ্রুতিতে পীড়িত হয়েছিল। এবং হঠাৎ না—না: বলে চীৎকার করে উঠেছিল। বিছানার উপর নড়েচড়ে বসতে হয়েছিল অশ্রুতিতে। সীতার তাকে অদেয় কিছু ছিল না—জীবনের সব কিছু দেওয়া-নেওয়ার অকথিত প্রতিশ্রুতি আপনা-আপনি তাদের বন্ধুত্বের অলিখিত দলিলের একটা শর্তই ছিল এ কেউই অস্বীকার করতে পারত না—সেদিনও পারে নি; আজ এই ১৯৬৭ সালেও পারে না। তবু সীতার সেদিনের নীরব আত্মসমর্পণের মধ্যে অত্যন্ত বিবল বেদনার্ত একটা কিছু ছিল, যার জন্ত এত বড় দেওয়া-নেওয়াটাকে একতরফার থেকে বেশী কিছু বলা যার না; তার তরফ থেকেই শুধু নেওয়াই হয়েছিল; সীতা দ্রুতগর্ভস্থ হয়েই চলে গেছে।

আজকের মতই সে দিনও ওই জানালা দিয়ে বাইরের দিকে তাকিয়ে মনটাকে বাইরের ছড়ানো আকাশের মধ্যে ছড়িয়ে দিতে চেষ্টা করত। রাত্রিটাকে ভুলতে চেষ্টা করত। আকাশে একটা গুরু-গুরু শব্দ উঠেছিল মনে পড়ছে। জেট তো নয়ই, তাইকাউন্টও নয়—অপেক্ষাকৃত যন্ত্রণাময়ী কোন প্লেন। আকাশে মেঘ ছিল না। আকাশ ছিল রোদকলমল।

সকালের সোনালী রোজ উঠেছে ; বড় বড় বাড়ির ছাদের আলসেতে এবং কয়েকটা অনেক উঁচু বাড়ির সর্বোচ্চ বেন মাথানো হয়ে গেছে তখন ।

রাজির স্বৃতিকে ভুলবার জন্ত মনকে সে বাড়ি খুঁজতে বা চিনতে নিয়োগ করেছিল । না, আত্মহত্যার জন্ত নয়, এমনি মনকে একটা কার্যাস্তর দেবার জন্ত । তেরতলা নিউ সেক্রেটারিয়েট কোন্টা ? সেইটে খুঁজতে চেষ্টা করেছিল ।

বিচিত্র কলকাতা ! কত স্টাইল—কত ফ্যাশন—কত ইজম—কত লড়াই—কত ভোগ ! হঠাৎ সে অত্যন্ত উৎসাহিত হয়ে উঠে বালিশের ডলা থেকে সিগারেট বের করে ধরিয়ে একরাশ ধোঁরা ছেড়ে উল্লাসের হুঁ দিয়ে উড়িয়ে দিয়েছিল । কিছুই সে মানবে না ।

বাড়ির সামনে কঞ্চুড়ার গাছ পুঁতেছে কর্পোরেশন । বেশ বড় হয়ে উঠেছিল তখন । তার দোতলার বরের জানালার সমানই উঁচু সে সমর । মনে পড়ছে তার মাথার কতকগুলো ডোভাবুলবুলি পাখী বগড়া লাগিয়েছিল । একটা ডাকছিল—সেই ডাক শুনে আর একটা উড়ে গিয়ে তার পাশে বসছিল—সঙ্গে সঙ্গে আগেরটা উড়ে যাচ্ছিল । এদিকে আরও দু'তিনটে এসে দ্বিতীয়টার সঙ্গে বগড়া বাধিয়ে বসে লক্ষ্যাকাণ্ড বাধিয়ে তুলছিল । লক্ষ্যাকাণ্ডের তুলনাটাই মনে পড়েছিল সেদিন এটা মনে আছে ।

এই সময়ে হাতের আঙুলে আগুনের ছেঁকা লেগেছিল । আঙুলে ধরা সিগারেটটা পুড়ে ছোট হয়ে এসে আঙুলে আগুনের ছেঁকা দিয়েছিল । বিরক্তিতে সেটাকে ছুঁড়ে কেলে দিয়ে হরিকে ডেকেছিল—হরি ! চুরোট আন ।

কড়া শ্বোকের ভূমি অমুভব করেছিল সে ।

মনের কোন অস্বস্তিহীন অতল থেকে একটা অত্যন্ত অশান্তিকর অস্বস্তি বাষ্পের মত উঠে তাকে যেন অস্বস্তি করে তুলতে চাচ্ছিল ।

তার নাটকের পাণ্ডুলিপিখানা খুলে পড়বার চেষ্টা করেছিল, কিন্তু একটা ছত্রও প'ড়ে উঠতে পারে নি । নিজের লেখা অত্যন্ত বিবাদ মনে হইছিল । পাণ্ডুলিপিখানা ছুঁড়ে কেলে দিয়েছিল সে ।

*

*

*

স্পষ্ট মনে পড়ছে সেদিন ভোরবেলায় অদৃশ্য কেউ যেন তাকে নিষ্ঠুর এবং কঠিন ভাবে ভিন্নকার করেছিল । তাকে সেদিন হীনতম পাপ কর্মের জন্ত দায়ী করেছিল এবং বলেছিল—এ পাপের ভোমার মার্জনা নেই ; বৈপারন নাটকের নাট্যকার, তুমি পরাশরও নও—তুমি বৈপারনও নও । তুমি কবি নাট্যকার অভিনেতা যাই হও মাহুদ হিসাবে তুমি নিন্দাভাজন হলে । এবং এই মুহূর্তে তুমি সাধারণ মাহুদ থেকেও অনেক নিচে নেমে গেলে ।

মনে পড়েছিল মায়ের মুখ । মনে হয়েছিল এ ভিন্নকার তিনি করলেন । বাবাকে মনে পড়েছিল । বাবার প্রতি খুব বড় শ্রদ্ধা না হোক, খুব গাঢ় গভীর ভালবাসা তার ছিল ; তিনি বঁচে নেই ;—তার মুখ মনে পড়েছিল, সে মুখ বড় বিবর্ণ বড় ক্লম । আরও অনেক মুখ মনে পড়েছিল । আমি বিবেকানন্দ রবীন্দ্রনাথ স্মৃতিচক্র পর্বন্ত অনেকের কথাই তার মনে হয়েছিল । পরের পর তাঁরা যেন মনের সামনে দেখা দিয়ে চলে গিয়েছিলেন । আর সে

একটা নির্দারুণ মানসিক যন্ত্রণায় অস্থির হয়ে মাথা হেঁট করে দাঁড়িয়েছিল। সে বলতে চেয়েছিল তোমরা যা বলে গেছ, তোমরা যা ক'রে গেছ, এতকাল যা মেনেছ, মেনে ধর হয়েছ সে সবই আজ এমন ভাবে মূল্যহীন হয়ে গেল কেন? আমি তোমাদের আজ ব্যর্থ নমস্কারেই ফিরিয়ে দিচ্ছি।

ধীরে ধীরে আবার তার মনের স্থিরতা ফিরে এসেছিল। মনের স্থিরতা সেই চিরকালের স্থিরতা নয় এ কালের স্থিরতা।

ষষ্ঠীর মহাযুদ্ধের পরবর্তী কালের স্থিরতা।

নাগিনীদের বিষাক্ত নিশ্বাসের মধ্যের স্থিরতা। বিষজর্জর স্বাভাবিকতা। শান্তির ললিতবাণী আজ উপহাস মনে হবে।

*

*

*

তবুও সারাটা দিন সেদিন অশান্তি এবং অস্থিতিতে কেটেছিল। সারাদিনে সে বেশব কাজের প্রোগ্রাম করে রেখেছিল সব থক করে দিয়েছিল।

তার নাটকের রিহারসাল হবার কথা ছিল। নাটকের নতুন নায়িকা স্নমিতাকে নিয়ে রঞ্জন এসেছিল এনগেজমেন্ট মত; তাকে তার পাটটা বুঝিয়ে একটা রিডিং দেবার কথা ছিল; কিন্তু তাদেরও সে ফিরিয়ে দিয়েছিল। বলেছিল—‘শরীর ভাল নেই।’

তারপরই সে মিথ্যা কথাটিকে সংশোধন করে নিয়ে বলেছিল—না, শরীর আমার ঠিক খারাপ নয় রঞ্জন। মনের অবস্থা আজ আমার সুস্থ নয়। আর মনে হচ্ছে নাটকখানা আর একবার ভাল ক'রে আমাদের নিজেকে পড়তে হবে। পড়া উচিত আমার।

রঞ্জন বলেছিল—নাটক তোমার খুব ভাল হয়েছে অংগুদা। খুব ভাল, খুব জম্যাট। তা ছাড়া কনজারভেটিব আর রিএকশানারিদের কাছে হবে বম শেল। ফ্র্যাট হয়ে যাবে সব। দেখো তুমি।

অংগুদান ভাতে মানসিক শান্তি ফিরে পায় নি। মনের মধ্যে যে নিষ্ঠুর দ্বন্দ্ব চলছিল এবং তার কলে ভালো মন্দ সমস্ত কিছু যে একটা ধূম্রাচ্ছন্নতার আড়ালে হারিয়ে গিয়েছিল তারও কোন স্মরাহা হয় নি। সান্তনার চেয়ে বিরক্তি বা যন্ত্রণাকেই রঞ্জন বাড়িয়ে তুলেছিল। অংগুদান বলেছিল—Please—তোমাকে মিনতি করছি আমি। তোমরা এখন যাও।

রঞ্জন তবু কান্ড হয় নি। সে বলেছিল—কিন্তু হাতে যে দিন আর নেই।

—না থাকে, তোমরা অস্ত্র বই ধর। এ নাটক এখন থাক।

স্নমিতা মেয়েটি বলেছিল—তা হ'লে কিন্তু আমার কথাও আমি ফিরিয়ে নিন। আমি এই বই শুনেই ওই সত্যবতীর পাট করবার কথা দিয়েছি।

অংগুদান সামনের ঘর থেকে শোবার ঘরের দিকে পা বাড়িয়ে বলেছিল—আমার বিজ্ঞানের প্রয়োজন রঞ্জন। আমি বাচ্ছি। পরে তুমি আমাকে কোন ক'রে এসো। স্নমিতা কিছু মনে করো না তুমি।

ঘরের মধ্যে ঢুকে গিয়েছিল সে।

সমস্ত অন্তর কতবিস্তৃত হয়ে গিয়েছিল। না পেরেছিল কোন একটা সত্যে পৌছতে—বে সত্যকে আঁকড়ে ধরে ভেঙে পড়ার সমস্ত আবেগকে অনার্যাসে সামলাতে পারে—আবার ভেঙে পড়ে একেবারে ধুলোর উপর লুটিয়ে পড়ে হার মানতেও সে পারে নি।

“না। সত্য নয়। সত্য, ধর্ম, জ্ঞান, নীতি এ সব অর্থহীন একটা কিছু। আজকে যেটা সত্য কাল সেটা মিথ্যা হয়ে যায়। আজকের ধর্ম কাল জীর্ণ হয়ে যায়, সব থেকে বড় অজ্ঞান বা পাণ হয়ে দাঁড়ায়।”

“যা সকলে মিলে চীৎকার করে বলে—তাই সত্য হয়ে দাঁড়ায়।”

এত করে এই সব বাচ্চা বাচ্চা যুক্তি-তর্কগুলো মনে মনে চীৎকার ক’রে বলেও কিন্তু মনের অবস্থি সে দূর করতে পারে নি।

বার বার মনে মনে বললে—সীতা যাবার সময় সিঁথিতে সিঁড়রের বদলে লাল কালির দাগ নিজে হাতে আঁকে নিয়ে চলে গেল। স্বাভাবিক ভাবে গেল না, একটু থিয়েটার ক’রে গেল। কিন্তু তাতেও কোন জোর পেল না।

অবশেষে—সে অনেকটা ধড়মড় করে এক সময়ে উঠে বাসা থেকে বেরিয়ে গিয়েছিল; যাবার সময় হরিকে হেঁকে বলেছিল—আমি বেরুচ্ছি। ফিরতে দেখি হবে।

বলে আর দাঁড়ায় নি। পিছন ফিরে তাকায় নি পাছে হরি তাকে কোন প্রশ্ন করে।

প্রায় সারাটা দিন সে ঘুরেছিল। পথে পথে ঘোরার মত ঘোরা হলেও ঘুরে ফিরে সীতাকেই সে খুঁজে বেড়িয়েছিল।

যে হোমে সে কাজ করত, থাকত, সেখানে গিয়ে শুনেছিল—সেখান থেকে সে চলে গেছে; একেবারেই চলে গেছে। বলে গেছে—সে আর ফিরবে না। বলে গেছে—একজন ঝি শ্রেণীর মেয়েকে। বলে গেছে—বড়মিকে বলো—আমি চলে যাচ্ছি—আর ফিরব না। বলো—হঠাৎ আমার বিয়ের ঠিক হয়ে গেছে।

তা হ’লে ?

তা হ’লে কোথায় গেল সীতা ? সীতার সন্ধান করতে গিয়ে শেষ পর্যন্ত সীতার তাইদের বাসাতে গিয়েছিল। তাইদের বাগার সীতার যাওয়ার কথা নয়; ভাই দুজন তার উপর নিষ্ঠুর ভাবে বিরূপ। সীতার জন্ম তারা তাদের পৈতৃক বাড়ী বেচতে বাধ্য হয়েছে। তাদের আরও বেশী বিরক্ত। তবুও ওদের বাড়ী গিয়েও খোঁজ করেছিল, কয়েকটা অপরিচয় কথা শুনেছিল। তাতেও সে স্তব্ধ হয় নি। বাড়ীর সামনে দীর্ঘক্ষণ অপেক্ষা করে বাড়ী ফিরে এসেছিল।

কিছুর জন্ম বেন সীতাকে তার প্রয়োজন ছিল। একটা বোঝাপড়া, যেটা শেষ না হ’তেই সীতা চলে এসেছে। বোধ হয় তার জন্ম। তাদের মধ্যে একটা সম্পর্ক ছিল—সেটা ভাঙলে কে ?

*

*

*

টুকরো টুকরো অজস্র অসংখ্য কথা মনে পড়েছিল। একটা দুটো নয়। অনেক কথা,

অ—নেক—কথা। এগুলোকে তুলতে চেষ্টা করেও তুলতে পারে নি। অবশেষে সেদিন বাতী ফিরে এসে—সীতার কথা মনে করতে করতে—একখানা বাঁধানো স্বদেশ পত্রিকা টেনে বের করে টেনে নিয়েছিল বইয়ের সেলুক থেকে।

সামনে মেলে ধরতেই—বাঁধানো পত্রিকাখানার ইংরিজী উনিশশো বাট, বাংলা তেরশো সাতষট্টি, আশ্বিনের তৃতীয় সপ্তাহের সংখ্যাটির একটি পাতা আপনি বেরিয়ে পড়েছিল—এর পূর্বে বছবার এই পাতাটা খোলা হয়েছিল এবং সে পৃষ্ঠার প্রকাশিত ছিল তারই লেখা একটি প্রবন্ধ।

“সীতার পরীক্ষা।”

এই প্রবন্ধটির পুত্র ধরেই সীতার সঙ্গে তার পরিচয়।

রামায়ণের অরণ্যকাণ্ডের ঘটনা সীতা হরণ।

রাবণ দেবতা রাক্ষস বক্ষ ক্রিয়র অশ্রু দৈত্যদের ভয় করতো না। ভয় করতো মানুষকে। হৃদয়বাহর অপমানের শোধ নিতে সে সীতাকে অপহরণ করার সংকল্প করেছিল। রামের সঙ্গে সম্মুখযুদ্ধে তাকে বধ করে সীতাকে বলপূর্বক গ্রহণ করতে তার সাহস হয় নি। নয় এবং বানরের হাতেই তার বিপদ সে তা জানত। তাই কৌশলে চোরের মত সীতাকে হরণ করতে মারীচকে স্বর্ণমৃগ রূপ ধারণ করিয়ে সীতার মনকে প্রলুব্ধ করেছিল। এ মায়াজাল অব্যর্থ। পরম সোহাগের সোহাগিনী যুবতী নারীর সম্মুখে জীবন্ত স্বর্ণমৃগ। মুগ্ধা সীতা তার রূপধোবনের ঘোহমুগ্ধ রামচন্দ্রকে বললেন—তুমি ধরে দাও, আমাকে সোনার হরিণ ধরে দাও।

রামচন্দ্র হরিণের পিছনে ছুটলেন। মারীচ রামচন্দ্রের বাণবিক্রম হতে মরবার সময় অবিকল রামচন্দ্রের কর্ণধর নকল ক’রে লক্ষ্মণকে ডাকলেন—আর্তভাবে। সীতা ব্যাকুল হয়ে লক্ষ্মণকে পাঠালেন রামচন্দ্রের সাহায্যে। রাবণ উপস্থিতিতে আবির্ভূত হল—সীতার কুটীর-দ্বারে। এবং লক্ষ্মণের গতি থেকে ছলনা করে বাইরে এনে বলপূর্বক তাকে অপহরণ করে পুস্পক রথে তুলে বায়ুপথে চললো লঙ্কার পথে।

পথে বিহ্বল-শ্রোষ্ঠ জটায়ুর সম্মুখে পড়ল রাবণ। জটায়ু তাকে বাধা দিল। চূর্ণ করে দিল রাবণের রথ। অগত্যা রাবণ রথ থেকে নেমে—সীতাকে সেই বনে রেখে—জটায়ুর সঙ্গে যুদ্ধে প্রবৃত্ত হল। তারপর জটায়ুকে বধ ক’রে সীতাকে তার চুলের মূঠোর ধ’রে ঝুলিয়ে নিয়ে তার রাক্ষসী মারা-শক্তিতে আকাশপথে লঙ্কার দিকে চলে গেল।

এ ঘটনা সর্বজনবিদিত। কয়েক হাজার বৎসরই এই ঘটনা এইভাবেই মানুষ মনে নিয়ে এসেছে। কিন্তু কিছুকাল পূর্বে নতুন কালের বিশেষ কোন রাজনৈতিক মতবাদ-উপাসক এক বিদ্বান অধ্যাপক লিখলেন, “রাবণ এইখানে এই বনের মধ্যে জটায়ুকে বধ করার পর সীতাকে দেহগত ভাবে ধর্ষণ করেছিলেন। তিনি এখানে ধর্ম্মিতার সীতার সাহস প্রয়োগ করেছেন। এবং আশ্চর্য প্রগতিশীলতা ও সাহসের পরিচয় দিয়েছেন। রাবণকে চরম অভ্যাতারী এবং অপরাধী হিসাবে অভিযুক্ত ক’রে পাঠকের মন্বারে দাঁড় করিয়ে অভ্যাতারী প্রতিপক্ষ ক’রে তাকে চরম দণ্ড দিয়েছেন। এবং সব থেকে আশ্চর্যের কথা এই যে—এদেশের

বহুকাজিত এবং প্রার্থিত—দেহগত সত্যত্বের সংস্কারকে লভন করতে এতটুকু দ্বিধা করেন নি। মহর্ষি বায়ীকি এইখানে মহাকবি এবং সর্বকালের প্রগতিশীল সংস্কারমুক্ত এক অমর স্রষ্টা।” অধ্যাপকটি প্রায় উচ্চ কণ্ঠেই বলেছিলেন, প্রগতিশীল মহাকবি বায়ীকি এইখানে আশ্চর্য কোশলে সীতার উপর রাবণের পাশব অত্যাচারের কথা বর্ণনা করেছেন।

সীতা যখন বনের মধ্যে হা-রাম! হা-রাম! বলে কাঁদছেন তখন রাবণ তাকে ধরবার জন্য অগ্রসর হল, সীতা ভয়ে পালাতে চাইলে এবং বনের গাছের আড়াল দিয়ে আত্মরক্ষা করবার চেষ্টা করলে; কিন্তু সে কতক্ষণ? রাবণ সীতার মুক্তবেণী কেশকলাপ ধরে তাকে আকর্ষণ করলে। এবং তাকে ধর্ষণ করে ওই চুলের মুঠোর ধরে আকাশপথে মায়া-বলে উঠে গেল। বায়ীকি লিখেছেন—এইভাবে ধর্ষিতা সীতাকে দেখে আকাশ কৃষ্ণবর্ণ হল, অরণ্যের বৃক্ষপল্লব নিশ্বাস রুদ্ধ করলে—বায়ুপ্রবাহ বন্ধ হল—সিদ্ধ ঋষিগণ হার হার করে সারা হল—ইত্যাদি।

দুটি শব্দ দিয়ে তৈরী একটি আশ্চর্য চিত্র।

“প্রধর্ষিতারায় বৈদেহ্যায়—”।

সুতরাং সীতাকে রাবণ ধর্ষণ করেছিলেন ওই বনমধ্যে।

অধ্যাপকটি বায়ীকির ভূয়সী প্রশংসা করে লিখেছিলেন, “আশ্চর্য! দেহগত শুচিতার শুচিবাই নেই—, তথাকথিত সত্যত্ব অসত্যত্বের কোন বদ্ধ সংস্কার নেই। বর্তমান কালেও ভারতবর্ষ এবং বাংলাদেশ যেখানে পৌছতে পারেনি সহস্র বৎসর পূর্বে এই প্রাচীন মহাকবি সেখানে অনার্যাসে উত্তরণ করেছিলেন।” এ ধরনের মন্তব্যে অংশুমান একালের মানুষ হয়েও কিছু চঞ্চল হয়েছিল। উদ্রলোক এ তথ্যকে রচনা করেছেন বলেই তার মনে হয়েছিল।

অংশুমানের সাহিত্যজীবনের তখন সবে আরম্ভ। ওই অধ্যাপকটি থেকে তার বয়স অনেক কম। এবং সে একজন প্রগতিশীল বলেই নিজেকে বিশ্বাস করে। হিসেব করলে অধ্যাপকের চেয়েও তার মতামত আরও অনেক বেশী প্রগতিশীল। রাজা রামমোহনের জন্ম ১৭৭৪ সালে—সতীদাহ সহমরণ প্রথা বন্ধ করে আইন পাশ হয়েছিল ১৮১২ সালে। বিত্তাসাগর বিধবা বিবাহ আইন পাশ করিয়েছিলেন ১৮৫৬ সালে। বক্তিমচন্দ্র তাঁকে মূর্খ বলেছিলেন; কৃষ্ণকান্তের উইলে বিধবা রোহিণীকে গোবিন্দলাল তাঁরই বিধানে গুলি করে মেরেছিল। তারপর সাহিত্যে বিনোদিনী সাবিজী কিরান্দারীরা এসে গোটা জাঁতেরই নেহ আকর্ষণ করেছে এবং তাদের মাথাখ চলে দিয়েছে হৃদয়ের সহায়ত্ব। তারপরও আছে। কল্লোল আমলে ‘বিবাহের চেয়ে বড়’ জীবনকে কামনা করেছে সাহিত্য, পাঁচিল-ঘেরা অন্ধর থেকে মুক্তিও কামনা করেছে যে সাহিত্য সেই সাহিত্যের দরবারের প্রতিনিধি এবং স্বাধীন ভারতবর্ষের হিন্দু কোডবিল পাশ হওয়া সমাজের সাহিত্যিক হয়ে এসেছিল যে অংশুমান, সে অংশুমান নামাবলী গারে দিয়ে এবং টিকি ঝুলিয়ে আসে নি; এসেছিল স্বীতিমত চিলেহাটা পাশবোভায় পাঞ্জাবি এবং ডিলে পাঞ্জামা পরে; মাথাখ তার বাবরী চুল ছিল না, মুখে লাড়িগোঁফ ছিল না; ইংরিজী ষাড়-কামানো ছাঁটেও সে চুলছাঁটা বিলিভী চঙ নিয়ে আসে নি, বড় বড় বিশৃঙ্খল চুলে বব ছেঁটে লাড়িগোঁফ কামিয়ে ভিতরে বাহিরে সোজার বোগ্যতার দাবী নিয়েই

এসেছিল। সে দেহগত তুচ্ছতা-অশুচিতার প্রক্ষেপে অধ্যাপকটির মন্তব্যে সর্বনাশ হয়ে গেল এমনভর ভাবনায় মুহমান হবার মাহুত নয়। ভবু তার কৌতুহল হয়েছিল। রামায়ণ মহাভারত সে পড়েছে। কৃত্তিবাস কাশীরাম শুধু নয়—আরও পড়েছে। সংস্কৃতও কিছু কিছু পড়েছে। কিন্তু এমন ধরণের ব্যাখ্যা হ'তে পারে বা এমন ঘটনাবিজ্ঞান বাস্তবিক করেছেন এ কথা সে কিছুতেই বিশ্বাস করতে পারে নি। তার প্রকৃষ্ট প্রমাণ সীতার অগ্নিপরীক্ষা। এমনই মন থেকে সে সংস্কৃত রামায়ণ আত্মস্থ বারকয়েক পড়ে দেখেছিল এবং একটি প্রবন্ধও লিখে ফেলেছিল। "সীতার পরীক্ষা।"

প্রথম পরীক্ষা ত্রেতাযুগে—লঙ্কার রণক্ষেত্রে। অগ্নিপরীক্ষা। দ্বিতীয় পরীক্ষা সেও ত্রেতাযুগে—হান অবোধার রাজসভা—। সীতার পাতাল প্রবেশ। বর্তমান তৃতীয় পরীক্ষা কলিযুগে। রামায়ণের প্রাচীন সাহিত্যভূমি খনন করতে গিয়ে পাওয়া গেছে—এক নরকঙ্কাল এবং তার সঙ্গে কিছু আধুনিক অঙ্ককথা প্রমাণ, যার বলে—সীতাকে আবার দাঁড় করানো হয়েছে লোকসমক্ষে। আধুনিক কালের বাস্তবিক নবভাষ্যকার—অরণ্যাকাণ্ডে একটি শ্লোক আবিষ্কার করেছেন।

এই শ্লোকের এই ধর্মিতারায় সীতারায় শব্দের অর্থ কি? অধ্যাপক বলেছেন, বলপূর্বক রাবণ এই যে দেহভোগ করেছে তাতে কোন অশুচিতা সীতাকে স্পর্শ করে নাই। এবং এটা নিতান্তই বাহু।

এত বড় একজন অধ্যাপকের প্রবন্ধের প্রতিবাদ করতে গিয়ে সে ভেবেছিল যে সে একটা চমকপ্রদ কিছু করেছে। এ কথা যেমন সত্য তেমনি সত্য—সে রামায়ণ ভুল ভুল করে প'ড়ে, বিশ্লেষণ ক'রে, বাস্তবিকের স্রষ্টা মনটিকে আবিষ্কার করতে চেয়েছিল। আরও একটি সত্য ছিল। আজ সে যে অংশমানই হয়ে থাকুক—ছেলেবেলার রামায়ণ পড়ে রাম সীতাকে বড় ভালবেসেছিল—এবং সীতা থেকে পবিত্রতম এবং সুন্দরতম নায়িকা চরিত্র আর ছিল না। তাই প্রাণপণ খেটে নিবন্ধটি লিখে বৈদেশ পত্রিকার প্রকাশ করেছিল এবং প্রচুর প্রশংসা এবং বহু অভিনন্দন প্রত্যাশা করেছিল। খেটেছিল সে অনেক। এবং বাস্তবিকের লেখার সত্যকে আবিষ্কারও করেছিল।

সীতাকে রাবণের মত বলশালী কামার্ত ব্যভিচারীর হাতে দিয়ে বাস্তবিকী এমন অপব্যাখ্যা-কারকদের কথা অথবা রক্তবাস্তবতার কথা ভাবেন নি, তা কখনওই নয়; নিশ্চয় ভেবেছেন এবং ঠিক যথাহানে এর জন্ত রক্ষাকবচের ব্যবস্থা করে সীতাকে লঙ্কার অশোক-বনে চেরীদের মধ্যেও সুরক্ষিত করে গেছেন। দেহগত ভাবে রাবণ তাকে বলপূর্বক ভোগ করলে—"কারেন মানসা বাচা" এই শব্দ তিনটির সমন্বয়ে এমন একটি বাক্যের সৃষ্টি হত না—যা শুনবা মাত্র মনে হবে এ বাক্য—সীতা ছাড়া আর কারুর নয়। এই বাক্যটি যেন তারতবর্ষের আবালবৃদ্ধ-বনিতার অনিষ্ট পরিচয়ে পরিচিত।

প্রায়শ তার মিথ্যা হয় নি। সে আবিষ্কার করেছিল—বাস্তবিক ওই "প্রথমিতারায় বৈবৈখ্য" শব্দ দুটি দিয়ে কেশবর্ষের অপমান অপমানিতা ও "কষ্টে ও লাজনার স্রষ্টা ও লাহিত্য সীতা"—এই কথাই বলতে চেয়েছিলেন। আরও আবিষ্কার করেছিল যে, মহর্ষি

বাস্তবিক তাঁর সারা রামায়ণের মধ্যে বলপূর্বক নারীদেহ-ভোগ বা বলাৎকার অর্থে ধর্ষণ করা বা ধ্বংসাত্মক কখনও ব্যবহার করেন নি।

এই তথ্য আবিষ্কার করে উল্লেখ্য অংশমান মনে মনে একটা আশ্চর্য উৎসাহ অনুভব করেছিল; তার অর্থ বোধ করি এই যে, এমন একজন বিজ্ঞ পণ্ডিত অধ্যাপকের তুল্য সে ধরেছে। আরও ছিল। মনে মনে সে প্রত্যাশা করেছিল যে, তার এ প্রবন্ধ পাঠকসমাজে আশ্চর্য আলোড়নের সৃষ্টি করবে। মনে পড়েছিল রবীন্দ্রনাথ ঘরে-বাইরে উপস্থানে—ভিলেন-চরিত্র সন্দীপের মুখ দিয়ে সীতা সম্পর্কে কয়েকটি মন্দ কথা বলানোর জন্ত কি পরিমাণ প্রতিবাদ ও ক্ষমতার সম্মুখীন হয়েছিলেন। সুতরাং বঙ্গদেশের এইসব সমাজপতিদের শাসিত সমাজ এই প্রতিবাদের জন্ত যে তাকে মাথাপিছু তুলে নেবে এতে তার সন্দেহ ছিল না। তবে সবটাই যে বাহবা পাবার লোভ এ কথাও সত্য নয়। একটি মিথ্যার প্রতিবাদের জন্তও সে এর প্রতিবাদ লেখার প্রবৃত্তি হয়েছিল এবং খুব পরিশ্রম করেই প্রতিবাদ-প্রবন্ধ রচনা করেছিল সে।

অধ্যাপকের একমাত্র নজীর ছিল একটি বিশেষণ একটি শব্দ। ‘ধর্ষিত’ শব্দ। বনপর্বের ওইখানটিতে আছে রাবণের রথ যখন ভেঙে পড়ল তখন রাবণ সীতাকে নিয়ে মাটিতে দাঁড়ালেন এবং তাঁকে বনমধ্যে ছেড়ে দিয়ে জটায়ুর সঙ্গে যুদ্ধে প্রবৃত্ত হলেন। জটায়ুকে বধ করে রাবণ যখন সীতাকে আবার ধরবার জন্ত অগ্রসর হলেন তখন সীতা বনের গাছের গুঁড়িকে জড়িয়ে ধরে হা-রাম হা-রাম বলে করুণ কণ্ঠে কঁদে উঠেছিলেন। রাবণ তখন তাঁর চুলের মুঠি জড়িয়ে ধরে মায়াবলে সোজা আকাশে উঠে গেলেন।

ক্লেশস্তীং রাম রামেতি রামেন রহিতাং বনে।

জীবিতাস্তায় কেশেষু জগ্রাহাস্তক সন্নিভ।

প্রধর্ষিতায়াং বৈদেহ্যাং বভূব সচরাচরম্।

জগৎ সর্বমর্থ্যাদং তমসাক্ষেন সংবৃতম্।

ঝুলানো সীতা ঝুলতে লাগলেন শূন্যলোকে। এইখানে সংস্কৃত রামায়ণের স্লোকে আছে এবিধ “প্রধর্ষিতায়াং বৈদেহ্যাং”—ধর্ষিত সীতাকে দেখে ত্রিভুবন হার হার করে কঁদে উঠল। এই ‘প্রধর্ষিত’ শব্দটিকে অবলম্বন করে এই অতি আধুনিক নাস্তিক পণ্ডিত ব্যক্তিটি বলতে চেয়েছিলেন ‘প্রধবত’ শব্দের অর্থ ‘বলাৎকার’। তাঁর নাস্তিক্য ভক্তের দিক থেকেই এই পণ্ডিত বাস্তবিককে বহু বাহবা দিয়ে তাকে অল্পগ্রহপূর্বক বলেছিলেন মহাকবি।

অংশমান তার প্রবন্ধে প্রমাণ করেছিল যে, ওই প্রধর্ষিত শব্দটির অর্থ বলাৎকার নয়। গোটা রামায়ণে বাস্তবিক বলপূর্বক নারীদেহ ভোগ অর্থে কোথাও ধর্ষিত বা ধর্ষণ শব্দ বা ধ্বংসাত্মক ব্যবহার করেন নি। সেখানে তিনি সর্বত্র ভূত্বাৎ ব্যবহার করেছেন এবং ‘বলাৎকৃত্বাৎ’ লিখেছেন। ধর্ষণ ধর্ষিত শব্দ ধ্বংসাত্মক সর্বত্র তিনি নির্বাক্তন এবং বিপর্যস্ত করা অর্থে ব্যবহার করেছেন। এ ছাড়াও আরও প্রমাণ সে রামায়ণ থেকে তুলে উপস্থাপিত করেছিল।

রাম বেদীন বানরগৈষ্ঠ নিয়ে সেতুবন্ধ তৈরি করে লঙ্কায় এসে উপস্থিত হচ্ছেন ত্রেইদিন রাবণ সভা ডেকে সভাসদদের কাছে প্রথম প্রকাশ করছেন যে, সীতা নারী একটি মানবীকে তিনি অপহরণ করে এনেছেন। সে এখনও তাঁর শয্যাভাগিনী হয় নি। তিনিও তাকে ভোগ

করেন নি। এবং পরামর্শ চেয়ে প্রাণ করেছেন—এই মানবীকে কি রামের কাছে প্রত্যাৰ্পন করতে বল ভোমরা ? এবং এই প্রসঙ্গেই রাবণ সভাসদদের বলেছেন যে, কিছুকাল পূর্বে কোন এক অঙ্গরালোকবাসিনীকে জোরপূর্বক আরন্তে এনে তার দেহ ভোগ করার জন্য লোকপিতামহ ব্রহ্মা তাঁকে অভিশাপ দিয়েছেন। বলেছেন নারীর অসম্মতি সত্ত্বেও বলপূর্বক তাকে ভোগ করলে রাবণের দশটি মাথা একশোখানা হয়ে কেটে যাবে। শতধা বিভাণ হবে।

এইখানে সে লক্ষ্মীকাণ্ড থেকে শ্লোক কয়েকটি উদ্ধৃত করে দিয়েছিল। রাবণের সভাসদ মহাবল মহাপাণ্ড রাবণকে বলেছিল—

“যঃ পঞ্চপি বনংপ্রাপ্য যুগব্যাল নিবেষিতম্ ।
ন শিবেন্দ্রধু সংপ্রাপ্য স নরো বালিশোভবেৎ ॥
ঈশ্বরশ্রেষ্ঠঃ কোহন্তি তব শক্রনির্বহণ—
রমস্ব সহ বৈদেহ্যা শক্রনাক্রম্য মূৰ্দ্ধন্থ ॥
বলাৎ কুত্বুট বৃন্তেন প্রবর্তস্ব মহাবলঃ
আক্রম্যাক্রম্য সীতাং বৈ তাং ভুঙ্ক্ষু চ রমস্ব চ ॥”

রাবণ উত্তরে বলেছিল—

“মহাপাণ্ড নিবোধস্ব রহস্যং কিঞ্চিদান্ননঃ ।
চিরবৃন্তং তদাখ্যাস্তে বদবাপ্তং পুরা ময়া ॥
পিতামহস্ত ভবনং গচ্ছন্তীঃ পুঞ্জিকঙ্কলাম ।
চক্ষুর্ধ্য মানাম দ্রাক্ষমাকাকেশেগ্নিশিখারিব ॥
স। প্রসহ ময়া কৃত্য কৃত্য বিবসনা ততঃ ।
স্বকৃত্তভবনং প্রাপ্তা লোলিতা নলিনী যথা ॥
তচ্চ তস্ত তথা মন্তে জ্ঞানমাসীন মহাত্মনঃ ।
অথ সত্বপিতো বেধা মামিদং বাক্যমব্রবীৎ ॥
অন্ত প্রভৃতি যামস্তাং বলান্নারীং গমিস্যসি ।
তদা তে শতধা মূৰ্দ্ধা কলিগতি ন সংশয়ঃ ॥”

‘রমস্ব’ ‘প্রবর্তস্ব’ ‘ভুঙ্ক্ষু’ ‘রমস্ব’ ‘কৃত্য’ শব্দগুলির নিচে দাগ দিয়ে চিহ্নিত করে দিয়েছিল সে। এবং একশত বার ‘প্রধষিত’ ও ‘ধষিত’ শব্দ ব্যবহারের দৃষ্টান্ত উদ্ধৃত করে দেখিয়েছিল যে সর্বত্রই তার অর্থ হ’ল—লাঞ্ছিত করা, বিপর্যস্ত করা। লক্ষ্মীপুরীতে আগুন দিয়ে পুড়িয়ে দেওয়ারকণ্ড ‘লক্ষ্মী ধষিত হ’ল’ বলেছেন রামায়ণের কবি। আবার বানর কটক মধুবন ভেঙে ওছনছ করেছে, সেখানেও “মধুবন ধষিত হল” এই কথাই বলেছেন মহর্ষি বায়ীকি। স্বর্গ জয় করেছে রাবণ ও রাক্ষসেরা, সেখানেও ধ্বংস খাতুর প্রয়োগ ; লক্ষ্মী দহন করেছে হস্তমান, সেখানেও তাই। হুং ধ্বংস ক্রম হয়ে বলছে—

অব্রবীত্তম সংক্রুদ্ধো হুং ধ্বংসো নাম রাক্ষসঃ
ইদং ন কখনীর হি লক্ৰেবাং ন প্রধর্ষণম ॥

অরং পরিভবো ভূয়ঃ পুরসান্তঃ পুরস্ত চ ।

শ্রীমতো রাক্ষসেন্দ্রস্ত বানরেন্দ্র প্রধর্ষণম ।

দৃষ্টান্ত অনেক দেখিয়ে সে লিখেছিল—“বলপূর্বক নারীদেহ ভোগ অর্থে ধ্বংস খাড়ুর ব্যবহার রামায়ণে কোথাও নেই ।

রচনাটি প্রকাশিতও হয়েছিল । অবশ্য সেই কাগজে নয় অন্য কাগজে । ‘সে কাগজ লেখাটি ছাপতে ইচ্ছুক ছিল না । তারা এ সম্পর্কে দু-তিনটি যুক্ত প্রতীবাদ ছেপেই আলোচনা বন্ধ করে দিয়েছিল ।

অংশুমান প্রত্যাশা করেছিল—এই অধ্যাপকের প্রবন্ধ নিয়ে দেশে প্রতিবাদের ঝড় উঠবে । কিন্তু আশ্চর্য ! তার কিছুই হয় নি । কোথাও কোন পণ্ডিত বা বিবেচক সাহিত্যিক এ সম্পর্কে একটি কথাও বলেন নি । যে দেশে তিরিশ-চল্লিশ বছর আগে ধরে বাইরে উপভাসের শিক্ষিত ভিলেনের মুখ নিয়ে সীতার চিত্রলোকের কথা নিয়ে কয়েকটা বিরূপ মন্তব্য করে—রবীন্দ্রনাথের মত বিরাট পুরুষ মহাকাবি ভয়ঙ্কর হয়েছিলেন—সেই দেশে এই তিরিশ-চল্লিশ বছরে এমন পরিবর্তন ঘটেছে যে এ নিয়ে কেউ একটুকু বিরক্তও হ’ল না ।

তার প্রবন্ধ প্রকাশিত হলে হয়তো কিছুটা আলোড়ন উঠবে, এ প্রত্যাশাও তার মিথ্যা হয়েছিল ।

সে তখন সাহিত্যক্ষেত্রে প্রতিষ্ঠাপ্রার্থী । তার প্রত্যাশা মিথ্যা হওয়ার সে শুধু আহতই হয় নি খানিকটা ক্রুদ্ধও হয়েছিল ।

কয়েকখানা চিঠি পেয়েছিল ।

তাও বেশীর ভাগ চিঠিতে প্রশ্ন ছিল—“আপনি অধ্যাপক মহাশয়ের স্মৃতিস্তম্ভ এই ব্যাখ্যায় এমন ক্রুদ্ধ হয়েছেন কেন ? কি এমন অযুক্তির কথা তিনি লিখেছেন ।

মনে পড়ছে তার সঙ্গে সাম্প্রতিক দাদার নোরাখালি অঞ্চলে যে সব মেয়েরা গুণ্ডাদের দ্বারা লাহিত হয়েছিল, তাদের লুণ্ঠে নিয়ে গিয়েছিল গুণ্ডারা তাদের কথা তুলে প্রশ্ন করেছিল—“এদের সম্পর্কে কেউ যদি বলে যে, দৈববল এমন ভাবে তাদের রক্ষা করেছে—যার জন্য এদের অঙ্গ স্পর্শ বা এদের ধর্ম নষ্ট কেউ করতে পারে নি—তা হলে সেটা বিশ্বাসযোগ্য হবে ?”

একখানা চিঠির জবাব দিয়ে সে লিখেছিল—আপনি আমাকে ভুল বুঝেছেন । আমার বক্তব্য এই অধ্যাপকটি ইচ্ছাপূর্বক ভুল ব্যাখ্যা করে বাঙ্গালিকর মানসবৃত্তার অঙ্গে কালি লেপন করেছেন । দেহগত শুদ্ধতার মূল্য আমার কাছে কতটা প্রশ্ন এখানে—তা নয়, প্রশ্ন বাঙ্গালিকি কি মূল্য দিতে চেয়েছেন তাই । মূল্য কষ্টিপাথরে সোনার দাগের মত সীতার দুটি পরীক্ষায় তাঁর শপথবাক্যের মধ্যে নির্ণীত হয়েছে । লঙ্কাকাণ্ডে অগ্নিপরীক্ষা এবং উত্তরাকাণ্ডে সীতার পাতাল-প্রবেশের সর্গে এগুলি পাবেন ।

কায়েন মনসা বাচা—যথা গতি চরাচরম্ ।

রাঘবঃ সর্কধর্মজ্ঞঃ তথাসাং পাতু নাবকঃ ॥

হল—

মনসা কর্ণণ বাচা যথা রামঃ সমস্তরে

তথা সে মাধবী দেবী বিবরং দ্বাতুমর্হতি ॥

এ পত্র একজন খ্যাতনামা ইংরাজী সাহিত্যবিনকে লিখেছিল অংশুমান। এর উত্তর আসে নি। কিন্তু এ পত্রের প্রতিক্রিয়ার যা ঘটেছিল তা শুনেও পেরেছিল অংশুমান। অধ্যাপক ভদ্রলোক চিঠিখানা ছমড়ে বাড়ীর সামনে রাস্তার উপর কেলে দিয়েছিলেন। কেউ সেটা দেখতে যায় নি, তিনি এটা নিজেই তাঁর বন্ধুমহলে প্রচার করেছিলেন। তাদের একজনের কাছে শুনে অল্প একজন এসে কথাটা তার কানে তুলে দিয়ে গিয়েছিল। তবে এ সব চিঠির কল্প তার মনে কোন মানিবোধ সে করে নি।

লজ্জিত এবং কুণ্ঠিত হয়েছিল একজন হিন্দুসভা-পন্থী রাজনৈতিক কর্মীর অভিনন্দনে। হয়তো একটু ভুল হ'ল—লজ্জিত এবং কুণ্ঠিত শব্দ দুটো ঠিক হ'ল না; লজ্জিত, কুণ্ঠিত হয় নি—একটি অব্যক্ত-বোধ তাকে কিছুটা উৎকণ্ঠিত ক'রে তুলেছিল। মনে হয়েছিল—প্রতিবাদটা নিশ্চয়ই যাত্রা ছাড়িয়ে গেছে।

*

*

*

এর-পরই সীতার সঙ্গে তার দেখা হয়েছিল।

আশ্চর্য একটি মডার্ন মেয়ে।

সেই প্রথম দেখা হওয়ার কথা তার মনের মধ্যে অক্ষর হয়ে আছে। সীতা দীপ্তিমতী মেয়ে। রূপসী ঠিক বলা চলে না। নাকে চোখে মুখে গড়নে খুঁত আছে অনেক। রঙটা খুব করলা। তার মধ্যে রক্তভার ঐষৎ উগ্রতা আছে। চোখ দুটির তারা কালো নয়—খয়েরি; চুল আছে একরাশ কিন্তু সে চুলে কালো লাবণ্যের অভাব আছে। সেগুলোকে খাটো ক'রে কেটে এবং স্ফাংশু করা রক্ততার এমন বিদেশী ছাপ কেলেছে—যাতে তাকে অবাঙালী এমন কি অভ্যন্তরীণ বলেও চালানো যায়। তার উপর সেদিন তার সাজসজ্জা বেশবাগ সবই ছিল একটি পরিকল্পিত বৈশিষ্ট্য বিশিষ্ট। নিজে সে খুব বড়ঘরের ছেলে নয়, তবে সচরাচর গেরস্ত বাড়ীরও নয়; নিজেদের হীরে-জহরতের গয়না ছিল না—সোনা-রূপো ছিল। তবে বড় আত্মীয় ঘরের মেয়েদের পাল্লাসেট প'রে সাজা—হীরের সেট প'রে সাজা সে দেখেছে। সেদিন যেন এ মেয়েটি কাপড়ে-চোপড়ে রুবিসেটের গয়নার সাজা মেরেকে মনে পড়িয়ে দিয়েছিল।

মনে পড়ছে—দীর্ঘাকী রক্তান্ত গৌরবর্ণা একটি মেয়ে, পরনে আঙনের শিখার মত রঙের নাইলনের শাড়ী—তারই সঙ্গে ম্যাচ ক'রে লাল সাটানের ব্রাউস—পারে লাল রঙের স্ফীপওয়াল শ্রাওল, তারই মধ্যে একটি মিষ্টি মুখ—কপালের মাঝখানে একটি কুম্ভূমের টিপ, কানে দুটি লাল পাখরের ইয়ারিং। রুখু চুলের ডবল বেগীতে টকটকে লাল ফিতের ফুল। তার বাড়ীর বারান্দার ধারে হাত জোড় করে নমস্কার করেছিল।

তার দিকে তাকিয়ে বেশ একটু বিস্ময় অনুভব করেছিল অংশুমান। তখনও সে সাজ-সজ্জার সন্নিবেশ বিশ্লেষণ ক'রে খতিয়ে দেখেনি—কিন্তু এমন সুপরিকল্পিত মেকআপের প্রভাবটুকুকে সে ঠিক অনুভব করতে পেরেছিল। এবং সে ছবি তার আজও মনে পড়ছে। তাই সে প্রথম বারই না-হলেও, পরে যতক্ষণ সে ছিল—ততক্ষণ খুঁটিয়ে খুঁটিয়ে তার সাজ-সজ্জা দেখছিল।

ওই প্রবন্ধ বের হবার হাস তিনেক পর।

তার নতুন কেনা বাড়ীতে সে স্থায়ী হয়ে বসেছে; নিজের জীবনের পথও ঠিক ক'রে নিয়েছে। তার পৈতৃক উত্তরাধিকারস্বত্বে তার সম্মুখে পথ কয়েকটা খোলাই ছিল। জমি নিয়ে কাশিং করা মানে চাষবাস, তার সঙ্গে পোলট্রি কিশারী, তার সঙ্গে হাঙ্গি মেনিনও একটা লেতে পারত; রাজনীতি, বাবা তার কংগ্রেস লীডার ছিলেন। বাবার পর তার মা হয়েছিলেন কংগ্রেস কমিটির প্রেসিডেন্ট, এখন তার বৈমাত্রেয় দাদা প্রেসিডেন্ট। অনারাসে সে রাজনীতি করতে পারত; পি. এস. পি, কি সি. পি. আই, কি আর. এস. সি-তে যোগ দিতে পারত। আরও আছে ওদের, রাইস মিল আছে—তা নিয়ে থাকতে পারত। এক বৈমাত্রেয় দাদা ওই রাইস মিল নিয়ে আছে। তা ছাড়া সে নিজে বি. এ পাশ করেছিল ভাল ভাবে। এম. এ-তে সে আরও ভাল ফল করতে পারত—কিন্তু পরীক্ষা দেয় নি। ছাত্র জীবনের রাজনীতি স্টুডেন্টস ইউনিয়ন করতে করতে পরীক্ষা না-দিয়ে না-দিয়ে বছর কয়েক কাটিয়ে কবি, নাট্যকার, গল্পলেখক এবং তার সঙ্গে অভিনেতা হিসেবে একটি লোভনীর প্রতিষ্ঠা অর্জন করে সেই পথকেই জীবনের পথ বলে গ্রহণ করেছে।

গ্রহণ করেছে কেন—বেশ কয়েক পা চলা হয়ে গেছে। এবং তখন সে বিশ্বসংসারে একা হয়ে গেছে।

বাবা অনেক দিন মারা গেছেন। ১৯৪৭ সালে। স্বাধীনতা দিবসে। মা-ও মারা গেছেন চার বছর হ'ল। অবশ্য তার আগেই মতবিরোধ হয়ে মায়ের সঙ্গে সম্পর্ক শেষ হয়ে গিয়েছিল। সংমা—সৎভাইরা আছেন, তাদের সঙ্গে সম্পর্কও নেই। গ্রামের সঙ্গেও নেই। পৈতৃক সম্পত্তি বিক্রী করে দিয়ে বিশ্বত্রাস্যাণ্ডে একক এবং একেবারে মুক্ত ব্যক্তি হয়ে এই সাহিত্য সঙ্গীত ও অভিনয় সাধনার পথে দূর দিগন্তের দিকে তাকিয়ে বসে আছে।

সেদিন সে নতুন নাটকের কথা ভাবছিল।

এ যুগের মন তার, যে-মন অতীত যুগের সব চিন্তাকে সব ধারণা-ধ্যানকে অস্বীকার করতে চায়; সমাজে রাষ্ট্রে—ধর্মের নামে, আইনের নামে মানুষের জীবনে যত বাধন যত গিঁট আছে সমস্ত কিছুকে ভেঙেচুরে ধুয়ে মুছে নতুন এক সমাজ চায়। তেমনি একথানা নাটক লিখবে সে।

আজও মনে পড়ছে তার মনে তখন তার নিজের একটি ধারণা গড়ে উঠেছে। অবশ্য এ ধারণার সঙ্গে এ যুগের চিন্তার এবং ধারণার স্বাভাবিক ভাবেই সম্পর্ক ও সাদৃশ্য গভীর।

বন্ধন যেখানে—গ্রন্থিই সেখানে মূল। ঘরসংসার সম্পর্ক জাতি ধর্ম আত্মীয় বন্ধু নিয়ে সমাজ-জীবনের মূল গ্রন্থি সম্প্রত্যজীবন—বিবাহ। এবং গ্রাম দেশ রাষ্ট্রের মূল গ্রন্থি হ'ল জমির উপর অধিকার। এবং এই ছুটো নিয়েই আজ আর মিথ্যাচার ও ব্যভিচারের শেষ নেই। এই ভাবনার কাঠামোর নাটকের প্রতিমা গড়বার জন্য সে কাহিনীর উপাদান খুঁজছিল মনে মনে।

মহাভারত থেকে কাহিনী খুঁজে সে বের করেছিল।

নাটকের নাম দেবে স্থির করেছিল—ঐশ্যায়ন।

মৎসগন্ধা সভ্যবতীর সঙ্গে ঋষি পরাশরের একদিনের বাসির। মৎসগন্ধা হ'ল বোজন গন্ধা।

ধীবর-কল্পা হ'ল—পৃথিবীর শ্রেষ্ঠ মনীষি ও মহাকবির জননী। তারপর সে হ'ল ভারতেশ্বরী। মহারাজ শান্তনুর মহিষী।

তার ফল হ'ল চিত্রাঙ্গদা ও বিচিত্রবীৰ্য।

তাদের অকালমৃত্যু হ'ল।

রাজ্যাধিকার রক্ষার জন্য অধিকা অশালিকার গর্ভে ক্ষেত্রজ পুত্রের ব্যবস্থা হ'ল। প্রয়োজনের জন্য প্রেমহীন সংসর্গের ফল—একজন অন্ধ, একজন বিবর্ণ পাণ্ডুর বর্ণ—দুর্বল অক্ষম।

একখানা খাতার এই কথাগুলি লেখা আছে। লেখক হিসেবে সে নোট-বই রাখে। মনে পড়ছে, নাটকের পরিকল্পনাটুকু লিখে তার একটি মন্তব্যও সে লিখেছিল পাশে। লিখেছিল—“সমাজতন্ত্রমুখী পৃথিবী এবং রাষ্ট্রে, পূর্ণ নারী-স্বাধীনতা-ঘোষিত সমাজে—এ ছাড়া আর কোন দ্বিতীয় সত্য আছে?”

ঠিক এই সময়েই ওই অগ্নিবর্ণা মেয়েটি এসে তার বারান্দার সামনে দাঁড়িয়ে হাত জোড় ক'রে নমস্কার করেছিল তাকে—নমস্কার।

অংশুমান তার দিকে তাকিয়ে ভ্রূ কুঞ্চিত করেছিল। কিন্তু এমন একটি শ্রীময়ী দীপ্তিময়ী, বিশেষ ক'রে এমন স্বভাব ক'রে লাল সাজে সাজা একটি মেয়েকে দেখে হৃৎস্পন্দনের মত জটিল ওই চিন্তার মধ্য থেকে বেরিয়ে এসে আনন্দের নিশ্বাস কেলে বেঁচেছিল। তার দিকে তাকিয়ে খুশী হয়েই প্রসন্ন হাসির সঙ্গে বলেছিল—আমুন—ওই যে, ওই ফটক দিয়ে ঘুরে আমুন।

অংশুমান বসেছিল বারান্দায়। বারান্দাটা প্যারাপেট এবং গ্রীল দিয়ে ঘেরা, বাড়ী ঢুকবার ফটক পাশের ফটক দিয়ে।

মেয়েটি ঘুরে ফটক খুলে ভেতরে এসে বলেছিল—আমি একটু ভেতরে যাব। বাড়ীর মেয়েদের সঙ্গে দেখা করব।

আপনা-আপনি মুখ থেকে বেরিয়ে গিয়েছিল—কি ব্যাপার? ইলেকশন? না—কোন পার্টির ক্যানডাসিং?

মেয়েটি বলেছিল—না। পালটিকাল পার্টি-টার্টি নয় তবে আমি ক্যানডাসিং সত্যি। বিজিনেস পার্টির—।

একটু হেসে অংশুমান বলেছিল—বা বলবার আমাকেই বলুন। বাড়ীতে মেয়ে কেউ নেই।

—বাক তা' হ'লে অন্তর্দ্বন্দ্ব আসব—এই—

তার কথা শেষ না হতেই অংশুমান বলেছিল—সেনিনও কোন মেয়েকে পাবেন না। কারণ আমার সংসারে—। একটু থেমে বোধ করি কি বললে ভাল শোনাবে ভেবে নিয়ে বলেছিল—আমি অবিবাহিত।

—ও। বলে একই সঙ্গে অপ্রতিভ এবং যেন ধানিকটা বিম্বিত—তুইই হয়ে উঠেছিল। এবং আর কোন কথা বেন খুঁজে পায় নি। অংশুমান নমস্কার ক'রে বিদায়-সম্ভাষণ জানাতে বাচ্ছিল—ঠিক সেই সময়ে মেয়েটি বলেছিল—আমার এটা ঘর-সংসারের ব্যাপার—

অংশুমান বলেছিল—বেশ তো আমাকেই বলুন। আমার গৃহিণী না থাক গৃহ আছে এবং গৃহকর্তা আমি। শাড়ী ব্লাউস জাতীয় একেবারে ‘ফর লেডিজ ওনলি’ না হলে আমাকে বলতে পারেন।

একটু হেসে সে বলেছিল—না—তা নয়, ‘ফর লেডিজ ওনলি’ নয়; একেবারে ঘরের ব্যাপার, রান্নাশালের; ইলেকট্রিক কুকার, কেটলী—হীটার; কয়লায় ঘুঁটেতে খোঁরা হয় কালী হয় তুল পড়ে—। এ একেবারে পরিচ্ছন্ন ব্যাপার। তা ছাড়া অটোমেটিক ব্যবস্থা আছে।

—তা বেশ। একদিন এনে ডেমোনস্ট্রেশন দিয়ে দেখিয়ে একটা কিছু দিয়ে যাবেন।

—একটা কিছু কেন? সবই ইলেকট্রিক ক’রে নেবেন না কেন? একসঙ্গে গরুরগাড়ী আর মোটর দুটোর উপর দুই পা দিয়ে চলা যায়?

হেসে ফেলেছিল অংশুমান। বলেছিল—চমৎকার কথা বলেন আপনি।

মেয়েটিও হেসে বলেছিল—ক্যানভাসিংয়ের ওইটেই তো প্রথম গুণও বটে শেষগুণও বটে।

—হ্যাঁ। একেবারে অধিতীর একক সত্য বলে প্রমাণিত করতে হবে।

—আমি কিন্তু মিথ্যাকে সত্য বানাচ্ছি না। আমাদের বাড়ীতে সব ইলেকট্রিক—আমি দেখছি—বিশ্বাস করি—।

অংশুমান একটু বেন কাতর ভাবেই বলেছিল—মধ্যে মধ্যে যে ফিউজ হয়ে যায়। তাত চাপিয়ে মাঝখানে উনোন নিতে গেলে—কাঠ ঘুঁটে গুঁজে দিলে চলে, নিম্নে কাগজ পুড়িয়েও কাজ সারা যায়। এর কিন্তু করেল পুড়লে—অন্ধকার। আমার হাটার একটা আছে তো।

—না-না-না। এ খুব ভালো জিনিস। আমরা গ্যারাণ্টি দেব। ডিক্কালাটি হলে আমাদের মিস্ত্রী আসবে—আমি আপনাকে এখন দেখাতে পারি—। বলেই সে রাস্তার দিকে কিরে ডেকেছিল, আয়ার—আয়ার।

আয়ার নিশ্চর মাস্তাজী। কিন্তু একজন হিন্দুস্থানী মাথার একটা বোঝা নিয়ে একটু এগিয়ে এসে বলেছিল—আভি আসবে। উধর গেল। সিগারেট মৌলতে গেল।

এতক্ষণ একজন কালো সাহেব আর মাথার মস্ত মোট বহনকারী এই হিন্দুস্থানীটিকে কোন সূত্র দিয়ে যুক্ত করতে পারে নি।

* * *

অংশুমানের বাড়ীতে তার সব কিছু করে তার একমাত্র অহুচর ডরভচন্দ্র। উড়িভাবানী এই অল্পবয়সী ছেলেটির গুণ কার্যক্ষমতা অসাধারণ। অংশুমানের মত মানুষের জীবনেও সে কোন অন্ত্রবিধা ঘটতে দেয় না। অংশুমানের বন্ধুজনে বলে অংশুমানের বাহন।

অংশুমান বলে—হ’ল না। বিজুর বাহন গড়র, রামের বাহন মাকতি গন্ধমাদন উপড়ে রূপে অসাধ্য সাধন করে কিন্তু রান্না-বাড়া ক’রে খাওয়াতে পারে না, অন্ত্রখে-বিস্ত্রখে মাথার নিয়রে বসে কপালে জলপটী দিতেও পারে না, বাতাস করতেও পারে না। ডাকবা মাজ সাড়া

এরাও দেয় ভরতও দেয় কিন্তু বিশ্বাস চা করতে বললে করবে না। ভরত আমার রামের ভরত থেকেও বেশী। অতঃপর সেই ভরতচন্দ্রকে ডেকে তার মত নিয়ে একটা ইলেকট্রিক কেটলী—একটা প্রেসার কুকার—একটা স্পেশাল হীটার কিনেছিল মেয়েটির কাছে। ডেমনস্ট্রেট ক’রে দেখাবার জন্য ইলেকট্রিক কেটলীতে জল গরম ক’রে চা তৈরী ক’রে খাইয়েছিল মেয়েটি।

এই চায়ের আসরে সে হঠাৎ বলেছিল—রামায়ণ আপনায় খুব ভাল লাগে, না ?

তার মুখের দিকে তাকিয়ে অংশুমান বলেছিল—হঠাৎ এ প্রশ্ন কেন ? তারপরই বলেছিল—রামায়ণ কার ভাল লাগে না ? আপনায় লাগে না ?

মেয়েটি অপ্রস্তুত হয়ে গিয়েছিল। বলেছিল—না—মানে, এর নাম ভরত—

—ভরত ওর নাম—ওর বাপ মা রেখেছে, আমার কাছে চাকরি করছে—সেটা একটা ঘটনাক্রম মাত্র ; অন্য নাম হ’লেও কিছু আসতো যেতো না।

এবার সে বলেছিল বা বলতে বাধ্য হয়েছিল যে সে তার ওই প্রবন্ধটি পড়েছে।

খুশী হয়েছিল অংশুমান। বলেছিল—এই ধরণের প্রবন্ধ পড়া অভ্যাস আছে ? পড়েন !

কুষ্ঠার সঙ্গে বলেছিল—সচরাচর পড়িনে, এটা পড়েছিলাম। আমার বাবার খুব বন্ধু হলেন ওই প্রফেসর বোস, যিনি মূল আটিকলটা লিখেছিলেন। বাবা বলছিলেন ওটা খুব বোম্ব। আমার বাবা আপনায় প্রবন্ধ পড়ে ঠিক করেছিলেন প্রতিবাদ লিখবেন কিন্তু লেখেন নি, কারণ কোথায় কমুনাল কোম্পেন হয়ে দাঁড়াবে। মানে আমরা কুস্তান তো।

কথাটা ওইখানেই চাপা দিয়েছিল বা দিতে চেরেছিল অংশুমান। মেয়েটিই জের টেনেছিল। বলেছিল—কিন্তু আপনি তো অর্থোডক্স নন।

—এর সঙ্গে অর্থোডক্সের সম্পর্কটা কি ? কিছু রুঢ় হয়ে গিয়েছিল কণ্ঠস্বর।

মেয়েটি একটু চকিত ভাবে শব্দিত হয়ে উঠেছিল। বলেছিল—বাবা আর তার ওই বন্ধু বলছিলেন— ; এ-কালে ‘কারেন মনসা বাচা’—ওইটে—; থেমে গিয়েছিল সে।

অংশুমান বলেছিল—এ শপথ জেতা যুগের সীতার শপথ। সেইটেই আমি বলেছি। আমি অর্থোডক্স নই। আমি হাম খাই। আমি ঈশ্বর মানি নে। আমাদের পৈতৃক দেবোত্তর আছে—দেবতাকে প্রণাম করতে হবে, পূজা করতে হবে বলে তার তার নিই নি—। সুতরাং অর্থোডক্সের কোন প্রস্নই নেই।

এরপর মেয়েটি চুপ করে গিয়েছিল। কোন উত্তর না দিয়ে শুধু বসেই ছিল। অংশুমানের মনে হয়েছিল মেয়েটি উঠতে চাচ্ছে কিন্তু উদ্যততার খাতিরে বা কোন রকম সঙ্কোচের কারণে উঠতে পাচ্ছে না।

আরার নামের মাদ্রাজীটি চুপচাপ কথাগুলো শুনেই যাচ্ছিল—একটু দূরেই বসেছিল সে। বদরী বসে ঢুলছিল। কথাবার্তার মধ্যে অকস্মাৎ ছেল পড়তেই ওঠবার ভাবিদ দিয়েছিল আরার। লোকটি বাংলা ভাল জানে না। কোন রকমে কাজ চালিয়ে যার—খানিকটা হিন্দী খানিকটা বাংলা আর খানিকটা ইংরিজী যেখানে একরকম বুলিতে। সে বদরীকে

চমকে দিবে একটু জোরেই বলে উঠেছিল—এ—ব-দ-রী—। দেখো বৈঠকে বৈঠকে আরামে স্নীপিং—। গেট আপ ম্যান। উঠাও—মাল উঠাও। মিস সেন।

বিদায়-নমস্কারটা অংশুমানই আগে জানিয়েছিল। হেসে বলেছিল—আচ্ছা নমস্কার। সীতাও উঠে দাঁড়িয়েছিল এবং প্রতিনমস্কার জানিয়ে বলেছিল—কোন কিছু খারাপ হলেই কোম্পানীতে কোন করে জানিয়ে দেবেন। বলবেন মিস সেন—সীতা সেনের কাছে জিনিস নিয়েছি।

এবার একটু চমক লেগেছিল অংশুমানের। তার মুখের দিকে তাকিয়ে বলেছিল—আপনার নাম সীতা সেন?

সীতা একটু হেসেই বলেছিল—হ্যাঁ।

তারপর মুখ তুলে খুলী-হওয়া ভঙ্গিটিকে প্রকাশ করেই বলেছিল—বা তবু হয়েছিল প্রথমটা।—কেন?

—ডেবেছিলাম—গোড়া একজন খুব রাগী মানুষ হবেন। আর হয়তো—

—কি?

—ডেবেছিলাম—অনেকটা বয়স্ক মানুষ আপনি—। সেকলে আধবয়সী মোটাসোটা—। হেসে কেলেছিল একক্ষণে।

ভুরু কুঁচকে অংশুমান ভাবছিল মানুষ এমন ভাবলে কেন? সে তো শুধু বিকৃত ব্যাখ্যা করার জন্য প্রতিবাদ ক'রে তার সত্য অর্থটা প্রবন্ধে তুলে ধরতে চেয়েছিল। সীতার হাসি শেষ মুহূর্তে তাকে কিছুটা শান্ত এবং শ্মিত করে তুলেছিল। সীতা এবার পিছন কিয়ে আরার এবং বদরীকে বলেছিল—চলো।

আরার বলেছিল—বাট্—উই আর অলরেডি লেট—বাই হাক এ্যান আওয়ার।

—তাতে কিছু হয় নি। চলো। আমরা বাড়ালী আরার, সারবে নই। চলো।

অংশুমান প্রশ্ন করেছিল—কোথায় যাবেন?

—এই কাছেই। একটা বড় অর্ডার আছে। মালগুলো তাদেরই। পথে আপনার বাড়ীতে আপনাকে দেখে—

কাপড়ের আঁচলখানার বেশ একটু দোলা লাগিয়ে বারান্দা থেকে নামতে নামতে বললে—ভারী ভাল লাগল। জানেন—।

ভারী ভাল লাগল।

*

*

*

এই সীতার সঙ্গে প্রথম পরিচয়।

এই প্রবন্ধটির জন্য সে তাকে দেখতে এসেছিল। সেবারের পরিচয় ওখানেই শেষ। দ্বিতীয়বার দেখা না হলে সীতার কথা আর কোন দিনই মনে হ'ত না। সীতা তার জীবনেই আসত না এবং আজকের এই মর্মান্তিক আঘাতের সম্মুখীন হ'ত না।

এ আঘাত প্রচণ্ড—এ আঘাত বোধ করি সমস্ত আঘাতের মধ্যে নিহ্নতম আঘাত।

করেক কোঁটা চোখের জল টপটপ ক'রে ঝরে পড়ল।

সীতার সঙ্গে যদি তার দেখা না হ'ত। সেদিনের এই দেখা হওয়াটা কোন একটি সভা-সমিতিতে দেওয়া একটি ফুলের গুচ্ছের বেশী কিছু নয়।

না।

সীতার সঙ্গে সেদিন দেখা না হলে দ্বিতীয় প্রবন্ধটি সে লিখত না।

সীতার সঙ্গে দেখা হওয়ার পর, ওই প্রথম প্রবন্ধের জের টেনেই যেন সে আর একটি প্রবন্ধ লিখেছিল। সে প্রবন্ধটি প্রথম প্রবন্ধটির ঠিক উল্টো। বান্ধীকির রচনার ব্যাখ্যা নয়, বান্ধীকিকে সে সমালোচনা করেছিল।

সীতার সঙ্গে দেখা হওয়ার পর একটা রূঢ় প্রতিক্রিয়া হয়েছিল তার মনে। এমনি একটি অল্পবয়সী মেয়ে তাকে সভয়ে সবিস্ময়ে দেখতে এসেছিল; খারণা করেছিল সে একজন গোড়া হিন্দু ধার্মিক, স্বভাবে সে রাগী মানুষ, বয়সে সে প্রবীণ যার অর্থ সে সেকেলে, সে পুরানো অচল।

এটা শুধু ওই সীতা নামী নবীনা মেয়েটির খারণাতেই সীমাবদ্ধ নয়, এ কালের মেয়েদের ছেলেদের প্রগতিশীল মানুষদের সবারই খারণার এটা একটা কোন দেবমন্দিরের পুষ্পকুণ্ডের বাসী ফুলের গন্ধ-বহা হাওয়ার মত ছড়িয়ে পড়েছে। এ যুগে 'রিলিজিয়াস' 'অর্থোডক্স' কথা দুটো ভালো কথার হুটীর মধ্যে পড়ে না। বামুন পণ্ডিত মোল্লা মোলভী এ শব্দগুলোর আসল মানে যাই হোক বা এককালে যাই থেকে থাক এ যুগে এ শব্দগুলোর অর্থ সাপ বিছে কঁাকড়া-বিছের মত একটা বিধাক্ত এবং মূগ্য অর্থ বহন করে। এই সীতা মেয়েটি সেদিন এসে তাকে এই খবরটাই দিয়ে গিয়েছিল যে বান্ধীকির প্লোকেব অপব্যাখ্যা এবং সীতা চরিত্রের অন্তর্নিহিত কবি-কল্পনার বিকৃতির প্রতিবাদ করতে গিয়ে সে গোড়া ধার্মিক—সেকেলে এবং রিলিজিয়াস রিএ্যাকশনারী বলে পরিচিত হয়েছে।

এর একটা নিদাক্ষণ অব্যক্তি আছে। না, অব্যক্তির থেকেও বেশী। এ একটা অসহনীয় মর্মব্যঙ্গনা।

অথচ সে তার ঠিক বিপরীত।

তার বাপ বিদ্রোহ করেছিলেন। তার মাও ছিলেন বিদ্রোহী। তার হৃদয়কাগার থেকে তার বিদ্রোহ আর বিপ্লবের মন্ত্রে দীক্ষা।

এর অন্তই সে দ্বিতীয় প্রবন্ধ লিখেছিল। প্রবন্ধের নাম ছিল বান্ধীকি ও বেদব্যাস। দীর্ঘ প্রবন্ধ। আজ মনে হচ্ছে লেখার মধ্যে নানা স্থানে রক্ষণশীলতাকে ব্যঙ্গ করার মধ্যে যাত্রা সে অনেকবার ছাড়িয়েছিল। পূর্ব প্রবন্ধ লিখে সে যত জালা অল্পতব্ব করেছিল আজ বান্ধীকি বেঁচে থাকলে—অথবা পরলোকে তাঁর আত্মা অবিনশ্বর্য লাভ করে থাকলে তার চেয়ে অনেকজন বেশি জালা অল্পতব্ব করতেন বা করবেন এতে সন্দেহ ছিল না। এ প্রবন্ধে সে রামায়ণ-রচয়িতার বাস্তবতীতিকে উদ্ঘাটিত করে উপহাস বল উপহাস, কষাঘাত বল কষাঘাত, তাই করেছিল। অথবা বলা যার সমাজের মুখ রক্ষা করতে সত্যিষের মহিমা অক্ষুণ্ণ রাখতে সত্যকে আটক আইনে বন্ধী করে দেবলোকের জেলখানার বন্দী করা হয়েছিল।

প্রথম লিখেছিল যে সীতা মাত্র একটি সোনার হরিণ দেখে এমন বিমোহিত হল যে রামকে পাঠালে—বাও তুমি ধরে এনে দাও। দিতেই হবে। “যে যা বলিস ভাই—আমার সোনার হরিণ চাই।” যার যা হবে হোক না তাতে আমার কিছু নাই। কিন্তু সেই সীতা স্বর্ণলঙ্কার এসে সোনার বাড়ি সোনার ঘর দেখে তুলল না কেন? কেন সে অনশন সঁজাগ্রহ করে পড়ে থাকল অশোকবনে, তার সংগত কোন কারণ নেই। তারপর সে লিখেছিল—মহাকবি তাঁর স্মৃতি ওই সীতা নানী মানবী এবং মানবহুলবধূর দেহের গুচিতা নিয়ে মারাত্মক বিপদে পড়েছিলেন। সত্যের সম্মান রাখি, না সত্য-মহিমার মাটির ঠাকুরকে পূজা করি; বাস্তবকে বাস্তব স্বরূপে তুলে ধরি, না সমাজের হুকুমকে তামিল করে শিরোপা শিরোধার্য করি এই সমস্তার মধ্যে পড়ে একবার নয় দু’ছবার দৈব ম্যাজিকরূপ অসম্ভব ও অলৌকিকের শরণাপন্ন হয়েছেন। এবং সূর্যকোশলে পূর্ব প্রবন্ধের কথা স্মরণও করিয়ে দিয়েছিল সে। বুঝিয়ে বা জানিয়ে দিয়েছিল যে এ প্রবন্ধ তার পূর্ব প্রবন্ধেরই শেষ কথা বা আসল কথা। প্রবন্ধে সে এনে ফেলেছিল সেই সীতা-হরণের কথা। জটায়ু প্রসঙ্গ।

“জটায়ুকে বধ করে চুলের মূঠা ধরে ঝুলিয়ে সারা আকাশপথ অতিক্রম করে লঙ্কার এসে অশোকবনে সীতাকে চেড়ীর পাহারার রেখেও দশানন তাকে ভোগ করতে সাহস করলেন না। মানবিক উদারতা রাক্ষসের নেই। রাবণের তো নেইই। তবুও পারলে না। কেন পারলে না তার কারণ রাবণ নিজস্বার্থে ব্যক্ত করেছে তার সভাসদদের সম্মুখে। বলেছে লোকপিতামহ ব্রহ্মার অভিশাপে অভিশপ্ত—নারীর বিনা সম্মতিতে বলপূর্বক তার দেহ ভোগ করলে আমার দশমাথা শতধা বিদীর্ণ হবে।”

রাবণের অশোকবনে সীতাকে এনে ফেলে কবি সম্ভবতঃ সমাজের এবং রাজা মহোদয়ের (তিনি হরতো রাম) রক্তচক্ষু স্মরণ করে বিচলিত হয়ে মা সরস্বতীর রাজচরণ দুখানির উপর আছড়ে পড়েছিলেন—এবং জননী বাকবাসিনী যিনি নাকি কল্লনাযু মাল্লবের মনকে আকাশে বিচরণের শক্তি দেন তিনি বলেছিলেন, “ভয় কি বাছা! দৈব মহিমার অলৌকিক ওড়না দিয়ে সীতার অঙ্গবন্ধন করে দাও।” বাস্তবিক বুদ্ধি করে সীতার অঙ্গবন্ধন না করে রাবণের হস্ত পদ—কুড়িখানা হাত দুখানা পা দেবলোকের তাঁতে বোনা অলৌকিক গামছা দিয়ে বেঁধে দিয়েছিলেন।

“আদিপর্ব থেকে বনপর্বের ওই রাজসভা বর্ণনার সর্ব পর্যন্ত কোথাও রাবণের অভিশাপ সম্পর্কে একটা কথাও বলেন নি কবি। এই সর্গে পৌছে মনে হয়েছে রাবণকে বধ করা যার যাবে কিন্তু তার অশোকবনে সীতাকে এনে ফেলে কি করে তার দেহকে বাঁচানো যার রাবণের হুড়িটা হাতের আক্রমণ থেকে? বেঁচেছে যে উপারে তা লোকবিত্ত। এবং এ পর্যন্ত অর্থাৎ জ্যেষ্ঠকাল থেকে পুরো ষাণ্মস এবং কলির বিংশ শতাব্দী পর্যন্ত বাস্তবিক নিরঙ্কুশ প্রশংসা এবং অভিনন্দন পেয়ে এসেছেন। এই বিংশ শতাব্দীতে তাঁকে দাঁড়াতে হবে বিচারের কাঠগড়ায়। আমার এই প্রবন্ধ ঠিক প্রবন্ধ নয়—এ আমার লোকবিচারালয়ে আরজি। সাক্ষী আমি কাউকেই মানব না। সাক্ষী মানব বাস্তবিককেই। তাঁকে বলতে হবে—রাবণের মূখ দিয়ে ওই অভিশাপের কথা বলানোর পর আবার একবার অগ্নিপরীক্ষার

ম্যাজিকের দরকার হল কেন? তারপরও পৃথিবী বিলীর্ণ করে সীতাকে পাতালে পাঠিয়ে দিলেনই বা কেন? তিনি সেই রাজসভা থেকে বৈকুণ্ঠ থেকে সমাগত রথে আরোহণ করে শঙ্খ-ঘণ্টা বাজিয়ে লক্ষ্মীরূপে বৈকুণ্ঠে গেলেন না কেন?"

এর পর সে মহাভারতের সভাপর্বের পাশা খেলা এবং রজঃস্বলা একবস্ত্রা দ্রৌপদীকে সভার টেনে এনে দুঃশাসনের বস্ত্রাকর্ষণের প্রসঙ্গ এনে বলেছিল—যদিও বেদব্যাস নারায়ণ রূপী কৃষ্ণের অলঙ্কে থেকে বস্ত্র যুগিয়ে দেওয়ার কথা লিখেছেন তবুও ওইটেই দ্রৌপদীকে বিবস্ত্রা করা রোধ করার জন্য একমাত্র রক্ষা-কবচ নয়। দৈববলই একমাত্র বল নয় এখানে। অরণ্য রাখতে হবে যে অমরদাস ভীষ্ম-দ্রোণকে উপেক্ষা করেও অন্ধরাজা ধৃতরাষ্ট্রই সেখানে শেষ আধিকারিক—তিনিই কৌরব-কুলপতি রাজা। দেবী গান্ধারীর মত মহিমময়ী রাজেশ্বরীকেও মনে রাখতে হবে। মহাভারত সমগ্র পড়লে বোঝা যাবে এক্ষেত্রে দ্রৌপদীকে রক্ষা করেছে জন্মান্তর রাজাধিরাজ ধৃতরাষ্ট্রের হস্তক্ষেপ। দুর্যোধনকে কঠিন তিরস্কার করে দ্রৌপদীকে তিনি সাধুনা দিয়ে বর দিয়েছেন। দাসত্ব থেকে মুক্তি পেয়েছে পাণ্ডবেরা।

এ প্রবন্ধ প্রকাশিত হতেই সেদিন আন্দর্ঘ আলোড়নের সৃষ্টি হয়েছিল চারিদিকে। মানান মন্তব্য—নানান আলোচনা চলেছিল কাগজে। গালাগালি কম নয়, অনেক। তবে মুখে মুখে আলোচনার আর শেষ ছিল না। বিশেষ করে তরুণ মহলে।

একটা বিচিত্র কথা এই যে, এই গালাগালিতে সে নিজেকে বিব্রত বোধ করে নি। বরং যেন একটা প্রচ্ছন্ন অহঙ্কার-বোধে বেশ একটি পরিতৃপ্তি লাভ করেছিল।

চিঠিপত্র এসেছিল অনেক। সাধুবাদ, অভিনন্দন এও ছিল। আবার নিন্দা কটু-বাণ্য, তার সঙ্গে অভিসম্পাত এও ছিল। চিঠিগুলির হস্তাক্ষর লক্ষ্য করত সে। হাতের লেখার ভাল মন্দ কাঁচা পাকা সব রকমই ছিল। এ থেকেই সে বিচার করত কতজন তাদের মধ্যে ছেলেমানুষ, ক'জনই বা চিন্তাশীল ব্যক্তি হতে পারেন। কতজন মেয়েছেলে—কতজন পুরুষ তারও হিসেব সে করত। নবীনেরাই তাকে উৎসাহ দিয়েছিল। প্রবীণদের মধ্যে পুরুষেরা কয়েকজন শাস্ত্রের বিতর্ক তুলেছিল, কয়েকজন দুঃখপ্রকাশ করে অসুযোগ করেছিল যে সে যেন আর পুরাতনের অপব্যাখ্যা না করে। দুজন বৃদ্ধ তাকে অভিসম্পাত দিয়েছিল। একদল মহিলা তাকে প্লোর একই কথার গাল দিয়েছিল—লিখেছিল—তোমার মত লেখককে আমরা ঘৃণা করি। কেউ কেউ বা একবার ঘৃণা করি লিখে তুঁট হন নি লিখেছেন—ঘৃণা করি, অত্যন্ত ঘৃণা করি।

আরও হয়েছিল, ছাত্রদের মহলে তার নাম একটি চাকল্যকর নাম হয়ে উঠেছিল। তারা দুজন একজন ক'রে তার সঙ্গে দেখা করতে বা তাকে দেখতে আসতে শুরু করেছিল। সভা-সমিতিতে বিতর্কের আসরে তার নাম একটি অতি আগ্রহে প্রতীক্ষিত নাম হয়ে উঠেছিল।

ছাত্রমহলে আগে থেকেই তার নাম ছিল। ছাত্রজীবন তার দীর্ঘ এবং দীর্ঘ ছাত্রজীবনে সে ছাত্র-আন্দোলনের সামনের সারিতেই তার আসন ছিল। দু-চারটি রাজনৈতিক দলও তাকে তাদের খাতার নাম লেখাতে অসুযোগ করেছিল কিন্তু সে তা লেখায় নি।

রাজনৈতিক দলকে সে এই স্বল্প জীবনকালের মধ্যে ভাল করে জেনেছে এবং চিনেছে। রাজনৈতিক দর্শন রাজনীতি শাস্ত্র এ সে অনেক পড়েছে। রাজনৈতিক দলদেরও সে চেনে। সব দলের চেহারাই সে দেখেছে।

থাক।

সীতা অনেক দূরে পড়ে যাচ্ছে।

জীবনের কথা তো অনেক। সে সব কথা কথা হরেও কথা নয়। সকালের যে কথাটা সন্ধ্যাবেলার মন থেকে নিষ্কিহ হয়ে মুছে যার সে কি কোন কথা? রাত্রে রোজই প্রত্যেকে কিছু কিছু স্বপ্ন দেখে কিন্তু সকালে তার আর কিছু মনে পড়ে না;—ওগুলো তাই।

সীতা তা নয়।

আজ যুত সন্তানকে কোলের কাছে নিয়ে—সে রোগশয্যার শুয়ে তার কাছে বার্তা পাঠিয়েছে।

সে কৃতকর্ম বিচার করে তার নিজের অপরাধের দণ্ড নির্ণয় করছে।

*

*

*

সেদিন অনেক চিঠি অনেকজনে লিখেছিল কিন্তু সীতা কোন চিঠি লেখে নি বা সীতা আর কোন অজুহাতে তার সঙ্গে দেখা করতে আসে নি। না। সেও তাকে খোঁজে নি।

একখানা পত্র লিখেছিলেন তার মা।

অতি কঠোর কর্কশ তার ভাষা এবং বক্তব্য ছিল মর্মান্তিক ভাবে নিষ্ঠুর। মায়ের সঙ্গে সে পৃথক হয়ে গেছে অনেক দিন সে তার ছাত্রজীবনেই। তখনও সে আই. এ পাশ করে নি। তখন থেকেই তিনি তার মুখ দেখতেন না। তিনি এই প্রবন্ধ পড়ে লিখেছিলেন, “তোমার প্রবন্ধ পড়ি। আমি দিব্য বুঝিতেছি যে, তোমার মন কুষ্ঠ-রোগাক্রান্ত হইয়াছে। তুমি ঈশ্বরের কাছে কল্পনা ভিক্ষা করিও। দেশে কুষ্ঠ রোগের চিকিৎসার উন্নতি হইয়াছে শুনিয়াছি, অমোঘ ঔষধ আবিষ্কৃত হইয়াছে। কিন্তু মনের কুষ্ঠ রোগ কোন দিনই দিব্যকল্পনা ব্যতীত নিরাময় হয় না। মনে মনে অমৃতপ্ত হইয়ো। অম্লশোচনায় চিত্ত শুদ্ধ করিও।”

না।

অমৃতপ্ত সে করে নি—অম্লশোচনার কোন কারণ ঘটে নি সেদিন।

দ্বিতীয় পর্ব

এত পত্রাঘাত, বাহবা, নিন্দা এমন কি মায়ের ওই নিষ্ঠুর ক্রোধের উত্তাপে উত্তপ্ত পত্র-খানিতেও সে বিচলিত হয় নি। কোন পত্রেরই সে জবাব দেয় নি। মায়ের পত্রেরও না।

যারা তাকে উৎসাহিত করে বাহবা দিয়েছিল তাদের দলেরও সে কেউ নয়, আবার যারা তাকে অভিসম্পাত দিয়েছিল তাদেরও সে কেউ না। সে নিজের জীবনের অভিজ্ঞতা থেকে গোটা দেশটার, তাই কেন, গোটা পৃথিবীর এই শতকের অবস্থা দেখে সে বা বুঝতে পারছিল,

যে ধারণার উপনীত হচ্ছিল তাকেই সে প্রকাশ করতে তৃতীয় প্রবন্ধ রচনার সংকল্প করেছিল।

নামটাই তার মনে আগে এসেছিল।

নাম দিয়েছিল ‘নবভারতের মুক্তিপর্ব’। আরম্ভও করেছিল কিন্তু প্রবন্ধের কর্মে তাকে প্রকাশ করা তার পক্ষে সহজ হয় নি। বার বার আরম্ভ করে কিছুটা লিখে যেন অবশ্য হয়ে পড়ছিল তার হাত এবং কলম। মনে হয়েছিল ঠিক হ’ল না। ফেলে দিয়েছিল। কোনবার ছুঁচুর প্যারাগ্রাফ কোনবার এক পৃষ্ঠা বা দু পৃষ্ঠা কোনবার বা পাঁচ-সাত পৃষ্ঠা লিখেও ফেলে দিয়েছিল। তার কিছু অবশেষ আজও তার ঘরের পুরনো ফেলে দেওয়া কাগজের মধ্যে খুঁজলে পাওয়া যাবে।

যা সে বুঝেছিল তাকে প্রকাশ করতে উপলব্ধিও অভাব তার হয় নি কিন্তু তাকে প্রকাশ করতে সাহস যেন তার হয় নি। এবং বহুস্থলে প্রবন্ধের ক্ষেত্রে যা অবশ্য প্রয়োজনীয়—সেই যুক্তি এবং তথ্য ইত্যাদিরও অভাব ঘটছিল। সংগ্রহ করতে সে পারে নি। পারে নি ঠিক নয়, চেষ্টা করলে অবশ্যই পারত সে কিন্তু সেই বৈধ তার ছিল না। সে প্রবন্ধ-লেখক ঠিক নয়, সে লিখতে ভালবাসে লিখতে চায় নাটক এবং গান; গল্প উপভাসও কিছু কিছু লিখেছে সে কিন্তু নাটকই তার সব থেকে প্রিয় মাধ্যম।

এই নতুন উপলব্ধিতে সে অনেক ভেবেচিন্তে নতুন নাটকের বিষয়বস্তু নির্বাচন করেছিল মহাভারতের মোঘল পর্ব নিয়ে। শেষ দৃশ্যটাই কল্পনা করেছিল সর্বাত্মক।

‘পরিভ্রাণার সাধুনাং বিনাশার চ দুষ্কৃতাং’—পৃথিবীতে ধর্ম সংস্থাপনের জন্ত অবতার আবির্ভূত হয়েছেন যে শ্রীকৃষ্ণ সেই শ্রীকৃষ্ণ তখন জরাগ্রস্ত হয়ে আসছেন; কুরুক্ষেত্রে ধ্বংসের পালা শেষ হয়েছে। কৌরবকুলের অন্তঃপুরে বিধবা বিধবা আর বিধবা ছাড়া কাউকে দেখা যায় না। পাণ্ডব বংশে উত্তরার পুত্র পরীক্ষিৎ একমাত্র বংশধর। দুর্বল ভারত ক্ষেত্রে শিশু বুদ্ধ আর বিধবা বা কুমারী। কিন্তু সমুদ্রতটে দ্বারকা রাজ্যে ছত্রিশ কোটি বাদবেরা প্রমত্ত হয়ে ঘুরে বেড়াচ্ছে। উচ্চাশ্রয় আর অট্টহাস্তে সমুদ্রকল্লোল লজ্জিত হয় কোলাহল কলরবে আশ্ফালনে—ঝড় আসতে আসতে গতিপথ পরিবর্তন করে। বাদব কুমার-কুমারীরা স্বচ্ছন্দ বিহার করে বেড়ায়।

থাক। সে সব বর্ণনা থাক।

উন্মার্গগামী সংখ্যাস্কীভ বাদববংশ মত্তপানে প্রমত্ত হয়ে আত্মকলহ অন্তর্ঘর্ষে। না—ওসব সংস্কৃত কথা নয় সাদা কথায় দাঁড়া বাধিয়ে নলখাগড়ার গাছ আর ভাল তুলে তাই দিয়ে এ ওকে পিটিয়ে শেষ করে দিলে।

শ্রীকৃষ্ণ জানতেন এমন পরিণতির কথা।

তিনি জরা ব্যাধের শরাঘাতে আহত হয়ে নিমগাছের গুঁড়িতে ঠেস দিয়ে শেষ নিশ্বাস ত্যাগ করার সময় অস্তিম মুহূর্তে দুটি ফোঁটা চোখের জল ফেললেন। নাটকের শেষ এখানেও সে করে নি, করেছিল—অর্জুন যখন অনাথা অর্থাৎ নাথহীন বাদব পুত্রনারীদের হত্যার নিয়ে যাচ্ছেন এবং পথের মাঝখানে বেথানে শবর এবং ব্যাধেরা এসে তাদের আক্রমণ করেছে—সেই-খানে। অর্জুন বাধা দিতে গিয়ে গাভীর ধরে তাতে জ্যা রোপণ করতে গিয়ে স্তম্ভিত হয়ে পেলেন। পারলেন না যত্নকে জ্যা দিতে। ধরধর করে কঁপে উঠলেন। এ কি হ’ল? কেন

এমন হ'ল? কোনক্রমে জ্যা দিলেন তো যুদ্ধকৌশল ভুলে গেলেন। তাঁর অক্ষয় তুণ যুদ্ধ করতে করতে বাণশূন্য হয়ে গেল।

ওদিকে উল্লসিত শবরেরা ব্যাধেরা রথ থেকে টেনে নামাতে লাগল পুরনারীদের। পুরনারীরা আর কেউ নয়—মহাভারতের পুরুষশ্রেষ্ঠ পুরুষোত্তমের বংশের কন্যা এবং বধূ। হয়তো বা কৃষ্ণ বাসুদেবের অসংখ্য বিবাহিতা পত্নীদের ভাগ্যে ভিন্নতর কিছু ঘটে নি। ব্যাসদেব কিছু লেখেন নি।

যে ধর্মরাজ্য স্থাপন করেছিলেন কুরুক্ষেত্রের যুদ্ধে সেই ধর্মরাজ্য একখানা আকাশে ওড়া ঘুড়ির মত হতো কেটে ভেসে গেল আকাশে—নিভাস্তই একখানা কাগজের টুকরোর মত।

এই পৃথিবীর মধ্যে কাল এল নতুন কাল নিয়ে।

নতুন কালে দিনের রঙ বদল হয় নি, দিনের দৈর্ঘ্যের তারতম্য হয় নি, উত্তাপের তারতম্য হয় তো কিছু হয়েছে—কিন্তু সেও কিছু নয়। আলোর বাতাসের জলের মাটির সেই একই গতি একই গুণ একই ক্রিয়া এবং একই স্বাদ আছে। তবু কালের বদল হ'ল। বদল হ'ল ধর্ম—বদল হ'ল জীবন-ভাবনায়। জীবন ধর্মের পরিবর্তনে কাল পান্টায়, ঘাপরের পর কলি। পরীক্ষণ কলিকে শাসন করেও ঠেকাতে পারেন নি।

সর্পিঘাতে পরীক্ষিতের মৃত্যু হ'ল। কলি এসে তার শাসন প্রচারিত করলে। তার প্রশাসনে আত্মা নাই, ঈশ্বর অস্বীকৃত, সত্য শুধু—জীবন্ত মাহুয আর বস্ত্র।

* * *

না—কলিকালকে এভাবে ব্যাখ্যা করা যায় না। এ ব্যাখ্যা তার সত্য ব্যাখ্যা নয়। এ ব্যাখ্যার সম্মুখে আজ অসংখ্য প্রশ্ন নির্ভয়ে উচ্চারিত হচ্ছে। কলি মহারাজা পরীক্ষিতের সম্মুখে এ প্রশ্নগুলি উপস্থাপন করতে পারে নি। আজ এ প্রশ্ন প্রমাণের সঙ্গে কলি প্রচার করেছে।

কে বলে—কলিযুগ ভ্রষ্টতার যুগ?

কে বলে—কলিকাল ধর্বতার কাল, দুর্বলতার কাল, নৈবীর্ষের কাল?

কে বলে—কলি যুগ অজ্ঞানতার যুগ, মিথ্যার যুগ, ভ্রান্তির যুগ? সঙ্কীর্ণতার যুগ? অশান্তির যুগ? ভোগ-সর্বধতার যুগ?

কলি যুগে—কি দিবালোক স্নান হয়েছে? দিনের দৈর্ঘ্য কি হ্রাস পেয়েছে? অন্ধকার কি গাঢ়তর কালো হয়েছে? রাজির দৈর্ঘ্য কি বৃদ্ধি পেয়েছে?

না।

কলি যুগ বিচিত্র যুগ। সত্য জ্যোতা ঘাপর থেকে সম্পূর্ণরূপে পৃথক। তা ভ্রষ্টতার যুগ নয় ধর্বতারও নয়—সংকীর্ণতা বা দুর্বলতা বা নৈবীর্ষের যুগও নয়।

* * *

এইখানে এসে তার চিন্তা সব বেন এলোমেলা হয়ে খেঁই হারিয়ে মনের আকাশে বিধ্বকর্ম। পূজার দিনের অসংখ্য কাটা ঘুড়ির মত ছড়িয়ে হারিয়ে গিয়েছিল।

নাটকের উপসংহার বা সমাপ্তি বেন অসম্পূর্ণ থেকে বাচ্ছিল। বারকয়েক নাটকখানি

আরও ক'রে কিছুদূর ছুটো—তিনটে দৃশ্য লিখেই সরিয়ে রেখেছে; ভয় পেয়েছে; এক বিরাট ধ্বংস এমন ভয়ালরূপে সামনে এসে দাঁড়িয়ে যে সেই ধ্বংস দৃশ্য পার হয়ে তার কল্পনা কোন একটি একবিন্দু আলোর আশ্রয় পেয়ে তাকে আঁকড়ে ধরে দাঁড়াতে পারে নি।

নাটক লেখা হয় নি। পুস্তক হয়েছিল নতুন প্রবন্ধের। ভেবেছিল প্রবন্ধের মধ্য দিয়েই মাকে জবাব দেবে। চিঠি দেবে না। কিন্তু তা লিখে তার মন তৃপ্ত হয় নি। শুধু তার খানিকটা অংশ নিয়ে শেষ পর্যন্ত তার মায়ের সেই অভিসম্পাত ভরা বা নিদারুণ উত্তাপ ভরা পত্রখানার জবাব দিয়েছিল।

লিখেছিল—তুমি আমাকে যে পত্র লিখেছ তার মধ্যে বাছা বাছা যে কঠিন বাক্যগুলি প্রয়োগ করেছ তা একান্তভাবে ব্যর্থ হয়েছে এবং লজ্জিত হয়েছে। তুমি এমন পত্র লিখবে এ আমি প্রত্যাশা করি নি। এমন অমৌক্তিক তুমি হতে পার এ ধারণা আমার ছিল না। অভঙ্গীর ঘটনা নিয়ে তুমি আমার উপর বিরক্ত ও বিরূপ সে কথাটা সর্বজনবিস্তৃত হলেও সে বিরক্তির বিবাক্ততা এবং সে বিরূপতার ব্যাপ্তি এমন তীব্র ও হুস্তর এ কথাটা আমি জানতাম না। আমি তো তোমার গর্বের সন্তান, তোমার কাছেই তো আমার প্রথম শিক্ষা। ছেলেবেলা দেখেছি তুমি ঠাকুরবাড়ী-মুখে হাঁটতে না। বলতে গেলে অবিশ্বাস করতে। আজ তুমি লেখাপড়া জানা মেয়ের ভাষার বা বলেছ আমাকে—সেকালে বড়মা তাঁর সে আমলের গৈরো ভাষায় ঠিক তাই বলত। তুমি আজ তাই লিখলে আমাকে ?

কথাটা মনে পড়িয়ে দিচ্ছে অংশুমানের পিছনের জীবনের কথা।

শুধু অংশুমানের পিছন জীবন কেন—তারও পিছনে আছে তার বংশের জীবন। তার বাবা নিরঞ্জন চৌধুরী, মা শোভা চৌধুরী।

না। শোভা চৌধুরী বিবাহসূত্রে চৌধুরী হওয়ার পূর্ব থেকেই মনে করতে হবে। আগে স্থান তার পরে কাল—সর্বশেষে পাত্র।

বর্ধমান জেলার উত্তর প্রান্তে অজয় নদী; নদী নয় নদ। না থাক তার নদের পৌরুষ। তবু নদ।

অজয়ের ধারে একখানি গ্রাম। ব্রাহ্মণ বৈষ্ণব গন্ধর্বণিক উগ্রকত্রির-প্রধান গ্রামখানিতে তার বাপ ক্যাঠারাই ছিলেন সব থেকে বড়। অন্ত অন্ত গ্রামে এ অঞ্চলে উগ্রকত্রিরেরা প্রধান এবং প্রবল হলেও এ গ্রামের জমিদার জোতদার ও মহাজন—এই তিনই ছিল চৌধুরীরা।

কাল ১২২৪ থেকেই আরম্ভ করা ভাল।

১২২৪ সালে অজয় নদের দক্ষিণ তটের উপর দেবগ্রাম গ্রামখানির, (গ্রামখানির নাম দেবগ্রাম) প্রধান জন ছিল চৌধুরীরা। উপাধি চৌধুরী, আভিতে ব্রাহ্মণ, গোত্রে কান্তপ অর্থাৎ চাটুজ্ঞে। বাংলা দেশে গ্রামীণ সমাজের মধ্যে নিঃস্ব থেকে-বাঁওরা মাহুদ থেকে সম্পদশালী কুলসম্পত্তিশালী ঘর পর্যন্ত অনেক জ্ঞেয়ী, অনেক ধাপ বা সিঁড়ি। দিন আনে দিন ধার, না আনলে উপোস ধার থেকে দিয়ে ধার, ধেরে ছড়ার, ছড়ানো ভাত কাকে ধার কুহুরে ধার যে ঘরে সে ঘর পর্যন্ত মুটে মজুর কুপাণ চাকর-চাষীতুবি জোতদার পর্যন্তই বহু ধাপ—তারপর প্রধান তিনটে ধাপ—জোতদার—মহাজন—জমিদার। এর সঙ্গে আবার আতের জ্ঞেয়ীবিভাগ

জড়িয়ে আছে, ছুৎ-অছুৎ—ব্রাত্য থেকে নবশাক পর্যন্ত অনেক শ্রেণী। উপরের তিনটে শ্রেণী সচরাচর কারস্থ বৈষ্ণব ব্রাহ্মণের মধ্যেই সীমাবদ্ধ। দেবগ্রাম চৌধুরীরা ব্রাহ্মণ।

অনেক পিছনের লোকেদের মুখের গল্প কথিত আছে যে অনেক পিছনের কালে দেবগ্রাম চৌধুরীরা পটো ঝাড়া বামুন ছিল। অর্থাৎ পুরুতগিরি ক'রে বেড়াত এই সদগোপগ্রামনি অঞ্চলে। লোকে বলত—ভলচাজেরা। অর্থাৎ ভট্টাচার্যেরা।

নিরঞ্জন চৌধুরীর পাঁচ পুরুষ আগে কৃষ্ণপুর থেকে কয়েকখানা গ্রাম পরের গ্রামের এক সম্পদশালী যজ্ঞমান বাড়ী সমাধে পতিত হয়েছিল গুরুতর অপরাধের জন্ত। তাদের সংসারে নাকি মুসলমান সংসর্গ দোষ ঘটেছিল। ঘটেছিল অয়্য কর্তার। তিনি অমিতচারীও ছিলেন না—পাপী ব্যভিচারী বলতে যা বোঝায় তাও ছিলেন না। বর্ধমান ফৌজদারের অধীনে কাজ করতেন, গানবাজনার শখ ছিল, বাঈজীতে আসক্ত ছিলেন—সে আসক্তি এমন গভীর হয়ে উঠেছিল যে শেষ পর্যন্ত তাকে গ্রামপ্রান্তের বাগানবাড়ীতে এনে তুলেছিলেন। ফলে পাতিভ্য ষটল। ওদিকে ফৌজদারের তরফ থেকে চাপ এল। তিনি ইসলাম ধর্মই গ্রহণ করলেন। রাজা সহায় রাজ সরকারের চাকরে—অবস্থাপন্ন ব্যক্তি—জমিদারী জারগীরদারী রয়েছে, বিশেষ অস্থবিধার পড়েন নি; কেবল মুন্সি হয়েছিল বাড়ীর শিলা নারায়ণ নিয়ে। জাত দিতে পেরেও ওট শিলাটিকে নদীর দহে বা পুকুরে ফেলে দিতে পারেন নি বা লোহার হাড়ুড়ি দিয়ে ভেঙে ফেলতেও পারেন নি। বিলাসী ফোজী ওই মাহুঘটির বুকের মধ্যে কোথায় একটি আশ্চর্য মমতা ছিল এই শিলাটির জন্ত।

অনেক ভেবেচিন্তে শেষ পর্যন্ত দেবগ্রামের পুরোহিত ঠাকুরটিকে ডেকে তাকে দিয়েছিলেন এই শিলা নারায়ণটি এবং তার সেবার্চনার জন্ত দিয়েছিলেন কুড়ি বিঘার একটি জোত—তার সঙ্গে একটি পুকুর একটি বাগান। সবই নিজের সম্পত্তি। খাস নবাবী দপ্তর মুরশিদাবাদ থেকে নবাবী সইযুক্ত নাথরাজনামা আনিয়ে দিয়েছিলেন। গল্প আছে নাথরাজনামার দুটো জারগার লেখা ঝাপসা হয়ে গেছে, ঠিক স্পষ্ট নয়। লোকে বলে—নাথরাজনামাখানা চাটুজ্জ ভট্টাঙ্গকে দেবার সময় কর্তার চোখের জল পড়েছিল দু ফোটা।

এই সূত্রপাত। যিনি এই ঠাকুর এবং জমি পেয়েছিলেন তিনি নিরঞ্জন চৌধুরীর বৃদ্ধ পিতামহ।

এর পরের পুরুষ নিরঞ্জন চৌধুরীর প্রপিতামহ চাকরি নিয়েছিল—ফৌজদারের উপরি উপার্জন থেকে মহাজনী কারবার ক'রে একই সঙ্গে জোতদার ও মহাজন হয়ে উঠেছিলেন। এবং চৌধুরী উপাধিও পেয়েছিলেন। জমিদার হয়েছিলেন নিরঞ্জনের পিতামহেরা। পিতামহেরা দুই ভাই। তাঁরাই জমিদারী অর্জন করে পুরুতগিরি পেশার লজ্জাকর পরিচয় মুছে ফেলবার জন্তই চট্টোপাধ্যায় (সাধারণে ভুল ক'রে বলত ভট্টাঙ্গ) উপাধি বর্জন ক'রে চৌধুরী উপাধি কায়ম করে—বাড়ীর দেবসেবার জন্ত অন্ত এক ব্রাহ্মণকে এনে গ্রামে বসিয়েছিলেন।

খাক। পিছনেরও পিছনের ঘটনার এখানেই যবনিকা পড়ে থাক। না। আর একটা আপনা থেকে ডাক দিয়ে কানের কাছে এসে শুনিয়ে দিচ্ছে। বলছে—আরও একটা কথা আছে। নিরঞ্জন চৌধুরীর পিতামহেরা দুই ভাই। শেষ জীবনে দুই ভাগে ভাগ হয়েছিল।

এক ভাইয়ের এক ছেলে অল্প ভাইয়ের দুই ছেলে। নিরঞ্জনর বাপ ছিল ওই বাপের এক ছেলে। সেই এক ছেলের আবার দুই ছেলে। অর্থাৎ নিরঞ্জনর এই সহোদর আর দুই ভাইয়ের ছেলে দুগুণ অর্থাৎ আটজন। সুতরাং পরের পুরুষেই স্নক হল তীক্ষ্ণপর্ব থেকে সৌম্যিক পর্ব পর্যন্ত বা স্রীপর্ব পর্যন্ত কুরুক্ষেত্র ভাগ স্নক হয়ে গেল।

মামলা মকদ্দমা, বিবাহে উপনয়নে, শ্রীক্ষেত্র ক্রিয়াকাণ্ডে সমারোহ থেকে আরম্ভ করে, কথিত আছে, বর্ধমানের খেমটাওয়ালীদের আসরে প্যালা দেওয়ার পাল্লা পর্যন্ত সে-কুরুক্ষেত্র মহাভারতের কুরুক্ষেত্র থেকে পৃথক হ'লেও অত্যন্ত সাধারণ এবং সুপরিত্তিত। এরই মধ্যে একটি যুদ্ধ-মুখ বা ক্ষেত্র হ'ল রাজাসুগ্রহের ক্ষেত্র। যে যেমন রাজাসুগ্রহ পায় তেমননি প্রতিপত্তি সে বিস্তার করে সাধারণ মানুষের উপর সমাজের উপর।

১২২০ সাল পর্যন্ত প্রেসিডেন্ট পঞ্চায়েতী নিয়ে ছিল প্রতিযোগিতা। এ পদটি চৌধুরীদেরই দখলে ছিল কিন্তু চৌধুরীদের মধ্যে ছিল দারুণ বিবাদ।

১২৩১ সালে হল ইউনিয়ন বোর্ড। ওদিকে লেজিসলেটিভ কাউন্সিলের নির্বাচন।

আজ ১২৩১ সালে বলার প্রয়োজন আছে যে ১২২১ সালে লোরার হাউসের নাম এ্যাসেম্বরী ছিল না, কাউন্সিল ছিল। আপার হাউস ছিল এ্যাসেম্বরী।

১২২১ সালে ইউনিয়ন বোর্ডে নিরঞ্জন চৌধুরীর ভাই হয়েছিল প্রেসিডেন্ট। আগে থেকেই নিরঞ্জনর দাদা প্রেসিডেন্ট পঞ্চায়েৎ ছিল এখানকার। তখন নিরঞ্জনরা ছিল একসংসারে। এইখানেই ভাইয়ে ভাইয়ে বিরোধ বেধেছিল। বেধেছিল ১২২১ সালের আন্দোলন নিয়ে। ১২২১ সালে পূজার সময় দেবগ্রামের দুগাই মিশ্রির কাপড়ের দোকানে হঠাৎ একদল ছেলে পিকেটিং স্নক ক'রে দি়রেছিল। বিলিভী কাপড় কেউ কিনে না—বেচতে পাবে না বিলিভী কাপড় এই ছিল দাবী। দুগাই মিশ্রি ছিল নিরঞ্জনর দাদা পুরঞ্জনের ক্লাস-ফ্রেণ্ড। এবং ইউনিয়ন বোর্ডে সে ছিল ক্লাক এবং ট্যাক্স কলেকটর—দুই। দুগাই মিশ্রিই আবিষ্কার করেছিল যে, এই পিকেটারদের পিছনে যিনি প্রেরণাদাতা তিনি নিরঞ্জন চৌধুরী এবং এই দুগাইই ব্যাখ্যা করেছিল যে এটার কারণ স্বদেশপ্রেম নয়, দেবগ্রামে বিলিভী কাপড় বিক্রীতে পিকেটিং-এর অর্থ হ'ল এখানকার ইউনিয়ন বোর্ডের প্রেসিডেন্টকে জেলার ওপরতলাদের কাছে অপদার্থ প্রতিপন্ন করা।

নিরঞ্জন চৌধুরী এদের সমর্থক ছিল এ কথা সত্য। কিন্তু তার দাদাকে অপদাহ করা তার অভিপ্রায় ছিল এ কথা সত্য নয়। আসল সত্য হল এই যে, দেশজোড় আন্দোলন তাকেও স্পর্শ করেছিল। কিন্তু তার নিজের ক্ষমতা ছিল না আন্দোলনে বাঁপিয়ে পড়তে। তাই সে ওই বাচ্চা বাচ্চা ছেলেদের দিয়ে বিলিভী কাপড়ের দোকানে পিকেটিং করিয়ে কিছু পুণ্য সঞ্চয় করতে চেয়েছিল। তার সঙ্গে কিছু প্রতিষ্ঠাও হয়তো কাম্য ছিল। এবং সারকল অফিসার থানা অফিসার যখন দাদা পুরঞ্জনকে বলেছিল—আপনার এলাকার ছেলেরা আপনার কথা না মেনে আপনার ছোট ভাইকে মানবে এটা মশাই যেন কেমন লাগে। মনে হয় আপনাই এসব ভাইকে দিয়ে করাজেন। এর সঙ্গে সারকল অফিসার গদি বলেছিলেন—আপনাকে রায়সাহেব করার কথা মাঝে মাঝে ওঠে পুরজনবাবু। কিন্তু এসব করলে—।

ওই ওভেই বিচিত্র ভাবে একদা স্পষ্ট ও প্রকট হয়ে উঠল যে নতুন এবং পুরনো দুটো কালে বিবাদ বেধে গেছে। দেশে নয়, দেবগ্রাম গ্রামে চৌধুরীদের বাড়ীতে। বাড়ীটাই দু'ভাগ হয়ে গেল। হল ওই ঘটনাটিকে অবলম্বন করে। অথবা আজকে এই যা ঘটেছে—সেই ঘটনাটির স্মৃতি হয়েছিল সেই দিন।

*

*

*

পুরজন চৌধুরী শুধু ক্ষুধাই হয় নি। জুড়ও হয়েছিল। ছোট ভাইটার জন্ত সে তো কম করে নি। এট্রাঙ্গ ফেল এই নিরঞ্জন খোকা নয়, বয়স তার বেশ হয়েছে। দুই ছেলে এক মেয়ের বাপ। ছেলেরা বড় হয়েছে, বড় ক্লাস নাইনে পড়ছে। অবশ্য অল্প বরসে ছেলে হয়েছে। তা হোক। খোকা সাজলে চলবে না। ছেলের বাপকে মনে রাখতে হবে যে সে ছেলের বাপ। এ কাল পর্যন্ত পুরজনই এস্টেট চালিয়ে আসছে। যোগ্যতার সঙ্গে চালাচ্ছে। তাদের জ্যাঠুতো ভাইদের সম্পত্তি দু'পয়সা চার পয়সার ক'রে সাপের হরিণ গেলার মত গিলছে। জমিদারী বেড়েছে জমি বেড়েছে। এসব পুরজন নিজের একার জন্ত করে নি। দুই ভাই ভাগ করে নেবে বলেই সে দুই ভাইয়ের নামে কিনেছে। নিরঞ্জন এট্রাঙ্গ ফেল ক'রে ঘরে ব'সে কিছুকাল ফুটবল খেলে বেড়িয়েছে। আর গানবাজনা। তবলা পাখোয়াজে পাকা বাজিয়ে। গানও গায়। তারপর ১৯১৫।১৬ সাল থেকে যেতেছে থিয়েটারে। বর্ধমান শহরের মহারাজার থিয়েটারে পার্ট ক'রে সে নাম করেছিল। তাতে খুশী হয়েছিল পুরজনবাবু এবং গ্রামে শহরের থিয়েটারেরও পত্তন করেছিল। বাড়ীতে পিতামহ রাধাগোবিন্দ বিগ্রহ স্থাপন করে দেবোত্তর সম্পত্তি দিয়ে গিয়েছিলেন। সেই দেবোত্তরের টাকায় চলত থিয়েটার। রাধাগোবিন্দের দোলযাত্রা রাসযাত্রা উপলক্ষে উৎসব হ'ত—সেই সময় দেবগ্রাম রাধাগোবিন্দ থিয়েটার তিন দিন তিন দিন ছ দিন অভিনয় করত। কলকাতা থেকে ছেলে আনতে হ'ত যেতে সাজবার জন্তে। যে ভাইয়ের জন্ত এত করেছেন পুরজন সেই ভাই এইভাবে বীকা পথে বিরোধিতা করছে এ কথা জেনে তার ক্ষুব্ধ এবং জুড় হবারই কথা। দারোগা এবং সার্কেল অফিসার দুজনেই বলে গেল—এ রিপোর্ট আই. বি-র রিপোর্ট। এ-খবর মিথ্যে হয় না, হ'তে পারে না।

ভাইকে ডেকে পুরজন বললে—তুই এত বড় কুটিল শরতান? এত নীচ হ'তে পারিস তুই?

নিরঞ্জন চমকে উঠেছিল।—কি বলছ। কি করেছি?

—কি বলছি? তুই অস্বীকার করতে পারিস, দুগাই মিশ্রির দোকানে যারা বিলিভী কাপড় কেনার বিরুদ্ধে পিকেটিং করছে তাদের পিছনের লোক তুই?

অবাক হয়ে নিরঞ্জন বলেছিল—হ্যাঁ তা অস্বীকার করব কেন? আছিই তো।

—কেন আছিস?

—কেন আছি? এটা আবার কোন প্রশ্ন হতে পারে নাকি?

—কেন? পারে না কেন?

—না, পারে না। কারণ আমরা জমিদারবংশের ছেলে জমিদার,—আমাদের টিকি বাধা আছে ইংরেজ গভর্নমেন্টের কাছে। আমরা জমিদারী আইনে গভর্নমেন্টকে সাহায্য করতে বাধ্য। তিন নম্বর হল আমি যতদিন সংসারের কর্তা এবং আমি যতদিন ইউনিয়ন বোর্ডের প্রেসিডেন্ট—ততদিন এ বাড়ীর কেউ গভর্নমেন্টের বিরোধীদের দলের খাতার নাম লেখাবে তা হবে না।

নিরঞ্জন বিস্মিত হয়ে বলেছিল—তুমি যে নিজেকে স্বদেশী স্বদেশী কর, স্বদেশী কাপড় পড়, স্বদেশী জিনিস ব্যবহার কর ?

বাধা দিয়ে পুরঞ্জন বলেছিল—সে আলাদা কথা। তার সঙ্গে আন্দোলন করার কোন সম্পর্ক নাই।

কথার মাঝখানে নিরঞ্জন কিছু বলতে চেয়েছিল কিন্তু পুরঞ্জন হাত নেড়ে বলেছিল—থাম্ থাম্—শোন শোন—বা বলছি শোন। বুঝিস তো ছাই। নটোগিরি আর আড্ডা দিয়ে তো দিন কাটাস। গভর্নমেন্টের খাতার বাবার আমল থেকে আমাদের নাম আছে ; খেতাব দেবার কথা ছিল বাবাকে কিন্তু বাবা মরে গেলেন হট ক’রে। আমাকে সার্কল অফিসার বলে গেছেন—

—ও— তাই বুঝি এত দরদ।

পাকা সিরিও-কমিক এ্যাক্টরের অ্যাক্টিংএর সুরে নিরঞ্জন এবার ওই ‘—ও—’ শব্দটি উচ্চারণ করেছিল যে তাইতেই চৌধুরীবাড়ীর জীবননাট্য—একটি অঙ্কের সমাপ্তি ঘটে যবনিকাপাতের মত একটা অধ্যায়ের সমাপ্তি ঘটে গিয়েছিল।

অর্থাৎ এতেই চৌধুরীবাড়ীর শেষ সম্পন্ন এবং বিস্তারিত বাড়ীটিও দু’ভাগে বিভক্ত হয়ে গেল।

তা গেল, কিন্তু তার ফলটা নিরঞ্জন চৌধুরীর পক্ষে ভাল হ’ল না। সে একেবারে একলা পড়ে গেল। নিরঞ্জনের স্ত্রী—বড়ভাই পুরঞ্জনের স্ত্রীর খুড়তুতো ভাই এবং পুরঞ্জনের স্ত্রীর যেসোমশাই সেকালের একজন নামজাদা লোক। এম-এ পাশ ; অধ্যাপনা ছেড়ে কয়লার ব্যবসা ক’রে মস্ত ধনী হয়েছেন। একজন খেতাবধারী রাইবাহাদুর। লাটসাহেবেরাও তাকে সম্মান করে। এই কারণেই নিরঞ্জনের স্ত্রী—স্ত্রী পুত্র শশুর শাশুড়ী সহোদর থেকে সহোদরের এই খেতাবধারী মাসখশুর পর্যন্ত তাকে প্রায় একা ফেলে তাকে অস্বস্তি করতে চেয়েছিল—সে ভুল করেছে। তাতেও কিন্তু নিরঞ্জন ভুল স্বীকার করে নি। সে স্ত্রী পুত্রদের সঙ্গে অসহযোগিতা করেই জীবনে আঁকড়ে ধরেছিল—মাগন জেদে। চাষবাসে মন দিচ্ছেল, ধিরেটারকে খুব জাঁকজমক দিয়ে সমৃদ্ধ করেছিল। তাতে তার বেকার ছেলের দলের চেলার সংখ্যা বৃদ্ধি পেয়েছিল। শুধু চেলার সংখ্যা বাড়াই নয়—কয়েকটা সে-আমলের স্বদেশী নাটক ক’রে সে অসাধারণ জনপ্রিয়তা অর্জন করেছিল। সে জনপ্রিয়তা চিন্তিত করেছিল পুরঞ্জনকে। তিনি গুজব শুনছিলেন ১৯২৪/২৫ সালে ইউনিয়ন বোর্ড ইলেকশনে নিরঞ্জন তার সঙ্গে ভোটযুদ্ধে যুদ্ধ দেবে। সে ধিরেটার বন্ধ করবার জন্ত কন্দি খুঁজে বের করলে। দেবোত্তর থেকে ধিরেটারের খরচা কেওয়া হবে না। আমোদ-আহ্লাদের জন্ত সামান্য খরচ করে কীর্তন-

যাত্রা করিয়ে বাকী টাকা আর একটা প্রাইমারী গার্লস স্কুল খুললে। পুরজন চৌধুরীর ওই মেসোমশাই গভর্ণমেন্ট থেকে এড সংগ্রহ করে দিলেন। জেলা ম্যাজিস্ট্রেটকে এনে ধুমধাম করে সভা-সমিতি করালেন। তিনজন শিক্ষয়িত্রী এল। দুজন প্রাইমারী বালিকা বিদ্যালয়ের জন্ত—একজন বহুস্ত্রী মহিলাদের সেলাই এবং জামার ছাঁটকাট শিক্ষা দেবার জন্তে। নিরঞ্জন চুপ করে বসে রইল না, বিচিত্র ভাবে—সে আপনার পথে আপনি আবিষ্কার করে নিলে; জল যেমন ঢালের মুখে আপনি একে-বেকে—সে সামনেই চলে—ঠিক তেমনি ভাবেই তার এ পথ চলার পথে গতির বেগে আপনা থেকেই তৈরী হয়ে গেল। দাদার সঙ্গে ভিন্ন হয়ে—সে মন দিল চাষবাসে, আর থিয়েটারের ক্রটিতেই সে ওই থিয়েটারটিকে শুধু থিয়েটার না রেখে তার সঙ্গে লাইব্রেরী জুড়ে এবং একটা ফুটবল ক্লাব জুড়ে দিয়ে তৈরী করে ফেললে পূর্ণাঙ্গ একটি ক্লাব। তার সঙ্গে মাসান্তে পূর্ণিমার পূর্ণিমার পূর্ণিমা-মিলন বলে আলোচনা বৈঠক বসাতো। আলোচনার প্রধান বিষয়বস্তু তখনকার কালে ছিল দুটি। প্রথম স্বাধীনতা,—প্রথম পরাধীনতা থেকে মুক্তি, দ্বিতীয় সামাজিক শাসন থেকে মুক্তি। নিজের স্ত্রী-পুত্রদের বিরোধিতাকে উপেক্ষা করেই নিরঞ্জন পথে নেমেছিল এবং চলেছিল। ঘরের মদুত খান সব বিক্রি করে—খারদেনা করেও তার চৈতন্ত হয় নি। একটা জেদ চেপে গিয়ে সেই জেদের বশেই সে চলেছিল সর্বজন-পরিভ্যক্ত সংকীর্ণ একটি গ্রাম্য নালা বা খালের অগভীর শ্রোতে নিজের জীবনের নৌকাখানি ভাসিয়ে, বুক দিয়েই প্রায় ঠেলে নিয়ে চলেছিল। ঠিক ছিল না বৈতরণীর কোন ধারায় গিয়ে মিশবে। কারণ শোনা যায় বৈতরণীর দুটি ধারার একটি ধারা নিয়ে গিয়ে ফেলে অন্ধকার অস্বাচ্ছন্দ্যের লোকে—অন্তটি নিয়ে যায় স্বর্গে না হোক স্বর্গের বন্দরে।

১৯২৪ সাল পর্যন্ত আর একটা মোড় ঘুরল। একলা নিরঞ্জনেরই নয় সকলেরই জীবনে।

১৯২৪ সালে এল দ্বিতীয় বারের লেজিসলেটিভ কাউন্সিল ইলেকশন। তখন গ্র্যাসেমরী ছিল না—তখন ছিল কাউন্সিল। ১৯২১ সালের প্রথম ইলেকশনে কংগ্রেস ভোটে নামে নি। নামল দ্বিতীয় বারে; ১৯২৪ সালে। বর্ধমানের এলাকার ভোটযুদ্ধ তাদের মাথাতে পারে নি। মাতিয়েছিল—বীরভূমের ভোটযুদ্ধ। অজয় নদীর দক্ষিণ দিকে বাঁধের পায়ে তাদের গ্রাম। আর নদী পার হয়ে ওপারে উত্তরপারে বীরভূম এবং ওই উত্তরপারেই ছিল চৌধুরীদের জমিদারী পত্তনী এলাকা। বীরভূমে সেবার ঝাড়িয়েছিলেন একজন রায়বাহাদুর এবং একজন রাজাবাহাদুর। রাজাবাহাদুরের ম্যানেজার এবং সর্ব যজ্ঞ কর্মকর্তা ছিলেন তাঁর পিসতুতো ভাই একজন জমিদার—অবনীশ রায়। কংগ্রেস কোন প্রতিনিধি পার নি। কিন্তু হঠাৎ ওই ইলেকশনের কোন একটা ব্যাপার নিয়ে রাজাবাহাদুরের ক্রোধ হ'ল তাঁর পিসতুতো ভাইয়ের উপর। বিরোধটা হঠাৎ এমন দাবানলের মত জলে উঠল যে দাউ দাউ করে জলতে জলতে এই রায়মশাই রাজ এস্টেট ছেড়ে—ইলেকশনের কর্তৃত্ব ছুঁড়ে কেলে দিয়ে—সটান গিয়ে উঠেন—বিপিসিসি অফিসে। এবং কংগ্রেসের সভ্য হয়ে—বীরভূম জেলা থেকে কংগ্রেস নমিনি হিসেবে ভোটযুদ্ধে অবতীর্ণ রবী হয়ে ফিরে এলেন। টাঙ্গুলার কাইট হয়ে গেল।

নিরঞ্জনের দাদা পুরঞ্জনের সেই খ্যাতিনামা মামাঈশ্বর তাঁর বন্ধু রায়বাহাদুরের পক্ষ নিয়ে পুরঞ্জনের বাড়ী এলেন। তাকে নিয়ে বীরভূমের অজয় তীরবর্তী এলাকাগুলো ঘুরলেন। এবং পুরঞ্জনকে সব কাজের ভার দিয়ে গেলেন। আপিস পর্যন্ত খোলা হয়ে গেল। মাইনে ক'রে ছা'তিনজন বেকারকে বসানো হ'ল।

নিরঞ্জন তার বাইসিক্ল নিয়ে অজয়ের উত্তর তীর থেকে সিউড়ী—সে অনেক কয়েক ক্রোশ পথ—সেখান পর্যন্ত গিয়ে সিউড়ি বীরভূম কংগ্রেস আপিস থেকে কংগ্রেসপ্রার্থী রায়মশায়ের নির্বাচন ব্যবস্থার সকল ভার নিয়ে ফিরে এল। শুধু তাই নয় পরদিন বর্ধমান শহরে বর্ধমান জেলা কংগ্রেস আপিসে গিয়ে—নগদ টাকা দিয়ে নিজে কংগ্রেসের সভ্য হল, তার সঙ্গে তার ক্লাবের অল্পগত সব ছেলেগুলির নামে রসিদ কাটিয়ে—দেবগ্রাম কংগ্রেস কমিটি কর্ম করে, বাজার থেকে একটা সাইন বোর্ড লিখিয়ে নিয়ে বাড়ি ফিরল রাত্রি প্রায় দশটার।

ভাই তো বিরোধী ছিলই। সেই বিরোধ থেকেই এত কাণ্ড। স্বী-পুত্রেরা নিরঞ্জনের তখন খুব ছোট ছিল না। তারাও এতে বিরোধী হয়েছিল। কিন্তু নিরঞ্জন শোনে নি। শোনে নি নয়, কর্ণপাতও করে নি, গ্রাহও করে নি।

একটা যুগের ভাবজীবন যেটা সেটাই হ'ল মামুয়ের জীবনশ্রোতের শক্তির সৃষ্টি। তীর এবং তরঙ্গের সংঘর্ষে তার উদ্ভব। যেখানটিতে কোন একটি বিশেষ কিছু ঘটে সেখানেই গন্ধার ঘাটের মত ঘাটের সৃষ্টি হয়।

এই ঘটনার মধ্যে বড় ঘটনা হল—বহুর জীবনশ্রোতে একটি কোন বিশেষ শ্রোতের ধারার মিশে যাওয়া। নদীর দুই কূলের জল—কূল ভাসিয়ে নদীতে এসেই পড়ে। কিন্তু যেখানে সেই কূলের জল অল্প একটি শ্রোতকে সৃষ্টি করে—সেই ধারা বেয়ে এসে নদীতে পড়ে তখনই হয় সংগম তীর্থ। যুক্তবেণী। আবার সেই শ্রোত ছেড়ে যখন কোন শ্রোত বেরিয়ে সাগর-সন্ধানে ছোটে তখন সেটা হয় মুক্তবেণী।

যে ধারা রূপে হারা হয় সে ধারা অভিশপ্ত।

যে ধারা সাগর পর্যন্ত যায় সে ধারা—

ধাক।

সেদিনের কথাই বলি। সেদিন নিরঞ্জন জনতার জীবনশ্রোতে এসে মিশেছিল অনেকগুলি জীবনের জলধারাকে নিয়ে। লোকে নিরঞ্জনের দিকে সবিন্যে তাকিয়ে থেকেছিল।

*

*

*

১৯২৪ সালে কংগ্রেস বীরভূমে জিতেছিল।

রায়বাহাদুর রাজাবাহাদুর দু'জনকেই হারিয়ে জিতেছিলেন রায়মশায়। সঙ্গে সঙ্গে নিরঞ্জনও বিখ্যাত হ'ল। তাকে রায়মশাই ভালবেসেছিলেন। রায়মশায়কে ভালবাসতেন—দেশবন্ধু। দেশবন্ধু চিত্তরঞ্জনর ডান হাতের মত তাঁর জীবনকাল পর্যন্ত অবনীশ রায় অহরহই পাশে থাকতেন। স্বর্গীয় জিতেন বন্দ্যোপাধ্যায় স্বর্গীয় সত্যেন মিত্র তাঁরা অবনীশ রায়ের

সঙ্গে তাঁর বাড়ী আসতেন। বীরভূমে সভা-সমিতি করে বেড়াতেন। নিরঞ্জন তাঁদের সঙ্গে ঘুরত। এবং তাঁর আগ্রহাভিষেঘে দু'চার বার দেবগ্রামেও এসেছিলেন।

নিরঞ্জন ক্রমে ক্রমে কলকাতার পরিচিত হয়েছিল। সুভাষচন্দ্র কিরণশঙ্কর বতীঅমোহন সেনগুপ্ত প্রভৃতি-দের সঙ্গেও পরিচিত হয়েছিল। দেশবন্ধুর তিরোধানের পর বতীঅমোহন সেনগুপ্তের দলের সঙ্গে থাকতেন। ১৯৩০ সালে নিরঞ্জন চৌধুরী আইন অমান্ত করছিলেন কিন্তু জেলে যান নি। তা বলে বণ্ড বা দাসখত লিখে ছাড়ান নিরে ঘরে ঢোকেন নি। নিরঞ্জন চৌধুরী ছিলেন পাঁচা জ-জো-ম অর্থাৎ জমিদার জোতদার ও মহাজন; টেনেসী অ্যাক্ট থেকে ইন্ডিয়ান পেনাল কোড, ছেলেবয়েস থেকে বাড়ির গাইয়ের দুধ, বাড়ির শিছনের কুকসাররের জল এবং মোকররী মোরসী খেয়ের জমির গোবিন্দভোগ চালের সঙ্গে এবং ক্ষেতের গুড় ও পুকুরের মাছের সঙ্গে আরক্ত করেছিলেন। সেই আইন-জ্ঞানের বলে দস্তুরমত মামলা লড়ে ভারত সরকারকে হারিয়ে দিয়ে খালাস পেয়ে বাড়ি এসেছিলেন। এত কথাই হয়তো প্রয়োজন হত না কিন্তু এই কথা বা এই অতীত ঘটনাগুলির সঙ্গে অংশমানের জীবনের বোগ অভ্যস্ত ঘনিষ্ঠ; এমনই ঘনিষ্ঠ যে এই ঘটনাগুলি না ঘটলে অংশমান হয়তো এ সংসারে আসত না, এবং তাঁর মতিগতি প্রকৃতি ঠিক এমনই হত না।

১৯৩০ সালে দেবগ্রাম গ্রামে ১৪৪ ধারা জারি করে সভা সমিতি মিছিল নিষিদ্ধ করা হয়েছিল। কিন্তু সরকারের খেয়াল ছিল না যে দেবগ্রাম গ্রামখানি সরকারী খতিয়ান অল্পহারী একটি যোজা নয়; সদর রাস্তার উত্তর দিকে একসারি বসতি এবং খানাটিই হল সরকারী খতিয়ান অল্পহারে দেবগ্রাম। সদর রাস্তাটি থেকে দক্ষিণ দিকে গোটা গ্রামটি হল অল্প একটি যোজা—ভার নাম চক দক্ষিণপাড়া—এবং এইটিই মূল বসতি।

নিরঞ্জন চৌধুরী প্রেসেন্স নিয়ে গেলেন সদর রাস্তার উপর দিয়ে, খানার সামনে দিয়ে। খানার দ্বারোগা নিরঞ্জন চৌধুরী এবং তাঁর সঙ্গে আরও চারজনকে অ্যারেস্ট করে প্রেসেন্স ভেঙে দিলে। এখন ১৪৪ ধারা অমান্তের জন্তে মামলা করলে। চৌধুরীর জেলে বাওয়াই ঠিক ছিল। কিন্তু ওই আইনের ফাঁকটা হঠাৎ মনের চোখের সামনে একদিন তাকে-কেলে-রাখা ফর্জত বস্তুর মত চোখে পড়ল; চৌধুরী তাকে উপেক্ষা করলেন না। জামিন নিলেন। উকীল দিলেন। এবং প্রমাণ করে দিলেন, তিনি প্রেসেন্স নিয়ে গেছেন—এনি তুলেছেন সবই করেছেন আইনসংগত ভাবে। কারণ ১৪৪ ধারা জারি আছে দেবগ্রামে। তিনি প্রেসেন্স নিয়ে গেছেন যে রাস্তার উপর দিয়ে সে রাস্তার দেবগ্রামের এক ইঞ্চি জমি বা সীমানা নেই। পুলিশ তাঁকে বা তাঁদের অ্যারেস্ট করে বেআইনী এবং সাম্রাজ্যবাদী খামখেয়ালী অত্যাচারের চরম দৃষ্টান্ত স্থাপন করেছেন। আদালত চৌধুরীকে এবং তাঁর সহকারীদের সশ্রমানে ছেড়ে দিয়েছিলেন। দু'চারটে সাকৌতুক মন্তব্যও করেছিলেন। কিন্তু সে কথা থাক। ব্যাপারটার ওখানেই শেষ নয়। চৌধুরীরা মামলার খালাস পেলেন বটে কিন্তু গার্লস স্কুলের শিক্ষয়িত্রী কুমারী শোভা চক্রবর্তীর চাকরিটি গেল।

মেয়েটি মাস ছয়েক আগে সরোজনলিনী মেমোরিয়াল জাতীয় একটি প্রতিষ্ঠানে পড়ে পাস করে দেবগ্রামে চাকরি নিয়ে এসেছিল; বরল পচিশ-ছাকিশও হয় নি। অল্প বয়সের চাপল্যবশে

বা ভার্স্যার্থের দুঃসাহসবলে মেয়েটি কংগ্রেসের সঙ্গে গোপন যোগাযোগ রেখে তাঁদের সাহায্য করছিল।

কথাটা কিন্তু গোপন রাখার চেষ্টা সত্ত্বেও অগোচর কারুর ছিল না। তার কারণ শোভা চক্রবর্তী নাটকান্ধনের মুখা ভক্ত ছিল—উজ্জ্বলিত প্রশংসা করত। এবং নিরঞ্জন চৌধুরীর লেখা নাটক একখানি ওই শোভা চক্রবর্তী কপি করে দিয়েছিল। এবং এর জন্য শোভা চক্রবর্তীকে কেউ নিন্দা বা অশ্রদ্ধাও করে নি কিন্তু একখানা বেনারী দরখাস্ত গিয়েছিল পুলিশসাহেবের কাছে এবং ডিস্ট্রিক্ট ইন্সপেক্টর অব স্কুলের কাছে যে শোভা চক্রবর্তী শুধু গোপনে কংগ্রেসকে সাহায্যই করছেন না, নিরঞ্জন চৌধুরীর সঙ্গে তার যে যোগাযোগ ও মেলামেশা তা অত্যন্ত আপত্তিজনক।

তদন্ত একটা হল এবং শোভা চক্রবর্তীর চাকরিও গেল। কিন্তু শোভা চক্রবর্তী দেবগ্রাম থেকে গেল না। স্কুলের শিক্ষয়িত্রীদের বাসা থেকে সোজা এসে উঠল নিরঞ্জন চৌধুরীর বাড়ির অন্তরমহলে। নিরঞ্জন চৌধুরী টোপর মাথার দিয়ে শোভা চক্রবর্তীকে বিয়ে করলেন।

নিরঞ্জন চৌধুরীর প্রথম পক্ষের স্ত্রী পুত্র কন্যার পরে প্রবল প্রতাপেই দখলিকার ছিলেন। দরখাস্তটা তাঁদের দিক থেকেই হয়েছিল; বড়ছেলের বরস তখন বাইশ-তেইশ। বি. এ. পাস করে ল পড়ছিল। মেয়ের বিয়ে হয়েছিল। ছোটছেলে ম্যাট্রিক ক্লাসে পড়ত। তারা প্রবল বাধার সৃষ্টি করেছিল এ বিয়ের পথে কিন্তু নির্বন্ধ,—সে নির্বন্ধ যারই হোক সে এমনি যে তাকে রোধ করা যায় নি। নিরঞ্জন চৌধুরী শোভাকে বিবাহ করলেন জেলা কংগ্রেসের আগিসের বাড়িতে হাঁদনাতলা পেতে এবং জেলার ম্যারেজ রেজিস্ট্রারের খাতায় সই করে। বছরখানেক থাকলেনও সদরে বাসা ভাড়া করে। সেই বাসাতেই সেই বছরের মধ্যে জন্ম হয়েছিল অংশুমানের। অংশুমানকে কোলে করে অংশুর মা মাথার নামমাত্র ঘোমটা দিয়ে দেবগ্রামের চৌধুরীবাড়ির ছোট তরফে আর একটা ছোট তরফের সৃষ্টি করে সেইতরফে এসে চুকেছিল।

নিরঞ্জন চৌধুরীর বৈঠকখানাবাড়ির পশ্চিমদিকে কুলিরাস্তার পশ্চিমদিকে ছিল সাবেক অন্তরমহল—এবার চৌধুরী বৈঠকখানার পূর্বদিকে কৃষ্ণসারের পাড়ে নতুন একটা ছোট দোতলা বাড়ি তৈরী করিয়ে নিয়েছিলেন, সেই বাড়ি হল ছোট তরফের ছোট তরফ।

* * *

অন্ধকার এবং আলো, আলো এবং অন্ধকারের মত পর পর জীবনের মধ্যকার ফাঁকি যেকী নকল আর সত্য ও আসল নিয়ে টানাপোড়েন দিয়ে তৈরী হয় বোধ করি ইতিহাস। আজ সৃষ্টির বিচিত্র ভঙ্গিতে অংশুমান দেখছিল শুধু ফাঁকি যেকী এবং নকলের দিকটাই। মনে হচ্ছিল সব ফাঁকি সব ফাঁকি সব ফাঁকি। না। না। এমন ক'রে দেখলে চলবে না। না। ভগবান তুমি ক্ষমা কর।

নিরঞ্জন চৌধুরীর বড়ছেলের নাম রমারঞ্জন, ছোটর নাম রাখারঞ্জন। নিরঞ্জন তাঁর ছোটছেলের নাম রাখতে চেয়েছিলেন সুরঞ্জন। তখন এক বছর শোভা চক্রবর্তীর সঙ্গে বর করে রমা রাখা কৃষ্ণ কালী প্রভৃতি নামগুলি তাঁর কানে বেন কেমন-কেমন ঠেকতে শুরু

করেছে এবং রজন শব্দটিতে সু যোগ করে নামটিকে আধুনিক করে নেবার মত মন ও কৃতিত্ব হয়েছে চৌধুরীর। কিন্তু শোভা তার ছেলের নাম সুরজন রাখতে দেয় নি। সে চায় নি যে তার ছেলের সঙ্গে বড়গিরীর ছেলেদের নাম বা প্রকৃতির বা কৃতির বা কোন কিছুই সঙ্গে এতটুকু মিল থাকবে। সে নিজের পছন্দ করে নাম রেখেছিল—অংশুমান।

শোভা চৌধুরী বাড়িতে পড়ে একে-একে আই. এ. তারপর বি. এ. পাস করেছিল এবং গার্লস স্কুলের সেক্রেটারী হয়েছিল। চ্যারিটেবল ডিসপেনসারীর মেম্বর হয়েছিল। এবং অংশুমানকে নিজের মনের মত করে গড়ে তুলেছিল। তাঁদের আদর্শমত মাহুশ করতে চেষ্টা করেছিল। তাতে এতটুকু ফাঁকও ছিল না। ফাঁকিও ছিল না।

*

*

*

সব মনে পড়ছে। এবং কিছুতেই একে বাকা চোখে দেখতে পারছে না। ১৯৪৭ সাল— তখন তার বয়স ষোল। তখনও পর্যন্ত সে ছিল নিষ্পাপ। হ্যাঁ, নিষ্পাপ অনারাসে তাকে বলা যায়। ইস্কুলে পড়াশোনায় ভাল ছিল। কবিতা লিখত। ভাল আবৃত্তি করত। কাজী নজরুল ইসলামের ‘বিদ্রোহী’ কবিতা আবৃত্তি করে জেলার আবৃত্তি প্রতিযোগিতায় সে মেডেল পেয়েছিল। প্রবন্ধ প্রতিযোগিতাতেও দ্বিতীয় হয়েছিল। তা ছাড়া সে তকলীতে সুন্দর সুরতো কাটিত।

তার বাবা মামলা করে জেল যাওয়া এড়িয়েছিলেন কিন্তু সুরতো কাটিতেন খন্দর পরতেন, জাতিভেদ অস্পৃশ্যতার বিরুদ্ধে মত পোষণ করতেন, বক্তৃতা করতেন; সকল লোকের— অস্বস্তি; যারা পরিচ্ছন্ন তারা যে জাতের লোকই হোক—তাঁদের বাড়িতে জল খেতেন। জমিদারী জ্বোতদারী ও মহাজনীর ক্ষেত্রে হুম্ম আইনের উপর চলতেন। ঠকিয়ে কাউকে নিতেন না এবং যেটুকু ভাষ্য পাওনা সেটুকুও ছেড়ে দিতেন না। গান্ধীজীর দৃষ্টান্তে মাহু মাংস খেতেন না। পূজা উপাসনা করতেন। তার এই বাবার অমূল্যরূপে সেও তকলীতে সুরতো কাটিত, খন্দর পরত, সকলজনের বাড়িতে এবং হাতে জল খেত। সেও মাহু মাংস খেত না।

তার মা গান্ধীবাদকে উপেক্ষা করতেন না কিন্তু তাঁর গান্ধী-মতবাদে কিছু উগ্রতা ছিল। পূজাটা তিনি পছন্দ করতেন না। বাড়ির দেবোত্তরের বা কিছু পূর্ণপার্বণ তা পালিত হত ছোটবাড়ির বড় তরফে—ছোট তরফ তার সঙ্গে সম্পর্ক রাখত না। সভাসমিতি করেই শোভা চৌধুরী বেশী বেড়িয়েছিলেন ১৯৪৪ থেকে ১৯৪৬ সাল পর্যন্ত। তারও আগে শান্তিনিকেতন গেছেন—রবীন্দ্রনাথকে দেখেছেন, প্রণাম করেছেন। অংশুমানের মা কখনও একটি সোনার গহনা ছাড়া দ্বিতীয় সোনার গহনা পরেন নি। সেটি হল সোনার মোড়া বিয়ের শোহার বেড়খানি, তাছাড়া ডান হাতে থাকত সাদা শাঁখা। বাঁ হাতেও শাঁখা থাকত। কিন্তু বাইরে যাবার সময় খুলে ফেলে খড়ি বাঁধতেন। মাথায় সিন্দূর ভাল বোঝা যেত না কিন্তু কপালে সিন্দূর বা কুমকুমের টিপটি থাকত নিখুঁত সুন্দর। অংশুমান প্রায় তাঁর সঙ্গে সঙ্গেই থাকত।

মা শোভা চৌধুরীর আকাঙ্ক্ষা ছিল ছেলে মাটি ক পরীক্ষায় স্ট্যাণ্ড করে। কিন্তু তা হয় নি—কার্ট ডিভিশনে তিনটে লেটার নিয়ে পাস করেছিল। সংস্কৃত বাংলা অঙ্ক। ইংরেজীটার

কম নখর হয়েছিল—না হলে ডিক্টিটে কলারশিপটা নিশ্চয় পেত। জেলার সে সেকেন্ড হয়েছিল।

১২৪৭ সালের ম্যাট্রিক পরীক্ষার পাস করে কলকাতার পড়তে এল। কলকাতার তখনও হিন্দু মুসলমান দাঙ্গা চলছে একটা সুদীর্ঘ খাণ্ডবদাহনের মত। বনে আগুন লাগার সঙ্গে এই দাঙ্গার যত মিল তত আর কিছুই সঙ্গে হয় না। কখনও দাউদাউ করে জলে, কিছুক্ষণ জলে, জলা শেষ হয়, সেখানটায় আগুন নেতে কিছু দেখতে দেখতে আর এক জায়গায় জলে ওঠে; এখান থেকে যে সব আগুনের টুকরো বা ফুলকি উড়েছে তা গিয়ে অস্ত্র এক বা দু'তিন জায়গায় ঘাসের মধ্যে পড়ে আগুন জালিয়েছে। জলতে জলতে আগুন জলে চলেছেই। শুধু এইটুকুই নয়। ১২৪০ সাল থেকে ১২৪৬ সাল পর্যন্ত বিরাট বিশ্বযুদ্ধ হয়ে শেষ হয়ে গেল। দেশে স্বাধীনতা আন্দোলনের একটা গান্ধীবাদী আন্দোলন গেল। সুভাষচন্দ্র কলকাতা থেকে বার্লিন—সেখান থেকে সিঙ্গাপুর টোকিও হয়ে কোহিমা এলেন। নেতাজী হলেন। বাংলাদেশে সাইক্লোন হ'ল; বন্যা হ'ল। দুর্ভিক্ষ হ'ল। কালোবাজার পর্দা খুললে। দেশে কম্যুনিষ্ট আন্দোলন প্রবল হ'ল। হ'ল অনেক। আদর্শবাদ ভেঙে গেল।

চিন্তিত নিরঞ্জন ও শোভা দুজনে পরামর্শ করে ছেলেকে এনে শোভার এক দিদির বাড়িতে রেখে গেলেন। শোভার ভগ্নীপতি পুলিশ কোর্টের উকীল। ভালো উকীল। সংসারটি পরিচ্ছন্ন। ছেলেরা সব চাকরে। বিদেশে বিদেশে ঘোরে। বাড়িতে থাকবার মধ্যে স্বামী-স্ত্রী অর্থাৎ শোভার ভগ্নীপতি এবং শোভার দিদি। থাকার ব্যবস্থা অত্যন্ত সম্মানজনক। মাসে মাসে একটি বেশ ভালো টাকা নিজে হরিচরণবাবু আপত্তি করেন নি। এ ছাড়া লোকজন আসা যাওয়ার মারফৎ তরিতরকারি টাটকা মাছ এবং মিহি চালের উপঢৌকন আসত। ১২৪৬।৪৭ সাল। তখন সারা বাংলাদেশেই চালের অভাব হয়েছে। গম খেতে হচ্ছে এক-বেলা। কলকাতা শহরে যারা ৪২।৪৩ সালে এসে 'একটু ফেন দেবে মা?' 'দুটো এঁটোকাটা?' বলে দোরে দোরে ফিরত তারা, মরেও শেষ হয় নি, দেশে ফিরেও যায় নি, চূপও হয় নি। বরং তাদের দল পুঁক হয়েছে, প্রতি বছরে বর্ষায় সময় গ্রাম থেকে নতুন নতুন লোক এসেছে।

মা শোভা চৌধুরী বাবার সময় বলে গেছিলেন—মন পাতিয়ে পড়। সাবধানে থাকিস। মুখটা আমার উজ্জল করিস। আমার অনেক আশা। তোমার বাপেদের গুটির ওই গেরো জমিদার দেবগ্রামের দেবতা হোস নে যেন। তোমার বাপ যে কি ছিল সেকালে, ধারণা করতে পারবি নে। ওই তো মুখের সামনে বলছি। নিজের দাদাদের বড়মারের ছেলেদের তো দেখেছিল। বড়দার মত যদি সন্তাগড়ার উকীল হোস তাহলে কিন্তু আমি গলায় দড়ি দেব।

বাপ বলেছিলেন—She is right. দেখ আমি মহাত্মাজীর শিষ্য। বুকেছ। হঠাৎ ঠিক পারি নে। তবু মনে মনে আমি ভাই। একটা বড় কিছু হও তুমি। আর সাবধানে খেঁকো। দাঙ্গাহাঙ্গামা চলছে। মাহুকের জীবনের কোন দাম নেই। সন্ধ্যার আগেই বাড়ি চুকো। মাসীমা মেসোমশাইকে বা হবে সব বলবে। ওদের অকারণে ভাবাবে না।

And be a good boy—ভবিষ্যতে যাতে man হতে পার। Either a leader or an I. A. S.

হানাহানি হানাহানির মধ্যে সে কলকাতা এক আশ্চর্য কলকাতা। অন্ততঃ তাই দেখেছিল অংগুমান। এক আশ্চর্য কলকাতাকে দেখেছিল।

সাম্প্রদায়িক বিষয়ে তখন মানুষ প্রায় পাগল হয়ে গেছে। বিষপ্রয়োগের ফলে একটা গোটা জাত যেন বিষজর্জরতার উন্মত্ত হয়ে উঠেছে। বিচারবোধ বিবেচনাশক্তি বিবাক্ত হিংসার কাছে পড়, বোবা। কিন্তু তারও মধ্যে মধ্যে বিচিত্র মানুষ অকস্মাৎ এসে দাঁড়াচ্ছে। নোরাখালি থেকে অত্যাচারিতেরা এখানে এসেছে। মুসলমানেরা হিন্দু পাড়া থেকে চলে গিয়ে মুসলমান-প্রধান অঞ্চলে দলে ভারী হয়ে বাস করছে; হিন্দুরা যারা মুসলমান-প্রধান অঞ্চলে ছিল তারা হিন্দু পাড়ার এসে জমেছে। বস্তির মানুষেরা এক একটা আশ্রয়ে গান্ধীগাদি হয়ে দিন কাটাচ্ছে। বীভৎস সাম্প্রদায়িকতার মধ্যে একটা যেন বড় কিছু করার মত ভাব বা ভক্তি ছিল। এরই মধ্যে নেতারা অহরহ ব্যস্ত। কংগ্রেস ও মুসলীম লীগকে নিয়ে লর্ড ওয়াডেল ও তারপর লর্ড মাউন্টব্যাটেন কথাবার্তা বলছেন। ইংরেজ চলে যাবে বলছে—কিন্তু কাকে দিয়ে যাবে ভারতবর্ষের ভার। সারা ভারতবর্ষ দুর্দশার মধ্যে চরম আত্মঘাতে লিপ্ত থেকেও মনে করছে তারই মধ্যে আছে কল্যাণ এবং মুক্তি।

মোসামশায় হরিচরণবাবু তখন খুব ব্যস্ত। পুলিশ কোর্টের উকীল। সে-সময় পুলিশ দালাল জন্তে যাকে পারছে তাকেই ধরছে। গুগারা যারা পাকা দালালজাত তারা গা-তাকা দিয়ে লুকিয়ে আছে। তারা ছাড়া পাড়ার পাড়ার ধে-সব তরুণেরা প্রথমে আত্মরক্ষার তাগিদে পরে প্রতিশোধ নেবার ডাকে সাড়া দিয়ে মালকৌচা মেয়ে দাঁড়িয়েছে তারাই ধরা পড়ছে বেশী। এই দিক থেকে পুলিশ কোর্ট এবং ম্যাজিস্ট্রেট কোর্টের উকীলদের কাজের খুব ভিড় পড়েছে। এবং এই সব নিয়ে আলোচনারও শেষ নেই। সে-আলোচনা উচ্চ পর্যায়ের দার্শনিক আলোচনা নয়, বৃহত্তর জীবনের স্তর-অস্তর নিয়ে আলোচনা নয়। সে-আলোচনা একেবারে বা পথে-ঘাটে ঘটছে তাই নিয়ে আলোচনা।

এরই মধ্যে ভারতবর্ষ ভাগ হয়ে স্বাধীন হবে ঠিক হল। সঙ্গে সঙ্গে মানুষের জীবন যেন পুর্ণিমায় সমুদ্রের মত উথলে উঠল। এবং তারই মধ্যে একদিন সে দেখলে আজাদ হিন্দ ফৌজের একজন সিপাহীকে। বাগবাজার স্ট্রীটের উপর প্যাণ্ডেল বেঁধে সভা হয়েছিল। বক্তা ছিলেন হেমন্ত বসু। অংগুমান দেখতে গিয়েছিল আজাদ হিন্দ দলের সেই সৈনিকটিকে। কালো রঙ, নির্দোষ সরল মুখ, ফৌজী পোশাক পরে ফুলের মালা পরে বসেছিল। আজ মনে প্রশ্ন জাগে—কি ছিল সে মুখের মধ্যে? আজ তার উত্তরও মেলে;—কিছুই ছিল না। না; তার মুখে কিছুই ছিল না! বা ছিল তা ছিল তরুণ অংগুমানের দৃষ্টির মধ্যে। সে দৃষ্টিতে সে দেখতে পেত স্বাধীন ভারতবর্ষকে। সে স্বাধীন ভারতবর্ষ আশ্চর্য এক ভারতবর্ষ। আজ মনে হয় সে হল তার নির্বোধ এবং মূর্খ মনের অতিহাসিকর এক কল্পনা। পরীদের তানা মেলে উড়ে বেড়ানো কল্পনার মত একটা বোকা এবং ছেলেমানুষী কল্পনা। সে দেখত স্বাধীন ভারতবর্ষ—সত্যবাদী মানুষের দেশ ভারতবর্ষ। অহিন্স মানুষের দেশ ভারতবর্ষ। জানী

তপস্বীর দেশ ভারতবর্ষ। কম্যুনিষ্ট না হয়েও আশ্চর্য এক সাম্যের দেশ ভারতবর্ষ। সে এক অতিবিচিত্র এবং বাস্তবে অতি-অসম্ভব সোনার পাথরবাটি ভারতবর্ষ। সেদিন কিন্তু এতটুকু অসম্ভব মনে হয় নি। এক ভিল এক চুল না। বরং চোখের সামনে সে ভারতবর্ষ রূপ নিচ্ছিল—এ সে স্বচক্ষে দেখেছে।

সে বেলেঘাটার গান্ধীজীকে দেখতে গিয়েছিল। গান্ধীজী তখন বেহার থেকে কলকাতার এসেছেন। এবং বেলেঘাটার বিপন্ন মুসলমানদের রক্ষা করবার জন্তে সেখানেই গিয়ে বাস করছেন। মুসলীম লীগ সরকারের মুখ্যমন্ত্রী সুরাবর্দী সাহেব তখন নিজেকে বিপন্ন মনে করছেন। দেশের লোকও ভাবছে এই এত বড় নিষ্ঠুর এবং কুটিল রাজনৈতিক হত্যাকাণ্ডের জন্য দায়ী এই ব্যক্তিটিকে প্রতিহিংসাজর্জর দেশের মানুষ কিছুতেই নিষ্কৃতি দেবে না। ওদিকে ভারতবর্ষের শাশনকমতা হস্তান্তরের দিন ঠিক হয়ে গেছে ১৫ই আগস্ট। সুরাবর্দী সাহেবও বেলেঘাটার রয়েছেন গান্ধীজীর কাছে।

সেদিন অগুমান গান্ধীজীকে দেখেছিল। প্রার্থনা সভার সামনের দিকেই বসে সে সারাক্ষণ ওই বিচিত্র মানুষটির দিকে তাকিয়েছিল।

সেই দিনই গান্ধীজী অনশনের সংকল্প ঘোষণা করলেন। এই হিংসা রক্তপাত বন্ধ না হলে তিনি অনশনে প্রাণত্যাগ করবেন।

“রঘুপতি রাঘব রাজারাম” ভজন গানের পর “হিংসার উন্নত পৃথ্বী নিত্য নিষ্ঠুর ঘন্থ” গানখানি গাওয়া হয়েছিল। সে গান শুনে সে কঁদেছিল। একা সে নয় আরও অনেকে। অনেকে চোখ মুছেছিল। এবং বৃকের ভিতরটা যেন এক পরমাশ্চর্য পরমশুদ্ধ কিছু দিয়ে কানার কানার ভরে উঠেছিল। উচ্ছ্বসিত হয়ে উঠেছিল জীবন মন। মনের কাছে অসম্ভব কিছু মনে হয় নি। এবং জীবনোচ্চ্বাসে দেহের স্নায়ুশিরাগুলি রক্তস্রোতের চাপে পরিপূর্ণ হয়ে উঠেছিল।

কলকাতায় কল হয়েছিল সলে সলে। বউবাজারের হিংসাত্রস্ত্রী দলের সব থেকে বড় নারক এবং উত্তর কলকাতার হিংসাত্রস্ত্রী দলের ডেমনি একজন নারক রাতে গান্ধীজীর বাসস্থানে এসে টমিগান পাইপগান পিস্তল শটগান ছোরা ছুরি তলোয়ার গড়কি বর্শার বোঝা এনে তাঁর পারের ওলার নামিয়ে দিয়ে প্রতিশ্রুতি দিয়ে গেছে যে, তারা নিজেরা আর হিংসা করবে না এবং অন্যদেরও করতে দেবে না। গোটা দেশে সে একটা আশ্চর্য ভাবস্রোত বয়ে গিয়েছিল। বার শ্রাবনের মধ্যে সমস্ত ছোট ভাবনা ক্রুর ভাবনা কদর ভাবনা চাপা পড়ে গিয়েছিল। একটা পঞ্চিল বিধাত বীজাণু-দূষিত বন্ধ জলার উপর এই স্রোতটা এসে পড়ে সব কিছুকে তাসিয়ে নিয়ে গিয়েছিল।

এরপর এসেছিল ক্লাইম্যাক্স।

শটীল মিস্তির স্বতীশ বাঁড়ুজ্ঞ এবং সুশীল স্বাধীনতা দিবসের আগের দিন নতুন হিংসার আকস্মিক প্রজ্বলনকে নেতাজে গেলেন এবং সেইখানেই ছুরি খেলেন। ছুরি খেয়ে হাসপাতালে এলেন কিন্তু দেশকে বললেন—“এ ওদের মর্যাদিক তুল। এ হিংসা নয়। একে তুলে বাও।”

গান্ধীজী বললেন—শতীন স্মৃতিশ স্মৃতিশ অহিংসার সঙ্গে একাত্ম হয়ে গেল।

মামুষ মরে। মরে শেষই হয়ে যায়। পরলোক নেই—জন্মান্তরও নেই। তবু গান্ধীজীর কথা সেদিন আশ্চর্যভাবে সত্য মনে হয়েছিল।

অংশুমানও পরলোক জন্মান্তর এবং দেবতাকে ঠিক বিশ্বাস করত না। কারণ তার মা এসবে বিশ্বাস করতেন না। দেবোত্তরের কোন দায়িত্ব তিনি নিতেন না। অংশুমানের বড়মা দেবোত্তর চালাতেন এবং দেবোত্তরের আর আমদানী সব নিতেন তিনি। সে নেহাত তুচ্ছ ছিল না। নাথরাজ বাগান পুকুরের মধ্যে সব থেকে শ্রেষ্ঠ যা তাই ছিল দেবতার নামে। বাড়ির দোরে কৃষ্ণায়র পুকুর এবং পাড়ের উপর কলমের বাগান ছিল ও অঞ্চলের সেরা সম্পত্তি। কৃষ্ণায়রের জল যেমন ছিল কাঁজলকালো, মাছ হত তেমনি প্রচুর এবং মাছের স্বাদ ছিল তেমনি মিষ্টি। আর বাগানে ছিল লাংড়া, হিমসাগর, বোম্বাই, ফজলী আমের গাছ—তার সঙ্গে ছিল লিচু পেয়ারা কলসা প্রভৃতি নানান ফলের গাছ। এই সম্পত্তিতে দেবোত্তরের অংশের মতই নিরঞ্জন চৌধুরীর অংশ ছিল আটখানা। সে আটখানার সবটাই নিতেন নিরঞ্জনের প্রথমা স্ত্রী; তাতে অংশুমানের মা আপত্তি করতেন না। নিরঞ্জন চৌধুরী একবেলা খেতেন ও-বাড়িতে একবেলা এ-বাড়িতে। স্মরণ্য অংশুমানের মা মেনে নেওয়ার্তেই কোন গওগোল হয় নি। এবং অংশুমানের মা এমন কড়া ছিলেন এ বিষয়ে যে, অংশুমানকে কোনদিন ও বাগানের একটা ফল বা ঠাকুরবাড়ির কোন প্রসাদের কিছুটাও খেতে দিতেন না। মাছ তো সে খেতেই না।

সেকালে অংশুমানের মন মায়ের আদর্শের এই নিষ্ঠার গৌরবে পরিপূর্ণ হয়ে উঠত। মুগ্ধদৃষ্টিতে মায়ের মুখের দিকে তাকিয়ে থাকত।

আজ মনে হয়, না—। থাক সে কথা।

গান্ধীজীর কথা এবং সেদিনের দেশ ও মামুষ ছিল আশ্চর্য এবং বিস্ময়কর। অন্ততঃ ১৪ই আগস্ট রাত্রি নটা পর্যন্ত ছিল। রাত্রি নটা পর্যন্ত সেটা যে রাত্রিকাল—তার রূপ যে কালো এ কথাও তার মনে ছিল না। শুধু আলো মালা আলো আলো। কলকাতার সে আলোক-সজ্জার স্মৃতি আজও মনে পড়ে। কিন্তু তাকে আজ আর সেদিনের মত সত্য বলে মনে হয় না। সেদিন মনে হয়েছিল এই যে আলো জ্বলল—এই যে বিভিন্ন বছবর্ণের আলোর কালোমালো এ আর কোনদিন নিভবে না। এইটিই হল স্বাধীন ভারতবর্ষের স্বরূপ।

রাত্রি দশটার সময় হঠাৎ—।

সক্যেবেলা থেকে সে বেরিয়েছিল স্বাধীনতা উৎসব দেখতে। তার বাবা মা তাকে দেশে যেতে বলেছিলেন। কারণ ছিল। কারণ সেদিন দেবগ্রামে স্বাধীনতা উৎসবের কেন্দ্রস্থল ছিল নিরঞ্জন চৌধুরীর ছোট সংসার; শোভা চৌধুরীর বাড়ি। ১৯২৪ সাল থেকে নিরঞ্জন চৌধুরী যে তেরলা ঝাণ্ডা ধরেছিলেন সে-ঝাণ্ডা সেদিন সেই উড়িয়ে ঘোষণা করবে ভারতবর্ষের সঙ্গে সঙ্গে দেবগ্রামও স্বাধীন। এবং স্বাধীন দেবগ্রামে সর্বময় কর্তা হলেন নিরঞ্জন চৌধুরী এবং তার ছোট্টনী শোভা চৌধুরী।

দু’দিন আগে বাড়ির নায়ের এসে বাজার করে নিয়ে গিয়েছিল এবং অংশুমানকে

বলেছিল—বাবু যেতে বলছেন—ছোটমা যেতে বলেছেন। বাজারের মধ্যে বাতি মাটির প্রদীপ ছিল গান্ধা গান্ধা, তা ছাড়া বাকুদের কারখানা।

আরও শুনেছিল, এই উপলক্ষ্যে বিশেষ ভোগরাগ হবে। সেই ভোগরাগে এবার ছোটমা যোগ দেবেন। এবং স্বাধীনতা উৎসবের উত্তোগ-আয়োজনে বড়মা ইতিমধ্যেই এসে যোগ দিয়েছেন।

১৪ই সন্ধ্যা থেকে সকলে এসে খানা-কম্পাউণ্ডে জড়ো হবেন। সেখানে সন্ধ্যা থেকে গান হবে। স্বদেশী গান। রাত্রি একটার শাঁখ বাজতে শুরু করবে। বোমবাজি কাটিতে আরম্ভ করবে। তারপর পুড়বে আতসবাজি—বাকুদের কারখানা। পরদিন সকালে নিরঞ্জন চৌধুরী পতাকা তুলবেন। মিটিংএ সভাপতিত্ব করবেন। সেদিন সন্ধ্যাবেলা হবে থিয়েটার। বই হবে “চিতোরোদ্ধার”। এ নাটকখানি নিরঞ্জন চৌধুরীর লেখা নাটক। এতকাল রাজক্ৰোধের ভয়ে অভিনীত হয় নি।

অংশুমান এতেও প্রস্তুত হয় নি।

অংশুমানের ভিতরের মাহুষ সেদিন বোধ হয় জেগেছিল। না-হলে সে নিশ্চয় যেত। অথবা—

আজ ১৯৩১ সালে মনে হচ্ছে হয়তো বা ‘ভাগ্য’। সেদিন ভাগ্য সে মানত না। কাল সন্ধ্যাবেলা, তাই বা কেন, ভোরবেলা পর্যন্ত ভাগ্য সে মানে নি। এই মুহূর্তে মনে হচ্ছে—ভাগ্য। ভাগ্যই তাকে যেতে দেয় নি। কলকাতার রেখে দিয়েছিল।

১৪ই আগস্ট, ভাগ্য,—। না, ভাগ্য সে বসবে না। বলবে, বাস্তব। সন্ধ্যাবেলা উৎসবময়ী স্বাধীন কলকাতাকে দেখবার জন্য বেশ সেজেগুজেই বেরিয়েছিল। মেসোমশাই মালীমা তাকে ছুটি দিয়েছিলেন খুশী মনে। বলেছিলেন—নিশ্চয় যাবে। যাও দেখে এস। যত রাত্রি হয় হোক, ভাল করে ঘুরে দেখ। শুধু সাবধান; ইঠাৎ যদি দেখ হাঙ্গামা মানে সিচুরেশন রারটাস হয়ে উঠেছে তাহলে সেখান থেকে সরে এস। বুঝেছ?

খবরের খুতির সঙ্গে সিকের পাঞ্জাবি এবং কাবুলী চপ্পল পরে বেরিয়েছিল সে। শরীরে তার শক্তির অভাব ছিল না। দেখ তার শক্ত এবং সমর্থ—তার সঙ্গে লড়াই সে তখন থেকেই। এখনকার মত চণ্ডা সে হয় নি। চণ্ডা বলতে বুকের পাটা হাতের মাসল্ এবং হাড় মোটার কথা হচ্ছে। তখন সে ছিল ছিলহিলে লড়াই তে শক্তও নেহাত কম ছিল না। বরস থেকে একটু বড়ই দেখাত তাকে।

আলোর আলোময় কলকাতা। সুসজ্জিত তোরণে তোরণে, মালায় মালায়, আলোর আলোর বিজ্জ্বল আলোর চক্রেগুণের ‘সেই বিবাহের কস্তার মত’ সেজেছিল। মাইকে মাইকে গান গান গান।

“ধন ধাত্তে পুষ্পে ভরা আমাদের এই বনুজরা।” একটু আগে বাজছে “অরি ভুবন-মনমোহিনী।” আর একটু আগে বাজছে—“বন্দে মাতরম্”। আরও একটু গিয়ে “বাংলাদেশের জনর হতে কখন আপনি এই অপরূপ রূপে বাহির হলে জননী।” হারিসন রোড পার হয়ে বিচিত্র ভাবে ভিনটে আরগার একটা গান বাজতে শুনেছিল—“উঠ গো ভারতলক্ষী উঠ

আদি জগৎজনপূজা!” কারার বিগ্রেড মহম্মদ আলি পার্কের ওপাশে তখন বাজছে—“ছাড়ো গো ছাড়ো সুখশয্যা—কর সজ্জা পূণ্য কমল কনক ধন ধাত্তে। জননী গো লহ তুলে বক্ষে, সান্ত্বনাবাস দেহ তুলে চক্ষে, কাঁদিয়ে ওব চরণতলে জ্বিংগতি কোটি নয়নারী গো।” অপরূপ একটি অপ্রাচ্ছন্নতা তার মন চিত্ত এমন কি বাস্তব সত্যকেও অভিত্তৃত করে ফেলেছিল। জনতার মধ্যে সে যেন ভাসতে ভাসতে চলেছিল সম্মুখের দিকে মেডিক্যাল কলেজের সীমানা পার হয়ে। ইডেন হাসপিটাল রোডের মুখে তখন বাজছিল—“দুঃখ দৈন্ত সব নাশি কর দূরিত ভারতলক্ষ্মা।”

একই গান তিনটি আয়গায় বাজার জন্তে একটি বিচিত্র অপ্রাচ্ছন্নতার সৃষ্টি হয়ে উঠেছিল। অস্ত্রের মনে সে অস্ত্রের ছোয়াচ লেগেছিল কি না সে বলতে পারবে না তবে তার মনে সৃষ্টি হয়েছিল। ইঠাং অপ্রাচ্ছন্নতা যেন হাত থেকে পড়ে কাচের জিনিসের মত ভেঙে গেল। কি একটা কারণে একটা হুড়োহুড়ির একটা চাপ চারিপাশে ছড়িয়ে পড়ছিল, কিছু ভেঙে পড়ার ব্লাস্টের মত, সেই চাপটার মধ্যে সেও পড়ল। পিছন থেকে মাছুষ পড়ল তার ঘাড়ের। সে উপুড় হয়ে পড়েই যেত কিন্তু শক্ত সবল তরুণ বয়স বলেই পড়তে পড়তেও সামলে নিয়ে দাঁড়িয়েই রইল। তবে ধস্তাধস্তির মধ্যে হাতের বড়িটা ব্যাঙ ছিড়ে পড়ে গেল হরতো তারই পারের তলার। অথবা চলে গেল কারুর হাতের মধ্যে। অপ্রাচ্ছন্ন কেটে গেল তার। সে সাবধান হল। একটু এগিয়ে গিয়ে সে ইডেন হাসপিটাল রোডে ঢুকে একটু দাঁড়াল এবং দেখে নিলে আর কি গেছে। আরও গেছে—লাল রুবি বসানো চেনসুদ সোনার বোতামছড়াটা ছিঁড়ে নিয়েছে। কিন্তু মনিব্যাগটা আশ্চর্য ভাবে রয়ে গেছে। আশ্চর্য ভাবে ঠিক নয়। বোতাম বড়ি সম্পর্কে তো সাবধান হওয়ার উপায় ছিল না। ব্যাগটা সম্পর্কে সে উপায় ছিল। ব্যাগটা রেখেছিল পাঞ্জাবির নিচে টুইলের কতুয়ারও ভিতরপকেটে। সেই কারণে থেকে গেছে। ব্যাগটার মধ্যে ষাটটা টাকা ছিল, কয়েকটা কাগজ ছিল, হাতের বোতাম ছিল। এবং একটা গুপ্ত খোপরে আলাদা একখানা একশো টাকার নোট ছিল। ওটা তার মা-বাবা বিপদে আপদের জন্তে রাখতে বলেছিলেন। এগুলো যায় নি। নিশ্চিতও হয়েছিল এবং বিচিত্র হেসে সজাগও হয়েছিল। মনে হয়েছিল বাস্তব স্বাধীন ভারতবর্ষ এইই বটে।

*

*

*

ঠিক এই সময়েই পিছন থেকে তার কাঁধে হাত দিয়ে কে মিহি মিষ্টি গলায় বলেছিল—
আজ্ঞা ছেলে বাবা! এমনি করে হাত ছেড়ে দিলি—এখন আমি যদি তোর পাত্তা না পেতাম।
চমকে উঠে সে পিছন কিয়ে তাকিয়ে দেখেছিল একখানি স্ত্রী মিষ্টি মুখ। তার থেকে বয়সে বড়। কিন্তু বেশী বড় নয়। তবে অত্যন্ত সপ্রতিভ। সেদিনের সেই আলোর মধ্যে তাকে যেন খুব উজ্জ্বল মনে হয়েছিল। না হলে অতনী এতখানি উজ্জ্বল ছিল না।

অতনী তার নাম। না। অতনীকে সে চিনত না। সে অস্বাভাবিক হয়ে তার মুখের দিকে তাকিয়ে থেকেছিল। কিন্তু ভারী ভাল লেগেছিল। সমস্ত দেহ মন যেন আনন্দে চাকল্যে চঞ্চল হয়ে উঠেছিল। অদ্ভুত ভাল লেগেছিল সমস্ত কিছুকে। তারপরই অতনী জিজ্ঞাসা করে বলেছিল—
না তো! তুমি কে? তুমি তো বাদল নও! বাদল কোথায় গেল! আমি তোমার বাদল আমার ভাই বাদল মনে করেছিলাম। এই ভিড়ে যে কোথায় হাত ছেড়ে চলে গেল।

অংশুমান তখন কিশোর। সেই তার প্রথম রোমান্স। কলকাতার রাজপথের উপর এমন একটি আনন্দোৎসবের মধ্যে একটি যুবতীর সঙ্গে প্রথম আলাপ। সে সেখে আলাপ করছে। পৃথিবীর সব কিছু মিথ্যা হয়ে ওইটুকুই পরম সত্য হয়ে দাঁড়িয়েছিল। তবে সে মুখচোরা ছিল না। জিজ্ঞাসা করেছিল—কোথার যাবেন?

অতনী বলেছিল—দেখতে বেরিয়েছিলাম, ঘুরব ভেবেছিলাম অনেক। কিন্তু বাদলের সঙ্গে ছাড়াছাড়ি হয়ে গেল।

একটু বিপন্ন ভাব দেখিয়েছিল। সেদিন তখন বুঝতে পারে নি অংশুমান, কিন্তু পরে বুঝতে পেরেছিল যে তার মধ্যে অতনীর মুচকি হাসি প্রচ্ছন্ন ছিল। তারপরই অতনী বলেছিল—বাড়ি ফিরে যাব, আমাকে একটু বাড়ি পৌঁছে দেবে?

অংশুমান বলেছিল—চলুন।

তার হাতখানা টেনে নিয়ে নিজের হাতে চেপে ধরে অতনী বলেছিল—আমার হাত তুমি ধর। চেপে ধর। কেমন?

সত্যিই সে চেপে ধরেছিল অতনীর হাত। অতনীর হাতখানা গরম সেই সঙ্গে অপূর্ব রকমের কোমল মনে হয়েছিল।

কয়েক পা উত্তরমুখে গিয়ে থমকে দাঁড়িয়ে বলেছিল—তোমার নাম কি?

সে বলেছিল—অংশুমান চৌধুরী।

—বাঃ, খাসা নাম তো! অংশুমান চৌধুরী। অংশুমান মানে স্বর্ষ? নয়?

—ঠিক বলেছেন তো!

—বলব না? মুখ্য তো নই! আচ্ছা অংশু—

—বলুন।

—তুমি আমাকে বাড়ি পৌঁছে দেবে তো?

—তাই তো যাচ্ছি।

—জাহ্নলে চল না, আর একটু ঘুরি জ্বায়ে। তারপর আমাকে পৌঁছে দিয়ে তুমি চলে যাবে। তোমারও দেখা হবে আমারও হবে।

খুব উৎসাহিত হয়ে উঠেছিল অংশুমান। বলেছিল—বেশ তো! খুব ভাল হবে। আমারও তো রাজত্বের পর্বত বাবার ইচ্ছে। চলুন।

আবার ফিরেছিল তারা দক্ষিণমুখে। অতনী নিজেই তার পরিচয় দিয়েছিল—সে অতনী। বলেছিল—তুমি ঠিক বাদলের মত দেখতে। ষাটল তোমার থেকে একটু ছোট। কত বয়স তোমার?

অংশু বলেছিল—ষোল।

অতনী বলেছিল—ওরে ছেলে, তুমি তো সাবালক হয়ে গেছ। আমারই বয়সী প্রায়। আমি সত্তের। তোমার থেকে মোটে এক বছরের বড়। আমার দিদি বলবে। বলে তার ওজর্জনীটি তার মুখের কাছে নেড়ে দিয়েছিল।

বিচিত্র সে স্মৃতি। আজও মনে করতে তার মনে সেই চকলতা খেঁদ চকিতের একটা চমক

দিয়ে মিলিয়ে যায় !

অতসী তাকে রাজভবন ফেরত এনে তুলেছিল বিভূষিত স্ট্রীটের কাছাকাছি একটা বাড়িতে।
—এস ! বলে তার হাত ধরে উপরে একটা ঘরে নিয়ে গিয়ে দু'হাতে আপটে তাকে তার বুকে চেপে ধরেছিল। একটা কথা বলেছিল—ভেবে বলে নি কিন্তু কথাটা নিয়ে অংশুমান আজও ভাবে। বলেছিল—এস, আমরাও আজ স্বাধীন।

*

*

*

না। তার জন্ত সে অসুখ্যাপ করে না। অতসী যা বলেছিল সেটাও তার পক্ষে স্বাভাবিক।
দুঃখ এই যে, সে প্রভাবিত হয়েছিল ; অতসীকে দিয়ে তাকে এমন ফাঁদে ফেলে মজা করতে চেয়েছিল ওই শিবকিংকর গুপ্ত।

তাদের গ্রামের গুপ্তবাড়ির ছেলে, শিবকিংকর বি. এ. পাস করা লোক ; সম্পত্তি ওদেরও ছিল, ভাল সম্পত্তি। বেশ সচ্ছল অবস্থা। বয়স তখন ছিল সাতাশ-আটাশ। কলকাতায় দালালি করত। পাটের দালাল। থিয়েটারে খুব বোঁক ছিল। অভিনয় করতে ঠিক পারত না তবু অ্যামেচার ক্লাব নিয়ে মাতামাতি করতে তার জুড়ি বড় একটা মিলত না। থিয়েটারের ব্যবস্থা বন্দোবস্ত করতে নিখুঁত। মদ খেতো। এসব কথা গ্রামের লোকেও জানত। তাদের গ্রামেও অ্যামেচার ক্লাব আছে। সেখানেও শিবকিংকর পাণ্ডা। গ্রামের বড়ঘরের ছেলেরা তার বৈমাত্রেয় ভাইরা জ্যাঠাতুত ভাইরা অভিনয় করে। তার বাবারও এককালে শখ ছিল। শখ ছিল না তার মায়ের। মা তার বিক্রপ ছিলেন থিয়েটারের উপর। সেই কারণে তার বাবা আর নামতেন না। তার মা অংশুমানকে অতি যত্নের সঙ্গে এই মাতিয়ে তোলা শখটি থেকে সরিয়ে রেখেছিলেন।

শিবকিংকরকে তিনি একটু বেশী কঠোর চোখে দেখতেন। সেকালে তাঁর নামে কম ব্যঙ্গবিক্রপ করত না শিবকিংকর। অর্থাৎ অংশুমানের মায়ের নামে।

সেদিন শিবকিংকরও অতসীকে নিয়ে স্বাধীনতা দিবস দেখতে বেরিয়েছিল। অতসী একজন অ্যামেচার থিয়েটারে পার্ট করা অভিনেত্রী—অতসী মুখার্জী। অতসী তাদের গ্রামের থিয়েটারে গিয়ে কিছুদিন আগেই অভিনয় করে এসেছে। এবং অংশুমানদের বাড়িও দেখে এসেছে। শিবকিংকর পথে দেখতে পেয়েছিল অংশুমানকে। এবং অতসীকে তাকে দেখিয়ে দিয়ে বলেছিল—ওকে যদি আজকের দিনে এঁটো করে দিতে পার তবে তোমাকে খেতাব দেব স্বর্ণমুগ্ধী।

অতসী সেই জাতের মেয়ে বাদে সোনার-লোভ টাকার-লোভের চেয়ে রোমান্সের-লোভ কম নয়, বেশী। যে-মেয়েরা জীবনে অনেকবার সত্যিসত্যিই প্রেমে পড়ে এবং বার বার নিজেরাই সে প্রেম ভেঙে, নতুন প্রেমে পড়ে ও পড়তে ভালবাসে সে তাদেরই মধ্যে পড়ে। সেদিন ১৫ই আগস্টের মত একটি সমারোহের আলোয় আলোময়, গানে গানময়, উল্লাস ও উজ্জ্বলময় রাজ্যে এ খেলার জন্ত তার মন উদ্‌যীব হয়েই ছিল। শিবকিংকর কথাটা বলবা মাত্র সে খেলার নামতে এবং মাততে কোমরে যেন ঝাঁচল বেঁধেছিল। এবং অংশুমানকে একটু কাছ থেকে দেখে মন তার বিধা করে নি, ঝপ করে লাক দিয়েছিল।

অংশুমানের চোখ দুটি আশ্চর্য সুন্দর দুটি ভাগর চোখ। সে চোখ কোমল নয়—সে চোখ দীপ্ত এবং উগ্র। সে চোখ যখন হাসে তখন বিজ্ঞানের মত ঝলক দেয়। রাগলে ভয় করে। কাদলে, সে কান্না যে দেখে তার বুক ফেটে যায়। নাকের ডগাটা একটু মোটা। কপালখানা চওড়া; এবং কপালের বাঁ দিক ঘেঁষে চুলে একটা ঘূর্ণি আছে। যেন সিঁথি কাটবার ঠাইটুকু চিহ্নিত করা আছে।

এর উপরেও আরও খানিকটা আকর্ষণ অতসী অমুভব করেছিল দেবগ্রামের চৌধুরীবাড়ির কথা মনে করে। নিরঞ্জন চৌধুরী এবং শোভা চৌধুরী স্বামী-স্ত্রীভেই সেবারকার ক্লাবের কাংশনে সভাপতি এবং প্রধান অতিথির আসন দখল করেছিলেন। তখন দেশ স্বাধীন হবে—হবে হচ্ছে-হচ্ছের সময়। একসঙ্গে জমিদার মহাজন জোতদার এবং কংগ্রেসী—এ একেবারে সুহৃৎভ ব্যাপার। সুতরাং তাঁদের খাতিরের আর শেষ ছিল না। উইংসের ফাঁকে দাঁড়িয়ে অতসী তাঁদের সে-খাতির দেখেছিল। এবং নিজের খানিকটা খাতির আবার খানিকটা ঈর্ষা মেশানো একটি মনোভাব অমুভব করেছিল। সেটাও তাকে যেন এ খেলায় উদ্বীপিত করে তুলেছিল।

এসব কথা অংশুমানকে অতসীই বলেছিল। পরের দিন সকালে। সেদিন রাজ্জে সে স্তব্ধ হয়ে অতসীর বাহুবন্ধনে বদ্ধ হয়ে ছিল এবং কখন একসময় সেই তাকে অর্থাৎ অতসীকে তার বাহুবন্ধনের মধ্যে বেঁধে ফেলেছিল। তার সে বাহু দুখানি দুর্বল ছিল না। দেহ ছিল তার এক্সারসাইজ করা। পেশীগুলি কঠিন হয়ে উঠেছিল দেহক্ষুধার উন্নত আবেগের প্রচণ্ডতায়। অতসী লতার মত এলিয়ে পড়েছিল নির্বাক হয়ে।

কখন যে সারারাত্রি শেষ হয়ে গিয়েছিল তার খেয়াল ছিল না। তারও না। অতসীরও না। ঘুম যখন ভাঙল তখন রোদ উঠেছে। ১৫ই আগস্টের সূর্যোদয় হয়ে গেছে। অতসীই চমকে উঠে বলেছিল—কি সর্বনাশ! এ যে রোদ উঠে গেছে। ওঠো ওঠো! না হলে তুমি বিপদে পড়বে। ভোমার চেনা লোকের সঙ্গে দেখা হয়ে যাবে।

সে-ই তাকে ঘর থেকে বের করে নিয়ে ঘরে চাবি দিয়ে পথে এসে বলেছিল—এ আমার রাত্রির আস্তানা। আমি ভদ্রঘরের মেয়ে। আমার মা আছে বাপ আছে ছোট ছোট ভাই আছে। লেখাপড়াও জানি। ক্লাস নাইন পর্যন্ত পড়েছি। তারপর—। বিচিত্র হাসি হেসে বলেছিল—যুদ্ধের সময় বাবার চাকরি গেল। তখন আমার দাদা ছিল একজন। সেই দাদা আমাকে হোটেল নিয়ে যেত। দাদা দালালি করত আমি নিজেকে বেচতাম। তারপর এই অ্যামেচার থিয়েটারে পার্ট করতে লাগলাম। দাদা মারা গেল। এখন নিজের বিচরণ করি। একটু চুপ করে থেকে আবার বলেছিল—দেখ দেহ নিয়ে কারবার করি আমি। গরীবের ঘরের মেয়েদের ঘানের বিয়ে হয় না তাদের অনেকজনের ভাগ্যে এই হয়।

কথা বলতে বলতেই তারা হাঁটছিল। চলছিল বিভিন্ন স্ট্রীট লেণ্টার্ন আভেছার দিক থেকে কর্নওয়ালিশ স্ট্রীটের দিকে। অতসীর বাড়ি কর্নওয়ালিশ স্ট্রীট থেকে বেরনো একটা এঁদো গলিতে। যে ঘরখানার রাজ্জে ছিল সেখানাকে অতসী বলত—আপিস। হেসেই বলত—এ হল আমার আপিস।

পথে একটা রেক্টুরেণ্টে চা খেয়ে নিরেছিল হুজনে। সেখানেই অতসী তাকে বলেছিল শিবকিংকরের কথা।—শিবকিংকর গুপ্তকে চেনো?

চমকে উঠেছিল সে—শিবকিংকর গুপ্ত?

—তোমাদের গ্রামের।

—তুমি কি করে চিনলে তাকে?

হেসে অতসী বলেছিল—সে-ই তোমাকে চিনিরে দিলে কাল। বললে—ওকে যদি ভোলাতে পার তাহলে বুঝব তুমি সত্যি স্বর্ণমুগী। তোমাকে ভোলাবার জন্তেই তোমার ঘাড়ে হাত দিয়ে তোমাকে ডাকলাম ‘বাদল’ বলে। কিন্তু শেষে দেখছি তুমি ভোল নি, আমিই ভুললাম।

চমকে উঠে স্থিরদৃষ্টিতে সে তাকিয়ে থেকেছিল অতসীর মুখের দিকে। ভয় অমুতাপ পাপ বোধ সব কিছু একসঙ্গে মিশে তাকে যেন অধীর করে তুলেছিল একমুহুর্তে।

অতসী বলেছিল—ভয় নেই তোমার। তার হাতে তোমাকে আমি ধরিয়ে দেব না।

অত্যন্ত যত্নস্বরে বলেছিল—তাহলে তার কথা তোমাকে বলতামই না। তোমাকে আমি ভালবেসেছি অংশ। তুমি বিশ্বাস করো।

অতসীর মত সহজভাবে সোজা কথা কাউকে বলতে শোনে নি অংশমান। না-হলে—“পেটের যেমন একটা ক্বিদে আছে দেহের তেমনি একটা ক্বিদে আছে অংশ। এ ক্বিদে পুরুষের যেটানো সোজা কিন্তু মেয়েদের পক্ষে এ বড় কঠিন। লজ্জা তাদের জন্মগত; তারা মুখ ফুটে বলতে পারে না। তা ছাড়া তাদের উপর সমাজের কড়াকড়ির আর শেষ নেই। চোর-লুটচোরের পরিজ্ঞান আছে কিন্তু মেয়েদের এ অপরাধের আর মাক নেই। আমার সব গেছে—আমি আজ সব হারিয়ে বেপরওয়া—আমি তাই বলতে পারছি। যারা বলতে পারে না তাদের যে সে কি জালা—”

অংশমান ভাবছিল নিজের কথা। অনেক কথা তার মনের মধ্যে পরের পর এসে দাঁড়িয়েছিল তার সামনে এবং প্রব্র করেছিল—এ কি করলে তুমি? তোমার লজ্জা হল না? ভয় হল না? তোমার কি হবে ভেবেছ? মায়ের সামনে কেমন করে দাঁড়াবে বল তো? বাবার সামনে? নিজের সামনে? ভগবানের সামনে? এ কত বড় পাপ বল তো?

ভাবতে ভাবতে একসময় দুই হাতের ভেলোর মধ্যে নিজের মুখ লুকিয়ে সে তেড়ে পড়েছিল চারের টেবিলটার উপর। ভাগ্যে সেটা ছিল কাঠের পার্টিশন দিয়ে ঘেরা একটা ছোট কেবিন তাই রক্ষা। অতসী—আশ্চর্য অতসী। সে তাকে সোজা সহজ কথার সাধনা দিয়ে বলেছিল—ছি, এই রকম করে না। তাহলে তো আমাকে বিষ খেতে হয়। হয় না? তুমিই বল?

এ কথার সে উত্তর দিতে পারে নি। উত্তর সে জানতও না। সেদিন তাকে বুঝিয়ে নিজের আঁচলে তার চোখ মুছে দিয়ে অতসী তাকে সমাদরের মধ্যে সাধনা দিতে পেরেছিল। যুক্তির মধ্যে নয়। মনে পড়ছে অতসী বলেছিল—আমি তোমার। একদিনে আমি তোমার

হয়ে গিয়েছি। তুমি কীদলে আমি কি করব বল ? আমি যে তোমার চোখের জলে ভেসে যাব ! না—মুখ ডোল—তুমি হাস। দেখ সংসারে এটা হয়তো পাঁপ। কিন্তু আজ থেকে আমি যদি আর অস্ত্র পুরুষকে না ভজি আর তুমি যদি আর কোন মেরেকে ভালো না বাসো তাহলে ? তাহলে পাঁপ কেন হবে বলো ? আমি তোমাকে কথা দিলাম। তোমার গা ছুঁয়ে বলছি। ভগবানের নাম নিয়ে বলছি। তোমাকে ছাড়া আর আজ থেকে আমি কান্না নই—কান্না নই—কান্না নই। এবার তুমি বলো—আমার গা ছুঁয়ে বলো।

অন্ত কথা বলতে পারে নি, হেসে ফেলেছিল।

অতসী বলেছিল—বাবাঃ, তোমার মুখে হাসি দেখে বুকে আমার জল নামল। আমি যেন ডুবে মরতে বসেছিলাম। তুমি আমার নাগর—আমার বর। আমার সর্বস্ব।

সেখান থেকে বেরিয়ে দুজনে কর্নওয়ালিশ স্ট্রীটে এসে ছাড়াছাড়ির মুখে অতসী বলেছিল—আজ ঠিক সন্ধ্যার সময় আসবে। আমি তোমার পথ চেয়ে থাকব। হ্যাঁ ? না এলে আমি কিন্তু তোমার বাসা পর্যন্ত যাব।

অন্ত কথাবার্তার মধ্যে বলে ফেলেছিল নিজের ঠিকানা।

*

*

*

অল্পতাপ এবং অল্পশোচনার মধ্যেই সে বাসার ফিরেছিল এবং অন্যায়সে মিথ্যে কথা বলেছিল মেসো ও মাসীকে ; ওই শিবকিংকরেরই নাম করে বলেছিল—পথে শিবকিংকরদার সঙ্গে দেখা হয়ে গেল। আমাদের গ্রামের কবিরাজমশায়দের বাড়ির ছেলে। ব্যবসা করে—বি. এ. পাঁস। জোর করে ধরে নিয়ে গেল ওদের বাসায়।

মেসো এর জন্তে বিরক্তি প্রকাশ করেন নি, মাসীও না। ১৯৪৭ সালের ১৫ই আগস্ট যেখানে গভরাড্রে কোন দাঙ্গা বাধে নি কোন খুন হয় নি কোন বোমা ফাটে নি সেখানে যদি রাজে বাড়ি না ফিরে সারা কলকাতার পথে পথেই ঘুরে বেড়িয়ে থাকে তাহলে তাতে কোন দোষ হয় নি। এবং তাঁরা সভ্যসভাই কোন চিন্তা তার জন্ত করেন নি।

ঘরের মধ্যে সে ঘুমিয়ে পড়েছিল সেই নটা সাড়ে নটার মধ্যে। এবং গভীর ঘুমে ঘুমিয়ে পড়েছিল। মধ্যে বার চারেক বোধ হয় ঘুম পাড়লো হয়ে এলে স্বপ্ন দেখেছিল। একবার যাকে স্বপ্ন দেখেছিল। একবার শিবকিংকরকে। দুবার অতসীকে। শেষবার অতসীকে স্বপ্ন দেখে ঘুমটা তার চোখ থেকে ছেড়েই পালিয়েছিল, সে উঠে বসেছিল তক্তপোশের উপর, আর ঘুমোয় নি। অতসীকেই ভেবেছিল বসে বসে।

অতসী। অতসী। অতসী।

সব অল্পশোচনা সব অল্পতাপ সব মানি কিভাবে যে কে মুছে দিয়েছিল নিঃশেষে, মনের মধ্যে যে কাঁটাগুলো ফুটে অবশিষ্ট ও যন্ত্রণার সৃষ্টি করেছিল সেগুলো যে কে নিপুণ হাতে তার অজান্তেই টেনে টেনে বের করে নিয়েছিল তা সে জানে না। তবে মন তার কোন উত্তাপ বা কাঁটার ডগার স্পর্শ অল্পতাপ করে নি ; মনে মনে অতসীর বাড়ির দিকে পা বাড়াতো, পারের নিচে কোন ফুটে-খাকা কাঁটার জন্ত তাকে খোঁড়াতে হয় নি। বেলায় অগ্রগতির সঙ্গে বুকের মধ্যে একটা উল্লাসের আবেগ জমতে শুরু করেছিল। বাড়ির কাঁটা বড় সামনের দিকে

এগোচ্ছিল তত সে উল্লাস পশ্চিম আকাশের মেঘের মত পরিধিতে বাড়তে লেগেছিল। বেলা তিনটে থেকেই সে একবার গুয়েছে আবার উঠেছে; কিছুক্ষণ বসে থেকেছে; টাইমশিফটটার টিক্ টিক্ টিক্ টিক্ শব্দ শুনেছে—আবার গুয়েছে। মনে হয়েছে অনেকক্ষণ গুয়ে থেকেছে বলে ব্যস্ত হয়ে উঠে বসেছে কিন্তু ঘড়িতে দেখেছে সময়টা দশ মিনিটের বেশী নয়। তখন উঠে এসে জানালার ধারে দাঁড়িয়েছে। বাইরের দিকে তাকিয়েই থেকেছে এবং মনে মনে অতসীকে নিয়ে কল্পনার জাল বুনেছে। হঠাৎ ক্লক ঘড়িতে চারটে বাজার শব্দ শুনে তার সে-জাল ছিঁড়েছিল। এবং সে উৎসাহিত হয়ে উঠে স্টকেসটি খুলে বসেছিল। সিল্কের পাঞ্জাবি বের করেছিল—নতুন ফতুয়া বের করেছিল। নতুন ধোয়া ধুতি ক্রমাল। একশিশি আতরও ছিল তার স্টকেসে। তাদের বাড়িতে তার মায়ের আমলে এই আমিরী স্বদেশীয়ানার চলতি ছিল; সেখানে খন্দরের জামা থেকে তসর মুগা সিল্কের জামার চলন ছিল বেশী। সভাসমিতিতে খন্দর ছাড়া পরতেন না নিরঞ্জন চৌধুরী কিন্তু অল্পতর তসরের প্রতি কুটিটা ছিল বেশী। ক্রমাল সিল্ক ছাড়া ব্যবহার করতেন না। সেটও আতর ছাড়া অল্প কিছু না। একশিশি আতর অংশুমানের স্টকেসে ছিল—সেটাও সে বের করে অনীর আগ্রহে প্রতীক্ষা করেছিল, কখন সন্ধ্যা হবে। সন্ধ্যা সেদিন তার কাছে যেন অতসীর মূর্তি ধরে উঁকি মেরেছিল তার মনে।

সেদিন তখন ছটা। শ্রাবণ দিনের আলো তখনও ঝলমল করছে প্রায়। আকাশের পশ্চিমদিকে মেঘ ছিল। সে আকাশে রঙ ধরি-ধরি করছে। এরই মধ্যে সে কর্নওয়ালিশ স্ট্রীটের সেই এঁদো গলির মুখে এসে দাঁড়িয়েছিল। রাস্তায় ভিড়ের অস্ত নেই। বাড়িতে বাড়িতে পতাকা—বাড়িতে বাড়িতে যার যেমন সাধা সজ্জা আলোয় ফুলে পাতায়। লোকেরাও তাই। উল্লাসে উচ্ছ্বসিত; অপ্রীতি নেই বিষে নেই—কোথাও রাগারাগি নেই। কিন্তু ঘানি কলুষ অন্ধকার অপবিজ্ঞতা ছিল আশ্চর্য ভাবে সমান পরিমাণে, সমান ওজনে। হঠাৎ সেটা চোখে পড়েছিল তার। অতসী বাড়ির ভেতর থেকেই তার আগমনবার্তা জেনেছিল। সে একবার উঁকি মেরে দেখা দিবে একটু হেসে ইশারায় তাকে অপেক্ষা করতে বলেই বের-করা মুখ ঢুকিয়ে নিয়েছিল। প্রায় আধঘণ্টা পর সে প্রসাধন সাজসজ্জা সেরে বেরিয়ে এসেছিল।

অংশুমানের বৃকের স্পন্দন বাড়তে শুরু করেছিল। আগের দিন সেটা হয় নি। সেদিন হয়েছিল। চলতে চলতে যেন হাঁপ ধরছিল—গলা শুকুচ্ছিল। অতসী হেসে তাকে বলেছিল—দেখ তো, স্বর্ণমুগী বলে মনে হচ্ছে কি না? সোনার হরিণী—মনো-হারি-নী! শেষের কথা কয়েকটা সুর করে বলেছিল।

কথার উত্তর দেবার মত অবস্থা ছিল না অংশুমানের।

অতসী প্রশ্ন করেছিল—কি হল ভোমার?

তার হাতখানা চেপে ধরেছিল নিজের হাতের মুঠোর মধ্যে এবং সঙ্গে সঙ্গে তার মুখের দিকে তাকিয়ে বলেছিল—বাপরে! হাত যেন জ্বলছে।

অতসীর গোপন বাসকক্ষ যে বাড়িটার সে বাড়িটা আগের দিন প্রায় শুক ছিল। কিন্তু সেদিন ঘুড়ুরের আওয়াজে যন্ত্রসঙ্গীতের কণ্ঠসঙ্গীতের সুরে সুরে আলিত কণ্ঠের কথারবার্তায়

আর এক চেহারা নিয়েছে। অংশুমান একটু চকিত চকল এবং কিছুটা শঙ্কিত হয়ে অতসীর মুখের দিকে তাকিয়েছিল। অতসী হেসে বলেছিল—ওদের সব অষ্টগ্রহর চকিশগ্রহেরর আসর পড়েছে। এখানে সব বাঁধা বাবুদের আসর। দেশ স্বাধীন হল, ওরা আসর পেতেছে। এ বাড়িতে হল্লা খুব হয় না। আজকের মত দিন বলেই এ হচ্ছে। তবে এ বাড়িতে পুলিশ ঢুকবার হুকুম নেই। মাসে মাসে থানার বাঁধা টাকা পাওনা আছে। আগাম আগাম নিয়ে যায়।

ভালা খুলে ঘরে ঢুকে তাকে বুকে জড়িয়ে ধরে বলেছিল—সারাটা দিন যেন আর যেতে চায় না। মা বলে তোর হল কি? কি আর বলি বল? “রাখার কি হইল অন্তরে ব্যাখা।” সে বোঝে কে?

অংশুমান তখন বোঝা।

জীবন তখন শুধুই জীবন, সেই আদিম জীবন, তার বেশী কিছু নয়। যার শুধু গ্রাসই আছে আর কিছু নেই। তার হাত-পা কাঁপতে চাচ্ছিল। মধ্যে মধ্যে কঁপে উঠছিল। তবু অখীর হয়ে উঠছিল মুহুর্তে মুহুর্তে।

সেদিন আটটার সময়েই অতসী তাকে ছুটি দিয়েছিল। বলেছিল—আজ কিন্তু হে আমার নবীন নটবর, এর মেরে নয়া পিয়ার, মেরে মজহু, বাদীকে ছুটি দেনেকো হুকুম হোয় যায়। ছুটি দিতে হবে আজ। বুঝেছ? কখন যে শিবকিংকর আসবে তার ঠিক নেই। সে যে এখনও কেন আসে নি তা বুঝতে পারছি না।

ছুটি দিতে অংশুমানের ইচ্ছে ছিল না। অংশুমানের বুকে একটা প্রতিজ্ঞার আঘাত লেগেছিল, মধ্যে মধ্যে তাকে সংকুচিত করছিল তার নিজের কাছেই। প্রশ্নও করছিল—কি করছি আমি? উত্তরে প্রতিবাদ করবার মত কর্তৃত্বও ছিল না ভাষাও ছিল না। কিন্তু একটা লোলুপতা তাকে শিকার-ধরা বাঁধের মত করে রেখেছিল। তবু অতসীর কথা সে মেনে নিয়ে ফিরে এসেছিল নটীর মধ্যে।

ফিরবার পথে সিগারেট খেয়ে নিজেকে ঘায়েল করেছিল সে কথা মনে আছে। সে সিগারেট খায় না শুনে অতসী বলেছিল—না খেয়ো না। সিগারেট ভাল নয়। খবরদার। তাহলে ঝগড়া করব। অতসীর ভূমি বয়সে-ছোট বর। বুঝলে।

পথে বেশিরে সেদিন সে সিগারেট খেয়ে সত্যিকারের যুবক হতে চেয়েছিল। সিগারেট খেয়ে এমন কেশেছিল যে অতসীর ঘরে যা খেয়েছিল সব বমি হয়ে উঠে গিয়েছিল—তার সঙ্গে মাথাটা কেমন যেন হঠাৎ খরে উঠেছিল। মেশোর বাঁশা উত্তর কলকাতায় গ্রে স্ট্রীটের একটা গলিতে। বিডন স্ট্রীট থেকে পথ সামান্যই কিন্তু এই সামান্য পথটুকু হাঁটতে অত্যন্ত কষ্ট হয়েছিল তার। কোনরকমে বাড়ি পৌঁছে সে চুপি চুপি নিজের ঘরটার ঢুকে পড়ে শুয়ে পড়েছিল। মেসো-মাসীর সামনে যায় নি; ভয় হয়েছিল হয়তো সিগারেটের গন্ধ পেয়ে যাবেন তাঁরা। চাকরটাকে বলে দিয়েছিল—দেখ শরীরটা আমার খারাপ মনে হচ্ছে। আমি শুয়ে পড়ছি। খাব না কিছু। আমার বেন না ডাকে। বুঝলি?

ঘুমিয়ে পড়তে দেরি হয় নি। অতসীকে নিয়ে বিচিত্র কল্পনা করতে করতে অল্পকণের মধ্যেই কখন ঘুমিয়ে পড়েছিল। মনের সংকল্প তখন তার স্থির হয়ে গেছে। অতসী তার থেকে বরসে বড়, বাধ্য হয়ে সে সংসারকে বাঁচাবার জন্ত এ পথে নেমেছে; তা নাযুক। সে তাকে বর বলেছে। বলেছে এরপর সে আর এ পথে পা দেবে না। তাকে স্বামী বলে গ্রহণ করবে। সেও তাকে স্ত্রী বলে গ্রহণ করেছে। হ্যাঁ, অতসীই তার স্ত্রী। নাইবা হল মন্ত পড়ে বিয়ে। নাইবা থাকল সামনে শালগ্রাম শিলা। তার থেকে তাদের এ বন্ধন আরও দৃঢ়, আরও পবিত্র। একটা বাসা ভাড়া করবে। সেখানে সে রাখবে অতসীকে। সে আর অতসী। যতদিন সে পড়বে ততদিন অতসীর অজ্ঞাতবাস। তারপর সে—

ওঃ! সে কত আকাশকুসুম রচনা করেছিল মনে মনে! একদিন সে স্বাধীন ভাবে দাঁড়াবে নিজের পায়ের উপর। সে বিখ্যাত ব্যক্তি হবে। একজন বিরাট বড় রাজকর্মচারী—I. A. S. না। সে হবে একজন বিখ্যাত নেতা। পণ্ডিত জগদ্বলালের পরবর্তী কালের নেতা। হঠাৎ মনে পড়ে গিয়েছিল নেতাজী সুভাষচন্দ্রকে। নেতাজী সুভাষচন্দ্রের সঙ্গে তার হঠাৎ দেখা হবে। সেই তাঁকে ঠিক চিনবে। এবং বলবে—নেতাজী! নেতাজী বলবেন—চূপ করো। আমাকে সাহায্য করো। নেতাজী প্রতিষ্ঠিত হবেন—তারতবর্ষ উথলে উঠবে। নেতাজীর পি-এ হবে সে। সে অতসীকে নিয়ে নেতাজীর সামনে নতজানু হয়ে বসবে—

ঘুমিয়ে পড়েছিল এইখানেই।

হঠাৎ তাকে ডেকে তুলেছিল। ডেকে তুলেছিল তাদের দেবগ্রাম বাড়ির একজন গোমস্তা।

—ছোটবাবু! ছোটবাবু! ছোটবাবু!

ঘুম ভেঙে উঠে বসে সে বলেছিল—কে? কি?

বিরক্তির আর সীমা ছিল না তার।

গোমস্তা প্রাণক্লম্ব চট্টরাজ বলেছিল—আপনাকে বাড়ি যেতে হবে ছোটবাবু। বাবার খুব অসুখ।

—বাবার অসুখ।

—হ্যাঁ। খুব অসুখ। অজ্ঞান হয়ে গিয়েছেন। আমি ওষুধ নিতে এসেছি আর আপনাকে নিতে এসেছি।

*

*

*

নিরঞ্জন চৌধুরী ১৪ই আগস্ট সারাদিন উত্তোগ আয়োজন করেছেন স্বাধীনতা দিবসের। মধ্যরাত্রি অর্থাৎ ১৫ই আগস্টের শঙ্খধ্বনির সময় থেকে শুধু চীৎকার করেছেন। চীৎকার করে অতীতকালের ঘটনা বলে গেছেন। হঠাৎ সেই সময় তাঁর প্রথম মনে হয়েছিল ১৯২১ সাল থেকে স্বাধীনতা আন্দোলনের কোন কাজটি এবং কোন ঘটনাটি কোথায় ঘটেছিল সেই স্থান-গুলি চিহ্নিত করবেন। বাথার্নির মাথার কাগজের বোর্ড এঁটে লিখে দেবেন—১৯২৪ সালের ১২ই পৌষ এই ঘরে প্রথম কংগ্রেস কমিটির উদ্বোধন হয়। সভাপতি নিরঞ্জন চৌধুরী। ১৯২৫ সালে এই গাছতলার প্রথম জনসভা হয়—ভাষণ দেন বিখ্যাত নেতা জিভেজলাল বন্দ্যোপাধ্যায়। গ্রামের ভিতরে কোথাও সভা করিতে দেওয়া হয় নাই। ১৯৩০ সালে

রথযাত্রার দিন এইখানে সভাপতি নিরঞ্জন চৌধুরী ১৪৪ ধারা অমান্ত করিয়া গ্রেকতার হন।

সারারাজি পরিভ্রম করে এই ঐতিহাসিক ঘটনাবিস্তার শেষ করে সকালবেলা কংগ্রেস প্রাক্ষেপে জাতীয় পতাকা তুলে থানার পতাকা তুলবার কথা ছিল। কিন্তু কংগ্রেস প্রাক্ষেপে পতাকা তুলেই তিনি ক্লান্ত হয়ে বসে পড়েন চেয়ারে—তারপর অজ্ঞান হয়ে যান। ধরাধরি করে বিছানায় শুইয়ে দেওয়া হয়। ডাক্তার আসে। তারপর অনেক ঘটনা।

অংশুমানের মা স্বামীর করণীর কাজগুলি শেষ করেন—সকলেই এটা চেয়েছিল। তিনিও এটাকে কর্তব্য মনে করেছিলেন। কিন্তু তিনি যখন থানার পতাকা তুলতে এসেছিলেন সেই সময় নিরঞ্জন চৌধুরীর প্রথমা স্ত্রী এবং তাঁর ছেলেরা রমারঞ্জন আর রাধারঞ্জন ধরাধরি করে তাঁকে নিজেদের মহলে নিয়ে গেছেন।

তাঁর বিছানায় বসে তাঁর সেবা পর্যন্ত করতে দিচ্ছে না অংশুর মাকে। সেবা করছে রমারঞ্জন রাধারঞ্জনের স্ত্রীরা—মাথার শিররে বসে আছেন মহামারা অর্থাৎ রমারঞ্জনদের মা। শোভাকে কেবল ঘরে ঢুকে দাঁড়িয়ে দেখতেই দিচ্ছে। এবং দাঁড়িয়ে থাকলে বলছে—আপনি বাইরের কাজগুলো দেখুন!

অংশুমান একটা প্রচণ্ড আঘাতে যেন অভিভূত হয়ে গিয়েছিল। হঠাৎ একসময় ঘন গুমোট-ধরা অপরাহ্নে পশ্চিম আকাশে পুঞ্জ পুঞ্জ ঘন কালো মেঘকে বিদীর্ণ করে বিদ্যুৎ খেলে যাওয়ার মতই একটা প্রবল তার সমস্ত অন্তর মনকে চমকে দিয়ে জেগে উঠেছিল—কেন এমন হল? তার পাপে? অতসী—।

সেদিন সে বুঝতে পারে নি, উত্তর পায় নি। কিন্তু আজ পায়।

অহুশোচনার কিছু নেই। না, কোন অপরাধ তার নেই। লজ্জার কিছু নেই। বিংশ শতাব্দীর দ্বিতীয়ার্ধে—তাই বা কেন—দ্বিতীয় বিশ্বযুদ্ধ থেকেই ছুনিয়ার সমাজের বাজার বা বিরেটারের সাজানো আসর ভেঙে গেছে। অতীতকালের পৌরাণিক ঐতিহাসিক নাটকের আমল চিরদিনের মত শেষ। গ্রীনকুম থেকে রঙ মুছে সবাই বেরিয়ে এসে খোলা মাঠে মরদানে নেমেছে। পরলা বললে নরা পরলা হয়েছে। মাহুঘের জ্ঞানের রাজ্যে পারমাণবিক বিস্ফোরণ হয়েছে; পারমাণবিক বোমার আঘাতে নাগাসাকি হিরোসিমার মাহুঘই শুধু মরে নি, সেখানকার সমস্ত প্যাগোডাগুলো এবং ভিতরের দেবতাগুলি ভেঙে গেছে। পৃথিবীতে কালোবাজার নামে নতুন একটা বিরাট বা বিশাল বাজার আপনাআপনি পথের ধারের হাটের মত বলে গেছে। সে-বাজারে যারাই পসরা নামিয়েছে তারাই হাটুরে থেকে হয়ে উঠেছে মহাজন। লক্ষ টাকার দাম পড়ে গেছে, কোটি টাকাটাই এখন প্রায় মুখের কথা। গত মহাযুদ্ধে যখন কালোবাজারের পস্তুন হচ্ছে, কারবার শুরু হচ্ছে, তখন হাজার লক্ষনে মাহুঘ না খেয়ে এবং অধাতু পেরে পথের ধারে মরে পড়ে থেকেছে; পচে ঢোল হয়েছে। চোরা-বাজারের আশেপাশে রাজির প্রথম প্রহর দ্বিতীয় প্রহরে কালোটাকার মেয়েরা দেহ বেচেছে। বেচেছে পেটের দারে বেশী, কিন্তু যুদ্ধবিভাগের ফৌজী কামার্ততা যেটানোর চাহিদা তার থেকে খুব কম ছিল না। আবার দেহ কেনা-বেচার নেশাও বড় একটা কম নেশা নয়। কারণ যুদ্ধ মিটবার পরও যে এই কারবার ফলাও হয়ে চলেছে, সে এই নেশার ঘোরেই বেশী

চলছে।

আরও আছে। যুদ্ধের পর যুদ্ধ ভিত্তেও সাম্রাজ্যবাদীদের গিলটির জলুস কালের হাওয়ার কেমিক্যাল আকশনে গেবে মলিন হয়ে গেছে, আবার ফেটেফুটে চটেও গেছে। পূর্ব ইয়োরোপে, চায়নার কম্যুনিষ্ট বিপ্লব হয়ে গেছে। ইন্দোনেশিয়া স্বাধীন হয়েছে, সেখানেও তখন কম্যুনিজমের ছোঁয়াচ লেগেছিল। বার্মা ভারতবর্ষ স্বাধীন হয়েছে। স্বাধীন হবার ক্ষেত্রে ভারতবর্ষকে ভারত ও পাকিস্তান দুই ভাগে ভাগ হতে হয়েছে। পাকিস্তান থেকে হিন্দু এবং ভারতবর্ষ থেকে মুসলমানেরা পালিয়ে গেছে ভিটেমাটি ছেড়ে। যাবার পথে কিছু মরেছে এবং বাকীরা গিয়ে পৌঁছে স্টেশনের ধারে পড়ে থেকেছে, ক্যাম্প থেকেছে, ভিক্ষে করেছে, মেয়ে বেচেছে, ছেলে বেচেছে, মরেছে। রাজনৈতিক নেতারা এদের নিয়ে খেলা খেলেছে। ভাঙিয়ে টাকা রাজগার করেছে। ক্যারমের গুটির মত বাপ গেছে এ পকেটে, মা গেছে ও পকেটে, ছেলেমেয়েরা বোর্ডে পড়ে থাকবার মত পড়ে থেকেছে পথেঘাটে।

রাশিয়া অ্যামেরিকা স্পেস-শিপ উড়িয়েছে। রকেটের পর রকেট উঠেছে শূন্যগুলো। পৃথিবীর চারিদিকে ঘুরেছে, চাঁদে গিয়ে পৌঁছেছে; অ্যাটম বোমার পর হাইড্রোজেন বোমা তৈরী হচ্ছে। মানুষেরা গরুর গাড়ি ঘোড়ার গাড়ি পার হয়ে রেল মোটরের যুগে এসে ছ'দুটো মহাযুদ্ধ লড়াই শেষ করে এরোপ্লেনে উড়তে আরম্ভ করেছে। এবং সে স্পীড একশো মাইল থেকে উঠতে উঠতে এখন জেট প্লেনে পাঁচশো মাইলে পৌঁছেছে। আগের কালে সমুদ্রে জাহাজে করে ভাসতে ভাসতে এসেছিল ইয়োরোপের বিজা, ইয়োরোপের কাশন, তার সঙ্গে বাইবেলের উপদেশ এবং আদর্শ। এখন ওই প্লেনে করে এবেলা ওবেলা এসে পৌঁছেছে ইল্যান্ডের ডেমোক্রেসী, অ্যামেরিকার অ্যামেরিকানিজম, সোশালিজম, কম্যুনিজম—তার সঙ্গে আরও অনেক ইজম। ভারতবর্ষের গান্ধীবাদ অচল হয়েছে, গান্ধীজীকে এদেশের মানুষেরাই গুলি করে মেরেছে। গান্ধীজী গেছেন, রুজভেল্ট গেছেন, উইনস্টন চার্চিল গেছেন, জোসেফ স্টালিনও গেছেন। স্টালিন একবার বান নি ছ'দুবার গেছেন, একবার ক্রেমলিন থেকে লেনিনের সমাধিমন্দির, লেনিনের কফিনের পাশেই তাঁর কফিন রাখা হয়েছিল। দ্বিতীয়বারে লেনিনের সমাধিমন্দির থেকে ক্রেমলিনের দেওয়ালের পাশে কবর দেওয়া হয়েছে।

এর মধ্যে কান্নার অপরাধ হবার অবকাশ কোথায়। এবং হলে কার আইনে হবে। ঈশ্বর তো মৃত।

অন্তমান বলে—যার চোখ আছে, মন আছে, অল্পভূতি আছে সে নিশ্চয় বুঝতে পারে যে গোটা পৃথিবীটিই একটি বিরাট কবরে পরিণত হয়েছে, সে কবরে গোর দেওয়া হয়েছে ঈশ্বরের কবর। ঈশ্বরের মৃতদেহকে সেখানে যুদ্ধের মড়ার সঙ্গে ফেলে মাটি ঢাণা দিবে লিখে দেওয়া হয়েছে—হৃতভাগ্য অজ্ঞাতপরিচয় বিজ্ঞতদের সমাধি।

এ কথা অন্তমানই বলতে পারে। ঈশ্বরের কবরের উপর দাঁড়িয়ে আছে আজ সবাই—সে পুরোহিত পুজক পাদরী থেকে শুরু থেকে সাধারণ সব মানুষই এবং একটি অশ্রুতি অল্পভব করছেও সকলেই, প্রায় সমান অশ্রুতি; কিন্তু বলতে তারা পারে না। বলতে অন্তমানের

মত মাহুঘই পারে।

বহুনিদ্রিত অংশুমান বহুবল্লিত না হোক, অনেক অভিনন্দনও সে পেয়েছে। শিবকিংকর গুপ্ত বলে—হ্যাঁ, হ্যাটস্ অফ তোমাকে অংশুমান। বাবা আমি শিবকিংকর, আমি বহু তরুণ মস্তক চর্ষণ করেছি এবং বেমানুষ হজম করেছি কিন্তু তোমার মাথায় আমার দাঁতই বসল না। বসা দূরের কথা নড়ে গেল পাটিকে পাটি। এবং চিরজীবনের মত ডিসপেনসিয়া ধরে গেল। শিবকিংকর গুপ্ত তার গ্রামের লোক। সেও এই বিচিত্র যুগের এক বিচিত্র মাহুঘ। সে মূর্থ নয়—এম. এ. পাস, সে অক্ষম নয়—সক্ষম উপার্জনশীল ব্যবসাদার মাহুঘ। সে সাহিত্য-রসিক, সে নাট্যরসিক। সে চতুর, সে রাজনীতিবিদ; এককালে সে ছিল পাটি সিমপ্যাথাইজার, এখন হাতেকলমে রাজনীতি করে। যুদ্ধের সময় সে মিলিটারী কন্ট্রাক্ট নিয়েছিল, মেজর কর্নেলের সেলাম রুকতো। ভালি দিত। বাগানে পাটি দিত। সেখানে ঘুড়ুর পরে নটরাজ নৃত্য নাচত। এবং করওয়ার্ড ব্রককে মনে মনে সিমপ্যাথাইজ করত। স্বাধীনতার পর কংগ্রেসী হতে চেরেছিল কিন্তু তখন কংগ্রেস নেয় নি। অগত্যা একটা লেকটিস্ট পাটিতে নাম লিখিয়েছিল। এখন কংগ্রেসের দরজা ছুঁপাট খুলে ধরেছেন ঠরা। শিবকিংকর সেখানে জাঁকিয়ে বসেছে। শুরু করেছে মণ্ডল কংগ্রেস গ্রাম পঞ্চায়েত থেকে। ধীরে ধীরে উপরে উঠছে।

শিবকিংকর পারে না শুধু ছবির রাজ্যে মাতব্বির করতে। শিল্প সে বোঝে না। দাবিও করে না। সাহিত্যে কিন্তু দাবি তার জোরালো; সেও এককালে সাহিত্য করত। জীবনে অংশুমান যখনই এমনই কোন সংকটের মধ্যে পড়ে জীবনকে ঋতাতে বসে তখনই তার মনে পড়ে শিবকিংকরকে। শিবকিংকরের প্রতি কৃতজ্ঞতা তার যত আকোশ এবং স্বগাও তার তত। শিবকিংকর তাকে মদ খেতে শিখিয়েছে, শিবকিংকর তাকে অভঙ্গীর মুখে তুলে দিয়েছিল। নারীদেহের প্রথম আশ্বাদন পেয়েছিল সে অভঙ্গীর কাছে। তখন বয়স তার পনের বছর। বিচিত্র ব্যাপার—তারিখটা ছিল ১৫ই আগস্ট ১৯৪৭ সাল এবং শিবকিংকর তার বাবার নাটুকে দলেরই একজন সভ্য।

তৃতীয় পর্ব

সে সময় তার মনে হয়েছিল সে গান্ধীজীর কাছে প্রশ্ন করবে। এ কি তার পালের ফল ?

বাবা তার বাঁচেন নি। ছুঁদিনের দিন অর্থাৎ যেদিন তারা বাড়ি পৌছেছিল সেই দিনই তিনি মারা গিয়েছিলেন। তারপর পূর্ণ এক বছর। সে একটা অপব্যয়; তার জীবন থেকে একটা বছর খসে পরে ধুলোমাটির সঙ্গে মিশে গেছে।

বড়দা বড়দা যেজনা সকলে মিলে (ওরা অবশ্য মিলে এক চিরকাল) তার এবং মায়ের বিবকে ঝাড়িয়েছিল। সে কুৎসিত একটা কাণ্ড। সেকাল এবং সেকালের বিবর-কাণ্ড

চিরকালই জটিল এবং কুৎসিত। দেবোত্তরের বিষয় এবং অধিকার নিয়ে সেই প্রথম ঋগড়া লাগল তাদের সঙ্গে। বড়মা বড়মা মেজদা প্রথম নাকি তার মায়ের সঙ্গে বাবার বিবাহটাই অসিক্ত প্রমাণ করবে বলে মতলব এঁটেছিল। ঋগড়া লাগল দেবজের অধিকার নিয়ে। তার মা এই প্রথম ঠাকুরবাড়িতে ঠাকুরের পূজা অর্চনার অংশ নিতে গেলেন। বিষয় ভাগ হজ্বিল। তার অনেক কৃত্য। সম্পত্তির ফর্দ—তার যাচাই (অর্থাৎ কোথাও কোন সম্পত্তি বাদ পড়ল কি না)—তারপর প্রত্যেকটির দাম নির্ণয়। তারপর তিন ভাগ করা। এই সব চলছিল।

অংশদানের আর কলেজে বাওয়া হয় নি। তার মেসোমশায়ই তার মাকে বলেছিলেন—না, যখন ভাগ হচ্ছে তখন ও নিজে থাকুক, দেখুক বিষয়সম্পত্তি কোথায় কি আছে—কোনটা কি চিহ্নক।

এরই মধ্যে একদিন শিবকিংকর এসে অর্ধপূর্ণ হাসি হেসে বলেছিল—পড়া ছেড়ে দেবে? কলকাতায় যাবে না? থাকতে পারবে?

অংশদান একদৃষ্টে তার মুখের দিকে তাকিয়ে থেকে বুঝতে চেষ্টা করেছিল সে কি বলছে। শিবকিংকর বলেছিল—তোমার এক বন্ধুর সঙ্গে দেখা হল। ভারী দুঃখ করছিল। বলছিল, হয়তো তুলেই যাবে আমাকে। কি বলব বল তাকে?

অংশদান ভয় পেয়েছিল কিন্তু সামলে নিয়েছিল—বলেছিল—কিছু না।

অতীত কথায় সে ভোলে নি। নিত্যই প্রায় মনে পড়ত তাকে। মনে পড়াতো তার বড়মা তার বড়দা।

ভারা তার মাকে বলত—ওই—ওর পাগেই হল এটা। সব হল ওর জন্তে। দেবতাকে দেবতা বলে নি, গোসাঁই বলে নি, সেদিন ভোরবেলা আমি কাপড় ছেড়ে মন্দিরে দাঁড়িয়ে আছি—মালা গেঁথে রেখেছি, বলেছি সকালে মন্দিরে এসে ঠাকুরকে মালা দিয়ে প্রণাম করে যাবে। আগে ঈশ্বর, তারপর দেশ—স্বাধীনতা। তা না। শুনলাম দেবি হয়ে যাবে বলে ওই নাস্তিক অহিন্দু মেয়েটি তাকে আসতে দেয় নি। দু-তিন মিনিট দেরিতে মহাভারত অন্তত্ব হত।

তার মাও বোধ হয় এ প্রসঙ্গ ও প্রসঙ্গে বিচলিত হয়েছিলেন। তিনি প্রাত্যহিক দিন থেকে মন্দিরে নিয়মিত যেতে শুরু করেছিলেন। প্রথম প্রথম শুধু ষিপ্রহরে রুদ্ৰদেব মন্দিরের সামনে নতজাহ্ন হয়ে চোখ বুঁজে বসে থাকতেন। প্রাত্যহিক কয়েকদিন পরই অংশদানই এটা আবিষ্কার করেছিল। তারও মনে এমনই একটা প্রশ্ন ঘনিয়ে ঘনিয়ে যেম বাপ থেকে বস্তু হয়ে উঠছিল।

অপরাধ কি তার?

অতীত-প্রসঙ্গটা বিচিত্রভাবে তার মনের মধ্যে ঘুরতে আরম্ভ করেছিল তখন। অল্পতাপ দিন দিন বত উত্তপ্ত হয়ে উঠছিল ততই তার চিন্তা হয়ে উঠছিল অশান্ত অধীর। সেও সাধনা খুঁজে বেড়াচ্ছিল। একদিন ঠাকুরবাড়িতে সেও এসেছিল ওই প্রশ্ন রাখতে—“অপরাধ কি আমার? ওই অসতীর জন্মেই কি?” নির্জন দুপুরে এসেছিল ওই প্রশ্ন করতে। এসে দেখলে ঠাকুরঘরের দরজা খুলে সামনে নতজাহ্ন হয়ে বসে আছেন তার মা।

তার কটি কথাও তার কানে এসেছিল।—আমার পাণেই এই হল ?

সে নিঃশব্দে এসেছিল নিঃশব্দেই চলে গিয়েছিল। কিন্তু সেই দিন থেকেই ঝগড়া বেধেছিল তার মায়ের সঙ্গে বা তাদের সঙ্গে দাদাদের। বড়মা সন্ধ্যাবেলা চীৎকার জুড়ে দিয়েছিলেন—দুপুরে ঠাকুরঘর খুলেছে কেন ? ঠাকুর বিজ্রাম করছিলেন। তাত খেয়ে ভাত-খাওয়া কাপড়ে মন্দিরে ঢুকেছে কেন ? যে নাস্তিক যে অবিবাহিত সে ঠাকুরঘর খুলবে কেন, ঢুকবে কেন ?

মা যুক্তির অবতারণা করে বলেছিলেন—চৈতন্য না দিদি ; ঠাকুর কখনও ঘুমোন না, কিংবা ঘুমলেও জেগে থাকেন। ঠাকুর নিদ্রাও জাগরণ, জাগরণও নিদ্রা। ভাত-খাওয়া কাপড়কে আমি অশুচি মনে করি না। আর নাস্তিকও আমি নই।

দু'একটা কথার পরই বড়মা ঘোষণা করে দিয়েছিলেন, ঠাকুরবাড়িতে তাদের কোন অধিকার নেই। ঠাকুরবাড়ি দেবোত্তর, তাঁর নিজস্ব। নিরঞ্জন চৌধুরীর প্রথম পক্ষের সংসারের। বরাবর তারাই ভোগ করে আসছে। নাস্তিক শোভা চৌধুরী বা তার পেটের ছেলেকে তারা ঠাকুরবাড়িতে ঢুকতে দেবে না।

সঙ্গে সঙ্গে তার মা ঠাকুরবাড়িতে হকুমজারি করলেন—ঠাকুরের প্রসাদ ছোটতরফের অর্ধেক (অংশমানের জ্যাঠামশাইয়ের অংশ বাদ দিয়ে) যথানিয়মে তিন ভাগ হবে। এবং অংশমানের ভাগ এ বাড়িতে আসবে।

থাক, ঠাকুর-দেবতার প্রসাদ থাক।

ঠাকুর নিয়ে সে মামলার কথা অবাস্তব। ঠাকুরে দেবতার তার বিশ্বাস বা অশ্বিনাস দুইই সমান ঝাপসা। কোনটারই রঙ গাঢ় ছিল না। ওই কাঁচা বতরুণ ততরুণ একটা রঙ রয়েছে বলে মনে হত। কিন্তু শুকলেই সাদা হয়ে যেত। রঙও ছিল না, আকার-অবয়বও ছিল না। ক্রমে ক্রমে পড়াশোনার সঙ্গে এবং বেড়ে ওঠার সঙ্গে কাঁচাতে কোন রঙ আর দেখার না। সম্ভবতঃ একেবারেই উবে গেছে। দুর্গাপূজার উৎসবের মধ্যে উল্লাসের মধ্যে জীবনে একটা পার্বণ আসে কিন্তু কোন দেবতা বা ঈশ্বরের কোন সংস্রবই তাতে নেই। না গন্ধ, না স্পর্শ, না কোন ক্রীণ শব্দ। তার জন্ত তার আপসোসও নেই উল্লাসও নেই। মধ্যে মধ্যে নিষ্ঠুরতম মুহূর্তে ভগবান বা হে ঈশ্বর বলে একটি শব্দকে প্রয়োজন হয়—বুক থেকে আপনি বেরিয়ে আসে—এই পর্যন্ত। তার বেশী কিছু নয়। ঈশ্বর নেই। থাকলেও তিনি অপরাধ নেন না বা অপরাধের জন্ত কোন শাস্তি কাউকে দেন না। এটা সে নিশ্চয় করে ভেবেছে।

তার মায়ের অপরাধ তো নিশ্চয় ছিল না। তারও ছিল না। না—ছিল না ছিল না। কথাটা তার নিজের মনেই ওঠে এবং নিজের মনেই না না বলে চীৎকার করে ওঠে। অভঙ্গীর সঙ্গে তার জীবনের বোগ বেভাবেই দেখুক তাতে তার কিছু আসে যায় না। অভঙ্গীর সঙ্গে তার জীবনের তার বেহের বোগ বেদিন হয়েছিল—সেই দিনই তার বাবার মৃত্যু হয়েছিল, এর জন্ত দীর্ঘনিবাস তার আজও পড়ে। আজও তার মন বিব্রল হয়—চোখ দুটি যেন আপনাআপনি মেমে আসে এবং অবাহিত ঘটনা মনে পড়লে অকারণে মাছব নিজের অজান্তলারেও যে চকলতা প্রকাশ করে সেই চকলতার চকস হয়ে ওঠে। একটা দীর্ঘনিবাস

বেরিয়ে আসে, তাকে কিছুতেই রোধ করতে পারে না। মনের মধ্যে যুক্তি তাকে যাই বলুক এবং সে যুক্তি যত সত্যই হোক তাতে ওট্টকুর গতিরোধ হয় না।

হয়তো এইটেই শেষ দুর্বলতা।

হে ভগবান!

এই মুহূর্তে—আজ ১৯৩১ সালের এই সকালবেলাটিতে বাবার মৃত্যুর স্মৃতি থেকে হঠাৎ চোখের সামনে ভেসে উঠল কালকের সন্ধ্যাবেলার স্মৃতি। ভেসে উঠল তার হাতের ভাঁজের ওপর সে তুলে নিয়েছে একটি রক্তাক্তদেহ শিশুকে। অ্যাকসিডেন্ট হওয়া গাড়ি থেকে সে-ই তাকে বের করেছিল। একটা হাত ছেলেটির ছেঁচে পিষে গিয়ে বীভৎস ভাবে ঝুলছিল। সে-ই তাকে ট্যাক্সিতে সারা রাত্তা সেই হাতের ওপরে শুইয়ে নিয়েই মেডিক্যাল কলেজ পর্যন্ত এসেছিল। সে-ই তাকে এয়ারলেন্সী ওয়ার্ডে টেবিলের উপর শুইয়ে দিয়েছিল। তার পাশে শুইয়ে দিয়েছিল আহত অচেতন সীতাকে।

ছেলেটির মূখের দিকে সে অনেকবার তাকিয়ে দেখেছিল। সুন্দর ছেলে। সব থেকে চোখে পড়েছিল কপালে বাদিক ঘেঁষে চুলের আরম্ভেরবার একটা ঘুঁ। সেটা তারও আছে।

না। তবু তার মনে হয় নি সে সন্তান তার।

মনে হওয়া উচিত ছিল। নিশ্চয় উচিত ছিল।

ভগবানকে সে মানে না। অন্ততঃ মাথা ধামায় না তাকে নিয়ে। বিপদ থেকে উদ্ধার করতে তাকে না, প্রার্থনা পূর্ণ করতে তাকে না; পূজা করব বলেও তাকে না। মধ্যে মধ্যে রবীন্দ্রনাথের গানের মধ্যে গান গাইবার জন্তেই তাকে, পূজা নিবেদন করে। সেও নেহাত অর্থহীন ভাবে। কিন্তু আজ সে এই অল্পকণের মধ্যেই আবার ডাকলে। হে ভগবান! এবং বসে বসেই বিছানার বালিশটার উপর মুখ রাখলে।

বেশ কিছুক্ষণ এমনিভাবে মুখ গুঁজে বসেছিল সে। নিজেকে সামলাচ্ছিল। হঠাৎ হরি এসে বললে—শিবকিংকরবাবু আসিল। বাহিরে বসি আছে।

শিবকিংকর? শিবকিংকর গুপ্ত! শিবকিংকরের সঙ্গে আশ্চর্য সম্পর্ক তার। দরিদ্র প্রতিষ্ঠাহীন আত্মীয় যেমন অবাহিত হইবেও প্রতিষ্ঠাবান ধনীজনকে ধরে থাকে—বার বার তার পিছনে কেলে-আসা বাড়ির বংশের ইতিহাসের সঙ্গে তাকে জোর করে যুক্ত করে রাখে, তেমনিভাবেই তাকে ধরে আছে।

সীতাকে সে-ই নিয়ে এসেছিল।

আবার মনে পড়ে গেল অতসীকে। অতসীকে আবার দ্বিতীয়বার তার সামনে নিয়ে এসেছিল এই শিবকিংকর। এবং তারা সারা জীবনের শ্রোতকে সে আজকের এই গতিমুখে মোড় ফিরিয়ে দিয়েছিল।

বাবার মৃত্যুর পর তখন তাদের পার্টিশনের কাজ চলেছে। দেবোত্তরের দাবি নিয়ে বাদ-প্রতিবাদ আদালত পর্যন্ত গড়িয়েছে। শেষ পর্যন্ত আদালত গ্রাহ্য করে সালিশ মাস্ত করা হয়েছে। তাদের জ্যাঠাতুত ভাই, বাঁড়ুজ্জেনের শিবদাস ঝষি, গুপ্তদের হরিকিংকর কবিরাজ তাকার এই নিয়ে সালিশী ভৈরী হয়েছে। কর্মচারীরা কাগজ ভৈরী করেছে। সম্পত্তির

তালিকা, দেনাপাওনার তালিকা, দেবোত্তরের ব্যাপারের মীমাংসার যুক্তি তৈরী হচ্ছে। যেসোমশায় হরিচরণবাবুর পরামর্শমত সে কলেজে কিরে না গিয়ে এই বিষয় ব্যাপার দেখছে এবং বুঝবার চেষ্টা করছে। তার পিছনে আছেন তার মা। মা তখন তার আদালত থেকে নিযুক্ত গার্জেন। তাদের কিছুটা জমিদারি আছে সেই কারণে সে সাবালক বলে গণ্য হবে গ্রন্থ বছর বয়সে। মা তার অনেক আগে থেকেই বিষয় ব্যাপার বোঝেন। তিনি পুরো অন্দরবাসিনীও কোন কালেই ছিলেন না। স্বামীর মৃত্যুর পর তখন আরও বেশী করে বেরিয়ে আসতে হয়েছে তাঁকে। নিরঞ্জন চৌধুরীর মৃত্যুর পর তিনিই হয়েছেন দেবগ্রাম কংগ্রেসের প্রেসিডেন্ট; ডিস্ট্রিক্ট বোর্ডের মেম্বর হয়েছিলেন নিরঞ্জন চৌধুরী—সে শূন্য আসনেও তিনি গিয়েছেন। বিনা প্রতিদ্বন্দ্বিগায় নির্বাচিত হয়েছেন। কেউ ধাঁড়াতে সাহস করে নি। জেলা কংগ্রেসেরও মেম্বর তিনি। তা ছাড়া তখন চারিদিকে কাজ, চারিদিকে আহ্বান। সে একটা আশ্চর্য সময়—সে সময়ের দিন আলাদা রূপ আলাদা; মাহুয আলাদা মন আলাদা; স্বাধীন ভারতবর্ষে সাম্প্রদায়িক হানাহানি নিষ্ঠুর রক্তপাত রাজনৈতিক ‘বোর কুটিল ঘনেষর’ মধ্যে ভারত যেন বসে আছে বোধিজ্ঞানের ভলে, অবিলম্বিত এবং ধ্যানমগ্নের মত। সমস্ত পৃথিবী তাকিয়ে আছে এই দেশের দিকে। এরই মধ্যে গান্ধীজী খুন হলেন ক্যানাটিক হিন্দু গডসের হাতে। ‘হা-রাম’ বলে তিনি শেষ নিঃশ্বাস ত্যাগ করলেন। গান্ধীজীর মরজীবন শেষ হল কিন্তু তাঁর অহিংস ভারতের সাধনা যেন অশেষ হয়ে উজ্জ্বলিত হয়ে উঠল। দিকে দিকে আহ্বান। সভা, সভা আর সভা। দেবগ্রামের চারিপাশের গ্রাম থেকে তার মায়ের ডাক আসছে। তার মায়ের দু-তিনটে বক্তৃতা তার মুখস্থ হয়ে গেছে। বক্তৃতা তিনটে লিখেছিল সে-ই—মা সংশোধন করে নিরেছিলেন। ওঃ সে কি প্রদীপ্ত কাল!

আজ তার মনে হয় গান্ধীজীর অহিংসা, গান্ধীজীর জীবনদর্শন, তাঁর রাজনৈতিক চিন্তা ও পন্থার পক্ষে সেই কয়েক মাস বা একটা বছরই ছিল গুরুপঙ্কের পূর্ণ তিথি। তারপরই ক্ষয় হতে লেগেছে। আজ—থাক। আজ গান্ধীজী ছবিতে আছেন। নিত্যন্ত অসহায়—একান্ত। কি বলবে? ককণার পাত্র বলতে ইচ্ছে করছে। লালবাহাদুর শাস্ত্রীজীর জিরোধানের পর—তাই। সভাই তাই তিনি। থাক। থাক। আজকের কথা থাক। সেদিন গান্ধীজীর চিত্তাভ্যাস অগণ্য পায়ে ভরে সারা ভারতবর্ষে নদীর ঘাটে ঘাটে তালিয়ে দিয়ে গান্ধীঘাট তীর্থ সৃষ্টির কাজ চলছে।

বাংলাদেশে প্রধান গান্ধীঘাট তীর্থ হয়েছে ব্যারাকপুরে। এ ছাড়া জেলায় জেলায়, বড় বড় গ্রামে, শহরে, যেখানে নদী আছে প্রায় সে সব আরগায় সর্বত্রই চিত্তাভ্যাস পাঠানো হয়েছে; এবং বিশিষ্ট গান্ধীবাদী বা ব্যক্তিত্ব সেই পাত্র মাথার নিরে স্থানীয় ঘাটে বিগর্জন দিয়ে স্নান করে তীর্থ-সৃষ্টি করেছেন। দেশের লোককে ডাকতে হয় নি। ডাক দেওয়াই ছিল। দিক থেকে দিকে তার প্রতিক্রিয়া ক্রমাবধি জনিত হয়েই চলেছে। হৃদয়ের ডাক—কর্মকর্তাদের সম্বন্ধ ও সচেতন পরিকল্পনার ডাক; বুদ্ধিমান স্বাভাবিক সজাগ মনের ডাক, পলিটিক্যাল পার্টির ডাক—থাক থাক। আজ চিত্ত তিক্ত হয়ে গেছে। কিন্তু কুলতে যে পারছে না। ভোলা যে-বার না। সেদিন ওই গান্ধীজীর প্রভাবে আজ মন নিয়েই সে শিবকিংকর এবং অতীত

সামনে এসে দাঁড়িয়েছিল। সে কি সময়!

মাহুকের স্পর্শ আছে—সে স্পর্শ জীবন-প্রকৃতিকে ভেঙেচুরে সরিয়ে নড়িয়ে অনেক অদল-বদল করে নিজেই প্রতিষ্ঠিতও করেছে। জজ্ঞানোয়ার পতনের থেকে সে সম্পূর্ণ পৃথক। সে মাহুস। এমন কি জীবজগতেও সে স্বতন্ত্র বিশেষণ নিয়ে সবার থেকে সরে পৃথক হয়েই দাঁড়িয়ে আছে। কিন্তু মধ্যে মধ্যে যখন সেই স্পর্শকে ভ্রমশব্দ ও অসম্ভব করে তুলতে চায় তখন যত ভোগ করে লাঞ্ছনা তত জর্জরিত হয় গ্রহাণে। এবং তারই কল হয় এই যে জীবনটাই হয়ে ওঠে অশান্তিতে অসার্থক। এবং জীবনই করে তার প্রতিবাদ।

মনে পড়ছে তার সে কথা। অজরের ঘাটে গান্ধীজীর চিত্তাভ্যাস সিরেছিলেন তার মা। অশ্রুমান ছিল তার মায়ের পাশেই। তাইই থাকত তখন। মায়ের ঠিক পাশে পাশে থাকত। শিবকিংকর এবং অতলী যেদিন তার সামনে এল এবং সে তাদের সামনে গিয়ে অসীম স্পর্শের তাদের সঙ্গে সঙ্গে মুখোমুখি দাঁড়াল সেদিনও সে তার মায়ের পাশেই দাঁড়িয়েছিল একটি সমারোহের আসরে। ওই গান্ধীঘাটের উপরেই স্মৃতিস্তম্ভ প্রতিষ্ঠার সমারোহ হচ্ছিল। সুনন্দর একটি স্তম্ভ তৈরী করিয়ে তার গোড়ায় একখানি মার্বেল ট্যাবলেট লাগানো হয়েছিল। তাতে লেখা ছিল—“দেবগ্রাম মহাত্মা গান্ধী ঘাট। মহাত্মার আদেশের উপাসক স্বর্গীয় নিরঞ্জন চৌধুরীর নামে উৎসর্গীকৃত হইল।”

অনুষ্ঠানে সভানেত্রীত্ব করছিলেন তার মা। উদ্বোধন করবার প্রস্তাব এসেছিলেন প্রসিদ্ধ গান্ধীপন্থী নেতা, জেলা কংগ্রেসের সভাপতি।

সে মায়ের পাশেই ছিল। সেই স্বাগত সম্ভাষণ জানিয়েছিল। ছাত্রজীবন থেকেই সে লেখে।

অবশ্য বাংলাদেশের ছেলে কে না লেখে। সেও লিখত। তার মা এর প্রস্তাব অস্বীকার করতেন—বাবাও খুশী হতেন। সেদিনের স্বাগত সম্ভাষণ সে লিখেই পড়েছিল। মনে পড়ছে, ভাষণে ভাবাবেগ কিছুটা বেশী থাকলেও ভাষণটি ভালোই হয়েছিল। ভাষণের শেষে হাততালির উল্লাসের মধ্যে সে বুঝতে পেরেছিল যে ভালো হয়েছে তার ভাষণ। বেশ একটু অহংকৃত আত্মতৃপ্তি নিয়ে সে চেয়ারে বসে রুমাল বের করে মুখ মুছছিল। হঠাৎ তার গোঁথে পড়ল সাজানো শামিয়ানার আসরের পরই যে সব লোকেরা দাঁড়িয়ে আছে তাদেরই প্রথম সারিতে একেবারে তাদের ডায়ালগের ডানদিকে হাত কুড়ি দূরে দাঁড়িয়ে আছে শিবকিংকর এবং অতলী। একমুহুর্তে তার সমস্ত শরীরে যেন একটা ঠাণ্ডা প্রবাহ বয়ে গিয়েছিল। পুতুলের মত সে তাদের দিকে তাকিয়ে ছিল একদৃষ্টে। হাতের রুমাল হাতেই ধরা ছিল। মনে পড়ছে, তার মনে হচ্ছিল অতলী যদি এই সভার মধ্যে এগিয়ে এসে বলে—! পরমুহুর্তেই মন বলেছিল—বলে কি? বলবেই! তার দাদারাই তাকে বলাবার অন্ত এনেছে। শিবকিংকর তাদের দাদাদের নামে বন্ধু, কাজে এজেন্ট। অতলী এখানকার থিয়েটারে পার্ট করে, সে থিয়েটারের কর্তা তার দাদারাই।

অতলীর মুখে কিন্তু একটি আশ্চর্য হাসি মাখানো ছিল। যে হাসিতে মাহুকের মুখ প্রসন্ন দেখায় না সে হাসি নকল হাসি—মেকী হাসি। অতলী অভিনয় করত। কিন্তু তার সেদিনের

হাঁস অভিনয়ের নকল হাসি ছিল না সে কথা তার ভয়াত্ম মনও বুঝতে পেরেছিল।

অতলী তখনও তার দিকে মুগ্ধদৃষ্টিতে তাকিয়ে ছিল এবং ঠোঁটের হাসিতে প্রসন্নতা যেন শরৎকালের গুরুপক্ষের জ্যোৎস্নার মত স্বরে পড়ছিল। তবু তার ভয় যায় নি, ধীরে ধীরে সে নিজের জোর সঞ্চয় করেছিল, গাঙ্গীজীকে স্মরণ করে। বেশ তো সত্যকেই সে—

তার প্রয়োজন হয় নি। শিবকিংকর ভিড়ের মধ্য দিয়ে দিয়ে তার কাছে এসে পাশে দাঁড়িয়েছিল এবং একসময় তার কানের কাছে মুখ নামিয়ে ফিসফিস করে বলেছিল—ও তোমাকে দেখতে এসেছে। ভয় নেই, কেউ কিছু জানবে না।

*

*

*

সত্যই তাই। অতলী সত্যসত্যই তাকে দেখতেই এসেছিল। এবং বলতে এসেছিল—তুমি আমাকে মাক্ করো। হয়তো সেদিন আমাকে ছুঁয়েই তোমার এমন ক্ষতি হল—তোমার বাবা চলে গেলেন সেই রাজে।

অংশুমান বলেছিল—না অতলী, ও তুমি মনে করো না। ও মনে করা ভুল। কিছুই জন্মেই কিছু হয় না। বিশেষ করে আমি পাপ করলে আমার মায়ের অনিষ্টও কখনো হতে পারে না। এটা বিংশ শতাব্দী। জান, গাঙ্গীজীর মত মাহুষ এমন ধরনের কথা বলেছিলেন—তাকেই কেউ বিশ্বাস করে নি।

হেসে বলেছিল—তাহলে ইংরেজদের মত অদর্শ করে এত বড় জাত তারা হতে পারত না।

সেদিন তার সমস্ত মনকে যে-আলো যে-হাওয়া ব্যাপ্ত করে ছিল তা ছিল রাজনৈতিক ঋতুর আলো-হাওয়া। এ ছাড়া উপমা তার মনে যোগায় নি।

সন্ধ্যার পর শিবকিংকর তাকে ডেকে নিয়ে গিয়েছিল তাদের বাড়িতে। শিবকিংকরের বাড়িতে তার মা আর বিধবা দিদি ছাড়া কেউ ছিল না। অতলী তাদের বাড়িতে আগেও এসে থেকেছে। বন্ধুর বোন বলে পরিচয় ছিল তার। সেই শিবকিংকরের বাড়িতেই কথা হয়েছিল।

অতলী বলেছিল—আমার আর আপসোসের আক্ষেপের শেষ ছিল না অংশু।

থেকে গিয়েছিল একটুকণের জন্ত। তারপর বলেছিল—বর বলতে লোভ হচ্ছে কিন্তু বলব না। তোমার থেকে বয়সে আমি মাস কয়েক নয় বছর ছ-তিনের বড়। খোকাবর মিথ্যে বলি নি। কিন্তু আর বলব না। নাঃ—তুমি অনেক বড় হবে। আজ সভার যা শ্রমের বললে তুমি। আর ওই তোমার মা।

চুপ করে বসে ছিল অংশুমান, কথা খুঁজে পাচ্ছিল না। বুকের ভিতর হৃৎপিণ্ড লাগাচ্ছিল, অনেক কথা যেন তোলপাড় পাকিয়ে একটা স্বরের মত প্রচণ্ড প্রবল কিছু সৃষ্টি করতে চাচ্ছিল।

শিবকিংকর তাদের কাছেই ছিল অখচ ছিল না। অর্থাৎ ক্রমাগত বাইরে যাচ্ছিল আর আসছিল। কয়েক মূহুর্তের জন্ত মধ্যে মধ্যে বসে ছোটো চারটে কথা বলে আবার একটা প্রয়োজন খুঁজে নিয়ে বাইরে যাচ্ছিল। কথা বলছিল অতলী একাই।

এই ক'মাসের মধ্যে অনেক ঘটনা ঘটে গেছে। তার মধ্যে প্রধান ঘটনা হল—সে তার

সেই রাজির প্রয়োজনে ভাড়া করা ঘরখানা ছেড়ে দিয়েছে। শুধু ঘরখানাই নয় তার সঙ্গে জীবনের সকল সংস্পর্শ ছোঁয়াচও ধূয়ে মুছে ফেলেছে।

—মনে একটা সাধ বাসা বেঁধেছিল তোমাকে নিয়ে। আবার তোমার এই হুঁতুগা ঘটল বলে আক্ষেপ হল আরও বেশী। সেই আক্ষেপে সব ছেড়ে দিলাম। জান, রোজ গভীরান করেছি। এই লোকটিকেও তাড়িয়ে দিয়েছি। বলেছি, আর আমার ছায়া মাড়াবে না। ছাড়তে পারি নি কেবল অভিনয়। ওটা ছাড়লে ভাইবোনদের পড়া বন্ধ হত। সংসার উপোস বেত। অ্যামেচার ছেড়ে পাবলিক থিয়েটারে চাকরি পেয়েছিলাম। সেখান থেকে চান্স পেলাম ফিল্মে। সেকেন্ড হিরোইনের পাট পেয়েছি একখানা বইয়ে। নিঃশ্বাস ফেলে বেঁচেছি কিন্তু মনের মধ্যে অহরহ অশান্তি ছিল তোমার জন্তে। এই লোকটি—

শিবকিংকরকে দেখিয়ে বলেছিল—এই লোকটিকে আমি ছেড়েছিলাম, সেও অন্তর্যানে বাসা বেঁধেছিল কিন্তু আমাকে ছাড়েনি। মানে নিঃশ্রুতি থিয়েটারে আসত, বকবক করত। আর তোমার কথা বলত। মন্দ বলত না—ভালোই বলত।

হেসে অভঙ্গী বলেছিল—বলত কি জান। অংশ একদিন লীডার হয়ে যাবে। ভারী ভালো ছেলে। ওর অনিষ্ট করা আমাদের উচিত হয় নি। তোমার বক্তৃতা করার কথা বলত—তোমার সাহসের কথা বলত। তোমাদের এখানে নাকি হিন্দু-মুসলমানে দাওয়ার সময় তুমি মুসলমানদের বাঁচাবার জন্তে যে সাহস দেখিয়েছিলে তার তুলনা হয় না। আরও কত কথা। শুনে শুনে সাধ হত একবার তোমাকে দেখে বলে শ্রাব্য আমি তোমার অনিষ্ট করেছি, তুমি আমাকে ক্ষমা কর। এই দিন পনের আগে ওর কাছে হেরে গেলাম। ওকে বিয়ে করব বলে মন বাঁধলাম। কথা পাকা হয়ে গেল। হঠাৎ কাল এসে বললে, অভঙ্গী, যাবে দেবগ্রামে অংশকে দেখতে? যাব যাব বলো। যাবে তো চলো। দেবগ্রামে অংশের বাবার নামে অজয়ের ঘাটে শ্রুতিস্তম্ভ উদ্বোধন হবে। অংশের চেহারাটা দেখতে পাবে। বললাম—যাব। চলে এলাম।

কথা শেষ করে সে হাসিমুখে তার মুখের দিকে তাকিয়ে থেকেছিল। অংশমান নিজেরও তার মুখের দিকে তাকিয়ে ছিল নির্নিমেষ দৃষ্টিতে। মনের মধ্যে যেন একটা আবেগ উচ্ছ্বসিত হয়ে উঠছিল। মনে হচ্ছিল গল্পে উপস্থানে কাব্যে পুরাণে অভঙ্গীর মত মেয়ে বোধ করি হয় নি। সে অভঙ্গীনীরা, সে অপরাধী।

হ্যাঁ, তার রূপেরও তুলনা ছিল না বলেই সে-দিন তার মনের ভিতর থেকে তার অন্তরাশ্রা বলতে চাচ্ছিল—না—না না। অভঙ্গীকে ছেড়ে দিতে আমি পারব না। পারব না।

ঠিক তারই পাশাপাশি আরও একটা আবেগ ঝড়ের সঙ্গে নদীর বুকের মত বনের মাথার মত আলোলিত হচ্ছিল। সে-আবেগ অংশমানের সেই ১৯৪৮-৪৯ সালের আদর্শবাদের আবেগ। সেদিন এমন করে নিজেকে পৃথক্ পৃথক্ ভাগ করে দেখতে পারে নি। সেদিন দুটো মিশে একটা হয়ে গিয়েছিল। বোল-সভের বছরের অংশমানের ওরূপ চিত্তকে শুধু অভঙ্গীর আকর্ষণই আকৃষ্ট করে নি—সে আকর্ষণকে আরও প্রবল করে তুলেছিল তার সেদিনের সত্যনিষ্ঠার আদর্শ।

মাহুকের মন চিরদিনই সত্যনিষ্ঠ। সত্যনিষ্ঠ তো নয়, সত্যকে প্রকাশ করাই তো স্বাভাবিক—উচিত। প্রকাশ করে না কেবল লজ্জার জন্তে সংকোচের জন্তে; অপরাধবোধের জন্তে। মাহুকের চালাকির প্রথম শিক্ষা হয়েছে মিথ্যে কথা বলতে শেখার মধ্যে।

এই দুর্বলতাকে জয় করে মাহুহ আবার যেদিন অবস্তাবিশ্বকে মাথা পেতে নিয়েও মিথ্যার পরিবর্তে নিষ্ঠুরে সত্যকেই প্রকাশ করে তখনই মাহুকের হয় চরম জয়। এ জয়ের চেয়ে বড় জয় আর হয় না। মাহুহ এর জন্তে প্রাণদণ্ডে দণ্ডিত হয়েও মরে না, সর্বস্বান্ত হয়ে সর্বদে ধুলো মেখেও রাজার চেয়ে বড় হয়ে ওঠে। এর এক আশ্চর্য শক্তি, বিচিত্র মোহ। সেই শক্তি সেদিন যেন এদেশের আকাশে বাতাসে জলের মধ্যে মিশে ছিল। অংশুমান দেবগ্রামের চৌধুরীবাড়িতে জন্মে মা-বাপের কাছ থেকে এরই দীক্ষা পেয়েছিল। ছেলেবেলায় ছেলেবেলার মধ্যেই এর কিছুটা সাধনাও করেছিল। বন্ধুদের কাছে এর জন্ত তার অহংকারও ছিল। এবং সেদিন অতসী তাকে তার দেখালে এবং শিবকিংকর তাকে ব্র্যাকমেল করতে চাইলে সে কি করত তা আজ বলতে পারে না তবে তারা দুজনেই যখন তাকে দেবতা বানিয়ে প্রশংসা করে তাকে মুক্তি দিতে চাইলে তখন সে চমকে উঠে সরে এসেছিল। কারণ মনে হয়েছিল তাকে ছোট করে অতসী শিবকিংকরই বড় হয়ে গেল। তাই বা কেন, নিজের কাছেও নিজে সে ছোট হয়ে যাচ্ছিল।

সে বলেছিল—না।

অতসী চমকে উঠে বলেছিল—কি না ?

—এ হয় না।

—অংশু।

—না। তোমাকেই আমি বিয়ে করব।

শিবকিংকর বলেছিল—চুপ কর অংশু চুপ কর।

—না। চুপ করতে আমি পারব না শিবকিংকর।

*

*

*

“একটা ইমোশনাল ফু—ল।”

কথাটা বলেছিলেন তার মেসোমশাই হরিচরণবাবু উকীল।—“এর কোন মানে হয়, না মাথামুণ্ড আছে ? এঁচোড়পাকা কাকিল ছেলে—এ প্রিকাস চাইল্ড ! তার থেকে বরসে পাঁচ-ছ’ বছরের বড় একটা ফলেন গার্ল, তাকে বিয়ে করবে। আবদার !”

অংশুমান সত্যসত্যই অবিখ্যাত কাণ্ডটা করে বসেছিল। সে সেইদিন রাতেই গ্রাম থেকে কলকাতা চলে এসেছিল। এবং কলকাতা থেকে দীর্ঘ চিঠিতে আগাগোড়া সমস্ত কথা প্রকাশ করে তার মাকে লিখেছিল, আমি এই অসতীকেই বিবাহ করতে চাই। তাকে আমি ভালবাসি এ কথাও সত্য এবং লোভের বা মোহের বা যদি ভ্রান্তিই হয় সেই ভ্রান্তির মধ্যে বা ষটে গেছে তারপর তাকে বিয়ে করা ছাড়া আমার আর অন্য পথ নাই।

কলকাতায় এসে এবার আর সে মেসোমশায়ের বাড়িতে ওঠে নি। এসে উঠেছিল একটি ভালো বোর্ডিং হাউসে। বাড়ি থেকে আগবার সময় তার দু সেট সোনার বোতাম,

গোটা পাঁচেক আংটি, হাতের বিছে ডাংগা, তার অন্নগ্রাশনে পাওয়া একছড়া হার, পৈতের সময় পাওয়া আর একছড়া হার এবং দশখানা গিনি সঙ্গে নিয়ে এসেছিল। সে নিজের ঘরকে বুঝত—তার নিজের মাকে চিনত এবং জানত যে এর জন্তে তাকে লড়াই দিতে হবে। সে লড়াই সহজ হবে না। বিষয়ী ঘরের ছেলে—বাপের কাছে কাছে ছিল ছেলেবেলা থেকে এবং বাপের মৃত্যুর পর বিষয় নিয়ে সংযা ও সংভাইদের সঙ্গে পার্টিশনের কাজ হাতে-কলমে করে এসব বিষয়ে অনভিজ্ঞ ছিল না। সে জানত তার সংভাইরা এবং সংযা তার ঘরে চীৎকার করবেন—তার জাত গেছে। এ বিষয়ে তার কোন অধিকার থাকতে পারে না। কাজে কিছু হবে না কিন্তু চীৎকার তাঁরা করবেনই। ভয় তার মাকে। তিনি কি করবেন সেটা সে ঠিক অনুমান করতে পারে নি। তার মা গান্ধীবাদিনী একথা সত্য। কিন্তু সত্য বলেই এই সমাজবিদ্বেহী সত্যকে কি তিনি স্বীকার করে নেবেন?

১৯৪৮১৯ সালের ঘটনা।

আজ ১৯৪৮ সাল। ১৮।১৯ বছর আগে সেদিন যখন সে তার জিনিসপত্তরগুলো নিয়ে কলকাতা চলে এসে হোটেলের উঠেছিল তখন ওইসব প্রশ্নগুলো সমস্যাগুলো এমন পরিস্থিতি বাক্ষ ছিল না। মনে মনে আশঙ্কার মধ্যে সব কিছুই অল্পভব সে করতে পেরেছিল—কিন্তু আজকের মত এমন পরিস্থিতি ছিল না মামলার আরজির দাবির পিছনের যুক্তির মত।

আইনও সে পড়েছে বছর তিনেক, কিন্তু পরীক্ষা দেয়নি। জীবনে সাহিত্য এবং নাটক যদি তাঁকে না পেয়ে বসত তাহলে সম্ভবত সে উকীলই হত।

থাক। উকীল না-হওয়ার জন্ত তার আক্ষেপ নেই। গল্পলেখক উপস্থাসকার নাট্যকার হয়ে তার জীবনে একবিন্দু ক্ষোভের কারণও ঘটে নি। কারণ উকীল হলে সে হয়তো সত্যকে এমনভাবে আঁকড়ে ধরে থাকতেও পারত না; থাকে সে সত্য বলে মানে তাকেই সে এমন করে রক্ষা করতেও পারত না।

জীবনে সেদিন সে সত্য থেকে এক পা পিছিয়ে আসে নি।

তার মেসো হরিচরণবাবু উকীলই তার কাছে এসেছিলেন প্রথম দিন। সে বোডিংএ উঠেই চিঠি লিখেছিল তার মাকে। বিস্তৃত বিবরণ দিয়েছিল। আর একখানা চিঠি লিখেছিল অতসীকে।

অতসী এবং শিবকিংকরকে সে দেবগ্রামে কলেই কলকাতা চলে এসেছিল। তারা জানতও না যে, অনুমান এমন করে কলকাতায় চলে যাবে। তবে ততদিনে, অর্থাৎ সে কলকাতা চলে আসবার পর তারা নিশ্চয় দেবগ্রাম থেকে চলে এসেছে অনুমান করেই অতসীকে তার বাড়ির ঠিকানায় চিঠি লিখেছিল। লিখেছিল—‘আমি তোমাকে মুক্তি দিতে পারব না অতসী।’

তখন তরুণ বয়স। সাহিত্যে প্রথম হাতেখড়ির কাল চলছে—অনেক কাব্য করেই সে লিখেছিল—‘তোমাকে মুক্তি দিতে গেলে আমার হৃদয়কে বিদীর্ণ করে তোমাকে মুক্তি দিতে

হবে। কারণ আমার হৃদয় এখানে শুষ্ক, তার মধ্যে তুমি মুক্ত হয়ে রয়েছ; কোন দিন একটি বালুকণার মত তুমি হৃদয়ে প্রবেশ করেছিলে—তার যন্ত্রণার জীবনের রস দিয়ে বালুকণাকে মুক্ত করে তোলার মতই তোমাকে অপরাধ করে আমিই তুলেছি এবং আমার দেহমনের সঙ্গে এক করে নিয়েছি। আমাকে শেষ না করে কি করে তোমাকে মুক্তি দেব? তা ছাড়া আমার ধর্ম, আমার জ্ঞান, আমার সত্য? তোমাকে জড়িয়ে যে আমার সব দাঁড়িয়ে রয়েছে আজ। তোমাকে মুক্তি দিলে এক-মুহুর্তে যে সব মুখ খুবড়ে ধুলোয় লুটিয়ে পড়বে। আমার সত্য আমার জ্ঞান তাসের ঘর নয়। পুরনো কালের সত্য এবং জ্ঞানের মত আধখানা রেখে আধখানা ভাসিয়ে দেওয়া যায় না। আমার সত্য, আমার জ্ঞানধর্ম মহাভারতের কর্ণের মত বীৰ্যবান এবং সহজাত কবচকুণ্ডলধারী। তাকে ভাসিয়ে দিলেও সে ধূর্য্যবান হাতে নিয়ে কিয়ে আসে।” মস্ত বড় চিঠি: এবং খুব দৃষ্ট চিঠি। সে নিজেও সেদিন দৃষ্ট ছিল। আপোস সে কারুর সঙ্গে বা কিছুই সঙ্গে করে নি।

মায়ের সঙ্গেও না।

এই নিয়েই মায়ের সঙ্গে তার চিরদিনের মত বিচ্ছেদ হয়ে গেল। তার মা ভেজাধিনী ছিলেন—তার থেকেও তাঁর জ্ঞেদ এবং ভেজা বেশী ছিল। অংশমানের সত্যকে তিনি মেনে নিতে পারেন নি। তবে বলেছিলেন—তোমার সত্য তোমার, আমার সত্য আমার। হৃয়ের মধ্যে আপোস হতে পারে না।

অতি নিষ্ঠুর কথা বলেছিলেন মা। লিখেছিলেন—একটা অসতী মেরেকে আমি পুত্রবধূ বলে গ্রহণ করতে পারব না। কোন একটি মেরেকে কালো বলে তোমার অপছন্দ হলে যেমন তোমার না বলার অধিকার আছে, ঠিক তেমনি অধিকার আমারও আছে বলে আমি মনে করি। এবং সেই অধিকারেই আমি ‘না’ বলছি। তুমি মহাভারতের সত্যবতীর দৃষ্টান্ত দিয়ে লিখেছ—“দেহগতভাবে অশুদ্ধ হয়েও সত্যবতী ভারতের সম্রাজ্ঞী হয়েছিল; চন্দ্রবংশের প্রথম রাজা পুরুষোত্তম উপনীকে বিবাহ করেছিলেন, উপনীও দেহগতভাবে শুদ্ধ নয়।” উত্তরে আমি জানাই যে, এই দৃষ্টান্ত আমার কাছে আদর্শই নয়। পৃথিবীতে এমন ঘটেছে এবং ঘটে এ কথা আমি মানি। কিন্তু এমনটিই ঘটাই উচিত তা আমি কখনই স্বীকার করি না। এবং স্বীকার করব না জানবে।

অংশমান লিখেছিল—হুর্ভাগ্যের কথা আজ গান্ধীজী আর বেঁচে নেই। থাকলে তিনি আমাকে আমার কৃতকর্মের জন্য ভিন্নস্বাক্ষর করতেন এ কথা নিশ্চয়, কিন্তু আমার এই সংকল্পকে তিনি সমর্থন করতেন।

মা লিখেছিলেন—তাহলে গান্ধীজীর এ সমর্থন আমি তুচ্ছ করতাম।

থাক। সে বাগাড়ম্বর দীর্ঘ।

আজও সে-কালের সেই অদীর্ঘ বাগাড়ম্বরের সমস্ত কথাগুলিই অংশমানের মনে পড়ল। অজ্ঞাত তার হয়েছিল এ কথা সে আজও মনে করে না। না। তবে হয়তো তার দিকের জারের দ্বারিকে সে বড় বেশী স্নেহভাবে প্রকাশ করেছিল। মা তার দুঃখ পেয়েছিলেন। তিনিও তাঁর জারের দ্বারি থেকে একবিন্দু ছেড়ে আসতে রাজী হন নি।

অঞ্চল জ্ঞার অজ্ঞার দাবি এবং জোর যার যা থাক, তাকে উপেক্ষা করে বাস্তব বা ঘটাবার ভাই ঘটবে যার। কথাটা হয়তো ঠিক হল না—হু'পক্ষের জ্ঞার অজ্ঞার দাবি এবং জোরের যোগবিরোধ করে যা ঘটবার সেইটে ঘটে। তারা যা এবং ছেলে হু'পক্ষ যখন নিজের নিজের জ্ঞার নিয়ে পরস্পরের মুখদেখাদেখি বন্ধ করলে তখন অতসী এবং শিবকিংকরের বিয়ে হয়ে গেছে। নববিবাহিত অতসী এবং শিবকিংকর একসঙ্গে অংশুর বোড়িংয়ে এসে তাকে জানিয়েছিল এবং বলেছিল—দোহাই তোমার, তুমি কান্ড হও। আর না। এসব আর করে না।

অংশু স্তম্ভিত হয়ে গিয়েছিল। এমনটা সে ভাবে নি। তবু সে অতসীর প্রতি অহুদার হয় নি। তার বাপের দেওয়া একটা হীরের আংটি ছিল, তার তের বছর বয়সের সময়ের অনামিকার বাপের আংটি সেটা, এখন তার ক'ড়ে আঙুলের মত হয়েছিল, সেইটে খুলে সে অতসীর আঙুলে পরিয়ে দিয়েছিল। এবং বলে দিয়েছিল—তোমাদের খ্রীতিভোজে আমি বাব না, মাপ করো। এবং ভবিষ্যতেও সম্পর্ক না রাখলে আমি খুশী হব।

অতসী খানিকটা হেসেও ছিল, খানিকটা জলও সেই সঙ্গে তার হু'চোখ ভরে ছলছল করে উঠেছিল। বলেছিল—বাপরে! এত রাগলে আমি কি করি বল তো? কেমন করে তোমাকে বোঝাব বল তো যে, এ আমি করলাম তোমার ভালোর জন্তেই!

অংশু এসব আর শুনতে চায় নি। বলেছিল—দেখ—দয়া করে তোমরা এখন যদি এস তবে আমি খুশী হব।

তারা দুজনে হাসতে হাসতেই চলে গিয়েছিল। সে হাসির সাড়া এসেছিল বোড়িংয়ের সিঁড়িটার বাকের ওদিক থেকে। অংশু সেদিন সারাদিন ছরস্ত ক্রোধে যেন কারণে অকারণে কেটে পড়তে চেষ্টা করত।

বোড়িংয়ের চাকরটাকে চড় মেরেছিল। ম্যানেজার এবং মালিকের সঙ্গে ঝগড়া করেছিল। একখানা ট্যান্ডি নিয়ে চলে গিয়েছিল ব্যারাকপুর গান্ধীঘাটে। অবশিষ্ট দিনটা সেখানে বসে থেকে রাজি আটটার সময় বোড়িংয়ে ফিরে দরজা বন্ধ করে শুয়ে পড়েছিল। এবং ঘণ্টা দেড় দুইকে কেঁদে কান্ড হয়ে ঘুমিয়ে পড়েছিল।

পরের দিন সকালের ডাকেই মায়ের লেখা একখানা নিষ্ঠুর চিঠি এসেছিল। তার মধ্যে শিবকিংকর এবং অতসীর তাঁকে লেখা একখানা পত্র ছিল যাতে তারা তাদের বিয়ের কথা জানিয়ে অহুরোধ করেছিল তিনি যেন বালক অংশুমানকে কমা করেন। যা লিখেছিলেন, পত্রখানা পড়ে দেখো। এই মেয়েকে তুমি বিয়ে করবে বলেছিলে, তার জন্ত লজ্জার আমার শেষ ছিল না। আজ কিন্তু মনে হচ্ছে মাথাটা কাটা গেল। কারণ তোমার অহংকার করে ঐ কথা বলার পর যেহেতু তোমার গালে চুনকালি মাখিয়ে দিয়ে চলে গেল। এখন একমাত্র শর্তে তোমাকে আমি কমা করতে পারি। এই কথা যখন গ্রামে জানাজানি হয়েছে এবং ঘেবোস্তর নিয়ে যখন মামলা চলছে তোমার বৈমাত্রেয় দাদাদের সঙ্গে তখন তোমাকে শাস্ত্রমত একটা প্রার্থনিক্ত করতে হবে।

সে সেই মুহূর্তেই চিঠিখানার উত্তর লিখে নিজে হাতে ডাকে কেলে দিয়ে এসেছিল।

লিখেছিল—প্রারম্ভে সে বিশ্বাস করে না। ভোজ্য উৎসর্গ করে কাঞ্চনমূল্য দক্ষিণা দিয়ে প্রারম্ভ করত প্রস্তুত নয়। অতসীকে বিবাহ করাই ছিল, তার অপরাধের একমাত্র প্রারম্ভ। তাতে সে প্রস্তুতই ছিল। এবং সে-কথা প্রকাণ্ডেই একরকম ঘোষণা করে জানিয়েছিল। কিন্তু অতসী শিবকিংকরকে বিবাহ করেছে বেচ্ছাপ্রণোদিত হয়ে। সুতরাং তার করণীয় কিছু নেই। যে অপরাধটুকু তার দেহে ও স্মৃতিতে বাল্যকালে চুরি করে ষাওয়া পরের বাগানের কলের পুষ্টির মত রয়ে গেল তা সে নিরুপায় হয়েই জীবনের শেষ দিন পর্যন্ত বহন করবে।

তার উত্তরে তার মা লিখেছিলেন—তোমার সহিত পজালাপেও শরীর মন অণুটি হয়ে ওঠে আমার। এর পর আর কোন পত্র তুমি আমাকে লিখো না। এবং এই বাড়ি এবং আমার সঙ্গে তোমার কোন সম্পর্ক আর রইল না এই কথাটি মনে রেখো। অতঃপর এস্টেট থেকে কোন টাকা তুমি পাবে না।

অন্তমানের মাথার মধ্যে যেন আগুন জলে উঠেছিল। সঙ্গে সঙ্গেই সে পত্রখানার জবাব লিখে কেলেছিল। বিষয়ী ঘরের ছেলে—সেই শৈশব থেকে এই সন্তের বছর বয়স পর্যন্ত সে বাপের কাছ থেকে শুধু দেশসেবা করতেই শেখে নি, তাঁর বিষয়কর্ম করা দেখে বিষয়কর্ম আইনকানুনও শিখেছে; বিষয়কর্ম করতে সে পারে, বৈষয়িক আইনকানুনও সে বোঝে; ইন্দানীং সম্পত্তি পার্টিশন নিয়ে হাতে-কলমে কাজ করে সে বোধ তার আরও ধারালো এবং স্পষ্ট হয়ে উঠেছে। মায়ের চিঠির উত্তরে সে একেবারে আইনসম্মত পত্রলিখন-ভঙ্গিতে লিখেছিল—“আপনি আমার গর্ভধারিণী, আমার পিতৃদেব ৬নিরঞ্জন চৌধুরী মহাশয়ের পরলোকগমনের পর আমি বয়সে নাবালক থাকার আপনি স্বাভাবিক অভিভাবিকা হিসাবে আদালত হইতে আমার (অর্থাৎ শ্রীঅন্তমান চৌধুরীর) গার্জেন নিযুক্ত হইরাছেন। এবং সেই অধিকারে আমার অংশের এস্টেট পরিচালনা করিতেছেন। আদালতের কাছে আমার অভিভাবকত্ব গ্রহণের সময় এস্টেটের যাবতীর আয়ব্যয়ের হিসাব রাখিতে প্রতিশ্রুতি দিয়াছেন। তাহার সঙ্গে এ প্রতিশ্রুতিও আছে যে আমার জীবনে উচ্চশিক্ষার জন্ত আমার ব্যয়ভার নির্বাহের জন্ত আপনি প্রয়োজন হইলে সম্পত্তি বিক্রয়ও করিতে পারিবেন। অর্থাৎ আমার জন্তই সব হইবে। আমাকে বাদ দিয়া কোন ব্যয় করিবার আপনার অধিকার নাই। করিলে পরে ইহার জন্ত আপনাকে দায়ী হইতে হইবে। আপনি আমাকে...সালের... তারিখের পত্রে লিখিয়াছেন ‘এই বাড়ি এবং আমার সঙ্গে তোমার কোন সম্পর্ক রহিল না।...অতঃপর এই এস্টেট হইতে কোন টাকা তুমি পাইবে না।’ ইহার উত্তরে আমি জানাই যে আমার সহিত কোন সম্পর্ক না থাকিলে বা না রাখিলে আপনি আমার গার্জেন থাকিতে পারেন না। আমার পিতার পরলোকগমনের মুহূর্ত হইতেই আমি আমার পিতার সম্পত্তির এক-তৃতীয়াংশের (আমরা পিতার তিন পুত্র হিসাবে) আমি মালিক হইরাছি। কোনক্রমেই সেই অধিকার হইতে আমাকে কেহ বঞ্চিত করিতে পারে না।”

যেবগ্রাম থেকে খুব বেশী দূরে নয়, মাইল কয়েক পশ্চিমে অজয়ের ধারেই, দুর্গাপুর

করেস্টের মধ্যে যুদ্ধের সময় তৈরী মিলিটারী বেসের খানিকটা অংশ ছিল। পানাগড় থেকে পশ্চিমে অণ্ডাল উথরা এবং উত্তরে পানাগড় ইলামবাজার রোডের পশ্চিম গায়ে গায়ে অজয়ের তীরে শ্রামরূপার গড় পর্যন্ত বিস্তৃত মিলিটারী বেসটা দ্বিতীয় মহাযুদ্ধে ভারতবর্ষের সেকেন্ড ফ্রন্ট হিসাবে তৈরী হয়েছিল। এর কিছুটা পানাগড়ে আজও আছে। মিলিটারী বেস হিসেবেই আছে।

এইখানে অংশমান একটা বিস্ফোরণ দেখেছিল।

আত্মসম্বন্ধের বিস্ফোরণ নয়। বোমবাজির শব্দ সে নয়—হাউই চরকির ফুলঝুরি বা রঙমশালের রঙিন আলোর উজ্জ্বল সে নয়। সে বিস্ফোরণ বিচিত্র, বিষমাকর, ভয়াবহ।

১৯৪৭ সালের মার্চ মাস তখন। বর্ষার পরে শরতের রোদের মত স্বাধীনতার আগমনী হাওয়া এসেছে, রঙ লেগেছে; তার বাবা তখন ছোটখাটো কংগ্রেস নেতা হিসাবে চারিদিকে ঘুরে বেড়াচ্ছেন। সেদিন ওই ইলামবাজার পানাগড় রোডের ধারেই একখানা মুসলমানপ্রধান গ্রামে সে তার বাবার সঙ্গে গিয়েছিল। গ্রামখানায় একঘর বর্ধিষু মিয়াসাহেবের বাস। তাঁরই দলিয়ার বশে কথাবার্তা হচ্ছিল। সামনে খানিকটা খোলা জায়গার ওপাশে একখানি ডাঙাচোরা গরীবের বাড়ি। সেই বাড়িটা হঠাৎ একটা বিকট শব্দ করেই যেন মাটির উপর আছড়ে পড়ে গেল। তারপর উঠল ধুলো আর ধোঁয়া। সমস্ত জায়গাটা ঢেকে গেল। এর পরই একটা মেয়ে বুক চাপড়াতে চাপড়াতে ছুটে পালিয়ে গেল। বাড়ির মধ্যে চাপা পড়েছিল তার স্বামী এবং দুটো ছেলে। মেয়েটির স্বামী বনের মধ্যে কাঠ ভাঙতে গিয়ে লোহার একটা বেশ বড় রকম বস্তু পেয়েছিল। সেটাকে হুড়িয়ে বাড়ি এনে খুলতে চেষ্টা করেও খুলতে পারি নি। এবং কিছু হয়ও নি। ফেলে রেখেছিল ঘরের এক কোণে। আজ বিকেলে রান্না চড়িয়ে ঘরের মধ্যে ঢুকে মেয়েটির হঠাৎ নজর পড়েছিল সেটার উপর এবং মাথার মধ্যে খেল গিয়েছিল—উনোনের আগুনে তাতালে কি হয়? তাইই সে করেছিল, উনোনের মধ্যে ফেলে দিয়ে সে গিয়েছিল খিড়কির ঘাটে—ইতিমধ্যে সেটা কেটেছে। সেটা ছিল একটা সত্যিকারের শক্তিশালী বোমা। স্বামী এবং ছেলে দুটোকে চাপা দিয়ে ঘরটা ভেঙে পড়েছে।

সে বিস্ফোরণের শব্দ, সে ধুলো এবং ধোঁয়ার পুঞ্জের কথা ভুলতে পারবে না অংশমান। মধ্যে মধ্যে চোখের সামনে সেই দৃশ্যটা অবিকল ভেসে ওঠে।

১৯৬৭ সালের এই সকালবেলাটিতে জীবনের পুরনো কথা মনে হতে হতে হঠাৎ তার মাঝখানে এই সংস্রবহীন ছবিটি মনের মধ্যে এসে দাঁড়াল।

একটা দীর্ঘনিশ্বাস কেলেলে অংশমান।

তার মায়ের সঙ্গে পজালাপের কথা মনে হলেই এই বিস্ফোরণের ঘটনাটিই মনে পড়ে। একবার সে উপমা খুঁজতে গিয়ে ওই বিস্ফোরণের ছবিটিকেই মিলিয়ে মিলিয়ে সাজিয়ে নিয়েছিল। অল্প জায়গার মিল থাক বা না-থাক ওই মেয়েটির ছুটে পালিয়ে যাওয়ার সঙ্গে তার মায়ের সব ছেড়ে দিয়ে চলে যাওয়ার মিলটা খুব ঘনিষ্ঠ। তার মা এখন আশ্রমবাসিনী।

মা তার চিঠির আর উত্তর দেন নি। তিনি আদালতে দরখাস্ত দিয়ে নাবালকের

অভিভাবক হেঁড়ে দিয়ে চলে গিছিলেন কাশী। তার সম্পত্তি থেকে কোন মাসোহারাও চান নি।

মা তার আজও বেঁচে আছেন। সেও তাঁর খোঁজ করে না—তিনিও তার কোন খোঁজ রাখেন না। তার সৎভাইদের সঙ্গে তাঁর পত্রালাপ আছে। তার বড়মাও আজকাল তাঁর কাছে গিয়ে থাকেন। তার সঙ্গে বিরোধ হয়ে ওদের সঙ্গে অর্থাৎ সতীন এবং সতীন-পুত্রদের সঙ্গে তাঁর মিল হয়েছে। তাঁর নিজের নামে যে সম্পত্তি আছে সে সম্পত্তি তিনি গৃহদেবতাকেই দিয়ে যাবেন। তার সেবারেত রমারঞ্জন এবং রাধারঞ্জন, অংশুমান নয়। তার মা নিজে বাদী হয়ে নালিশ করে আদালত থেকে এই ব্যবস্থা বাহাল করে গেছেন। নিরঞ্জন চৌধুরীর সন্তান হিসেবে তাঁর সম্পত্তির একের তিন অংশে অংশুমান চৌধুরীর অধিকারে কেউ কোন কারণেই হস্তক্ষেপ করতে পারে না—এমন কি ওই অতসী নারী এক ভ্রষ্টা অসতীর সঙ্গে সংস্রবদোষের অপরাধ হলেও পারে না, কিন্তু ওই অতসী নারী মেয়েটির সঙ্গে জীবনের সম্পর্ক-দোষ নিজ মুখে ঘোষণা করেও যে প্রায়শ্চিত্ত করে না দেবতার বা দেবোত্তর সম্পত্তিতে তার কোন অধিকার থাকতে পারে না।

তার মা মূর্তিমতী সে-কাল। যতটুকু পারেন এ-কালের উপর আঘাত হেনে গেছেন—অভিসম্পাত দিয়ে গেছেন। তা যান তিনি, তাতে সে কোনদিন আক্ষেপ করে নি। করবেও না। সে-কাল সর্বদাই সে-কাল, সে সর্বস্বান্ত হয়ে বিগত হবার সময় এমনই করে অমুদার হয়ে অভিসম্পাতই দিয়ে যান চিরকাল। বিচিত্র! সব দিয়ে যেতে হয় বলে যতটুকু পারে নিজের সঙ্গে নষ্ট করে দিয়ে যান। যতটুকু পারে বুকে জড়িয়ে ধরে রাখে—তা খুলে নেয়া যায় না; শেষ পর্যন্ত তা তার মৃতদেহের সঙ্গে হয় পোড়ে নয় কবরে চাপা পড়ে। পরবর্তীকালে প্রকৃতত্ত্বের সামগ্রী হয়। মা তার গেছেন দেবোত্তর সঙ্গে নিয়ে। তিনি তা দিয়ে যাবেন তার সৎসাদাদের। তারও সে-কাল।

অতসী তাকে ধরে ছেড়ে দিয়েছিল। শিবকিংকরের সঙ্গে—। যাক সে। সে গেছে, তাকে মুক্তি দিয়ে গেছে তার জন্তে। তাকে ধন্যবাদ। অতসী সেদিনের পচৎরা দূষিত বর্তমান। যে ভবিষ্যতের দিকে অগ্রসর হবে তাকে ধরে তার সঙ্গে চলতে পারবে কেন? পারে নি। তাকে ছেড়ে দিয়ে শিবকিংকরের সঙ্গে চলে গেল।

যাক।

তার সম্মুখের পথ মুক্ত হয়েছিল। আশ্চর্যরূপে পরিষ্কার ছিল সম্মুখের দিগন্ত। আকাশ ছিল নীল নির্মল। সে একা।

চতুর্থ পর্ব

নির্মল নীল আকাশের নিচে একটি আশ্চর্য সুন্দর এবং সবুজ পৃথিবী। কত সুখ সেখানে। বত সুখ ভক্ত সবুজি। উজ্জল পৃথিবী। অমূল্য ভাণ্ডার। আনন্দের সংসার। অধীনতার

সংকোচন নেই; অপরাধের বেড়া নেই; অবাধ গতিতে মাটিতে জলে আকাশে মাছুষ চলবে সাধনের পথে।

১২৪৮ সালের পর ১২৪৯ সালে আবার সে কলেজে ভর্তি হয়েছিল। ১২৪৮ সালে সে ইউনিভারসিটি ছেড়েছে। আট বছর এমনই একটি পৃথিবীকে কল্পনা করে সমুখের দিগন্তের মুখে নিরন্তর চলেছে।

ভারী মা তার অভিভাবক হুঁড়ে দিলেন। আদালত থেকে একজন উকীল অভিভাবক নিযুক্ত হবার কথা, কিন্তু বিচিত্র সংসার—তার বড় সংভাই এগিয়ে এসে তাকে বললেন—আমি গার্জেন হলে তোর আপত্তি হবে?

অংশুমান অবাক হয়ে গিয়েছিল। বলেছিল—আমার আপত্তি নেই। কেন হবে আপত্তি? উকীল দেখত না হয় তুমি দেখবে। তুমি উকীলও বটে দাদাও বটে। কিন্তু পরে বিষয় বুঝিয়ে দিতে গোল বাধাবে না তো?

এক বছরের মধ্যেই বিচিত্র ঘটনা সংস্থানে দাদা ভারতবর্ষের সমুদায়ের মাছুষদের মধ্যে নেতাদের বাদ দিয়ে সেই বোধ হয় সব থেকে বেশী স্বাধীন হয়ে উঠেছিল।

হয়তো আরও বেশী স্বাধীন সে হতে পারত। যা হওয়া হয়তো তার উচিত ছিল। কিন্তু তত্ত্বানি হতে পারে নি। যদি সে দেবগ্রামে ফিরে যেতে পারত এবং গোটা গ্রামের লোকের সাহায্যে কথাগুলির মীমাংসা করতে পারত তাহলেই হয়তো ঠিক হত। কিন্তু ততটা পারে নি। কথাবার্তাগুলি হয়েছিল কলকাতার বোর্ডিং-হাউসে বসে। বোর্ডিংটি ভাল পরিচ্ছন্ন। সিংগল-সীটেড রুম। আজ ১২৪৮ সালে যখন চালের দর বাট টাকা। মণ তখন সেনিনের বোর্ডিং চার্জ মনে করতে বিশ্বাস জাগছে মনে। বোর্ডিং চার্জ ছিল পঞ্চাশ-বাট টাকা। চারের কাপের দাম ছিল ছ' পরসার নিচে। সেই বোর্ডিংয়ের ঘরেই এসেছিলেন তার বড়দা। সঙ্গে বউদিও এসেছিলেন। হিসেবের কথাই বউদি বলেছিলেন—আমি জামিন থাকব ঠাকুরপো। নিশ্চিন্ত থাক—হিসেব তুমি কড়ায় গুড়ায় বুঝে পাবে।

বউদি কলকাতার মেয়ে এবং ভালঘরের অর্ধাংশ অবস্থাপন্ন ঘরের মেয়ে। তাঁর বাবা পাট করলা অন্ন নিয়ে ব্যবসা করতেন। বড় ব্যবসাদার ছিলেন। এবং সেই সঙ্গে ছিলেন সেকালের প্রগ্রেসিভ মাছুষ। ইংরেজ আমলে রায়সাহেব খেতাবও পেয়েছিলেন। মস্ত বড় সংসার। বউদির পাঁচ ভাই ছয় বোন। তিনটির তখন বিয়ে হয়ে গেছে—তিনটি তখনও কুমারী।

বউদির বাবা তখন বুড়ো হয়েছিলেন। তিনটি মেয়ের বিয়ে দিয়েছেন; এবং দীর্ঘ ষাট বছরের জীবনে পাট করলা অন্ন কেনাবেচা করে সে আমলে একটি সত্য তিনি উপলব্ধি করেছেন; সেই উপলব্ধি থেকেই তিনিই বড়মেয়েকে বলে করে এ কাজে সেনিন পাঠিয়েছিলেন। সেনিন জানতে পারে নি পরে জেনেছে অংশুমান যে, ভদ্রলোকের ছুটি অভিপ্রায় ছিল; প্রথম অংশুমানের সম্পত্তির অংশ উকীল গার্জেন হিসেবে করতলগত করে বড়দাবাই যথেষ্ট লাভবান হতে পারবে। দ্বিতীয় মতলব ছিল আরও নিগূঢ় এবং বিচিত্র। ওই কুমারী তিনটি কস্তার একটিকে এই অংশুমানের জীবনের সঙ্গে বেঁধে দেবেন এই ছিল তাঁর ইচ্ছে।

এককালে তাঁর নিজের বাতারাও ছিল সোনাগাছি অঞ্চলে। তাঁর বড় দুই ছেলে—তারা তখন ১৯৪৮।৪৯ সালে মরদান হোটেলে ঘুরত। রিপন স্ট্রীট অঞ্চলে অ্যাংলো-ইণ্ডিয়ান পাড়ার সন্ধ্যার সাহেব ছিল।

এদের কাছে শোনা অংশমানের এই অভিনীত অধ্যায়ই তাকে আকর্ষণীয় করে তুলেছে। বউদির বাবা তারিফ করেছিলেন অংশমান যে চিঠিখানা তার মাকে লিখেছিল সেই চিঠিখানার। এবং বলেছিলেন—শক্ত ছেলে। গড়েগিটে নিতে পারলে হাতিয়ার হবে। ভাছাড়া জাত বেটাছেলে। আর আমাদের পালটি ঘর। এ ছেলে অস্ততঃ হাতে রাখ।

তাঁর জীবনে তিনি মেয়ের বিয়ের সখস্ক সেই পুরনো আমলের ধারাতাই করে আসছেন। মেয়েদের বিয়ের সখস্ক মেয়েদের সাত-আট বছর হতে হতেই ঠিক করে কেগতেন। জানাশোনা অবস্থাপন্ন পালটি ঘরের ছেলের খোঁজ পেলেই কথা বলে রাখতেন এবং কথার-বার্তার চিঠিপত্রে সে কথা জ্বিইরে রাখতেন এবং বখাসসব্ব সম্বর মেয়ের বিয়ে দিয়ে নিশ্চিত হতেন।

তাঁর ছেলেরা এত অল্প বয়সে বিয়ে দেওয়ার পক্ষপাতী নয়। মেয়েরা অস্ততঃ ম্যাট্রিক পাস করবে বা ফেল করবে একবার—তারপর বিয়ের পক্ষপাতী। ওদিকে ছেলের গ্র্যাজুয়েট হওয়া দরকার। তবে তারা চাকরে বাপের ছেলে চায়।

অংশমানের ক্ষেত্রে অংশমান চাকরে বাপের ছেলে নয় কিন্তু লীডার বাপের ছেলে, এবং এই যে কাণ্ডটি সে করেছে তার দ্বারা কিছুটা সমঝে চলতে পারলে অনারাসেই সে ভবিষ্যতে লীডার হয়ে বাবে তাতে তাদের সন্দেহ ছিল না। সুতরাং এরা তাতে আপত্তি করে নি, তবে বলেছিল—আরও কিছুদিন যাক—ওর যতিগতি দেখি তারপর এগিয়ে যাওয়ার কথা।

সে-কালের শেষ এবং এ-কালের আরম্ভের সময়ে এইটেই ছিল বাস্তবিক। হিন্দু কোড বিল, এস্টেট অ্যাকুইজিশন অ্যাক্ট অর্থাৎ জমিদারী উচ্ছেদ বিল তখনও অনেক দূরের কথা, তখনও স্বাধীন ভারতবর্ষের সংবিধানই পাস হয় নি। সে-কালে এই বোনের বউদিদি হিসেবে তার বউদিদি তার কাছে এসে স্বামীর হয়ে হিসেবের জস্ত জামিন থাকতে চেয়েছিলেন অনারাসে। শুধু নিজে জামিন থাকব বলেই ক্ষান্ত হন নি, বলেছিলেন—শোন ঠাকুরপো হাসি-তোমাশার কথা আমি বলছি। আমার ছেলেমেয়ের দিবি গলে বলছি তোমার পাইপয়লাটি উনি তোমাকে বুঝিয়ে দেবেন, দেবেন, দেবেন।

তিন বছর পর অংশমান আই-এ পাস করলে। ভাল ভাবেই পাস করেছিল আই-এ। প্রথম পঁচিশ জনের মধ্যেই ছিল তার প্রেস।

তার মা তখন কান্নিতে। দেবোত্তরের মামলা আরম্ভ করেছিলেন তিনি, তিনিই সাক্ষী দিয়ে সেই মামলার অংশমানকে সৎভাইদের কাছে হারিয়ে দিয়ে কান্নি গিহলেন। সাক্ষী দিয়েছিলেন—তিনি বা তাঁর পুত্র অংশমান এমন কি তাঁকে বিয়ে করার পর থেকে তাঁর স্বামী বঙ্গীর নিরঞ্জন চৌধুরীও দেবতার বিশ্বাস করতেন না। সেই কারণেই তাঁরা মূল বাড়ি থেকে সরে পৃথক বাড়িতে বাস করতেন।

কানীতে বাস করসেও তার মা সভ্যঅর্থে কানীবাসিনী ছিলেন না। বিশ্বনাথ বিশ্বেশ্বর অন্নপূর্ণা দুর্গা কানী থেকে তাঁর সম্পর্ক নিবিড় এবং গভীর ছিল খাদিমগুলোর সঙ্গে, ওরাধী আশ্রমের সঙ্গে, কন্তুরবা ট্রাস্টের সঙ্গে। কানীতে বাড়ি ভাড়া করে থাকতেন কিন্তু ঘুরতেন দিল্লী ওরাধী প্রভৃতি বিভিন্ন স্থানে। বিনোবাজী জয়প্রকাশ নারায়ণ প্রভৃতি নেতাদের কাছে যেতেন। তেলেকানা ঘুরেছেন। পাস করার খবর দিয়ে একখানা চিঠি সে মাকে লিখেছিল—তার জবাব পেয়েছিল এক মাস পর। মা লিখেছিলেন—“তোমার পরীক্ষার খবর পেয়ে খুলী হলাম। কিন্তু পরীক্ষায় ভালো ফল করাটাই মন্থগত নয়। সত্যকারের মানুষ হলে আমি সুখী হব। আমি দিল্লীতে ছিলাম বলে পত্রের উত্তর দিতে দেরি হল। কাল পাটনা যাচ্ছি—সেখানে সন্ধ্যাকৃত আশ্রমে কিছুদিন থাকব।”

এ চিঠির আর কোন উত্তর সে দেয় নি। সে তখন স্টুডেন্টস্ মূভমেন্টে নামবার উত্তোগ করছে। এবং মা কংগ্রেসে আছেন বলে তাঁর সব আদর্শ বাদ দিয়েছে। সিগারেট ধরেছে। এবং কফি হাউসে ঘণ্টার পর ঘণ্টা বসে পাঁচ লাভ-কাপ করে কফি খাচ্ছে।

এদিকে তিন বছর পর ১৯৫১ সাল সেটা—তার পরীক্ষার কালের কথা জেনে দেবগ্রাম থেকে তার বউদি এবং দাদা তাকে লিখলেন—একবার গ্রামে এস।

সে গিয়েছিল।

হঠাৎ অত্যন্ত বিষন্ন একটুকরো হাসি তার মুখে আজ ফুটে উঠল। একটা গভীর দীর্ঘনিঃশ্বাস ফেললে সে।

সেই বোল বছর আগে ১৯৫১ সালের জ্যৈষ্ঠ মাসে সে বাড়ি গিয়ে পৌঁছেছিল। তার বড়মা সেদিন কঁদেছিলেন তাকে দেখে। কঁদেছিলেন তার বাবার জন্তে। বলেছিলেন—“আঃ! সে নেই আজ! কত সাধ আশা তার অংশকে নিয়ে! আমি সৎমা অংশুর, অংশুর আদর দেখে আমার নিজের ছেলেনের জন্তে দুঃখ হত। সেই অংশু আজ ভালো করে পাস করেছে—আজ সে থাকলে বাড়িতে সমারোহ জুড়ে দিত।”

এক টুকরো প্রক্ষিপ্ত উজ্জ্বল ঘটনা! তারও মনে পড়েছিল তার বাবাকে। শুধু বাবাকে কেন? মাকেও মনে পড়েছিল। মায়ের কোন খবর সে তখনও পায় নি। চিঠিটা লবে কানী গিয়ে পৌঁছুবার সময় হয়েছে। তবু অভিযোগ গোপনে গোপনে মনের কোণে জমা হয়ে উঠতে ছাড়ে নি।

সমস্ত গ্রামের ছেলেরা তাকে আশ্চর্যভাবে অভিনন্দিত করেছিল। গ্রামে ইন্সুল ছিল, সেই ইন্সুল থেকেই পাস করেছিল সে। বুড়ো হেডমাস্টার পুরনো লোক। তিনি খুব গভীরভাবে বলেছিলেন—I am glad that your result is not bad. অবশ্য আরও ভাল হওয়া উচিত ছিল।

কয়েক মুহূর্ত পরে নিজের কথার প্রতিবাদ করেই বলেছিলেন—Result এতখানি ভাল হবে এও অবশ্য ভাবতে পারি নি।

আবার বলেছিলেন—হ্যাঁ, মন দিয়ে পড়াশোনা কর। Forget everything else.

সেই লোকটার সঙ্গে সম্পর্ক যেন রেখো না। Don't.

অর্থাৎ শিবকিংবরের সঙ্গে।

থাক। শিবকিংবরের কথা থাক। তার সঙ্গে অভঙ্গীর কথাও থাক।

না।

অভঙ্গীর কথা আসবে। দেবগ্রামে গিয়ে অভঙ্গীর কথা তুলবার উপায় ছিল না। গ্রামের ছেলেদের ঘে মুগ্ধ অভিনন্দন, সে কেবল ওই অভঙ্গীর জন্ত। ঠিক অভঙ্গীর জন্ত নয়, অভঙ্গীকে যে মর্যাদা ও সম্মান দিতে চেয়েছিল তারই জন্ত। সারা গ্রামটার বেখানে পাকা দেওয়াল বা রাস্তাদেশের বেলেমাটি ভূষমাটি করা পোক্ত মাটির দেওয়াল পেয়েছিল তার প্রায় সব জায়গাতেই খড়ি অথবা কাঠকরলা দিয়ে তারা 'অংগুমান জিন্দাবাদ'—'অংগু অভঙ্গী' ধরনের নানান জরগাথা লিখে ভরিয়ে দিয়েছিল। সুতরাং অভঙ্গীর কথা থাক বলে চাপা দিতে গেলেও যাবে না।

অভঙ্গীকে কিন্তু সে তখন ঘৃণা করত। তখন অভঙ্গী ছবিতে নামছে। পর পর কয়েকটা ছবিতেই সে চাল পেতেছিল। প্রথম ছবিখানায় ভাল করেছিল। তার নাম হয়েছিল। একখানা ছবিতে হিরোইনের পাট পেয়ে অভঙ্গী তখন আকাশে তারা হয়ে ছুটি-ছুটি করছে। মধ্যে মধ্যে সে স্মরণ করত অংগুকে। কিন্তু অংগু সাড়া দিত না। এবং অংগুর জন্তই সে হোস্টেলে যায় নি। কারণ কলেজ হোস্টেলে শিবকিংবর এবং অভঙ্গী গেলে ঢেগামারা মোচাকের মত সারা হোস্টেলটা মুহূর্তে ভনভন করে উঠবার সম্ভাবনা ছিল। তা ছাড়া অংগুমান আশ্চর্যভাবে মনে মনে স্বাধীন হয়ে উঠেছিল, যে স্বাধীনতা তার কলেজ হোস্টেলে কোনমতেই বাঁচানো যেত না। নিতাই কোন-না-কোন বাধা-নিষেধের গত্তী ভেঙে, নীতি নির্দেশ অমান্য করে সে স্বাধীনতাকে সম্প্রসারিত এবং অধিকতর প্রগল্ভ করার চেষ্টা করত। কিন্তু তা বলে সে সত্য কিছু করে নিজেকে খেলো করে নি। মোট কথা যে-অংগুমান সারা বাল্য কৈশোর মা ও বাবার ঘেহের মধ্যে গভীর বিশ্বাসে সত্যকে প্রকাশ করতে চেয়েছিল সে সেই সত্যের নির্দেশেই তার একদিনের ওই পদাঙ্কনের ঘটনাটিকে বা প্রাপ্তিকে নেহাত প্রাক্কিণ্ট একটি আকস্মিক ঘটনা বলে মনে করে নি; মনে করে নি এটা জীবনে এমনি একটা কিছুর সংস্পর্শ যেটাকে এক আঁজলা জল দিয়ে ধুয়ে মুছে দেওয়া যায়। তা মনে করে নি বা করতে পারে নি বলেই সে তাকে এবং ঘটনাটিকে সত্যের মর্যাদা দিতে চেয়েছিল। সঙ্গে সঙ্গে নিজের আদর্শবাদের চরমে পৌছতে চেয়েছিল এদেশের পদাঙ্কলিতা মেয়ে ওই অভঙ্গীকে তার জীবনে ও গৃহে প্রতিষ্ঠা দিয়ে। কিন্তু অভঙ্গীও তা স্বীকার করলে না। তাকে স্বীকার না করে সে স্বীকার করলে শিবকিংবরকে। আর তার মা। তার মায়ের কাছেই সে সব থেকে বেশী সমর্থন এবং আশীর্বাদ আশা করেছিল। তার সামান্যসামান্য ঠাড়িয়ে কথাগুলি বলতে গিয়ে কেমন একটা লজ্জা বোধ করেছিল বলেই অংগুমান কলকাতা চলে এসে চিঠি লিখে একথা তাকে জানিয়েছিল, না হলে তার আশা ছিল মা করেক মুহূর্ত বা করেক ঘণ্টা জম হয়ে থেকে সমস্ত ব্যাপারটি বুঝে নিয়ে তাকে থেকে আশীর্বাদ করবেন এবং সারা দেবগ্রাম অঞ্চলটা জুড়ে এই নূতন সত্যপালনের আদর্শের একটা হাওয়া বইয়ে দেবেন। এ

সত্যপালনের একটা অলিখিত প্রতিশ্রুতি তাঁর দেওয়া ছিল কিন্তু তিনি তা পালন করতে পারেন নি।

সেটা ১৯৫১ সাল। অংগুর বয়স তখন ১৯ বছর। ওখানকার ছেলেরা এসে তাকে বলেছিল—অংগুরা আপনি ইলেকশনে দাঁড়ান। আমরা সবাই আপনার জন্তে খাটব। এবং নিশ্চয় জিতিয়ে দেব।

অংগুর হেসে বলেছিল—না।

তারা বলেছিল—কেন?

অংগুর বলেছিল—প্রথম আমার বয়স হয় নি। দ্বিতীয় আমার সময় নেই রে।

সত্যিই তার সময় ছিল না। কারণ বড়বউদি তখন বাড়িতে জমাট করে আসর পেতেছেন। সে আসরে জমিয়ে গান ধরেছে সত্ত্ব খার্ড তিভিশনে পাস করা বউদির চতুর্থ বোন অমিতা। বউদির তিন-তিনজন কুমারী বোন অমিতা নমিতা এবং শমিতা আম খাবার জন্ত দেবগ্রামে এসে আগে থেকেই জমিয়ে বসেছিল।

অমিতারা তিন বোনেই গান শিখত। অমিতা এবং শমিতা শিখত গান—নমিতা শিখত সেতার। অমিতা শিখত রবীন্দ্রসংগীত শমিতা শিখত ক্ল্যাসিক্যাল।

তিন বছর পর সেদিন সন্ধ্যাকালে দেবগ্রামে এসে প্রায় একটা পর্যন্ত সে জেগে বসেছিল। মনের মধ্যে কত স্মৃতি এলোমেলো ভাবে আসা-যাওয়া করেছিল। কতজনে এসে দেখা করেছিল। কত কথা বলেছিল। সে সব কথা মনে নেই। মনে আছে এক প্রগল্ভ বুকের কথা। হারু চাটুজের। গ্রামসম্পর্কে তার বাপের খুড়ো। কটকটে লোক। বলেছিল—“বাক কিরে এলে শেষে। এও ভাল করেছ। এখন বিয়েটিয়ে করে সংসারী হও। খুব বেঁচে গিয়েছ। মেয়েটাকে যে বাড়ি কর নি করতে হয় নি এ খুব বাঁচোয়া ভোমার। ভিলকে ভাল করে তোলা। আরে এ হয় না, মানে, ঘটে না কোন্‌ মাহুকের?” এবং মলমূত্র ত্যাগের নজীর সামনে ধরে একটি বিচিত্র জীবনদর্শন-তত্ত্ব তাকে শিক্ষা দিয়ে গিছিল। বলেছিল—“এই দেখ আমার বয়স বাপু বাঘটি হল, এখনও আমাকে লোকে বলে আমার স্বভাব খারাপ।”

অংগুরান লোকটার সঙ্গে কথা বলে নি।

লোকটার একটি বোল-সত্তের বছরের কুমারী দৌহিত্রী ছিল।

মেয়েটির নাম রমলা। হারু চাটুজের মেয়ে বিধবা হয়ে বাপের ঘরে এসে আশ্রয় নিয়েছিল ওই মেয়ে নিয়ে। ভবানীপিসী সারা গ্রামে কাজকর্মে লোকের বাড়ি খাটাখাটনি করত। রান্নাবান্না পুজোআচার কাজকর্ম। আর খুব বই পড়ত। সেই সূত্রে আসত তার মায়ের কাছে। তার মায়ের কাছে থেকে বই নিয়ে যেত। গ্রামের লাইব্রেরী থেকে তার মা-বই আনিয়ে তাকে পড়তে দিতেন। আরও কিছু করতেন—ভবানীপিসীকে সেলাইটেলাই শেখাতেন। মণীন্দ্রলাল বোসের ‘রমলা’ উপন্যাস পড়ে ওই নামকরণ করেছিল মেয়ের।

পরের দিন কোরবেলা তার ঘুম ভেঙে গিয়েছিল বউদির ছোট বোন শমিতার গলা সাধার আওরাতে—আ-আ-আ। আ-আ-আ। বিরক্ত হয়েছিল মনে মনে। সে বিরক্তি অপনোদন

করে তার বউদি এসে তাকে বসে থাকতে দেখে বলেছিলেন—উঠেছ? আমি কাল জিজ্ঞেস করতে তুলে গিছিলাম, কটার সময় ওঠো তুমি। আমি—অমি! চা নিয়ে আর।

বউদির সন্ত ম্যাটিক পাস বোন অমিতা চায়ের ট্রে হাতে এসে ঘরে ঢুকেছিল।

না, অমিতা তার কাছে আদৌ আকর্ষণীয় ছিল না। শমিতার কথা বাদই দিতে হবে—তখন সে সবে তেরোতে পা দিয়েছে। তবে মাতের বোন নমিতা তাকে আকর্ষণ করেছিল। মেয়েটির রূপে বৈচিত্র্য ছিল, তার সঙ্গে মনের একটা দীপ্তি ছিল। সে ছিল খানিকটা গম্ভীর। প্রগল্ভা ছিল না। সেতার সত্যিই ভাল বাজাত। পড়াশোনাতেও ভাল ছিল। অমিতা ছিল গৌরী—ছোট শমিতা ছিল উগ্র রকমের ফরসা—নমিতা ছিল উজ্জল শ্রামবর্ণা। চোখ দুটি ছিল বিষম সুন্দর। হাসত কম। কিন্তু হাসলে সে হাসিতে সমস্ত পরিপার্শ্বও হেসে উঠত। এবং চোখের দৃষ্টির সেই বিষমতা সে সময়টিতে মুছে দিয়ে জলে উঠত প্রদীপের মত। অমিতার থেকে নমিতার বয়সের তফাতও খুব বেশী ছিল না, মাত্র বছর দেড়েকের মত।

প্রথম দিনের সন্ধ্যাই চায়ের আসরটিই হয়ে উঠেছিল একটি স্বয়ংবর সভা। তাতে মেয়েরাই এসেছিল সেকালের রাজাদের মত এবং তাকেই নিতে হয়েছিল রাজকন্ডার ভূমিকা। সে জমেও গিয়েছিল। সত্যিই সে আকৃষ্ট হয়েছিল নমিতার দিকে। দিদির হুকুমে সে সেতার বাজিয়ে শোনাচ্ছিল এবং বাজাচ্ছিলও বেশ ভাল; অংশুমান তার মুখের দিকে একাগ্র হয়েই তাকিয়ে ছিল। নমিতার সঙ্গে চোখাচোখিও হয়েছিল—তাতে সে লজ্জিতা হয়েও বেশ কৃতজ্ঞের সঙ্গে আত্মসংবরণ করে বাজিয়ে গিয়েছিল শেষ পর্যন্ত। এরই মধ্যে শেষ আসরে এসে হাজির হয়েছিল রমলা।

অবাক হয়ে গিয়েছিল অংশুমান।

তার মনে হল, দ্রোপদীর স্বয়ংবর সভার দীন ব্রাহ্মণবেশী অপরাধেয় অভ্যুত্থান এসে ঢুকেছেন এবং বলছেন, আমি ওই মৎস্যবাহ লক্ষ্যভেদ করব। মেয়েটার যেমন আশ্চর্য যৌবন এবং ভেমনি মন্দির নিমন্ত্রণ তাতে। কিন্তু মেয়েটা মুখ খুলতেই অংশুমানের চেতনা হয়েছিল এবং ব্যুত্রে পেরেছিল যে, এটা নেহাতই যাত্রার আসরের দ্রোপদীর স্বয়ংবর সভা। এবং ওই রমলাকে অভ্যুত্থানের পোশাকে খুব ভাল মানাংলেও পার্ট করতে একান্ত অগত্। রমলা একটা চিনেমাটির ডিসে কতকগুলি বেলফুল এবং একটি খুব ভাল আম নিয়ে এসে দাঁড়িয়েছিল সেই ঘরখানির দরজার মুখে। নমিতার সেতারের বাজনার তখন সারা ঘরখানা একেবারে ভরে রয়েছে—মাহুঘের আপন নিঃশ্বাসের শব্দও মাহুঘ ঠিক শুনতে পাচ্ছে না এমনই একটা সময়ে সে ঘরে ঢুকে দিবা এগিয়ে এসে রেকাবিধানা তার সামনে নামিয়ে দিয়ে তার সঙ্গে কথাবার্তা জুড়ে দিতে চেষ্টা করেছিল।

—দাঁড় এগুলি পাঠিয়ে দিলে।

অংশুমান তার মুখের দিকে তাকিয়েছিল। রমলা ঝিক করে হেসে বলেছিল—আমি রমলা। চিনতে পারছ আমাকে? বলে তার পারের দিকে হাত বাড়িয়েছিল।

অংশুমান বিরক্ত হয়ে বলেছিল—থাক। ওই হয়েছে।

—ও মা। তাই হয় ? তুমি আমার দাদা হও না ? তোমার বাবা আমার দাঙ্কে কাঁকা বলত। আমার মা তোমার বাবাকে বলত দাদা। তোমার মা আমার মাকে বলত ভবানী ঠাকুরঝি। দাঙ্ তোমাদের জ্ঞাতি। দশ রাজের জ্ঞাতি। তোমরা চৌধুরী হলেও তোমরা, কাঙ্চপ গোস্বর।

ক্রমাঙ্ঘরে সে বকেই চলেছিল। ংদিকে নমিতা ক্ষুর হয়ে উঠেছিল। এই অবস্থায় হঠাৎ বউদি ঘরে ঢুকে সব দিক রক্ষা করেছিলেন। রমলার হাও ধরে তাকে টেনে খানিকটা দূরে এনে বসিয়ে দিয়ে বলেছিলেন—এইখানে বস। মেলা বকবক করিস নে।

কিছুক্ষণ একটু বিমর্ষ হয়ে চূপচাপ ছিল মেয়েটি। কিন্তু তারপরই আবার যা কে তাই। কিছুক্ষণ পর সবে নমিতা সেতার বাজনা শেষ করে সেতারটি নামিয়ে রেখেছে, রমলা এই ক্ষণটিকে পাবামাত্র বলে উঠেছিল—তুমি একটা ‘আক্সিত্তি’ কর না অংশুদা! ইঙ্কলে ‘প্রেরাইজের’ সময় কি সুন্দর ‘আক্সিত্তি’ করতে। সব সভাতে করতে।

*

*

*

হাঙ্ চাটুজ্জের গরীব। তার বিধবা কস্তা ভবানী তার ঘাড়ের দায়; তার মেয়ে রমলা। তার যৌবন দারিদ্র্যের জন্ত কুণ্ঠিত ছিল না। অভাবকে অগ্রাহ করেও সে মাটির তলার জলের মত জীবনে এসেছিল। তার সঙ্গে রূপও ছিল কিছু এবং সে শিখেছিল এই যে, কোনক্রমে কোন দয়াল জনের রসনাকে বর্ণ বা গন্ধের নিমজ্জণে সরস করে তুলতে না পারলে সে একদা বৃশ্চাত্ত হয়ে মাটিতে পড়ে মাটিতেই মশে যাবে। সুতরাং তার মনোরঞ্জনের চেষ্টার আর সে বাকী করে নি।

তা যদি সে না করত তাহলে ভাল করত। হয়তো বা অংশুদান তার প্রতি কিছুটা আকৃষ্ট হত। রমলা মধ্যে মধ্যে নিজের বক্ষোবাস অংশুত করে নিজের যৌবনকে নিয়ে বিব্রত হয়ে লজ্জিত হত। এবং বার বার বলত—“বাবা: বাবা:। চুলের জালায় আর—। মরণ হয় তো বাঁচি।”

এক্ষেত্রে ভুল করতে তার বার বার ইচ্ছে হয়েছিল—মনের মধ্যে ভুল করবার দিকে প্রচণ্ড বৌক আছে—সেটা দাঁড়িপাল্লার ওঠা নামার মত স্বাভাবিক ব্যাপার। কিন্তু তবু অংশু সে ভুল করে নি।

আজ মনে হচ্ছে, ভুল যদি সেদিন সে করত তবে হয়তো ভাল করত। কারণ আজ যেখানে সে এসে দাঁড়িয়েছে সেখানে সে এসে পৌছত না।

একটা দীর্ঘনিঃশ্বাস ফেলে অংশু।

অভঙ্গীর শিক্ষা তাকে এদিক থেকে সংযত করেছিল এবং হাঙ্ চাটুজ্জের কদর্ঘ দীনতা ও হীনতা তাকে তার নাভনী থেকে অহরহ দূরে থাকতে বলত। আর সাহায্য করেছিল নমিতা। সে তাকে আকর্ষণ করেছিল প্রথম প্রথম ধীরে ধীরে—ক্রমশ: গাঢ় আকর্ষণে জ্ঞতবেগে।

সেবার দেবগ্রামে ছিল কুড়ি দিন। কুড়ি দিনের পর সে কলকাতা ফিরেছিল—বি-এ ক্লাসে ভর্তি হবার তাগিদ রয়েছে। তার সঙ্গে বউদির বোনরাও ফিরেছিল কলকাতা।

তাদের নিতে এসেছিল অমিতা নমিতার পরের ভাই—শমিতার বড়—পনের বছরের—কি কুমার যেন। বউদির ভাইরা সবাই কুমার—অরুণ বরুণ তরুণ—তারপর দুজন কি কুমার তা অংশুর আজ আর মনে পড়ে না। অনেক দিনের কথা। সে ১২৪৮ সাল—এটা ১২৫১। বোল বছর হয়ে গেল।

আসবার দিন হার চাটুজে তাকে খোলাখুলি বলেছিল—তোমাকে একটা কথা বলব ভায়া? কিছু মনে করবে না তো?

সে বলেছিল—না। বলুন। কিছু মনে করব কেন?

—রমলাকে কেমন লাগল?

—এ কথা জিজ্ঞাসা করছেন কেন? চমৎকার মেয়ে রমলা।

—চমৎকার আরও চমৎকার মেয়ে রমলা হে। ও তো তোমার সাজতেগুজতে পার না। পাবে কোথায় বল। ওই সব স্নো পাউডার। তা ছাড়া গাঁয়ের তো। ওসব পেলে ও আরও অনেক চমৎকার হবে। তা ছাড়া সেবা। সে তোমাকে কি বলব। আমার মাথা ধরলে বলি—রমি, দে না ভাই মাথায় হাত বুলিয়ে একটু। কি বলব ভাই ওর হাত এমন নরম আর এমন ঠাণ্ডা। মাথায় হাতটি রাখলেই যেন মাথা ছেড়ে যায়। আর তেমনি পারে হাত বুলোলে সঙ্গে সঙ্গে ঘুম আসে। তা তুমি তো সে সব নাও নি। আমি বলে দিয়েছিলাম। কিন্তু—। রমি বললে—দাঁতু অংশুদা ওসব চায় না।

একটু চুপ করে থেকে চাটুজে বলেছিল—তোমাকে মেয়েটা ভালবেসে ফেলেছে হে। তুমি ওকে বিয়ে কর না ভাই!

এবার কর্কশভাবে অংশু বলেছিল—এই জন্ত ওকে আমার কাছে পাঠাতেন নাকি?

চাটুজে হাঁকোমুদ্র হাতটি পাশে নামিয়ে বলেছিল—তা ভাই বটে। তা পাঠাতায বইকি

—ছি—ছি—ছি। কথার মাঝখানেই থিকার দিয়ে উঠেছিল সে। কিন্তু তাতে চাটুজে লজ্জিতও হয় নি, কুণ্ঠিতও হয় নি। হেসে বলেছিল—ছি কেন বলছ ভাই। আজকাল তো তোমার কোর্টশিপের যুগই পড়েছে। তুমি রমলাদের পাণটি ধর। রমলা ভাল মেয়ে। বিয়ে হলে ও নিজে স্ত্রী হবে—তোমাকে স্ত্রী করবে। তোমার কোন খুঁত ধরবে না। ওই ধর সেই পুরনো কথা তুলবে না। তা ছাড়া আমাদের টাকা নাই বিয়ে দেবার। তোমার ভাই অভাব নাই। তাই পাঠিয়েছিলাম। সে তো তোমার দাদার খসুর—তিনি তো শুনি মন্ত লোক—তিনি তাঁর মেয়েদের পাঠিয়েছেন—

অত্যন্ত ক্লান্তভাবে সে বলেছিল—না। ভায়া এখানে তাদের দিদির কাছে এসেছে।

বলেই সে চলে এসেছিল। ঠাকুরবাড়ির ফটকের সামনে দুখানা ছইওয়লা গরুর গাড়ি ওখন সেজে অপেক্ষা করছে।

রমলাকে তার জীবনে যদি সে গ্রহণ করত তবে আজ এখানে এসে দাঁড়াতে হত না।

মেয়েটা বিচিত্র। সে তাকে সব দিতে চেয়েছিল। অনাবৃত যৌবন মেলে ধরে তাকে আহ্বান করেছিল। বলেছিল—তুমি আরও বিয়ে করো। আমি তোমাদের সেবা করব। দুটো বিয়ে তো তোমার বাবাও করেছিল।

সেদিন সে তাকে গ্রহণ করতে পারে নি। তখন সে নমিতার দিকে আকৃষ্ট হয়েছে।

দেবগ্রাম থেকে যাওয়ার পর থেকেই টেলিফোনে কথা হত তাদের।

ওদিক থেকেই ডাক এসেছিল প্রথম। তার বোর্ডিং হাউসের আপিসে চাকর ডেকে নিয়ে গিয়েছিল। গুরুণ নারী কঠোর চকিত করেছিল প্রথমটা।

চকিতভাবেই প্রশ্ন করেছিল—কে?

একটুকরো হাসির সঙ্গে উত্তরে প্রশ্ন এসেছিল—কে বলুন তো?

দুটি নাম মনে ভেসে উঠেছিল। নমিতা আর অতঙ্গী। অতঙ্গীর তখন টেলিফোন হয়েছে খবর পেয়েছিল। অতঙ্গী তখনও মন থেকে মোছে নি।

নমিতা বলেছিল—হেরে গেলেন তো! আমি নমিতা।

—নমিতা?

—হ্যাঁ।

নমিতা বলেছিল—এক বান্ধবীর বাড়ি থেকে ফোন করছি। কেমন আছেন? আপনি তো খবর নিলেন না।

অপ্রস্তুত হয়েছিল অতঙ্গী। বোকার মতই বলেছিল—আমি কি করে খবর নেব বল—

খিলখিল শব্দের হাসি উঠেছিল ওপাশে। তারপর বলেছিল—কেন টেলিফোন কিংবা বাড়ি এসে—

—তোমার মা বাবা কি দাদারা যদি—

—কি বোকা আপনি! তাহলে আমাদের দেবগ্রাম যেতে দিতেন নাকি! বাবা মা দাদারা কিছু মনে করবেন না।

এর কিছুদিন পর আরও স্পষ্ট হয়েছিল সমস্তটা। দাদার খবর তাকে বলেছিলেন—মন দিয়ে পড়। ফরগেট অল দোজ পার্ট। বুকেছ! মধ্যে মধ্যে এস। বুকেছ! ভারী ভাল লাগে তোমাকে। বোল্ড ইয়ং ম্যান। আরও ভাল লাগে যে ছাট গাঁবীইজমের দড়ি খুলে ফেলতে পেরেছ।

এই পরিস্থিতিতে সে তখন বালিগঞ্জ বাচ্ছে। ওদের বাড়িতে চা খাচ্ছে। নমিতা অমিতা নমিতা এবং বাড়ির অতঙ্গীর সঙ্গে হলোড় করছে। ওদের গানের সঙ্গে বাঁশী বাজাচ্ছে। সাহিত্যালোচনা রাজনীতি নিয়ে তর্ক উত্তপ্ত। দাদার খবরেরা সত্ত্ব কংগ্রেসে ঢুকেছেন। ১৯৫১ সালের ২৬শে জানুয়ারী ভারতবর্ষের সংবিধান পাস হয়েছে। বি-পি-সি-সিতে অভূত্যা বোম প্রেসিডেন্ট হয়েছেন। ডাঃ প্রফুল্ল বোম তাঁর দলবল নিয়ে মন্ত্রিসভা এবং কংগ্রেস দুই ছেড়ে বেরিয়ে গেছেন। ডাঃ বিধানচন্দ্র রায় চীফ মিনিষ্টার হয়েছেন। দিল্লীতে আচার্য কৃপালনী কংগ্রেস ছেড়ে বেরিয়ে গিয়ে ডাঃ প্রফুল্ল বোমদের সঙ্গে দল গড়েছেন। বাংলাদেশে কমুনিষ্ট

পার্টি বেআইনী ঘোষিত হয়েছিল ১৯৪৯ সালে, সামনে নির্বাচন আসছে তার জন্ত পার্টির উপর থেকে 'ব্যান' তুলে নেওয়া হয়েছে সত্ত্বসত্ত্ব। বাইরের পৃথিবীতে চীমে কম্যুনিষ্ট বিপ্লব হয়ে গেছে। চিয়াং কাইশেক করমোজার হটে চলে গেছেন। আমেরিকা সারা পৃথিবীকে ঋণের পাকে পাকে জড়াক্তে। পাকিস্তানে এবং ভারতবর্ষে মতান্তরের সঙ্গে মনান্তরের উত্থাপের আর শেষ নেই। ১৯৪৬ সালে হিন্দু মুসলমানের বে দাঙ্গা বেধেছে তার জের মিটেও মিটেছে না। বাংলাদেশে অন্ন নাই, বস্ত্র নাই, শাসন নাই, শৃঙ্খলা নাই। সমাজ নাই, শাস্ত্র নাই।

এরই মধ্যে নতুন সংগঠনের নামে কংগ্রেসের দুই দিকে দুটো দরজা খুলেছে। একদিকে নতুন লোক ঢুকছে—অল্পদিকে দরজা দিয়ে পুরনো লোকেরা বেরিয়ে যাচ্ছে। এই আলোচনা দাদার ঋণের বাড়িতে প্রচণ্ড উত্থাপের সৃষ্টি করত। এবং সে জ্বলন্ত আগুনের মত। সে কংগ্রেস থেকে বেরিয়ে আসার দলের মানুষ হয়ে উঠেছে তখন। বি-এ ক্লাসে ভয়তি হয়ে স্টুডেন্টস্ মুভমেন্টে অন্তরতম বুকের কাছে গিয়ে দাঁড়িয়েছে। সেখানে সে ইণ্ডিপেন্ডেন্ট কিন্তু কংগ্রেস-বিরোধী।

আশ্চর্য। পৃথিবীর একটা ঘটনার সঙ্গে আর একটা ঘটনা, যত দূরদূরান্তরের হোক, আর ভিন্ন জাতি জাতান্তরের হোক, আশ্চর্যভাবে অতি সূক্ষ্ম বন্ধনেও পরস্পরের সঙ্গে বাঁধা। নমিতার সঙ্গে তার গোপন স্থিতির সম্পর্ক না থাকলে এদের সঙ্গে প্রচণ্ড বিরোধ হয়ে যেত এবং স্টুডেন্টস্ ফ্রন্টে সে ইণ্ডিপেন্ডেন্ট থাকত না।

কো-এডুকেশনের দিন। উজ্জ্বলা এবং প্রখরা সহপাঠিনীরও অভাব ছিল না এবং মুহুহাসিনী সুকোমলা সলজ্জারও অভাব ছিল না। তবু জীবনকে নিরস্ত্রণ করছিল ওই নমিতার আকর্ষণ। ওই নমিতার আকর্ষণেই সেদিন রমলার প্রলোভনও তাকে প্রলুব্ধ করে নি।

মেয়েটা বিচ্ছিন্ন। আজকের মত অতি তীব্র বেদনার্ত দিনেও তাকে বার বার মনে পড়ছে। আজ সে ওই সন্তানটির জননী হলে তার পায়ে আছড়ে পড়ে পা ছুটোকে জড়িয়ে ধরে পড়ে থাকত।

সে তাকে সব দিতে চেয়েছিল। জীবনের সব।

ওই জ্যৈষ্ঠ মাসের থেকে ছ মাস পর। গণতান্ত্রিক ভারতবর্ষের প্রথম নির্বাচন। সারা দেশ জুড়ে গ্রামে গ্রামে ঘরে ঘরে প্রতিটি মানুষের কাছে যেতে হচ্ছে ক্যাণ্ডিডেটকে। ভারতবর্ষের পুরাণে বর্ণিত দশ বিশটা অশ্বমেধ বা রাজহরও এত আরোজন আরোজন হয় নি। এবং এতও কি পলিটিক্যাল মতভেদ ছিল।

দেবগ্রামে কংগ্রেস থেকে দাঁড়িয়েছিলেন এক ভিন্ন-ভাষাভাষী ধনী ব্যবসাদার। তাঁর বিরুদ্ধে ক্যাণ্ডিডেট ছিল আরও তিনজন। প্রজা সোসালিস্ট, কম্যুনিষ্ট আর একজন ইণ্ডিপেন্ডেন্ট।

তার দুই দাদা সমর্থন করছিল কংগ্রেসকে। জ্যাঠাভূত ডাইরাও তাই। এরই মধ্যে কান্দি থেকে তার মা এসে হাজির হলেন দেবগ্রামে। কংগ্রেসকেই সমর্থন করছেন। নিজের গিয়ে তাঁকে কান্দি থেকে নিয়ে এসেছেন ওই শেঠজী। কংগ্রেস সভাপতির অহুরোপজ নিয়ে

গিয়েছিলেন। দেবগ্রাম অঞ্চলে আপত্তি উঠেছিল—কংগ্রেস দিয়েছে বলে কি একজন পরদেশীকে সমর্থন করতে হবে আমাদের? সেই কারণেই মা এসে দাঁড়ালেন। অর্গার নিরঞ্জন চৌধুরীর সহকর্মী এবং সহধর্মীণী। সংবাদ পেয়ে পি-এস-পিকে সমর্থন করার জন্য সে গিয়ে উপস্থিত হয়েছিল।

উপস্থিত হয়ে বিপদটা সে বুঝতে পারলে। আসার বিপদ আছে কেনেই সে এসেছিল কিন্তু বিপদটা যে কতখানি তা অনুমান করতে পারে নি।

তার বাড়ি যেখানা সে বাড়িতে উঠেছেন তার মা। তার দাদারাও কংগ্রেসের সমর্থক। সে উঠবে কোথায়? সে মাকে বলবে—বাড়ি ছেড়ে দাও?

তাদের প্রার্থী বলেছিল—আমাদের একটা আপিস আছে দেবগ্রামে—সেখানে থাকুন। না হয় চলুন আমার বাড়িতে গিয়ে থাকবেন। দেবগ্রামে হাক চাটুজের বাড়ির বাইরের দুটো ঘর নিয়ে আমরা আপিস করেছি।

*

*

*

বিচিত্র ঘটনা সংস্থান। রাজনীতি এবং অর্থনীতি দুটো স্রোত একসঙ্গে মিললে আর রক্ষা থাকে না। অর্থনীতি যে কোন উপায়েই পেটের অন্নের সংস্থান করুক রাজনীতি সে অন্নকে গ্রহণ করার বা দেবতাকে নিবেদন করার মন্ত্র তৈরি করে দেয় এক মুহূর্তে।

হাক চাটুজে ইলেকশনে ঘর ভাড়া দিয়ে একেবারে পি-এস-পি সমর্থক হয়ে উঠেছে। চাটুজের কোন রাজনীতি ছিল না তা নয়, এর আগে পর্যন্ত সে হিন্দু মহাসভার গোড়া সমর্থক ছিল। এবারে এখানে হিন্দু মহাসভার প্রার্থী নেই সেই কারণে প্রথমটা ছিল বেকার। হঠাৎ ঘর ভাড়া দিয়ে প্রথম হয়েছিল পরোক্ষ সমর্থক, তার পর এখন হয়েছে প্রত্যক্ষ সমর্থক, কারণ কর্মী যারা ওখানে থাকে চাটুজের বাড়িতেই তার হৈসেলেই তাদের রান্না হয়। চাটুজের স্ত্রী এবং মেয়ে ভবানী রান্না করে। দৌহিত্রী রমলা পুরোপুরি পি-এস-পির সভাই হয়ে গেছে বোধ হয়। সে খন্ডরের শাড়ি কেন্দ্র করে পরে অতি আধুনিকার মত দেবগ্রামে ধ্বজাধারিণী হয়ে উঠেছে। স্নোগান দেয়। বাড়ি বাড়ি মেয়েদের কাছে যায়। বিশেষ করে ব্রাহ্মণ বাড়ির মেয়েদের কাছে যায়।

বিচিত্র ঘটনা সংস্থানে সে চাটুজের বাড়িতে গিয়েই রাজির মত বাসা নিয়েছিল।

রমলার মুখ উজ্জল হয়ে উঠেছিল।

—অন্তদা!

অন্তি বোধ করেছিল অংশ। রমলার মুখের দীপ্তি তাকে স্বত্তি দেয় নি। উদ্ধতবোবনা রমলা যেন সেই মুহূর্তেই আঙনের শায়েন দাহবস্তুর মত চঞ্চল হয়ে উঠেছিল।

হাক চাটুজে সেদিন বাড়িতে ছিল না।

রমলা তাকে বাইরের ঘরে থাকতে দেয় নি। দিয়েছিল বাড়ির ভিতরে হাক চাটুজের শোবার ঘরের পাশের ঘরে। পুরনো কালের ভাড়া দোতলার দেড়খানার মত ঘর বসবাসযোগ্য ছিল। তারও মধ্যে ওই আধখানাটিই ছিল সব থেকে ভাল। প্রথম সে ওই ঘরে যেতে রাজী হয় নি কিন্তু বাইরের ঘর দুখানায় ভোট কর্মীরা এমন সার্থকভাবে

সমাজতান্ত্রিক ব্যবহার প্রাথমিক অবস্থাকে প্রবর্তিত করেছিল যে সে সত্য করা সম্ভবপর হয় নি তার পক্ষে। বিড়ির কুটী এবং একটা ভ্যাগশা গন্ধ, তার সঙ্গে ভুক্তাশোণ বাজিরে হুল্লোড় দেখে সে ঘরে ঢুকতে গিয়ে থমকে দাঁড়িয়েছিল। এই সময়েই বাড়ির ভিতর থেকে ছুটে এসেছিল রমণা। অংশুদা—

তারপর আর কোন কথা শোনে নি, কইতে দেয় নি, বলে নি, নিজেরই মুটকেসটা তুলে নিয়ে একজন পনের-ষোল বছর বয়সের ছেলেকে বলেছিল—নে তুই বিছানাটা নে।

তার দাদা এসেছিল তাকে নিতে।

খাক সে সব কথা।

একবারে হড়মড় করে এসে পড়ছে রাত্রির কথা। গভীর রাত্রে সে তখনও জেগে ছিল। কেমন যেন একটা অজানা আতঙ্ক তাকে চেপে ধরেছিল দুঃস্বপ্নের মত। সে ভাবছিল—কেন সে এল? বার বার মনে পড়ছিল নমিতাকে।

শ্রাম্পু করা চুল, মুখে পাউডারের একটি ধূসরতা, চোখে কাজলের রেখা, ঠোঁটে লিপটিকের আভাস। তব্বী তরুণী নমিতা শুধু সেতারই ভাল বাজায় না, সে নাচেও খুব ভাল। পূজোর আগে ওদের স্থলের সোস্তালে নমিতা ‘শ্রামা’ নৃত্যনাট্যে শ্রামার ভূমিকায় অভিনয় করেছিল। সে অভিনয় দেখেছিল অংশুদান। এবং এরপর কোনদিন নমিতাকে চিত্রাঙ্গদার ভূমিকা দিয়ে তার নিজের অর্জুনের ভূমিকায় অভিনয় করবার কল্পনা যে কতদিন করেছে তার হিসেব নেই। এ কথা নমিতা জানে। নমিতার সঙ্গে অন্তরঙ্গতা ধীরে ধীরে প্রেমের কোঠায় পৌঁছেছে এ সত্যটা সে সেইদিন রাত্রেই প্রথম অনুভব করেছিল। পরস্পরের মুখের দিকে তাকিয়ে কেমন যেন একটা অনুভূতির স্পর্শ লাগে—পরস্পরের হাতে হাত ঠেকলে কেমন করে আঙুলগুলো কৈপে ওঠে—মধ্যে মধ্যে কোন টেবিলের এপাশে ওপাশে বসে কথা কইতে কইতে হঠাৎ পারে পারে ছোঁরা লেগে বুড়ো আঙুল চঞ্চল হয়ে ওঠে—সে-সব কথাই সে মনে করছিল। এরই মধ্যে, রাত্রি তখন গভীর, বাইরে সমস্ত গ্রাম স্তব্ধ, শুধু অগ্রহারণের শেষ রাত্রে এক একটা কুকুর ডেকে উঠছিল আর ডাকছিল আমবাগানে ঝাঁঝি পোকা; হঠাৎ তার দরজার বাইরে শব্দ উঠেছিল—ঠুক। আবার—ঠুক। আবার—ঠুক ঠুক।

শেকলটা দরজার গায়ে ঠেকছিল।

তার বুকটা চিপচিপ করে উঠেছিল। সারা শরীরে একটা উত্তেজনার প্রবাহ বয়ে গিয়েছিল।

আজও মনে পড়ে ছুটো সমান বিরোধী শক্তি তার জীবনের দুই প্রান্ত ধরে টানছিল। একটার টানে সে উঠে বিস্ফারিত চোখে পা টিপে টিপে যেতে চাচ্ছিল ওই দরজার দিকে দরজা খুলে দেবার জন্ত—আর একটা সমান শক্তি তাকে নিজিয় করে ফেলে রেখেছিল বিছানার উপর। সমস্ত অন্তর সমস্ত বাহির যেন নিঃশেষে অবলুপ্ত এবং শূন্য হয়ে গিয়েছিল। শুধু ছিল হৃদস্পন্দনের গতির মধ্যে একটা অসহনীর উদ্বোধন। শীতের রাত্রি, তবু শরীর তার ঘেমে উঠেছিল।

শেষ পর্যন্ত চাপা গলায় রমলা তাকে ডেকেছিল—অং—ও—দা—। অং—দা।
চাপা গলায় দীর্ঘায়িত সতর্ক আহ্বান।

তবু সে দরজা খোলে নি।

কেন খোলে নি এ প্রশ্ন সে সেদিন করে নি। সেদিন সে প্রচণ্ড শঙ্কার শক্তিতে ছিল যে দরজা খুললে সে আত্মসংবরণ করতে পারবে না ; রমলা তার বুকের উপর কাঁপ দিয়ে পড়বে। এবং সমুদ্রের ঢেউয়ের সামনে কাঁপ দিলে সমুদ্র যেমন তাকে নিবিড়ভাবে আত্মসাৎ করে ঠিক তেমনিভাবে তাকে আত্মসাৎ না করে সে কিছুতেই নিজেকে সংবরণ করতে পারবে না এ কথা সে নিশ্চিতরূপে জানত। এবং এও জানত যে তারপর রমলাকে বিয়ে করা ছাড়া তার আর নিষ্কৃতি থাকবে না। হরতো সঙ্গে সঙ্গেই রমলার মা দিদিমা এসে দরজার খাঁকা দেবেন। অথবা ঘরের দরজার শেকল তুলে দিয়ে গাঁয়ের লোক ডেকে জড়ো করবেন।

সারারাত্রি সে কাঁঠ হয়ে পড়েছিল। কতক্ষণ বলতে পারে না তবে সে রাত্রিটা ছিল যেন একটা যুগ অথবা অনন্তকালের অন্তহীন রাত্রির একটি রাত্রি। সে রাত্রিরও আর শেষ ছিল না এবং তার একটা টুকরোর দৈর্ঘ্যেরও মাপজোখ ছিল না। এরই মধ্যে একসময় রমলা কখন চলে গিয়েছিল সে ঠিক ধরতে পারে নি।

পরের দিন দুপুরবেলা একবার মাত্র এসে তাকে ক’টি কথা বলে গিছিল।

—কাল রাত্রে দরজা খুললে না কেন ?

সে চুপ করে থেকেছিল।

রমলা বলেছিল—আমি ভোমাকে—

বলে আর বলতে পারে নি। কিছুক্ষণ পর বলেছিল—তুমি আমাকে বিয়ে কর অংদা। দয়া করে বিয়ে কর। আমাকে বিয়ে করে আমাকে তুমি এই গাঁয়ের বাড়িতে কলে রেখে কলকাতার থেকে অমিতা নমিতা যাকে ইচ্ছে হয় বিয়ে করো আমি কিছু বলব না।

সে তবু চুপ করে বসে ছিল।

রমলা বলেছিল—দাদু আমার বিয়ে দেবে এক বুড়োর সঙ্গে।

সে তবু কথা বলে নি।

রমলা বলেছিল—দেখ এ গাঁয়ে ভোমার দাদারা থেকে ছোঁড়ারা পর্যন্ত আমার পিছনে জন্তর মত লেগে আছে। ছিঁড়ে খেতে চায়। তুমি আমাকে বাঁচাও।

এবার সে বলেছিল—না তা হয় না।

—হয় না! বেশ! বলে চলে যেতে যেতে ফিরে দাঁড়িয়ে বলেছিল—তবু রাত্রে আজ দরজাটা খুলে দিয়ে। ভাসতেই যখন হবে তখন ভোমাতেই প্রথম ভাসান দেব। তবু নাই—তার জন্তে কোন দাম চাইব না।

কোন মেয়ের এমনভর হুঃসাহসী আত্মদানের প্রস্তাব সে শোনে নি। মেয়েটা বিচিত্র।

অংও কিন্তু রাত্রে আর থাকে নি। বিকেলে মিটিংয়ে বেরিয়ে ওই ক্যাণ্ডিডেটের সঙ্গে তার জীপে সেই দিনই রাত্রি দশটার সময় এসেছিল বর্ধমান। বাকী রাত্রিটা বর্ধমানে থেকে তারের লোকালে ফিরে এসেছিল কলকাতা। আর সে যায় নি গোটা ইলেকশনের

সময়ের মধ্যে ।

এরই মধ্যে হঠাৎ সে একখানা নিমন্ত্রণ পত্র পেয়েছিল । বিয়ের নিমন্ত্রণ পত্র । হার চাটুজে তাকে রমণার বিবাহে নিমন্ত্রণ-পত্র পাঠিয়েছে । রমণার বিবাহ হচ্ছে গোপগ্রামের হরিধন ঘোষালের সঙ্গে । এই কয়েকদিন পরই মাঘ মাসের দ্বিতীয় সপ্তাহে ।

বউদি চিঠি লিখেছিল—রমণা মেয়েটার বিয়ে হয়ে গেল । গোফ-গাঁয়ের হরি ঘোষালের সঙ্গে ; অবস্থা খুব ভাল । দেড়শো দুশো বিঘে জমি—পুকুর—সম্পত্তি অনেক । শুধু লোকটার বয়স হয়েছে । বাহার-চুমার তো হবেই কেউ কেউ বলে বেশী হবে । তা হোক । অনেক গরনা দিয়েছে রমণাকে । এক-গা পুরনো আমলের ভারী ভারী গরনা পরে রমণা ঠাকুরবাড়িতে প্রণাম করতে এসেছিল । খুব খুশী । বললে—অংশুদাকে লিখো তো বউদি আমি কত গরনা পেয়েছি ! এছাড়া প্রথম পক্ষের ছেলে বউদের সঙ্গে পৃথক করে আলাদা সম্পত্তি দিচ্ছে । তোমাকে মেয়েটা বড় জালাতন করত বলেই থবরটা জানালাম । তুমি কিন্তু ভালো করে পড়ো । ‘লেখাপড়া করবে যেই নমিকে হয়তো পাবে সেই ।’ বুঝলে ! বাবা বলেছে ।

*

*

*

১৯৫২ সাল তখন পড়েছে ।

তার জীবনের একটা মোড় ঘুরে গেল ওই অধ্যাপক পণ্ডিতের একটি ‘ধর্মিত’ শব্দ অবলম্বন করে সীতা চরিত্রের ওই অভূত ব্যাখ্যা নিয়ে । সে তার প্রতিবাদ লিখে খ্যাতি পেয়ে গেল । কবিতা গান সে লিখত—এবার এই খ্যাতির হুজু ধরে সেগুলি কাগজের পৃষ্ঠায় আত্মপ্রকাশ করতে লাগল ।

তখনকার সব কবিতা তার নমিতাকে নিয়ে । মনে পড়ছে একটা কবিতায় পুরানো পদ্ধতিতে গোড়াকার অক্ষর ধরে উপর থেকে নিচের দিকে ‘নমিতা আমার নমিতা’ কথাটা লেখা ছিল ।

“নদী ছুটে চলে সমুদ্র প্রেমে ভোর—

মিতার মতন তীর পাশে পাশে ছোটে ;

তার সাথ শুধু তারই ছুটি বাহুডোর,

আপন করিয়া বেঁধে রাখে দুই তটে ।”

এইভাবেই ছিল নমিতা আমার নমিতা । টেলিফোনে নমিতাকে সে বলেছিল—কবিতাটা পড়ে দেখো, বলতে হবে কি আছে ওতে ।

নমিতা ধরেছিল ঠিক ।

সে তাকে বকেছিল । বলেছিল—এ সব কি হচ্ছে ?

—কি হচ্ছে ?

—জানিনে যাও । কিন্তু এসব করো না আর ।

—কেন ?

—দেখবে আমার দাদারা ঠেঙিয়ে দিয়ে আসবে । হেসে উঠেছিল নমিতা । হাসি থামিয়ে বলেছিল—কিচিৎ ধরে ফেলেছে—নমিতা আমার নমিতা । বুঝেছ ?

—কেউ কিছু বলছিল নাকি ?

—বলে নি তবে বলবে। আর করো না।

যে যা বলবে বলুক, অংশু থামে নি। সে গান রচনা করেছিল।

হঠাৎ একদিন শিবকিংকর দীর্ঘ চার বছর পর ওই গান যে কাগজে বেরিয়েছিল সেই কাগজ হাতে করে হাজির হয়েছিল।

সে খুব অশুশী হয়েই বলেছিল—তুমি ?

সে হেসে বলেছিল—হ্যাঁ—আমি।

—তুমি কেন এলে ?

—ওঃ তোর রাগ এখনও যায় নি!

সে চুপ করে অল্প দিকে তাকিয়েছিল—উত্তর দেয় নি।

—অতসী তোকে যেতে বলেছে।

—নাঃ! তুমি চলে যাও এখান থেকে।

শিবকিংকর রাগ করে না কখনও। সে বলেছিল—বাব—অতসী একটা কাজের জন্তে পাঠিয়েছে। আমাকে ফিরিয়ে দিলে সে নিজে এসে হাজির হবে।

এবার তাকে জিজ্ঞাসা করতে হয়েছিল—কি কাজ ?

—এই গান ? এ গান তোর লেখা ?

—হ্যাঁ আমার। আর একটা কথা; তোর নয় তোমার, তুই নয় তুমি বলে কথা বলবে।

—বেশ। তাই বলব। এখন এই গানের ‘রাইট’ অতসী কিনবে। কি নেবে তুমি বল ?

অবাক হয়ে গিয়েছিল সে। গানের রাইটের জন্তে টাকা।

শিবকিংকর বলেছিল—অতসী একখানা ছবি করছে। মানে প্রভিউস করছে। গানখানা কিনবে। আরও খানকয়েক গান লিখে দিতে বলেছে।

কলেজে তখন ফোর্থ ইয়ার। জীবনের মোড়টা আর একবার অতসী ফিরিয়ে দিলে। নমিতাকে ভালবেসেছিল—সেই ভালবাসাবশে তার হৃদয়ের উজ্জ্বল কাব্যে ধরা দিয়েছিল, তাই সমাদর করে কিনলে অতসী। চারখানা গান লিখে দিয়ে পেয়েছিল চারশো টাকা। একজন কবির প্রথম কাব্যের দাম হিসেবে সেটা কম নয়। তার সঙ্গে পেয়েছিল নাম। প্রতিষ্ঠা।

উদর চার আহার, পেট পুরে আহার; তার সঙ্গে রসনা চার রসের আশ্বাদন। দেহ চার দেহের সান্নিধ্য; তার সঙ্গে হৃদয় চার প্রেমের স্পর্শ। না হলে খাওয়াও সত্য হয় না, দেহমিলনেও তৃপ্তি হয় না। তার বদলে ক্ষোভ হয়।

অতসীর দেহের স্বাদ তাকে একদা পাগল করেছিল, কিন্তু অতসীর প্রেমহীনতা সে স্বাদকে কটু করে তুলেছে তার কাছে।

সেই ভিক্ততার স্মৃতিই তাকে রমণার দেহের স্বাদ গ্রহণ করতে দেয় নি। নিজের দিক থেকে তার লোভ ছিল। তার দেহের স্নায়ু শিরা রক্ত চকল হয়ে উঠেছিল কিন্তু তার হৃদয়

আর মন তাকে ধরে রেখেছিল, বেঁধে রেখেছিল।

নমিতার প্রেমে তখন সে ভোর হয়ে ছিল। বিচিত্র তার স্বাদ। দেহের স্বাদ থেকেও বোধ করি তার স্বাদ আরও মধুর।

এ মুহূর্তে পুরাণের দুটি নাম মনে পড়ে গেল।

দৈত্যরাজার কন্যা শর্মিষ্ঠা আর দৈত্যগুরুর কন্যা দেবযানী। দেবযানী ক্রীতদাসী করেছিলেন শর্মিষ্ঠাকে। রাজা যযাতিকে বিবাহ করে দেবযানী রাজপুত্রীতে এসেছিলেন—সঙ্গে শর্মিষ্ঠা এসেছিলেন ক্রীতদাসী হয়ে। কিন্তু শর্মিষ্ঠা প্রেমের বলে রাজাকে জিতে নিয়েছিলেন। দেবযানী ধর্মপত্নী হয়েও তাঁকে পান নি।

শর্মিষ্ঠা প্রেম—দেবযানী মানবীদেহ। বিবাহ তো মানুষ একটি মানুষীকে তার মানুষী দেহের জগ্গেই করে থাকে। তার যৌবন তার রূপই তো তাকে আকর্ষণ করে।

*

*

*

১৯৫২ সালের তখন শেষ। তার চারখানা গানের রেকর্ড বেরিয়ে গেল।

ভোরের আলোর কোটা ফুলের মত

আমার প্রেমে ধস্ত যে-জন হবে

ফেলবে খুলে অঙ্গ হতে রত্নমালা বত।

এগিয়ে এসে আমার মালা আপন কণ্ঠে লবে—

এ গানখানা হিট্ হরে গিয়েছিল।

নমিতাদের বাড়িতে এ গানখানার খুব স্রষ্টাতি হয়েছিল। আরও অনেক বাড়িতেই হয়েছিল কিন্তু তার কাছে নমিতাদের বাড়িতে পাঁচরা খ্যাতির দাম ছিল আলাদা। অমিতা শমিতা তাদের সঙ্গে নমিতাও সেতার রেখে এ গানখানা রেকর্ড বাজিয়ে শিখে নিয়েছিল।

ও বাড়ির বউদের কাছেও তার খ্যাতি আশ্চর্যভাবে বৃদ্ধি পেয়েছিল। দাদার শাস্ত্রী গম্ভীর লোক। খুব হিসেবী মানুষ। তিনিও বলেছিলেন—তাই তো অংশু, তোমার তো খুব নাম করছে গো লোকেরা! আমার পিসতুতো বোন, আমার থেকে ছোট বয়সে। তার এসবে খুব বাতিক। জান—কালিদাস রায়, কুম্ভ মল্লিক, প্রেমেন মিত্তির আরও সব কে কে বটে বাপু—তাদের চিঠি লেখে। কাজী নজরুলের বাড়ি মধ্যে মধ্যে গিয়ে ফুলটুল নিয়ে আসে। সে বলছিল, ভাল হয়েছে। আর রেকর্ড নাকি খুব বিক্রী হয়েছে। খুব। তা তুমি কি পেলে? বলছিল উনি বোধ হয় ফাঁকিই পড়েছেন। কমিশনের কথা থাকলে অ—নে—ক টাকা পেতে। তা এবার থেকে তুমি বাবুর সঙ্গে পরামর্শ করো। বুঝেছ—ব্যাবসাদার মানুষ তো। শুঁকে ফাঁকি দেওয়া সহজ নয়।

পৃথিবী আশ্চর্য।

কোন একটি মানুষের যে কোন ক্ষুদ্র একটি ঘটনার ওপর বোধ হয় সারা পৃথিবীর ঘটনার ছাপ পড়ে।

নমিতার বাবা খুশী হন নি। ঠিক এই সময়েই উপর থেকে নীচে নেমে আসছিলেন।

তাকে দেখে বলেছিলেন—আরে তুমি! কাল থেকে তোমাদের কথা ভাবছি হে। তোমার কথা, তোমার দাদার কথা! তোমার দাদা তো উকীল হয়ে কিছু করতে পারলে না। বাড়ি থেকে চাণ নিয়ে গিয়ে খার বধমানে। তুমি সব কি গান-কান লিখছ। এদিকে যে কংগ্রেস জমিদারি উচ্ছেদ করবে ঠিক করেছে। কোন দিকে হালে পানি না পেয়ে, নে—ওই জমিদার বেটারা আছে—নেহাত বিয়ে করা সেকলে পরিবারের মত—তাদের যা আছে কেড়েফুড়ে নিয়ে দেখিয়ে দে কেমন দেশসেবা হচ্ছে। রাবিশ! জমিদারি গেলে চলবে কি করে তোমাদের? ওসব গানটান লেখা ছাড়। ছেড়ে বেশ ভাল করে পাস কর। একটা হাই লেবেলের অফিসার হয়ে যাও—!

জমিদারি উচ্ছেদ করছে কংগ্রেস, এ খবরটা সে নমিতার বাবার কাছেই পেয়েছিল। কিন্তু তাতে সে ঘাড় ভেঙে পড়ে পড়াশুনো করে বি-এ পরীক্ষার স্ট্যাণ্ড করবার মত প্রেরণা পায় নি। তার বদলে বিচিত্র সূত্রে ছুটি অতিবিচিত্র ঘটনার কথা জানতে পেরে প্রথম তাই নিয়ে লিখেছিল একটি গল্প—কিন্তু লিপে তৃপ্তি হয় নি বলে তাই থেকে লিখেছিল একটি একাঙ্কিকা।

একটি ঘটনার কথা জেনেছিল একজন ডাক্তার সেনের কাছ থেকে। নমিতার এক বান্ধবীর কাকা। উত্তর কোরিয়া দক্ষিণ কোরিয়ার যুদ্ধে ভারতবর্ষ থেকে মেডিক্যাল মিশনের সঙ্গে গেছিলেন। নমিতা তাকে বলেছিল, তার বান্ধবী তার সঙ্গে আলাপ করতে চায়—সে ওই রেকর্ডের জন্তে। চারে নেমস্তম্ব করেছিল। সেখানে গিয়ে আলাপ হয়েছিল তার কাকা ডাক্তারের সঙ্গে। দিলদরিয়া মেজাজের লোক। মতবাদে হয়তো কম্যুনিষ্ট অথবা মার্কিনী। মোট কথা এদেশী মানুষ কোনমতে নন। তা হোক। ভালো গল্প বলেন। অংশ গল্প লেখে শুনে কথার কথার ফ্রেডে ওঠে, এবং তা থেকে ডাঃ গিরীজশেখর বোসের কথা উঠেছিল। ডাঃ সেন তাকে ডাঃ বোসের চিকিৎসা সম্পর্কে তাঁর প্রত্যক্ষ অভিজ্ঞতা থেকে একটি বিচিত্র গল্প বলেছিলেন।

বিচিত্র পৃথিবীর সূত্র। তার গানের সূত্র ধরে তাকে ভেঙেছিল নমিতার বান্ধবী এবং তার কাকার সঙ্গে নর্থ কোরিয়া সাউথ কোরিয়ার সূত্র ধরে সে পেয়েছিল একটি জমিদারের ছেলে এবং একটি নার্সের বিচিত্র কাহিনী। নার্স মেয়েটিকে এই জমিদারের ছেলেকে নার্সিং করতে হয়েছিল এক জটিল পথে। তার সঙ্গে প্রেমের অভিনয় করে নিজের প্রতি ছেলেটিকে আকৃষ্ট করতে হয়েছিল। ফল তাতে হয়েছিল, কিন্তু এই নার্সটি পড়েছিল তার প্রেমে। অথচ মেয়েটি ছিল অত্যন্ত প্রগল্ভা এবং স্বৈরীণী অপবাদও ঠিক অসত্য ছিল না। তরুণ ডাক্তারদের সঙ্গে প্রেমের-খেলা খেলা তার একটা বিলাস অথবা প্রকৃতিধর্ম ছিল। মোটা পারিশ্রমিকের বিনিময়ে সে এই কাজ নিয়েছিল। এবার আর প্রেম করা তার খেলা ছিল না, এবার ছিল নার্সিংয়ের অঙ্গ। অর্থাৎ ওই মানসিক ব্যাধিগ্রস্ত ছেলেটিকে বিশ্বাস করাতে হয়েছিল যে সে তার সঙ্গে সভ্যতাই প্রেমে পড়েছে। ঘটনা-বৈচিত্র্য এই যে, মেয়েটি এবার প্রেমের-খেলা খেলতে গিয়ে সভ্যসভ্যই প্রেমে পড়ল এই মানসিক ব্যাধিগ্রস্ত তরুণটির সঙ্গে। তরুণটি সেয়ে উঠল। মেয়েটি তার প্রাপ্য নিলে বটে কিন্তু সে চোখের জলে ভেসেই নিলে এবং এরপর কোথায় যে চলে গেল কেউ জানে না।

আর একটি গল্প শুনেছিল নমিতাদের বাড়িতে। ওদেরই দূরসম্পর্কের আত্মীয়বাড়ির একটি মর্যাস্তিক ঘটনা।

কলকাতার দক্ষিণে এক বর্ষিষ্ণু ঘরের একটি ছেলে। একটি ছেলে বললেই সব বলা হল না; ওই বাড়ির একমাত্র উত্তরাধিকারী। তরুণ বয়স, উজ্জল চেহারা; লেখাপড়ার মাঝারি কিন্তু বাঁশী বাজাতো গান গাইতো বড় ভালো। সংসারে একমাত্র বিধবা দিদি ছাড়া আর কেউ ছিল না। এক বছর আগে ছেলেটির বিয়ে হয়েছিল। বিয়ের পর বর বউ আসছিল নৌকায়। ছেলের দিদি ব্যবস্থা করেছিলেন আলো জালিয়ে শোভাযাত্রা করে ব্যাণ্ড বাগপাইপ বাজিয়ে বর কনেকে গ্রাম ঘুরিয়ে বাড়িতে বরণ করবেন। সে-দিন কালরাত্রি। বর কনেতে দেখা হতে নেই। তার জন্ত দুখানা পালকির ব্যবস্থা করেছিল। কিন্তু বিকেলের দিকে জল ঝড় হয়েছিল বলে বর কনের নৌকো এসে পৌঁছুতে খানিকটা রাত্রি হয়ে গিয়েছিল। এবং গ্রামের রাস্তাঘাট সে জলে ঝড়ে এমন বিপর্যস্ত হয়েছিল যে কলকাতার দক্ষিণের গাঙের ধারের গ্রাম্য রাস্তা পিছল হয়ে পড়েছিল। সেই কারণে বর কনেকে সতর্ক পাহারার মধ্যে ঘাটেই দুখানা স্বতন্ত্র নৌকোর সাধার ব্যবস্থা করেছিলেন দিদিটি। কারণ সে-রাত্রিটা ছিল কালরাত্রি। সকালে আলো বাদ দিয়ে শোভাযাত্রা করে বর কনেকে গ্রাম প্রদক্ষিণ করিয়ে দেবতাদের দোরে দোরে প্রণাম করিয়ে ঘরে তুলবেন ঠিক করেছিলেন। কিন্তু রাত্রে এ নৌকোর বর ও নৌকোর কনে এই বিংশ শতাব্দীর একারতম বৎসরে কালরাত্রির বিরহ মাত্র করতে প্রস্তুত ছিল না। তাদের চোখে ঘুম ছিল না—তার। জেগেই বসেছিল। আকাশে ছিল পূর্ণিমার চাঁদ। নদীতে ছিল বড় জোয়ার। নৌকোর সকলেই যখন ঘুমিয়েছে তখন দুই নৌকোর বাইরে পাটাঙনের উপর এসে দাঁড়িয়েছে তারা। বর বাজাচ্ছিল বাঁশী, বউ ঝুঁঝুরে গাইছিল গান। জোয়ারের ঢেউয়ে ঢেউয়ে নৌকো দুখানা পাশাপাশি যেন তালে তালে দোল দিচ্ছিল। একসময় বর তাকে ডেকেছিল—এস আমার নৌকোয়।

কনের নৌকো কালরাত্রিতে মিলিত হবার পক্ষে অসম্ভব ছিল না। কনের সঙ্গে ছিল কনের বাড়ির একজন বি এবং বরের বাড়ি থেকে এসে রাত্রিকালে বউ আগলাচ্ছিল বরের সম্পর্কিত দুই বোন। তাদের মধ্যে একজন বয়স্ক।

—‘এস আমার নৌকোয়’ বলে বর বাড়ির দিদির দিকে হাত। নৌকো দুখানা একেবারে পাশাপাশি, দুখানার দুই কিনারা পরস্পরের গানের সঙ্গে মিলে লেগেছিল। কিন্তু দুঘণ্টা ঘটে বিন্দুমাত্র অভাবনীয় পথে। যা ভাবা যায় না তাই ঘটে বলেই অনিবার্যভাবে ঘটে যায় অ্যাকসিডেন্ট। বউ যে মুহূর্তে আসবার জন্তে এক পা বাড়িয়েছে ঠিক সেই মুহূর্তটিতেই উঠেছে একটা বড় ঢেউ। নৌকো দুখানা পরস্পরের গায়ে ঠোকা খেয়ে পরস্পর থেকে দূরে সরে গেল দুই উলটো দিকে এবং বউটি ‘ওগো’ বলে মর্যাস্তিক এক আত্ননাশ করে পড়ে গেল জোয়ারের তুফানে। সঙ্গে সঙ্গে বর তার বাঁশী রেখে দিল বাঁপ। তারপর মাঝি মাল্লারাও বাঁশিরে পড়ল। কোলাহল উঠল। হুইচই হল। কল হল—বরকে পাওয়া গেল অজান অবস্থায় কিন্তু বউকে পাওয়া গেল না। একদিন পর তাকে পাওয়া গেল কিনারার একটা

বাক্যে।

বর ছেলেটিও কঠিন আঘাত খেয়েছিল বুকে কিন্তু বাঁচল। তবে সে বাঁচা শুধু নামেই বাঁচা। ভয় দেহ তার সঙ্গে অসুস্থ মন। তার ধারণা তার সেই বউয়ের আত্মা ঘুরে বেড়ায় এবং তাকে তাকে। ওগো, ওগো বলে সে তাক সে শুনেতে পায়। কান পেতে থাকে সে। এইভাবেই চলছিল। হঠাৎ সেদিন সে মারা গেছে। এই মৃত্যুর মধ্যেও আছে তার ধানিকটা বৈচিত্র্য। বৈচিত্র্য না বলে ছেলেটির অসুস্থ মনের অভ্যুৎ সংস্কারের অনিবার্য পরিণতি বলাই ভাল। এক বৎসর পূর্বের তার সেই কাশ্মীরের এক বৎসর পূর্ণ হল যেদিন সেদিন সে দিদিকে বললে—আজ তার বউ নিশ্চয় আসবে। সে সেজেগুজে বাসর সাজিয়ে বসে বাঁশী বাজাবে তার শোবার ঘরে। তার দৃঢ় বিশ্বাস তার বাঁশী শুনে তার বউয়ের আত্মা আসবে এবং তাকে হয়তো নিয়ে যাবে।

কাশ্মীর কোন বারশ সে শোনে নি। সে বাঁশী বাজিয়েছিল ডাক্তারের নিষেধ অমান্য করে এবং তার কলে সে মারা গেছে।

ঘটনাটা আজ হোক কাল হোক ঘটবে এইটে প্রায় নিশ্চিতরূপেই স্থির ছিল। তবু সেইটে এইভাবে ঘটবে এমনটা কেউ ভাবে নি। এর মধ্যে অনিবার্যতার ভ্রংশের চেয়ে কিছু যেন বেশী ছিল যা এমন সঙ্কল্প ঘটনাটিকে স্মরণ করে তুলেছে।

*

*

*

ঘটনা দুটো মনের মধ্যে অহরহ কয়েক দিন ঘুরতে ঘুরতে একসঙ্গে জড়িয়ে গিয়েছিল। একটা মনে পড়লেই আর একটা মনে পড়ত। তার ফলে একটির শিকড় এবং অস্তিত্ব ভালো জোড় বেঁধে একটি আশ্চর্য রোমাঞ্চিক কাহিনীতে পরিণতি লাভ করে প্রথমে বেরিয়েছিল গল্প হয়ে—তারপরই তাই নিয়ে সে লিখেছিল একটি একাক্ষিকা।

একাক্ষিকা লিখিয়েছিল তাকে শিবকিংকর।

তার জীবনের সঙ্গে আশ্চর্যভাবে জড়িয়ে আছে সে। সে তাকে তাকে না, সে তাকে চায় না তবু সে আসে, নিজে থেকে আসে। অতসীর খবর আনে, অতসীর অমরোদের কথা বলে। অতসী তার অতীত জীবনের পুরনো কালের পাপ, তাকে সে যত পিছনে ফেলে এগিয়ে যেতে চায় তত সে তার পিছনে পিছনে এসে ওই শিবকিংকরকে দিয়ে তাকে তাকে, তাকে ধরে। এদিকে নমিতা তার নতুন কাল। না—ভুল। নমিতা নতুন কাল নয়, ছদ্মবেশী নতুন কাল, সিউডো নতুন কাল। নতুন কাল সেজে এসে তাকে সেই পুরনো কালেই নিয়ে যেত। তার বাপ-ভাইয়েরা ছিল যুদ্ধের সময় কাশ্মীরবাসী। তারপর স্বাধীনতার পর কিছুদিন চুপ করে থেকে ভোল পালটে আজ সেজেছে প্রগতিশীল।

অতসী, পাপ অতসী। না—পাপ বলতে সিন—sin নয়। Sinএ সে বিশ্বাস করে না। Crimeএও বিশ্বাস করে না, তবে crimeকে মানে। অতসী crime তো বটেই, crime থেকেও কিছু বেশী। তবু পাপই অতসীর একমাত্র বিশেষণ। নমিতা তার থেকেও বেশী।

অতসী তার ওই গল্পটা পড়ে শিবকিংকরকে পাঠিয়েছিল—গল্পটা সে ছবির অন্তর্ভুক্ত কিনবে।

নমিতা তাকে বলেছিল—তুমি ওটা নিয়ে নাটক কর। তুমি বুকের পাঠ করবে, আমি বউ আর নার্সটার পাঠ করব। লুকিয়ে করব। বুঝলে আমাদের বাড়ির কাউকে জানতে দেব না। ছোট একটা হল ভাড়া করে—।

তা কিন্তু হয় নি। তার বদলে যা হল তার ফলে জীবনটা সোজাসুজি ঢালের পথেই মূল গলাধারার মতই বয়ে গিয়েছিল; যাকে দেশের লোক বলে ‘কীর্তিনাশার ধারা’; লোকপয়স্পরায় যে ধারা সম্পর্কে প্রবাদ আছে যে ওই ধারায় স্থান করলে পুণ্যক্ষয় হয়।

হঠাৎ নমিতা জীবনের ধারার খাত বদল করলে যেন। ইদানীং নমিতাদের বাড়ির বাইরেও তাদের দেখাশোনা হত। ওই যে ডাঃ সেনের ভাইঝি—নমিতার বান্ধবী, তার বাড়িতে হত। মধ্যে মধ্যে ছুপুরবেলার শোরে সিনেমা হলে হত। টেলিফোন নিত্যই হত কোন কোন দিন এবেলা ওবেলা দু’বেলাও হত। হঠাৎ একদা অংশুমান আবিষ্কার করেছিল গতকাল একবারও টেলিফোন করে নি নমিতা। তার দিক থেকে টেলিফোন করার ঠিক উপায় ছিল না। কারণ কাকে টেলিফোন করবে? কি বলবে? এই আধুনিক ধনীদেব বাড়ির বাধন ওখানে ঠিক আছে।

পরের দিনও টেলিফোন পায় নি। তৃতীয় দিনের সন্ধ্যাবেলা সে অজুহাত একটা খুঁজে নিয়ে দাদার খন্তরবাড়ি গিয়ে দেখেছিল বাড়ি প্রায় ফাঁকা; গোটা বাড়িটাই প্রায় চলে গেছে দেশভ্রমণে। সেই উত্তর সীমায় শ্রীনগর থেকে দিল্লী আগ্রার চারিদিকের অঞ্চল সবটাই সে ভ্রমণের এলাকায় পড়বে। হরিদ্বার মথুরা বৃন্দাবন এসব স্থানেও যাবেন তাঁরা। ওদিকে পুঙ্কর কুকক্ষেত্র শাবিত্রী পর্যন্তও যেতে পারেন। একটা ভালোরকম যোগাযোগ হয়েছিল। সারা ভারতের রেল বিভাগের একজন চিহ্নগুপ্ত-জাতীয় কর্মচারী সপরিবারে ভ্রমণে বের হচ্ছেন। নমিতার বাবা তাঁর বন্ধু। তাঁর ট্রাঙ্ককলে ব্যবসা সংক্রান্ত কথা বলতে গিয়ে এই ভ্রমণের কথা জানতে পেরে বলেছিলেন—আমার বললেন না। আমি যেতাম আপনাদের পিছু পিছু। সঙ্গে সঙ্গে সাগ্রহ নিমন্ত্রণ এসেছিল—“আমুন—কালই চলে আসুন। পারেন না? তার পরের সব ব্যবস্থা আমি করব।”

দাদার খন্তর সেল্ফমেড ম্যান, তিনি বলেন—ফ্রম এ সচ্ছল চাবী গেরস্থ পরিবার টু দি হেড অফিস অব টোয়েন্টি-থ্রি লিমিটেড কম্পানীজ। ফ্রম লগ কেবিন টু হোরাইট হাউসও যদি কোন দিন হয় তাতে আশ্চর্য হবে না কেউ। অন্ততঃ আমি তো হবই না। বাট্ ইউ সি—। আমার ভাল লাগে না। নইলে আমার ডিকশনারীতে অসম্ভব শব্দটি আমি ঘবে তুলে দিইছি।

দাদার খন্তর ‘কালই’ যেতে পারেন নি। পরশুই রওনা হয়ে গেছেন—সঙ্গে গেছে তাঁর স্ত্রী, জিন কুমারী কক্স এবং মেজছেলে, মেজবউ এবং ছোটছেলে। কিরবেন কবে তার ঠিক নেই তবে মাস দুয়েক যে হবে তাতে সন্দেহ নেই।

দাদার বড়শালাজ অর্থাৎ বড়শালার স্ত্রী, ও বাড়ির বড়বউদি—তিনি এদেশের সেই সব মেয়েদের একজন যারা বছর তিরিশেক বয়সে পাঁচ-ছাঁট ছেলেমেয়ের মা হয়ে আখহাত চণ্ডা

হাতীপাঞ্জাগেড়ে শাড়ি চলকো করে পরে প্রবীণা এবং ভারিকী হয়ে পড়েন। তিনি বলেছিলেন—এখন মাস দুই আড়াই মন দিয়ে পড়াশোনা করগে। এবার তো তোমার পরীক্ষার বছর।

সেই তার ও-বাড়িতে শেষ যাওয়া। এর পর আর যায় নি। কারণ দু মাস পরই সে খবর পেয়েছিল দেশে কিবেই দাদার খণ্ডর তাঁর দুই কস্তার বিবাহ দিচ্ছেন। অমিতার এবং নমিতার—পাত্র দুটিই দিল্লীর সরকারী মন্ত্রকের চাকরে; ওই রেলদপ্তরের ভ্রমলোকের পুত্র এবং ভ্রাতৃপুত্র। দুজনেই কুলীন—বিলাতফেরত।

*

*

*

না। সে মদ খেতে ধরে নি। ঠিক হল না। অতীকে নিয়ে মায়ের বিব্রন্ধে প্রথম বিব্রোহের সময় থেকেই সে মধ্যে মধ্যে মদ খেয়েছে। মদ খেলে কোন অস্তায় হয় না বা মদ খেয়ে অস্তায় হয় এইটে সে মানে না তাই প্রমাণ করবার জন্ত খেয়েছে। লোকের কাছেও সে প্রমাণ করতে চায় নি। নিজের কাছেই প্রমাণ করতে চেয়েছিল। হঠাৎ কোন কোন দিন তার মনে একটা সংশয় জাগে। মনে হয় যে সে আগের কালের সেই গোঁড়া ধর্ম এবং গুণজালে ধোওয়া রাজনীতির গোবরমাটি-নিকোনো খামারবাড়িতেই পোষা পায়রার মত ঝরা ধান খেয়ে বেড়াচ্ছে; আকাশে উঠে পাক খেয়ে ডিগবাজি খেয়ে চক্র মেরে কসরত যাই দেখাক মোটামুটি নজর তার কাবুর দিকে। এইটে মনে হলেই এমনিভাবে সে নিজের কাছেই নিজে প্রমাণ করতে চায় যে, সে পোষা কবুতর নয়, সে বাজপাখী—লক্ষ্য তার উদয়-দিগন্তের দিকে। সেখানে পৌঁছানোর আগে পাখা সে বন্ধ করবে না।

তার জীবনের সব আত্মগত আজ সন্ধানহীন নেতাজীর প্রতি। কেবল একটি কারণে প্রধানমন্ত্রী নেহেরুকে সে ধন্যবাদ জানায়। নেহেরুজী গান্ধীবাদের গোঁড়ামির এবং ভ্রান্ত আদর্শগুলোকে সুকূশল নৈপুণ্যের সঙ্গে এদেশের জীবনের উপর থেকে সরিয়ে দিয়েছেন।

নমিতার এই বিয়ের খবরের বিশদ বিবরণ সে পেয়েছিল মিস সেনের কাছে। নমিতার বাকবী মিস সেন। স্মৃতি সেন। দেখা হয়ে গিয়েছিল একটা স্টুডেন্টস্ র্যালিতে। সুবোধ মল্লিক কোয়ারে ছাত্র সমাবেশে সে সেদিন বক্তৃতা করেছিল।

আজ এই ১৯৪২ সালে ঠিক মনে পড়ছে না র্যালিটা ছিল কিসের জন্তে। কিন্তু বিশ্বরাজনীতি এসে পড়েছিল একেবারে শুষ্ক থেকেই।

স্টুডেন্টস্ ফেডারেশনের জোরটা সেইই ১৯৪২।৪৩ থেকেই ছাত্রজগতে অনন্তমূলের মত মূলজাল বিস্তার করে রেখেছে। গ্রীষ্মে শীতে শুকনো শুকনো দেখায় কিন্তু বর্ষা এলেই সে মাটির ভিতরের শুকনো শিকড় জল শুবে সতেজ হয়—সঙ্গে সঙ্গে ঢেকে ফেলে মাটির বুক। তাদেরই একজন প্রথম জেগীর বক্তা শুক করেছিল বক্তৃতার এই ধারা।

সে সেদিন স্কন্ধ হয়েই ছিল। সে ক্ষোভ তার নমিতার জন্ত। সেই ক্ষোভ বিচিত্রভাবে, এই একটি ফাটল দিয়ে মাটির বুকের চাপা আগুন যেমন বেরিয়ে আসে তেমনিভাবেই বেরিয়ে এসেছিল।

চীন, ফরমোজা, নর্থ কোরিয়া, সাউথ কোরিয়া, নর্থ ভিয়েতনাম, বার্মা, ইন্দোনেশিয়া, ইউনাইটেড আরব, মাও সে-তুঙ, চিয়াং কাইশেক, হো চি মিন, উজ্ব, ইরাক, ইরান, ইরাক নিয়ে এক নয়া দুনিয়ার ছবি এঁকে পুরানো পৃথিবী পুরানো সমাজকে বরবাদ ঘোষণা করে গালাগালি দিয়েছিল, অভিসম্পাত দিয়েছিল ভ্রান্ত অহিংসাপন্থী এবং সর্বক্ষেত্রে ব্যর্থ ভারতবর্ষের বর্তমানকে। যার মধ্যে তার মনে মনে বার বার ভেসে উঠছিল তার মায়ের মুখ, তার দাদার স্বপ্নের মুখ, নমিতার মুখ, তার সঙ্গে বারকরের অতসীর মুখও বোধ হয় ভেসে উঠেছিল।

এই সমাবেশের মধ্যে গান গাইতে এসেছিল বারা তারই মধ্যে ছিল মিস সেন। স্মৃতি সেন। কক্স চুল, ধূলিধূসর মুখ, পারিপাট্যহীন অথচ অপরিণীম এক আকর্ষণ তার সাজসজ্জার, মেয়েটিকে দেখে প্রদীপ্ত মনে হচ্ছিল। অতেরা তার কাছে যে স্থান ছিল তা ছিল না তবু তার পরিচিত মুখ তাকে আকৃষ্ট করেছিল বেশী। মিস সেনও তাকে লক্ষ্য করেছিল ওই পরিচয়েরই আকর্ষণে। সেও এই দলে খুব একটা বেশী অভ্যস্ত ছিল না। নতুন এসেছে। হাতেখড়ি নিচ্ছে। বিদেশী গানের সুর চান ওর গলায় ভাল ওঠে, ওই গান জানে বলেই তাকে এই বিশেষ ক্ষেত্রের অন্তরীকৃত করা হয়েছে। অনেকেই বেশ ভাল বলেছিল। তার মধ্যে অংশমান একজন।

বক্তৃতার শেষে সে বেরিয়ে এসে একটু নিরিবিলিতে সিগারেট ধরিয়ে টানছিল সেই সময় স্মৃতি এসে তাকে বলেছিল—আপনি তো বেশ চমৎকার বলেন অংশবাবু।

একটু ভিত্তি হেসে সে বলেছিল—ভাল লাগল ?

—চমৎকার লাগল।

সে উত্তর দেয় নি। স্মৃতি একটু যেন কথা খুঁজে নিয়ে বলেছিল—আপনি স্মরণ গান লেখেন—স্মরণ গল্প লেখেন—এমন বক্তৃতা করেন—এমন চেহারা আপনার—আপনাকে ছেড়ে দিয়ে নমিতা ওই একটা চাকরে বাজে-মার্কী লোককে বিয়ে করতে গেল। এম-এ পাশ করে আপনিও একটা বড় চাকরি পেতে পারবেন। না হলই বা সরকারী। পলিটিক্যাল লীডার হতে পারতেন।

অংশ বলেছিল—আমাকে ধরেছিল তা আপনাকে কে বললে ?

—কে বলবে ? এ আবার বলতে হয় নাকি ? তবে ওর কথা ও আমাকে নিজেই বলেছিল। কি বলেছিল জানেন ?

—কি ?

—বলেছিল বাবা ওর সঙ্গে বিয়ে না দিলে লুকিয়ে বিয়ে করে ফেলব। অথচ—

—অথচ কি ?

—অথচ আর কি ? খুব খুশী বিয়েতে।

—খুব খুশী ?

—ওরে বা-প-রে ! বরের গল্প আর কুরোর না আমার কাছে। এই এতো টাকা মাইনে হবে। তিন হাজার পর্যন্ত। করেন সার্ভিসের চাল আছে। তা হলে তো একেবারে

কথাই নেই। পৃথিবীর দেশে দেশে ঘুরবে। আমি ডাও বললাম—ভাহলে অংশবাবুর সঙ্গে এমন করে ঢলাঢলি বারলি কেন? বললে—ঢলাঢলি? ঢলাঢলি কোথায় করলাম! বললাম—প্রথম তো করছিলি? বললে, করছিলাম। কিন্তু সে তো এমন কতই হয়। তা ছাড়া বাবা-মা এদের কথা আছে। হাজার হলেও আমাদের হিন্দুর ঘর তো!

এই সময়েই রমেশ তাকে ডেকেছিল, শোন, ডাকছে তোমাকে।

—কে?

—বড় বড় লোক।

*

*

*

সত্যিই তাকে বড় বড় লীডারেরা ডেকে প্রশংসা করে জুডেটস্ মুভমেন্টে তাঁদের দলে যোগ দেবার অন্ত ডেকেছিলেন। হয়তো সে তাঁদের আহ্বানে সাড়া দিয়ে বাঁপিরেই পড়ত সে মুভমেন্টে। কিন্তু বাঁপিরে পড়তে দেয় নি তাকে ওই স্মৃতি মেয়েটি আর তার লেখা সেই রামায়ণ প্রশংসা নিয়ে লেখা প্রবন্ধটি। স্মৃতিই তাকে লেখক অংশুমান চৌধুরী বলে পরিচিত করে দিয়েছিল। সেই কানে তুলে দিয়েছিল যে সে খুব ভাল লেখে। এবং এই পরিচয় থেকেই প্রশংসা করেছিলেন লীডারেরা—এ কোন্ লেখক অংশুমান চৌধুরী? রামায়ণের ‘ধর্মিতার’ সীতার’ শব্দ নিয়ে যে প্রত্নোক্ত গবেষণা হয়েছে যাকে যুগান্তকারী বলা যায়—সেই গবেষণার প্রতিবাদে যে লেখক অংশুমান চৌধুরী সমগ্র রামায়ণে কতবার ধর্মিত শব্দ ব্যবহার হয়েছে এবং কোথাও ধর্মিত বা ধর্ম বলার অর্থ ব্যবহৃত হয়নি দেখিয়েছে ও পরবর্তী স্মরণ-কাণ্ডে রাবণের উপর ব্রহ্মার অভিষাপের কথা তুলে ধরে সীতার দেহগত সত্য নিয়ে মাথা ঘামিয়েছে, এ কি সেই অংশুমান চৌধুরী? এতো একটি ছেলেছোকরা বললেই হয়। তার আপাদ-মস্তক দৃষ্টি দিয়ে লেহন করে একজন নেতা প্রশংসা করেছিলেন—এসব নিয়ে মাথাব্যথা কেন?

সে ভ্র কুণ্ঠিত করে বলেছিল—মিথ্যের প্রতিবাদ করব না?

—সত্যি-মিথ্যে তুমি বোঝ?

—বুঝি বইকি।

—না। বোঝ না।

—মানে?

—মানে যাকে সত্য বলে এককাল জেনে এসেছ তার কোনটাই সত্য নয়। সত্যকে মতুন করে জানতে হবে, বুঝতে হবে।

—কি বলছেন আপনি?

—বলছি। বুঝিয়ে দিচ্ছি। বল না, সূর্য রথে চড়ে পূর্বদিকে উঠে সানাদিনে পশ্চিমদিকে অস্ত যায়, না পৃথিবী সূর্যের চারিদিকে ঘোরে? বল না, ভূমিকম্প হয় বাস্তুকিনাগ মাথা নাড়লে না অন্ত কারণে? বল?

সে খানিকটা ভড়কে গিছিল। তারপর বলেছিল—ভাহলে আগে রাবণ দশটা মাথা কুড়িটা হাত নিয়ে কি করে কাজ হয়ে শুভো বা ক’খানা খালা নিয়ে খেতো এবং ক’টা পাকস্থলী তার ছিল গবেষণা করতে বলব। বিজ্ঞানের সত্য আর দর্শনের সত্য এক নয়।

বিজ্ঞানে স্বর্গ নেই—দর্শনে আছে। কল্পনাই এখানে শ্রেষ্ঠ সত্য।

চলে এসেছিল সে। তার স্বভাবমতই কাজ করেছিল। পার্টি পার্টির মত কাজ করেছিল—কলেজ ইউনিয়নে সে নমিনেশন পায় নি। কিন্তু সে তাতে পিছিয়ে আসে নি। জেদ করেই ছাত্র মৃত্যুমোটে বাঁপিয়ে পড়েছিল। এবং ইণ্ডিপেন্ডেন্ট ক্যাণ্ডিডেট হিসেবেই বেশ ভালো ভোটে জিতে নির্বাচিত হয়েছিল।

তার উত্তম চিন্তালোকে অবাধ ঝড় বয়ে গিয়েছিল পুরো পাঁচ বছর। ১৯৪২ সাল থেকে ১৯৫৩ সাল পর্যন্ত। বি-এতে আরও এক বছর। ইউনিভারসিটিতে এসে পুরো চার বছর। ১৯৫৩ সাল পর্যন্ত। তখন আকাশে স্পুটনিক পৃথিবীকে বেঁধে ধরে পিপ্ পিপ্ আওয়াজ করে ঘুরছে। আমেরিকা লজ্জার মাথা ফুটেছে। ওদিকে বিকিনীতে অ্যাটম বোমার পর অ্যাটম বোমা ফাটছে। বুষ্টির সঙ্গে পারমাণবিক বোমার বিস্ফোরণ বিষ এসে পৃথিবীকে বিধ্বস্ত করছে। সুরেজ নিরে একটা নাটকীয় দৃশ্য হয়ে গেছে একেবারে প্রথম দিকে; ইংল্যান্ড, ফ্রান্সের গালে চড় মেরে নাসের সুরেজ ক্যানেল কেড়ে নিয়েছে। বুড়ো সিংহের একখামচা কেশর খসে পড়ে গেছে সে চড়ের আঘাতে। রাশিয়ায় মেলেনকভ গেছেন, বেরিয়া গেছেন, (স্টালিন তার আগেই গেছেন), ব্লগানিন এসেছেন—তার পিছনে পিছনে ক্রুশ্চেভ এসেছে। এদেশে আর একটা ইলেকশন হয়ে গেছে। তাতেও কংগ্রেস জিতেছে সর্বত্র। বি-পি-সি-সির প্রেসিডেন্ট হয়েছেন অতুল্য ঘোষ। লোকে বলছে লোহার মছা বা পাথরের মছা। এর মধ্যে ধন্যবাদ জনাব রফি আহমেদ কিদোয়াইকে—তিনি কেন্দ্রে খাম্বমন্ত্রী হয়েই রেশনিং তুলে দিয়েছেন। চালের দর কিন্তু নামে নি। বাংলাদেশের খাম্বমন্ত্রী প্রফুল্ল সেন কিছুটা বেকার হয়ে পড়েছেন।

বিগত কালের নেতার পঞ্জিকা ফলের গ্রহদের মত একের পর এক অন্ত যাচ্ছেন।

ভিক্রমের অভিভাবকত্ব গ্রহণ করেছে চীন সরকার। ১৯৫৪ সালে যে মাসে দলাইলামা এবং পাঞ্চেনলামা পিকিংয়ে গেছিলেন First National কংগ্রেসে যোগ দিতে। দলাইলামা বুকের অবতার হিসেবে নয়। জনগণের তেপুটি হিসেবে।

১৯৫৬ সালে হয়ে গেল বান্দুং কনফারেন্স।

নেহেরু আনলেন ‘পঞ্চাঙ্গল’। ভারতবর্ষেরই পঞ্চাঙ্গল; নেহেরু কিন্তু ওটা ধার নিলেন ইন্দোনেশিয়ার কাছে। আচার্য কৃপালনী বললেন পাঁচটি দুর্বোধ্য মূর্খতা নয় মূর্খামি। মোট কথা এই করেকটা বছরে সব কিছুর মানে যেন বদলে গেল। সব কিছুর রঙ যেন পালটালো।

অন্ত্যমান একটা কবিতা লিখেছিল—

আকাশের মহাশূন্যে স্পুটনিক ঘোরে
অ্যাটমিক বোমার ধুলো হয়ে হারিয়ে যাওয়া
আকাশে চারিঘেঁষা যাওয়া
একু পিতা অথবা নেহাতই তাঁওতা
ঈশ্বরের কণার সন্ধানে
পিপ-পিপ রব তুলে।

শুধু এই নয়। আরও আছে। অংশুমান এই পাঁচ বছরে কবি নাট্যকার গীতিকার হিসেবে প্রতিষ্ঠা লাভ করলে।

পথ তাকে আপনি ছেড়ে দিয়েছিল পৃথিবী।

তার শক্তি ছিল। কিন্তু তাই সব নয়। কাল এবং দেশ তাকে সাহায্য করেছিল। বাংলার জমিদারি উচ্ছেদ বিল—খাসলে এস্টেট অ্যাকুইজিশন অ্যাক্ট পাস হল। সেই সময়েই সঙ্গে সঙ্গে এল নমিটার দিক থেকে আঘাত। সে হঠাৎ ঠিক করে বসল তার জমিদারির অংশ বিক্রি করে দেবে। শুধু জমিদারির অংশ কেন, সব কিছু। দেবগ্রামের সব কিছু—বাড়ি ঘর বাগান পুকুর জমিজমা সব।

আরও কারণ ছিল। প্রথম, জমিদারির কমপেনসেশনের টাকটা সে সরকারী খাতায় সই করে নিতে রাজী ছিল না। দ্বিতীয়, জমিদারি নেবার আগে একটা সেটেলমেন্ট হবে। সেখানে তার বড়দা তার অভিভাবক হিসেবে তার সর্বনাশ করে সব আত্মশাং করতে পারে। তারই সম্ভাবনা বেশী। ইতিমধ্যেই পুরনো চেক কেটে খাসপতিত নিজের নামে পত্তন করে নিচ্ছে।

কে দেখবে তার স্বার্থ?

যা প্রতিদিন বদলাচ্ছেন। বদলাতে বদলাতে তিনি এক বিচিত্র মানুষ হয়ে উঠেছেন। না সম্রাসিনী তপস্বিনী—না রাজনৈতিক নেত্রী। রাজনীতি থেকে সরে গিয়ে এখন সর্বোদয়ে যোগ দিয়েছেন। যত গালাগাল দেন নেহেরুকে, ভারত সরকারকে তত গালাগাল দেন বামপন্থী দলগুলিকে। যত গালাগাল দেন প্রাচীন সম্রাজকে তার থেকে বেশী গালাগাল দেন আধুনিকতাকে, আধুনিক সম্রাজকে। ধর্মকে কুসংস্কার বলেন। কিন্তু মানেন। জমিজমা যা তাঁর নামে আছে তা সব ভূদানে দিয়েছেন। ইচ্ছে, অংশুও সব ভূদানে দান করে দেয়। তার থেকে অংশু বিক্রি করে দিলে সব।

*

*

*

খন্ডের জুটিয়ে দিয়েছিল হারু চাটুজ্যে। রমলার দাদামশাই। অংশুমানের জমিদারির আরতন খুব বড় ছিল না। আরতন এবং আর দুইই ছিল ছোট। মূল্য ছিল অল্প দিক দিয়ে। জমিদারির সবটাই ছিল স্থানীয় অঞ্চল জুড়ে। ফল ছিল অনেকটা সেকালের কোন ক্ষত্র রাজা তার রাজ্যের কেন্দ্রে রাজধানীতে বাস করার ফলের মত। শুধু খাজনা এবং ফলমূল কসলের নিত্য নজরানাই সংগ্রহ হত না, দু'বেলা মানুষদের কাছ থেকে প্রণাম-নমস্কারও মিলত। জমিদারি চলে গেলে সেইটেই ছিল সব থেকে বড় লোকসান। আর আরের উপর ক্ষতিপূরণ মিলবে পাঁচ থেকে বিশগুণ পর্যন্ত। কম আরের অল্প অংশদের কমপেনসেশন হবে বিশগুণ। সেইটে বর্ধমানের এক শেঠ কিনতে চাইলে বারোগুনো পণে। হাজার টাকা আর বারো হাজারে কিনে রাখলে সরকারী কমপেনসেশন পাবে কুড়ি হাজার টাকা বার অর্থ হল আট হাজার লাভ। যারা পারসেন্টেজ কবে তারা বলবে চল্লিশ পারসেন্ট।

সেটা ১৯৫৪ সাল। বি-এ পরীকার পর ঠিক করেছিল ১৯৫৭ সালের ইলেকশনে

দাঁড়াবে। এবং বাকী জীবনটা সে পলিটিক্সই করবে। পার্টি একটা ঠিক করে নেবে সেটা কংগ্রেসও নয় কম্যুনিষ্ট পার্টিও নয়। হিসেব করে দেখেছিল বায়োঙনো পণে জমিদারি সম্পত্তি বেচে অন্ততঃ সে আটচল্লিশ হাজার টাকা পাবে। এ ছাড়া চাষুর জমি বাগান পুকুর এসবগুলো থেকেও অন্ততঃ হাজার বিশ পঁচিশ পেতে পারবে।

জমিজমা বাগান পুকুরের খদ্দেরও জুটিয়ে দিয়েছিল হাক্ চাটুজ্জ। সেটা কিনতে চেয়েছিল রমলার বুড়ো স্বামী। বৃদ্ধ রমলার নামে সেগুলি কিনতে চেয়েছিল। কারণ তার প্রথম পক্ষের ছেলেরা গ্রামের সম্পত্তিতে রমলাকে নথ ডোবাতে দেবে না এটা ছিল সর্বজনবিদিত ভবিষ্যৎ। সেই কারণেই দাদামশায়ের গ্রামে এই সম্পত্তির উপর রমলার আকর্ষণ হয়েছিল বেশী। এবং রমলা নাকি আবদার ধরে বলেছিল—তই সম্পত্তি আমাকে তুমি কিনে দাও। চৌধুরীদের ভারী দেমাক। আর ওদের বাগান পুকুরগুলোর উপর আমার ভারী লোভ। ছেলেবেলা ওদের বাগানে কাঁচামিঠে গাছের আম চুরি করে পাড়তে যেতাম; ওদের লোকেরা দেখতে পেলে তেড়ে আসত। ওদের বাড়ির বউরা মেয়েরা আমাদের হেনস্তা করত। ওদের সব পুকুরে বড় বড় মাছ থাকত—এখনও আছে মাছ, খুব মিষ্টি। তুমি এই সম্পত্তি আমাকে কিনে দাও।

খরিকদার দাদারাও দাঁড়িয়েছিল। দাবিও তারা করেছিল, পৈতৃক সম্পত্তি, সে-হেতু তাদেরই দেওয়া উচিত এবং কম মূল্যেই দেওয়া উচিত। শুধু তাই নয় স্বাইনগত বাধা যত্নরকম হতে পারে তাও তারা সৃষ্টি করতে চেয়েছিল কিন্তু কোন বাধাই সে-দিন তার সম্মুখের পথে দাঁড়াতে পারে নি। ছাত্র আন্দোলনের প্রথম সারির নেতা সে তখন; তার জীবনের আকাশের অবস্থা তখন বারিবর্ষণহীন ঘষা কাচের মত, মেঘের চাপে ঢাকা বিবর্ণ গ্রীষ্মের ছপুনের মত, সূর্য নাই চন্দ্র নাই তারা নাই; আলো আছে—সংশয়ের ছায়াচ্ছন্ন আলো; সে আলোর জালা আছে, গুমোট আছে কিন্তু তার মধ্য থেকে গাছেরা সবুজ রঙ পায় না, তার জ্যোতিতে বীজাণু মরে না। সে কোন কিছুতে বিশ্বাস করে না। তাই সে সেদিন অনায়াসে বলতে পেরেছিল দেবকীর্তি পিতৃকীর্তি কুলকীর্তি প্রভৃতি সংস্কারগুলি একান্তভাবে অর্থহীন ও আমার বিচারে নিতান্ত মিথ্যা বলেই আমি এগুলিতে বিশ্বাস করি না। এবং বিশ্বাস করি না বলেই আমার মা-সৎমা ও সৎ-ভাইদের এই দাবি মানতে আমি বাধ্য নই। এ সবার জন্তে যে সম্পত্তি দেবোত্তর হিসেবে নির্দিষ্ট আছে তার অংশ থেকে ওঁরাই আমাকে অধিকার দেন নি। সেই সম্পত্তির আরের বাইরে আজ যদি অর্থের প্রয়োজন হয়—যা ওঁরা দাবি করেছেন—তা আমি দিতে বাধ্য নই।

সকল বাধাবিঘ্ন অতিক্রম করেই সে সব বিক্রি করে দিয়েছিল। জমিজমা বাগান পুকুরের দাম সে বেশীই পেয়েছিল। এতটা পাবে সে প্রত্যাশা করে নি। পঁচিশ হাজারের প্রত্যাশার স্থলে সে পঁয়ত্রিশ হাজার পেয়েছিল। দাদাদের সঙ্গে রেবারেবি করে রমলা শেষ ডাকে তিরিশ হাজার থেকে একেবারে পঁয়ত্রিশ হাজার টাকা দর তুলে দিয়েছিল।

সে সময় দেবগ্রামে শেষ দশ দিন সে রমলার কাছে হাক্ চাটুজ্জের বাড়িতেই থেয়েছিল।

এই সম্পত্তি বিক্রয় ব্যাপারটা নিয়ে দাদাদের সঙ্গে মুখদেখাদেখি বন্ধ হয়েছিল ; করেছিল তারাই ; তবে সে ধর্মনিরপ্তিধর্মনি তুলতে এতটুকু পিছোয় নি বা ঘিধা করে নি। শুধু মা তার আশ্চর্য। তিনি এগিয়েছিলেন কি পিছিয়েছিলেন তা সে বলতে পারবে না, তিনি সে সময় এসেছিলেন দেবগ্রামে। একই বাড়িতে অর্থাৎ তার বা তাদের বাড়িতেই ছিলেন—তবে তিনি খাওয়াদাওয়া করতেন ঠাকুরবাড়িতে।

মা শুধু একদিন তাকে বলেছিলেন—অমিগুলি তুমি ভূদানে দান কর এই আমার ইচ্ছে।

সে বলেছিল—তোমার কস্তে একটা অংশ থাকছে সেটা তুমি দিয়ে দিও। আমি ভূদানে বিশ্বাস করি না।

মা অনেকক্ষণ চুপ করে থেকে বলেছিলেন—সত্যিই দেবোত্তর থেকে দেবোত্তরের খরচ আজকাল কুলোয় না। পিতৃপুরুষের পূজো—তাতে তুমি কিছুই দেবে না ?

সে বলেছিল—না। তোমরাই আমাকে—

মা বলেছিলেন—থাক কারণ দেখাতে হবে না।

তারপর বলেছিলেন—এ বাড়িও বিক্রি করবে ?

সে বলেছিল—স্বির করি নি। তবে রেখে কি করব ? কোন্ বাধনে বাধা থাকব গ্রামের সঙ্গে ? বাড়ি রাখলেও ইটগুলো ক্রমে খসে পড়বে। জাতিরা দরজা জানালা ছাড়িয়ে নেবে।

বাস্। এর পর আর কথাবার্তা হয় নি। মা মুখ বন্ধ করেছিলেন। পরের দিনই তিনি চলে গিয়েছিলেন। টেলিগ্রাম এসেছিল। গেছিলেন উড়িষ্যায়। নবকৃষ্ণবাবুদের ওখানে।

সে ছিল ; তখন বিক্রীকবালা লেখা হচ্ছিল। বাড়ির সম্পর্কে শেষ মীমাংসা করে দিয়েছিল রমলা। তারই নেবার কথা ছিল বাড়িধানা। সেই শেষ পর্যন্ত বলেছিল—না বাড়ি তুমি বিক্রি করো না অংশদা। ওটা তোমারই থাক। ও আমি নেব না। ওটা বাদ থাক। আমি বরং ভাড়া নেব। এখানে এসে ওই বাড়িতে থাকব। ভাড়া নগদ দেব না। বাড়িটা মেরামত করাব। পরিষ্কার রাখব।

এই লেনদেনের মধ্যে শেষের আসরে রমলাই ছিল প্রধান। অংশদান অবাক হয়ে এই বৃদ্ধ অবস্থাপন্ন ব্যক্তিটির গৃহিণীটির কথা শুনেছিল। মনে পড়েছিল পুরনো রমলাকে। সে কি এই ? বাহার সাল থেকে চুয়ার সাল—তিন বছরে রমলার পরিবর্তন দেখে তার বিশ্বাসের আর শেষ ছিল না। এ যেন সে প্রগল্ভা গায়েরপড়া সেই মেরেই নয়। এ এক আশ্চর্য মর্যাদাময়ী মেয়ে। বয়স বড়জোর আঠারো পার হয়ে উনিশে পড়েছে ; দেখে যৌবন ওর প্রচুর ছিল—এখন তাতে ভাদ্রের পূর্ণিমার জোয়ার লেগেছে। কিন্তু সব উজ্জলতা তখন শান্ত হয়ে গেছে। একেবারে গিন্নীবাসীর মতই সে তখন ওই পঞ্চায়-বাট বছরের পাকাচুল তুঁড়িওলা স্বামীটিকে দিবা যেন দোক্তার কোটো বা চাবির গোছার মত আঁচলের খুঁটে বেঁধে পিঠে ফেলে নিয়ে ঘুরে বেড়াচ্ছিল। অথবা ভক্তলোকই পোষা বিড়ালের মত বা চাবীর বাড়ির পুরনো বলদের মত তার পায়ে পায়ে বা গায়ে গায়ে ঘুরে বেড়াতেন।

রমলা সেদিন সকালেই কথাটা যখন বলেছিল তখন ভক্তলোক নবীনবাবু রমলার কাছেই

বলেছিলেন। তিনি সঙ্গে সঙ্গে সার দিয়ে বলেছিলেন হ্যাঁ, ওটা থাকবে। তার সঙ্গে টাকা কম করব না আমরা। দলিল পত্রিশেরই হবে। তবে আমাদের বাপনা বাড়িখানা আমাদের রক্ষণাবেক্ষণ রাখেন, আমরা মেরামত করাব, যখন আসব থাকব।

রমলা বলেছিল—সেই কথাই ভাল অংশদা। বাড়িটা বেচলে আর কোনদিন তোমাকে পাব না। তুমি আর এখানে আসবে না। দেখ, সম্পত্তি আজ যেটা তোমার কাল সেটা আমার হয়। কিন্তু বাড়ি নিতে নেই। তা ছাড়া তোমার মা রয়েছেন।

সে বলেনি কিছু, শুধু শুনেই গিয়েছিল।

দলিল রেজিস্ট্রি হয়েছিল বর্ধমানে ডিস্ট্রিক্ট রেজিস্ট্রারের আপিসে। আগের দিন সন্ধ্যাবেলা মনটা তার অত্যন্ত বিষন্ন ছিল। বিষয়কে ভূমিকে সম্পত্তিকে ঘৃণা করি, চাই না একথা মুখে বলা সহজ। বক্তৃতামঞ্চে হাততালি মেলে কিন্তু এই বিষয় বিক্রি করার যে এতখানি বেদনা এর আগে সে বুঝতে পারে নি। জমিদারির দলিল আগেই হয়ে গেছে কিন্তু তাতেও এতটা যেন যোগ ছিল না। চাষের জমি বাগান পুকুর। এর আশ্রয় মমতা। সামনের বাগান পুকুরের দিকেই সে তাকিয়ে ছিল—দেখছিল নিম্পলক দৃষ্টিতে।

একসময় রমলা এসে দাঁড়িয়েছিল তার সামনে। সে তার দিকে তাকিয়ে বলেছিল—রমলা?

—হ্যাঁ। একটা কথা বলতে এলাম।

—বল!

—বলছি, বছরে একবার করে যেন এসো। কেমন? এই উপরতলাটা পুরো তোমার সঙ্গে বন্ধ থাকবে। নিচেটা আমরা ব্যবহার করব। আমার কাছে থাকবে থাকবে। কেমন? সে তার মুখের দিকে তাকিয়ে দেখেছিল।

মনে পড়েছিল সেই একরাত্রির কথা! সেই গভীর রাত্রে দরজার বাইরে থেকে চাপাগলার আশ্রয় বাসনাব্যাকুল ডাক, অংশদা! অংশদা!

রমলার চোখের দিকে তাকিয়ে মনে হয়েছিল আজও চোখের দৃষ্টিতে সেই ব্যাকুলতা মাখানো রয়েছে। মনে হওয়ামাত্র চকিতে চিন্তা উদ্বেল হয়ে উঠেছিল, কানের পাশ দ্বিটো গরম হয়ে উঠেছিল, ভিতরে যেন আবাড়ের মেঘ ডেকে উঠেছিল গুরুগুরু ডাকে। সে হাত বাড়িয়ে রমলার হাতখানা টেনে নিয়েছিল নিজের উত্তপ্ত হাতের মধ্যে।

রমলা কিন্তু হাতখানা টেনে নিয়েছিল—বলেছিল—ছাড়ো।

বুকের মধ্যে যে আবেগটা আকস্মিক ভেগে উঠে ফুল ফেঁপে উঠছিল সেটা সেদিন তাকে সেই আদিম কালের মাহুয়ে পরিণত করেছিল একমুহুর্তে, যে মাহুয় নির্জনে নারীকে একাকিনী দেখলেই মুহুর্তে চঞ্চল হয়ে উঠে তার উপর ঝাঁপিয়ে পড়ে। রমলার টেনে নেওয়া হাতখানা আবার হাত বাড়িয়ে ধর করে ধরে গাঢ়ভাবে অসহনশীলতার সঙ্গে বলেছিল—র—ম—লা!

রমলা তার দিকে কিছুটা স্কোভুক বিষয়ে ফিরে তাকিয়ে বলেছিল—কি?

সে আবার বলেছিল—রমলা। এবং ওই ডাকটির মধ্যেই তার সব কথা সে একটি বিগলিত আবেগের মধ্যে ব্যক্ত করেছিল।

রমলা বলেছিল—পাগলামি করো না। আমার অনন্ত নরকে স্থান হবে না। আমি তা পারব না। তা হয় না।

বলেই সে পিছন ফিরেছিল চলে যাবার জন্তে। তার হাতখানা তখনও অংশুমানের হাতের মধ্যেই ছিল, সে হাতখানা আবার টেনে নিতে চেয়েছিল রমলা। অংশু দিখিদিগ জ্ঞানশূন্য হয়ে গিয়েছিল মুহূর্তে। সে হাতের মুঠি শক্ত করে সজোরে রমলাকে আকর্ষণ করেছিল তাঁর দিকে। রমলা টলে পড়ে গিয়ে এসে পড়েছিল অংশুমানের বুকের উপর। সে রমলাকে সবলে বুকে জড়িয়ে ধরতে চেষ্টা করেছিল।

রমলা একটা চাপা চীৎকার করে উঠেছিল—অংশুদা।

একটা গোখরো সাপের গর্জনের মত তার সে চাপা গর্জন। সে গর্জনকে উপেক্ষা করতে পারে নি। কেউই পারত না। একটু চকিত হয়ে তার মুখের দিকে তাকিয়ে আরও চকিত হয়েছিল অংশুমান। রমলার চোখ দুটো জলছিল। এবং ছুঁপাটি ধারালো ঝকঝকে দাঁত মেলে সে তাকে মুগের উপরেই হিংস্র জন্তুর মত কামড়াতে উত্তত হয়েছিল। অংশুমান বিব্রত হয়ে বী হাতখানা দিয়ে আড়াল দিয়েছিল রমলার মুখকে। রমলা তার হাতেই কামড় বসিয়ে দিয়েছিল। ক'ড়ে আঙুলের নিচে বী হাতের তেলোর কয়েকটা দাঁতের দাগ আজও আছে। সেদিন দাঁত বসে গিয়েছিল। রক্ত পড়েছিল। সঙ্গে সঙ্গে তার জ্ঞানও ফিরেছিল—সে তার হাতের বাঁধন আলগা করে দিয়ে বলেছিল—আমাকে মাপ কর তুমি। অপরাধ করে ফেলেছি।

রমলা কোন কথা বলে নি। নিঃশব্দে উঠে তার বিপর্যস্ত বেশবাস একটু সামলে নিয়ে ক্ষতপর্দে ঘর থেকে বেরিয়ে গিয়েছিল। দরজার মুখে শুধু একবার দাঁড়িয়ে বলেছিল—পালিয়ে যাবার পাগলামি করো না যেন। ভালো হবে না। তা অংশুমান করে নি। করবার লোক সে নয়। অতদীর প্রসঙ্গের মত এ প্রসঙ্গকেও সে স্বীকার করতে প্রস্তুত ছিল।

রাত্রে রমলা আবার চাকর সঙ্গে করে খাবারের থালা হাতে নিয়ে এসেছিল তাকে খাওয়াতে। মেয়ে জাতটাই বিচিত্র। রমলাকে দেখে বুঝবার উপায় ছিল না যে কয়েক ঘণ্টা আগে এত কাণ্ড ঘটে গেছে। এ সম্পর্কে শুধু দুটি কথা বলেছিল। জিজ্ঞাসা করেছিল—হাতটা কতটা কেটেছে?

উত্তর শুনতে চায় নি। চাকরটাকে বলেছিল—টিকার আইডিন এনেছিস তো? ওই টেবিলে রাখ।

যাবার সময় বলেছিল—সব পারি অংশুদা এইটে শুধু পারি না। হাজার হলেও হিঁদুর মেয়ে তো!

উত্তরে কথা অনেক ছিল। অনেক হিঁদুর মেয়ের নজীর অংশু দিতে পারত। কিন্তু একটা কথাও সে বলে নি, বলতে পারে নি। পরের দিন সকালে উঠে ট্যাক্সি করে বধমানে এসে দলিল রেজিস্ট্রি করে দিয়ে কাঁচা পূরজিণ হাজার টাকা নিয়ে সে কলকাতা এসেছিল। বাড়িটা দলিলের বাইরে থাকল কি বিক্রী করা সম্পত্তির সঙ্গে ভুক্তান হয়ে গেল তা আর বাচাই করে নি। এ নিয়ে কথাও হয় নি। তবে রমলা মধ্যে মধ্যে চিঠি লেখে—একবার এসো।

বাড়ির কিছু অদল বদল দরকার—সেগুলো এসে দেখে “হ্যাঁ” “না” অন্তত বলে যাও। কিন্তু সে যায় নি।

অনেকবার সে উত্তর লিখেছে—“রমণা, একালের ছেলে আমি অংশুমান—আমি সবই পারি শুধু—শুধু মাটি সম্পত্তির বাঁধনে বাঁধা থাকতে পারি না। আর ছোট জায়গায় থাকতে পারি না। তার চেয়ে কলকাতাতে বাড়ি করে তোমাকে নৈমন্ত্য করব, এসো দেখা হবে।” কিন্তু লিখেও ছিঁড়ে ফেলে দিয়েছে।

*

*

*

এই বাড়িখানা সেই টাকার।

একালের একটি আধুনিক জীবনের জন্ত একটি সুন্দর নীড় গড়ে তুলতে চেয়েছিল। গড়ে দিয়েছিল বলতে গেলে শিবকিংকর।

সাতাশ সালে সে ইলেকশনে নামবে স্থির করেছিল। পাটি নর ইণ্ডিপেন্ডেন্ট হিসেবে। ওই দেবগ্রাম থেকেই। কোথা থেকে শিবকিংকর খবর পেয়েছিল কে জানে সে এসে হাজির হয়েছিল তার হোটেল।

সেই তার পুরনো বোর্ডিং-হাউস। সেটার এ ক’বছরে কিছু উন্নতি হয়ে হোটেল নাম দিয়েছে তখন। সে বললে—বাড়িটা তুমি কেনো। শুধু বাড়িটাই কেনালে না, আজকের এই ভবিষ্যতের পত্তন সেদিন সে-ই করে দিয়েছিল। সে ভেবেছিল রাজনীতি করবে। এককালে শুনেছিল কলিতে অশ্বমেধ যজ্ঞ আর হয় না, অশ্বমেধের রূপান্তর হয়েছে; শরৎকালে দুর্গাপূজাই হল অশ্বমেধ। সে আবিষ্কার করেছে কলিতে রাজস্বয় যজ্ঞ আর হয় না কারণ রাজতন্ত্রই থাকবে না—একে একে রাজতন্ত্রের দেউটি নিভেছে কিন্তু তা বলে রাজস্বয় যাবে না, গণতন্ত্রের কালে রাজস্বয় যজ্ঞের কল মাহুয পেতে পারবে বা পাচ্ছে রাজনৈতিক ইলেকশনে। ইণ্ডিপেন্ডেন্ট হয়ে ইলেকশনে নামবার সংকল্প থাকলেও ইলেকশন জিতে কোন পাটির সঙ্গে হাত মেলাবে তারও একটা খসড়া তার করা ছিল। কিন্তু শিবকিংকর এসে সব গোলমাল করে দিলে।

শিবকিংকর হঠাৎ এসে হাজির হল রঞ্জন বোসকে নিয়ে। রঞ্জন বোস ছবির প্রাতিউদার হিসেবে নামছে। ছবি করবে। ছবিতে অভিনী নামবে। অভিনী বলেছে অংশুর কাছে গল্প কেনো। ওই ‘কালরাত্রি’ গল্প। সেইখানেই শিবকিংকর তাকে দেশের সম্পত্তি বিক্রি করার কথা জিজ্ঞেস করে বলেছিল—টাকাগুলো নিয়ে কি করবে? ওড়াবে?

সে উত্তর দেয় নি। বিরক্তি বোধ করেছিল।

শিবকিংকর তাতে দমে নি। সে উত্তরের অপেক্ষা না করেই বলেছিল—একখানা বাড়ি কেনো না। কিনবে?

বাড়ি?

বাড়ির একটা মোহ আছে। শব্দটাই মুহূর্তে তাকে চকিত করে তুলেছিল একটু। মুখ থেকে বেরিয়ে এসেছিল প্রায় ‘আপনাআপনি’ যাকে বলে ঠিক সেইভাবে—বাড়ি?

সে বাড়ি এই বাড়ি। বাড়িখানা অভিনী।

কনট্রাক্টর হিসেবে তৈরী করাছিল ওই রঞ্জন বোস। ব্যবসাদার মানুষ রঞ্জন বোস। ব্যবসাদারের ছেলে ব্যবসাদার। কয়লা, অত্র, পাট, কনট্রাক্টরী অনেক রকম শাখা আছে বোস অ্যাণ্ড সন্দের। সেই সূত্রেই রঞ্জন বোসই অতসী গুণ্ডাকে জমি বিক্রি করেছিল ইনস্টল-মেন্টে এবং সেই বাড়ি তৈরীর কনট্রাক্ট নিয়েছিল। দু কাঠার উপর তিনতলা বাড়ি—নিচতলার তিনখানা ঘর, দোতলার দুখানা, তিনতলার একখানা এবং তার বহুবিধ বৈচিত্র্য। ১৯৫৪.৫৫ সালে তার এটিমেট ছিল ষাট হাজারের কাছে। রঞ্জন বোস অতসীর নামের উপর বিশ্বাস রেখেছিল অথবা ব্যক্তিগতভাবে তার উপর বিশ্বাস রেখেছিল সে কথা সেই জানে। তবে তাকে ছবিতে নামিয়ে একখানি সাকসেসফুল ছবি করার প্রত্যাশা সে করেছিল। একখানা ছবি মার খেয়েছে। এখানা দ্বিতীয় ছবি। এবার অতসীর কাছে প্রাপ্য টাকার জন্তে সিকি-সমাপ্ত বাড়িখানা বিক্রি না করে উপায় নেই। ‘বাড়ি’ এই শব্দটাই তার মনে মোহের সঞ্চার করেছিল। নতুন যুগে কংগ্রেস পর্যন্ত ‘আবারী’ অধিবেশনে সোসালিস্টিক প্যাটার্ন অব সোসাইটির কথা বলছে; সম্পত্তি এবং মালিকানি রাষ্ট্রবের পক্ষে নিঃসন্দেহে নিন্দার কারণ হয়েছে; অংশুমান দেশের সম্পত্তি বেচে দিয়ে সম্পত্তিবানদের সঙ্গে সম্পর্ক চুকিয়েছে এসবই সত্য; তবুও ‘বাড়ি’—‘আমার বাড়ি’ এর একটা মোহ আছে সেটা তাকে পেয়ে বসেছিল সেদিন। সে সেই সিকি সমাপ্ত বাড়িটাকে কুড়ি হাজারে কিনে রঞ্জনদের বোস অ্যাণ্ড সন্দের দিয়েই আরও আট হাজার টাকার একতলা শেষ করে নিয়েছিল।

বাড়িটা নিয়ে কত কল্পনাই যে সে করেছে। এবং এই বাড়িখানাই বিচিত্রভাবে বঙ্কিম পথে ‘অভাবিত সূত্র’ দিয়ে আকর্ষণ করে আজ তাকে এইখানে এই ভ্রমকর অনিবার্ণের সঙ্গে মুখোমুখি দাঁড় করিয়ে দিয়েছে।

সে ভেবেছিল, মোটামুটি ঠিকই করে ফেলেছিল সে ইলেকশনে দাঁড়াবে। কিন্তু এই বাড়ির জন্তেই যোগাযোগ হয়ে গেল রঞ্জনের সঙ্গে। সেই যোগাযোগের জন্তেই রাজনীতির পথে বাড়ানো পাখানা কিরিয়ে নিয়ে ফেললে সে নাটকের পথে।

রঞ্জন শুধু অতসীর মোহে ছবি করতে নামে নি। তার ছিল অভিনয়ের শখ। নাটকের নেশায় ছিল পাগল। নাটকের জন্তেই তার প্রথম পরিচয় হয়েছিল অতসীর সঙ্গে। অভিজাত গৌরবান্বিত একটি প্রতিষ্ঠান ছিল তাদের। ষোড়শী সংঘ। ষোড়শী সংঘের সভাই খ্যাতি ছিল এবং খ্যাতির দাবিও তাদের মিথ্যে ছিল না। রঞ্জন ছিল তার হিরো। শচীন সেনগুপ্ত ছিলেন তাদের সভাপতি। ষোড়শী সংঘই তার কালরাত্রির নাট্যরূপকে অভিনয় করলে যথেষ্ট। সে অভিনয়ের সমস্তক্ষণ একটা অশ্রুতি বোধ করেছিল অংশুমান। রঞ্জন ছিল নায়ক এবং নায়িকার ভূমিকায় অভিনয় করেছিল অতসী। দুটি ভূমিকাই অস্বস্তি: সার্থক হয় নি অংশুমানের মতে। তবু সে খ্যাতি পেল।

প্রবন্ধকার হিসেবে যে-খ্যাতি একদিন পেয়েছিল সে-খ্যাতি তার গান রচনা করে গীতিকার হিসেবে বৃদ্ধি পেয়েছিল; আরও বৃদ্ধি পেল সে-খ্যাতি গল্পলেখক হিসেবে। সে গল্প নাটক হয়ে যে খ্যাতি এনে দিলে সে অভাবিত। রেডিয়ো নাটকটি অভিনয় করলে। এবং সে

অভিনয় শুনে বাংলাভাষায় পারদমা বাংলার বউ এক বিদেশিনী স্নাইডিশ মেয়ে নাটিকাখানি অহুবাদ করলে তার মাতৃভাষায়।

এর ফলে, অংশুমান রাজনীতির দিকে পিছন ফিরলে, এম-এ পরীক্ষাও আর দিলে না। সে নাটক নিয়ে পড়ল। শুধু লেখাই নয়, সে অভিনয় করবার জন্তও এগিয়ে এল।

ষোড়শী সংঘের সভায় সে প্রস্তাব করেছিল, ষোড়শী সংঘ যদি অহুমতি দেয় তবে সে নিজেকে একবার ‘কালরাজি’র নায়কের ভূমিকায় অভিনয় করতে চায়। না হলে সে নিজে একটা সংঘ তৈরী করে অভিনয় করবে।

উৎসাহের সঙ্গে সর্বাঙ্গে তার প্রস্তাব সমর্থন করেছিলেন সভাপতি সেনগুপ্ত। বলেছিলেন—আমি আশা করব চৌধুরী, তুমি পারবে অসাধারণ একটা অভিনয় করতে। গোটা দেশের জন্ত আশা করব। স্টেজ আজ মেকানিক্যাল হয়ে যাচ্ছে। নাটক নেই। নতুন করে গিরিশচন্দ্রের মত নট-নাট্যকার একাধারে চাই। তুমি কর। আমরা দেখতে চাই তোমাকে যাচাই করে।

নাট্যিকার অভিনয় অতসীই করেছিল।

সেদিনের পথ বদলের পালায় অতসীর হাতছানিই কি সব থেকে বড় আকর্ষণ ছিল? অতসীই কি ছিল সেদিনের সোনার হরিণ?

সত্যকে অস্বীকার করতে তো পারবে না অংশুমান। আকর্ষণ একটা ছিল। কারণ এই অভিনয়ের পরই তার সঙ্গে অতসীর সম্পর্ক আবার একবার নতুন করে গড়ে উঠেছিল।

শিবকিংকর—অজুত শিবকিংকর—তার কাছে তার অত্যাশ্রয় নেই, ধর্ম অধর্ম নেই—বাঁচবার জন্তই হোক আর আনন্দের জন্তই হোক যা প্রয়োজন হয় করে যায়। সেই তাকে হাতে ধরে অতসীর কাছে অথবা অতসীর হাত ধরে তার কাছে পৌঁছে দিয়েছিল। প্রথম দিনের রিহারসালে সেই নিয়ে এল অতসীকে। অতসীর পাট তৈরী ছিল। সে নিজে নাট্যকার। তার পাট তৈরী থেকেও বেশী কিছু ছিল। গোটা বইটারই জন্ম ছিল তার অন্তরের সৃতিকাগৃহে। তবে কিছু অদলবদলের জন্ত প্রয়োজন ছিল রিহারসালের। অতসীকে অংশুমান ছবির পর্দায় এবং স্টেজে দেখেছিল কিন্তু আসল অতসী হিসেবে তার সঙ্গে সেই ৪৮ সালে স্মৃতিস্তম্ভ-উদ্বোধন সভার পর এই প্রথম দেখা। ১৯৪৮ সাল আর ১৯৫৪ সাল—পূর্ণ ন’ বছর। এই ন’ বছরের মধ্যে কতবার নিমন্ত্রণ করেছে শিবকিংকর—অতসীর নিমন্ত্রণ জানিয়েছে কিন্তু অংশুমান নেয় নি সে নিমন্ত্রণ।

ন’ বছর পর অতসীকে দেখে তার ভারী ভাল লেগেছিল। বড় পরিচ্ছন্ন সাদাসাণটা পোশাকে সে এসেছিল সেদিন। সব থেকে বিস্ময় লেগেছিল এই দেখে যে, এই ন’ বছরে অতসীর বয়স যেন সাড়ে চার বছরও বাড়ে নি। মনে হয়েছিল তার রূপকে পরিপূর্ণ কোটা কোটাতে বড়টুকু বয়স বাড়ার প্রয়োজন ডডটুকু বেশী বোধ করি একটা দিনও বাড়ে নি।

অতসী তাকে দেখে একটু ভারী মিষ্টি হাসি হেসেছিল। তাদের সে সম্পর্কের কথা শিবকিংকর ছাড়া কেউ জানত না তবু আসরে উপস্থিত সকলেই পুলক চাকল্য অহুভব

করেছিল।

শতীনদার প্রকৃতিই ছিল গভীর—রসিকতার মধ্যেও সে-গভীর প্রকাশ পেত—তিনি সেই ভাবিতেই বলেছিলেন—অতসী, এই হাসির টুকরোটুককে কিন্তু আমরা অভিনয়ের মধ্যে দেখতে চাই। বুঝলে। অংশু, তুমি স্টাফ হলে কেন? এঁ্যা। ইয়ং ম্যান তুমি। এখন হাসিতে কোথায় উল্লসিত হয়ে উঠবে, না স্টাফ হয়ে যাক। অভিনয়ে তো তোমাকে বেশী বিগলিত হতে হবে হে।

হাসির রোল পড়ে গিছিল।

শতীনদার কথাগুলি আজও কানে বাজছে। তিনি বলেছিলেন—জান, সেদিন একজন বলছিল, ছোকরার চেহারা দেখে ওথেলোর কথা মনে পড়ে। ওথেলো দি মুর। আমি বললাম—রাম কহো। তোমরা বাবা একেবারে জর্ডনভটের বাসিন্দে। কেন—যমুনাতটের কালো দুর্দাস্ত ছোকরাকে মনে কর না কেন? বুন্দে থেকে রাখা পর্যন্ত তার প্রেমমুগ্ধ।

এরই মধ্যে সে কখন সহজ হয়ে উঠেছিল এবং হৃদয়ের মধ্যে জেগে উঠেছিল সেই আবেগ, যে আবেগে মেঘ-ঝরা-জল নদীর বুকে স্রোতের বেগে এবং কলকল্লোলের ধ্বনিতে জেগে ওঠে।

রিহারসাল শেষ হলে শিবকিংকর বলেছিল—এস অংশু—গাড়ি রয়েছে—তোমাকে হোটেলের নামিয়ে দিবে যাই।

আপত্তির যা কিছু তা রিহারসালের মধ্যে দিয়েই বোধ হয় কেটে গিয়েছিল। তবু একটু ইতস্ততঃ করেছিল।

অতসীই ডেকেছিল এবার—আমুন।

গাড়ির মধ্যে উঠে পিছনের সিটে পাশাপাশি বসে অতসী তার হাতখানা চেপে ধরে বলেছিল—এইবার!

তখনও কথা বলে নি অংশুমান।

অতসী বলেছিল—বাবাঃ, এত রাগ!

এরই মধ্যে গাড়ি তার হোটেলের না গিরে এসে উঠেছিল অতসী-শিবকিংকরের বাসার।

সে অবাক হয়ে গিয়েছিল।

দোতলা বাড়ি। অতসী থাকে দোতলার, শিবকিংকর একতলার। এবং একতলার শিবকিংকরের এক পরিপূর্ণ সংসার, তার স্ত্রী তার পুত্র কন্যা; রান্নাবান্না পর্যন্ত আলাদা।

শিবকিংকরের দুই সংসার। অতসীই তার এ বিয়ে দিয়ে তাকে সংসারী করে দিয়েছে। সেও শিবকিংকরের স্ত্রী। তার থেকে মুক্তি সে নেয় নি। তবু—। সে নিজেই হেসে বলেছিল—দেখ আমি তোমার জন্তে পাগল হয়েছিলাম বলেই তোমাকে বাঁধতে চাই নি। আমার বাঁধন পড়লে তুমি এই যে বাড়টা বেড়েছ এ তুমি বাড়তে না। তাই সেদিন ওকে ধরেছিলাম। ও আমাকে ঠিক আমার তোমাকে ভালবাসার মত ভালবেসেছিল তাই বলেছিল—। থাক বলব না সে কথা।...তোমাকে ভালবাসবার অধিকার দিয়েছিল। ওর সঙ্গে ঘর বেঁধেছিলাম নির্ভরে—ও বাঁধবে না আমাকে। তাই চলেছিল বছর দুয়েক। তারপর

বুঝলাম ওর বুকের দুঃখ। বুঝলে—বেটাছেলে পুরুষ যে তার স্ত্রীর উপর একাধিপত্য না হলে চলে না। মন ভরে না। বুক ভরে না। যাদের ভরে তারা পুরুষই নয়। তাই নিজে দেখে শুনে বিয়ে দিয়ে দিলাম; পর কেউ নয়—আমারই বোন। অগ্নিসাক্ষী করে বিয়ে দিয়েছি। আমাদের বিয়ে হয়েছিল কালীঘাটে। তোমার শিবকিংকর দাদার মাথার থাকি আমি—পাশে থাকে ‘সতী’। আমি শিবের মাথার গন্ধার মত বিশ্বভুবন চরে বেড়াই। মন মাতলে দুঃখস্ত রাজার দরজায় হানা দি। বুঝেছ।

সেদিন রাত্রে অভঙ্গীর বাড়িতে খেয়ে সে বাড়ি ফিরেছিল।

বিদায় দেবার সময় অভঙ্গী বলেছিল—আমার প্রাণ মত বাড়িখানা কিছু কমপ্লিট কর। আমি খুব শখ করে করিয়েছিলাম। নিচতলার মাঝখানে হল, সিঁড়ির তিন দিকে তিনখানা ঘর। দোতলার দুখানা ঘর ‘হল’, খানিকটা খোলা ছাদ, তিনতলার হল আর একখানা ঘর—বাকীটা সব খোলা ছাদ। সেই ছাদে টেবের বাগান।

অংশুমান বেশী কথা বলে নি।

মনের আকাশটা আসন্ন ঝড়ের আকাশ হয়ে উঠেছিল। একটা গুমোট যেন মাটি কেটে উপরের দিকে উঠেছিল।

সেদিন রাত্রে ফিরে এসে চুপচাপ বসেছিল রাত্রি দুটো পর্যন্ত। মনের মধ্যে ঝড় বইছিল তখন।

দেহ আর মনে সে সংগ্রাম প্রচণ্ড।

মাটি ফেটে আগুন উঠে আকাশকে কালো করে দেওয়ার কথা সে পড়েছিল। সেদিন সে তা অল্পভব করেছিল।

আকাশ সে নিতান্তই অলীক, একটি নয়নাভিরাম ছলনা—প্রসন্ন কোমল নীল নির্মল পরিভ্র। আসলে সে মিথ্যা।

মাহুঘের নির্বোধ সংস্কারাচ্ছন্ন মন তবু বলে আমি বড়, আমি সত্য।

প্রায় রাত্রি একটার সময় হঠাৎ খাতা কলম নিয়ে বসেছিল। নাটক লিখবে। প্রথমেই লিখেছিল নাটকের নাম—“যোজনগঙ্গা”।

প্রথম দৃষ্ট চুকেছিল—গন্ধার ঘাট। নৌকা নিয়ে ঘাটে অপেক্ষা করছে ধীবররাজকন্যা সত্যবতী।

অপক্লপ ক্লগনী মেয়ে।

এসে প্রবেশ করলেন ব্রহ্মর্ষি পরাশর। এবং স্থির একাগ্র দৃষ্টিতে তাকিয়ে রইলেন ওই পরিপূর্ণযৌবনা ক্লগনী ধীবরকন্যার দিকে। সে দৃষ্টি শুধু একাগ্রই নয় তারও থেকে কিছু বেশী।

তার পারে তাঁর সকল উপশ্রাবল নামিয়ে দিয়ে বলেছিলেন পরাশর—তোমার ক্লপের মধ্যে কি অক্লপ ব্রহ্ম ক্লপান্বিত হয়েছেন? তোমার সর্বাঙ্গে পেলবতার মধ্যে উত্তাপের মধ্যে মনে হচ্ছে ব্রহ্মই যেন তাঁর স্পর্শকে সঞ্চারিত করেছেন তোমার দেহগন্ধের মধ্যে—

মৎস্তগন্ধা বলে উঠেছিল—ছি ছি ঋষি এ কথা বলে না—আমার সর্বদে তীব্র কুৎসিত মৎস্তগন্ধ জন্ম থেকে উৎপন্নিত—আমার দেহগন্ধের জন্ত এক মক্ষিকা ছাড়া অন্য কোন কীটপতঙ্গও কাছে আসে না।

পরামর্শ বলেছিলেন—কে বলে ? তোমার দেহ থেকে পারিজাতগন্ধ নির্গত হচ্ছে—আমি তার নিখাস নিচ্ছি—

মুহুর্তে তাই ঘটেছিল এবং কস্তা অভিভূত হয়ে বলেছিল—এ কি করলে তুমি ঋষি ? তুমি আমার এ কি করলে ? আমার আশ্চর্য এক ঘুমন্ত মন জাগ্রত হয়ে ফুলের মত ফুটে উঠেছে। বুকের মধ্যে কামনা যেন আকাশের বুকে মেঘের মত আলোড়িত হচ্ছে। আমি দেখছি—

মৎস্তগন্ধা দেখেছিল এক শিশুকে। কৃষ্ণবর্ণ এক সন্তান। কিন্তু আশ্চর্য তার দীপ্তি। সে তাকে ডেকেছিল মা বলে।

ঋষি পরামর্শ তার মধ্যে দেখেছিলেন নিম্প্রাণ বস্তুপুঞ্জের মধ্যে প্রাণকে—জড়ের মধ্যে জীবনকে—অপরূপের মধ্যে রূপকে। দেহের মধ্যে জীবনের দাবিকে মেনে গিয়েছিলেন অবনত মস্তকে। স্বীকার করে নিয়েছিলেন সম্ভোগকে। বলেছিলেন—আমরা যা জানলাম না—আমরা যাকে প্রকাশ করতে পারলাম না তাকে জানবে এবং প্রকাশ করবে আমাদের উত্তরপুরুষ।

সে নাটক আজও শেষ হয় নি।

সেই ততটুকু লেখা হয়েই পড়ে আছে। মধ্যে মধ্যে মনে হয় লিখবে কিন্তু লেখা হয় না। পরের দিনই সে সেই একটা দৃশ্য নিয়ে অতসীকে শোনাতে গিচ্ছিল।

শুনতে শুনতে অতসীর মুখে বিচিত্র হাসি ফুটে উঠেছিল। সে হাসি দেখে সে যেন একটা আশ্চর্য অশ্রুতি অনুভব করেছিল। মনে হয়েছিল ওই হাসি হেসে তাকে ব্যঙ্গ করেছে অতসী। সে থেমে গিয়েছিল। এবং প্রশ্ন করেছিল—হাসি কেন বল তো ?

—হাসি নাকি ? প্রশ্ন করেছিল অতসী।

—হাসি না ? হাসি। এর মধ্যে হাসির কি গেলে ?

এবার অনেকখানি হেসে ফেলেছিল অতসী। হাসি ধামিয়ে একসময় গম্ভীর হয়ে বলেছিল—ভ্রূণ কবি—কলম ধরলে আর আকাশে মন ছোটালে আর তোমাদের মাটির কথা মনে থাকে না।

—কেন ?

—ওই যে সত্যবতী ছেলের কথা মা-হবার স্বপ্ন দেখে—

—এ মিথ্যে কি হল ?

—সব মিথ্যে। ওখানে নারীর কাছে থাকে পুরুষ, পুরুষের কাছে থাকে নারী। ভগবানও বিলুপ্ত—আর ভ্রূণ পরামর্শ। তার তো কথাই নাই। আমার কথা, সন্তান আমি চাইই না। শুধু আমি কেন, এ যুগের কোন মেয়ে চায় না।

তবুও সে প্রতিবাদ করেছিল—বলেছিল—চাও। তুমি নিজেকে জান না।

আবার একবার খুব হেসে নিয়ে অতসী বলেছিল—আমার সন্তান কখনও হবে না

অংশুমান। আমার কাছে একালের সভ্যবতীদের কথা জেনে যাও।

সে স্তম্ভিত হয়ে গিয়েছিল।

অতসী বলেছিল; তার আগে কিছুক্ষণ সেও স্তব্ধ হয়ে বসেছিল তার মুখের দিকে তাকিয়ে। একসময় দীর্ঘনিশ্বাস ফেলে বলেছিল—যুদ্ধের সময় বাবার চাকরি গেল। মায়ের তখন তিনটে মেয়ে তিনটে ছেলে—ছটা, তার উপর পেটে একটা। পেটেরটা পেটেই মরল। মরা ছেলে হল। কোলেরটা না খেয়ে মরল। বাপ ভিক্ষে করতে লাগল। লোকে ভিক্ষে দেয় না। বাজারে আশুন লাগল। শেষে বাবা আমার হাত ধরে সন্ধ্যাবেলা নিয়ে যেত একটা বাড়িতে। তখন থেকেই সন্তান চাওয়া ছেড়েছি অংশুমান। তা ছাড়া—তা ছাড়া কোন দিন তুমি সকালে এস—তোমাকে দেখাব একটা ভিথিরী মেয়ে আসে ভিক্ষে করতে। আমি রুটি দিই। পাঁচটা ছেলে তার। ছেলেগুলোকে দেখলে ভয় করে। আরও দুটো না তিনটে তার হয়ে মরেছে। এ যুগে কেউ সন্তান চায় না সখা। আমার কথা ছেড়েই দাও—আমি মাতৃহতকে ধারালো ছুরিতে কেটে ফেলে দিয়েছি।

বিচিত্র হাসি হেসে বলেছিল—আক্ষরিক সত্য অর্থে ঋষি পরাশর। এ তোমার কল্পনা নয়।

আরও একটুকু চূপ করে থেকে অতসী বলেছিল—ও নাটক লিখো না। তার থেকে অস্ত কিছু লেখ। কিংবা ওই কথাগুলো বাদ দাও। অন্ততঃ আমাকে সভ্যবতী করতে দিলে ওগুলো বাদ দিতে বলব।

*

*

*

শচীনবাবু বলেছিলেন—জাট্‌স দি রিয়ারিটি অংশুমান। পৌরাণিক নাটক লিখবে বলে এ যুগের রিয়ারিটিকে অস্বীকার করলে চলবে না। পুরাণের খাতিরে অলৌকিক ছুঁচারেটে চালাও চালাও—ঘোটা মুটি মানুষ নেবে; কিন্তু বধু বাসরে যার কস্তুরক্ষে নব্র নেত্রপাতে—তার মধ্যে জোয়ারীর ঝংকারের মত সন্তানকামনা ধ্বনিত হয় এ সত্য আজ আর চলবে না।

শচীনবাবুর সঙ্গে সে আলোচনা করেছিল এ নিয়ে। মানুষটির প্রতি অসাধারণ ভ্রূদ্ধা ছিল তার। এবং অসাধারণ ভ্রূদ্ধারই মানুষ ছিলেন তিনি। বলেছিলেন—থরেছ তুমি ঠিক। এইজন্তেই তোমাকে বলি তোমার ক্ষেত্রে নাটকের ক্ষেত্র। এখানে এসে চেপে বস। ভাব। আজ সারা দেশটা কেন এমন হয়ে গেল, ভেবে দেখ। পিছনের কালের মানুষ আমরা—আমরা অনেক আদর্শে বিশ্বাস করেছি—সে আদর্শগুলো চোখের সামনে ভেসে যাচ্ছে দেখতে পাচ্ছি, এ কালকে তার জন্তে অভিযাপ দিচ্ছি, অভিযাপ ফলছে না। কেন ফলছে না? আমরা বড জোর গলা করে বলছি সে কথা একালে কেউ শুনছে না। কেন? চন্দ্র সূর্য গ্রহ নক্ষত্র সব মুছে গেল—সব মুছে গেল হে! অথাক হয়ে দেখছি। কিন্তু এ নিয়ে লিখবার ক্ষমতা নেই। এ লিখতে পার তোমরা। মানে আজও যে এ-যুগের নায়ক সেই লিখতে পারে। তুমি লেখ। তোমাকে ধন্যবাদ জানাচ্ছি। তোমার মনে এসেছে তুমি থরেছ।

শচীনবাবুকে সে বলে নি যে কথাটা তার নয়, কথাটা অতসীর। শচীনবাবুর প্রশংসা এবং

সাধুবাদ সত্ত্বেও কিন্তু সে অতসীর এ-সত্যকে গ্রহণ মনে গ্রহণ করতে পারে নি। শুধু তাই বা কেন? কথাগুলি ভাবত আর সে শিউরে উঠত।

অতসী মিথ্যা বলে নি। কিন্তু তবু সে তার কথা স্বীকার করে নিতে পারলে না। বোড়শী সংঘের অভিনয় প্রস্তাব বন্ধ হয়ে গেল। সে বললে—না। অভিনয় সে করবে না।

অতসী তাকে প্রশ্ন করলে—কেন? কি হল?

সে শুধু বলেছিল—না।

—সেই তো জিজ্ঞাসা করছি—কেন না?

—ভাল লাগছে না।

—একটা কথা বলব?

—বল।

—আমাকে ভাল লাগছে না বলে বলছ।

অনেকক্ষণ চুপ করে থেকে সে বলেছিল—মিথ্যে ঠিক বল নি। তুমি সেদিন যা বলেছ সত্যবতী নাটকের প্রথম দৃশ্য শুনে—তারপর তুমি যদি কালরাত্রির নারিকার ভূমিকার অভিনয় কর তবু নাটকটাই মিথ্যে হয়ে যাবে—নাটকই থেকে যাবে, সত্য হবে না।

—যানে?

—ডেবে দেখ, বুঝে দেখ।

অনেকক্ষণ পর বুঝতে পেরে অতসী হেসে দীর্ঘনিশ্বাস ফেলেছিল। বলেছিল—আর একটা কথা বলব?

—বল।

—রাগ করো না যেন।

—না।

—অবিশ্টি তুমি খাও বলেই বলছি। ও আমাকে বলেছে তুমি খাও। অন্ততঃ না-খাওয়াটাই ধর্ম এবং পুণ্য এই সংস্কারটা ভাববার জ্ঞানই খাও। তা আজ আনন্দের জন্তে খাও। এস ছুজনে খাই। খেলে হয়তো মনের ওই ভাবটা কেটে যাবে।

দুটো গ্রাসে খাটি বিলিভী মদ ঢেলেছিল অতসী। অতসীর আলমারিতে সে দেখেছিল এই বোতল কিন্তু সে মদ খায় একথা ভাবে নি। সেদিন গ্রাস হাতে নিয়ে বলেছিল—তুমি খাও? না?

ভারী মিষ্টি হেসে অতসী বলেছিল—খাব বলে আনিরেছিলাম। কিন্তু খাওয়া হয় নি। ওর সঙ্গে খেতে ভাল লাগে নি। এস আজ তোমার সঙ্গে খাই। দেখ, নতুন বোতল।

বোতলটা নতুনই ছিল।

সেদিন সে উপেক্ষা করে নি। ছুজনে একসঙ্গে বেশ খানিকটা পান করেছিল। কিন্তু শান্ত হয় নি, আরও অশান্ত হয়ে উঠেছিল। তাকে সেদিন ঘুম পাড়াতে অতসীকে বেগ পেতে হয়েছিল। সারা রাত্রি প্রায় তার শিররে বসেছিল। শেষরাতে অংশুমান ঘুমিয়ে পড়লে তার মুখের পাশে মুখ রেখে বসে বসেই চুপে পড়েছিল।

পরদিন সকালে উঠে সে উদ্ভাস্তভাবেই বেরিয়ে এসেছিল অতসী এবং শিবকিংকরের বাড়ি থেকে। অতসী ওখনও ওঠে নি। শেষরাত্রে ঘুমিয়ে সে ওখনও গাঢ় ঘুমে আচ্ছন্ন। শিবকিংকরকে নীচের তলায় ডেকে বলেছিল—আমি চললাম। ওকে বলো। না—থাক। আমি চললাম।

শিবকিংকর বলেছিল—দাঁড়াও গাড়ি ডেকে দি।

—না। পথে নিয়ে নেব ট্যাক্সি।

অধীর অশান্ত উত্তপ্ত জীবন নিয়ে যেন তার হির হরে দাঁড়াবার শক্তি পৰ্বন্ত ছিল না।

বিচিত্র। হয় ভাগ্য, নয় ভগবান, নয়—। নয় কি ? তা সে জানে না। বলতে হয় আকস্মিক ঘটনা। না। তাই বা কেন ; পৃথিবীতে, দেশে যে ঘটনাস্রোত ইতিহাসের পথ কেটে চলেছে তারই একটা স্রোতের আকর্ষণ। তেমনি একটা আকর্ষণে পড়ে সে সেই দিন সন্ধ্যাতেই অ্যারেস্টেড হয়ে গেল।

বিকেলবেলা গিয়েছিল ইউনিভারসিটি।

সেখানে দুই ছাত্রদলে বচসা থেকে হাতাহাতি হচ্ছিল ওখন। এবং কিছুক্ষণের মধ্যে হাতাহাতি থেকে ক্র্যাকার এবং ইটপাটকেল ছোড়াছুড়ি শুরু হল। এবং বিশ্ববিদ্যালয় এলাকা থেকে হাঙ্গামা ছড়াল কলেজ স্ট্রীট পর্যন্ত। এর পর এল পুলিশ। এবং পুলিশ লাঠি নিয়ে ভাড়া করডেই সমস্ত হাঙ্গামা এবং দাঁড়াটার মোড় বদল হয়ে গিয়ে দাঁড়াল পুলিশ এবং ছাত্রের হাঙ্গামা। এরপর আর নিরপেক্ষ থাকা তার পক্ষে সম্ভবপর হয় নি। সেও নেমে পড়েছিল ছাত্রদের পক্ষে। তারপর সে নিজে আহত হয়েছিল পুলিশের লাঠিতে এবং সে ঘুঁষি মেরেছিল একজন অক্সিসারের নাকে। মেরেছিল সেই আগে। তা না হলে লাঠি খাবার পর তার পক্ষে আর ঘুঁষি মারা সম্ভবপর হত না। সেইটেই দাঁড়াল তার বিপক্ষে বড় অভিযোগ। আদালতে সে তা অস্বীকারও করলে না। বললে—হ্যাঁ আমি মেরেছি ঘুঁষি। উনি কি করেছিলেন তা ঠিক দেখি নি। তবে পুলিশের সঙ্গে student-দের লাগল, উনি সামনে পড়লেন আমি মারলাম। তবে ছাত্রদের বড় কষ্ট কথা বলেছিলেন আমি তা শুনেছি।

ছ মাস জেল হয়ে গেল।

অংগ জেলে চলে গেল। শিবকিংকর ওর দিকের তদ্বির করছিল। বামপন্থী দলের উকীলেরা ওকে সমর্থনও করেছিল ; অংশুমান না চাইলেও করেছিল। তারা সকলেই বললে, আপীল কর। কিন্তু তা সে করলে না। রজন, শিবকিংকর, অতসী এরাই গোড়া থেকে তার কেসের তদ্বির করছিল। তারাও ওকে আপীলে রাজী করাতে পারলে না। সই করলে না ওকালতনামার।

লোকে তাকে খেয়ালী বলে চিরকাল। তার পরিচর নাকি আছে তার কাজে এবং কর্মে। কিন্তু নিজের কাছে সে তা নয়। সে কোন কাজ কেন করে তা হয়তো ঠিক সে বলতে পারবে না, তবে এইটে সে বলতে পারে যে কাজটা না করলে সে নিজের কাছেই চোর হয়ে দাঁড়াত। ছাত্রদের দাঁড়ার মধ্যে তার এইভাবে নেমে পড়াটা তার খেরাল নয় ; ওখনও

ইউনিভার্সিটিতে নাম ছিল, সম্পর্ক ক্ষীণ হলেও বিলুপ্ত হয় নি। এবং সেদিন রাত্তা পর্যন্ত হাকামা ছড়াবার পর পুলিশ বখন এস তখন ছুটে পালানো ছেলেদের মধ্য থেকে কিছু ছেলের ঘুরে দাঁড়ানো উচিত ছিল। সেই জন্তে সে ঘুরে দাঁড়িয়েছিল—মেয়েছিল। এবং এইভাবে জেলেও যাচ্ছে সে এই জন্তে। হোক অচল গান্ধীবাদ। তার মধ্যে কিছু বস্তু আছে যাকে ফেলে দেওয়া চলে না। যারা কৌশলকে মাথার রেখে আন্দোলন করে এবং আইনের ফাঁক দিয়ে দণ্ড এড়ায় তাদের ‘ইনকিলাবি’ বোরকাপরা ইনকিলাবি।

লোকে কিন্তু বলেছিল অংগ লীডারশিপের প্রিপারেশনের জন্তে জেলে গেল।

শতীনদা তাকে বলেছিলেন—করলে কি অংগ! জেলে গেলে গেলে, এমনি একটা বাজে ইন্স নিরে গেলে! দূর দূর। হুনিয়াজোড়া ইন্টারজাশানাল ইন্স গুণায় গুণায় বর্ষায় মেঘের মত একটার পর একটা এসে জল ঢেলে যাচ্ছে, বজ্রা হচ্ছে—দেশে এস-আর-সি, বেঙ্গল-বেহার মার্জার, ফুড নিরে তো ভেলটিটিটিটে ছেঁড়া কাঁধার আঙুন জলছেই—এ সব ছেড়ে এই একটা বাজে ইন্সতে জেল খাটতে চললে? তা ভাল। দিনকতক ঘুরে এস। এক্সপিরিয়েন্স থাক ভাল।

সে উত্তর দেয় নি। জেলে চলে গিয়েছিল। উত্তর তার ছিল না। কেন সে আপীলের ওকালতনামার সহী করলে না তা স্পষ্ট ছিল না তার কাছে। তবে তার ইচ্ছে হয় নি। পৃথিবী যেন তার সহ হচ্ছিল না। একমাত্র বাড়িটা নিয়েই তার চিন্তা ছিল। শেষ পর্যন্ত তার ভার দিয়ে গিয়েছিল এক উকীলকে। তখন হরি চাকর তার কাছে এসেছে। হরির মাইনে এবং খাইখরচ এবং অল্প থরচ বাবদ ছ মাসের জন্তে দুশো টাকা উকীলের হাতে দিয়ে চলে গিয়েছিল। রজন বলেছিল—আরও যদি কোন কারণে দরকার হয় সে আমি দেব। আপনি ভাববেন না।

প্রথম কিছুদিন খারাপ লেগেছিল। তারপর খারাপ লাগাটা যেন মুছে গিচ্ছিল বা উপে গিচ্ছিল।

* * *

ছ মাসের মধ্যে দেশ থেকে এসে জেলে ইন্টারভিউ চেয়ে তার সঙ্গে দেখা করেছিল রমলা আর নবীনবাবু।

রমলা বলেছিল—আমি একটা খবর পেলাম না? যখন জেল হয়ে গেল, কাগজে বের হল তখন জানলাম। একটা সহী করে দাও ওকালতনামার—আপীল করব। ও খুব মামলা বোঝে। ঠিক জিতবে আপীলে।

আর এসেছিল অভঙ্গী এবং শিবকিংকর।

জিজ্ঞাসা করেছিল অভঙ্গী—হঠাৎ এ মতি হল কেন?

সে বলেছিল—জানি না।

—আপীল করবে না কেন?

—নাঃ দিনকতক বেশ থাকব।

বেশই সে ছিল। ঝেলে সে পড়াশুনো করেছিল আর ভেবেছিল। আর লিখেছিল।

লিখেছিল নাটক উপভাস ছোট গল্প গান।

লিখে মন তার ভরে নি। তবে বুকের মনের উত্তপ্ত দীর্ঘনিশ্বাস এবং ব্যাকুলতাকে সে ব্যক্ত করতে পেরেছিল। অক্ষতার পৃথিবীর ব্যর্থতার বেদনা ও আলোর অস্ত্র ব্যাকুলতাকে সে ব্যক্ত করতে চেয়েছিল। তা হয়তো সে পেরেছিল।

পচাধরা সমাজ; গলিত তার আদর্শ; দৈব নিছক কল্পনা, সব থেকে বড় মিথ্যা; মাহুঘ স্বার্থাক; ঈর্ষার হিংসার জর্জর মাহুঘ শোভী; মাহুঘ ক্রোধে উন্মাদ। সত্য একটা অর্থহীন শব্দ। সত্যতা একটা মধ্যযুগের বোকামি; সত্যিও তাই, তার থেকেও বেশী, কারণ সেটা শক্তির সংস্কারে পরিণত হয়েছে। সমস্ত কিছুকে অস্বীকার করে সে নাটক উপভাস লিখেছিল।

নাটকের নাম দিয়েছিল ‘ব্যর্থ নমস্কারে’।

কাল্পনিক নাটক। প্রাচীনকালের পটভূমি। এক সাধকের জীবন। দুর্গম পাহাড়ের চূড়ার ভগবানের মন্দির। সেখানে কেউ পৌঁছতে পারে না। পুরোহিত পাহাড়ের মাঝখানে উঠে পূজা করে ফিরে যান। যাজ্ঞীরাও তাই। কিন্তু প্রবাদ আছে মন্দিরে পৌঁছতে পারলে দরজা খুলে যাবে এবং ভগবানের দর্শন মিলবে। সাংক্য ভগবান নিজে মন্দিরঘর খুলে তাকে সম্ভাষণ জানাবেন। এক সাধক প্রতিজ্ঞা করে পূজার থালা হাতে যাত্রা করেছিল। পিছনে পড়ে রইল মাহুঘের বসতি, তার ঘর; ঘরের দুয়ারে দাঁড়িয়ে রইল মা। প্রশ্রয়িনী অল্পনয় জানাল। বন্ধুরা অহরোধ করলো। প্রবীণেরা ভয় দেখালে। কিন্তু সে মানলে না, চলল। মধ্যে মধ্যে বাতাসে ভেসে আসতে লাগল মায়ের অস্তিত্ব আক্ষেপ। প্রশ্রয়িনীর বিবাহবাসরের মস্তপাঠ শব্দের সঙ্গে তার দীর্ঘনিশ্বাস। বন্ধুজনের বেদনাকাতর আক্ষেপ। তার কোনটাই তাকে বিচলিত করতে পারলে না। সে উঠেই চলেছিল। হঠাৎ একটা স্থানে এসে উপস্থিত হল যেখান থেকে শুরু হল বেন অস্ত্র জগৎ। সব পেয়েছির দেশ। পরমানন্দের ভূমি। সমুখে মন্দির। দিব্য সংগীত ধ্বনিত হচ্ছে বাতাসে। দিব্য গন্ধ উঠছে চারিদিকে। আকাশ জ্যোতির্ময়তার উদ্ভাসিত। পৃথিবীর কোন শব্দ নেই, সংবাদ নেই।

শুরু হয়ে সে দাঁড়াল।

কিছুক্ষণ দাঁড়িয়ে সে অজুতব করলে বুঝতে পারলে সব ভ্রান্তি, সব ভ্রান্তি, সব মিথ্যা। গন্ধ নেই, জ্যোতি নেই, কোন সংগীত নেই। শুধু এতখানি উচু পাহাড়ের মাথার বাতাস এত ক্ষীণ, ঘর, এত হালকা যে তার নিঃশ্বাস নেবার মত বাতাসেরও সংস্থান নেই।

সে ধরধর করে কাঁপতে লাগল। সে পড়ল। পড়বার সময় সে বললে, প্রলাপ বকে বললে—আমার সকল প্রাণম ভূমি কিরিয়ে দাও। কিরিয়ে দাও।

উপভাসেও ছিল তার এই পুর। তবে পটভূমি ছিল বাস্তব। তার মায়ের জীবন। সে কল্পনা করেছিল যে সারাজীবন মা এই আদর্শের পিছনে পিছনে ছুটে একদা ক্লান্ত হয়ে শেষ নিশ্বাস ফেলেছেন এবং বলছেন—সব মিথ্যে, সব মিথ্যে। সব মিথ্যে।

*

*

*

বাইরে যখন এল তখন জীবনক্ষেত্র যেন তার প্রতীক্ষা করে ছিল। তাকে অভ্যর্থনা দিয়ে সমাদর করে গ্রহণ করলে।

ছ মাসে পরিবর্তন হয়েছে অনেক। পৃথিবী দ্রুত পালটাচ্ছে। তিব্বত হাঙ্গেরী স্লোভেনিয়া কোরিয়া ইন্দোনেশিয়া। পাকিস্তান ভারত সমস্তা জটিলতর হয়েছে। দাঁকা হয়ে গেছে। ফুড মুভমেন্টে গুলি চলেছে; ট্রাম বাস পুড়েছে।

অতসী জীবন-রক্তক্ষয় থেকে অন্তর্হিত হয়েছে। বধের এক ক্রিকেট খেলোয়াড়কে বিবাহ করে চলে গেছে বধে। সে আর ছবি করবে না।

শিবকিংকরের দ্বিতীয়া বা তৃতীয়া স্ত্রী অতসীর বোন, সে মরে গেছে। সে এবার একটি বিধবাকে গর্ভবত্রে বা এমনই একটা কোন মতে স্ত্রীর মর্যাদা দিয়ে ঘরে এনেছে। সে এখন রক্তনের সঙ্গে পাট এবং কয়লায় ব্যবসা করছে। তাছাড়া ছবির ব্যবসা। ছবির কারবারে প্রচণ্ড একটা আঘাত দিয়েই অতসী চলে গেছে।

রক্তন বলেছিল—দেখুন অংগুবাবু, আমার সিন্ম কোম্পানি মার খেয়েছে—তবে আমি তিনপুরুষে ব্যবসাদারের ছেলে—আমি সে মার সামলেছি, সামলাব। আমি যখনই বুঝতে পেরেছিলাম যে অতসীর মন নজর আপনার দিকে তখন থেকেই আমি গুটিয়ে ছিলাম। কিছু টাকা ওকে দিয়েছি; আর আপনার কালরাজির রাইট কিনেছি। সে আমার আছে। তারপর আর আমি পা বাড়াই নি। অতসী গেছে গেছে, এবার ছবি করব। প্রেডিউসার না, ডিস্ট্রিবিউটার হিসেবে। শিবকিংকরবাবুকে নিয়েছি সঙ্গে। আপনাকে আমরা চাই। আপনি আমাদের সঙ্গে আসুন। আপনার সব বই আমরা ছবি করব। সব নাটক ষোড়শী সংঘে প্লে করব।

‘বার্থ নমস্কারে’ নাটিকা নিয়েই সে প্রথম ষোড়শী সংঘের আসরে নেমেছিল। এর আগে পর্যন্ত কালরাজিতে নামবার কথাই হয়েছিল, নামা হয় নি। জেলে যাবার ঘটনাটার জড়িয়ে পড়েছিল

ষোড়শী সংঘ অভিজাত প্রতিষ্ঠান।

আটটি দম্পতি অর্থাৎ বোলজন সভ্য-সভ্যা নিয়ে রসরসিকের একটি সংস্থা। এঁরাই প্রধান এবং প্রথম সভ্য। তার বাইরে আছেন আরও বোলজন খাঁরা দম্পতি হিসেবে আসেন নি। দম্পতিদের অল্পমোদনক্রমে এসেছেন।

‘বার্থ নমস্কারে’ নাটকের ভূমিকায় অভিনয় করেছিল সে নিজে। নাটিকার শেষ দৃশ্বে পূজার থালা ফেলে দিয়ে সে আছেড়ে পড়ে শ্বাসরুদ্ধ হয়ে আসতে আসতে মর্মান্তিক আর্ডনাদ করে বলত—“কিরিয়ে দাও—আমার প্রণাম কিরিয়ে দাও। আমার জীবনের সকল প্রণাম কিরিয়ে দাও।” তার প্রতিধ্বনি সারা প্রেক্ষাগৃহের প্রতিটি কোণে যেন মাথা কুটত।

“কিরিয়ে দাও। আমার সকল প্রণাম ভূমি কিরিয়ে দাও।”

ক্রমাগত কুড়ি রাত্রি অভিনয় হল ‘বার্থ নমস্কারে’। কলকাতার রসিকবহলে, ধবনের

কাগজের নাট্য সমালোচনার পাতার 'বার্ষিক নমুনা' নাটক এবং নাট্যকার অংশুমান চৌধুরীকে নিয়ে আলোড়নের সৃষ্টি হল।

অনেক স্বপ্ন দেখেছিল সেদিন অংশুমান। একটা আবছা করন্য ক্রমণ: যেন স্পষ্ট হচ্ছিল—একটা চেহারা নিচ্ছিল।

একটা ঝড় আসছে। ঝড়ো আধকালো বিষণ্ণ ভয়াতুর মানমুখ বিশ্বপ্রকৃতি। ক্রমণ: ঘনায়মান হচ্ছে। সূর্যের উপরের জ্যোতির্দীপ্ত মেঘটুকুকেও আর খুঁজে পাওয়া যায় না। বাতাসে উড়ছে শুকনো পাতা, জঞ্জাল, ধুলো। ঝরঝর শব্দে উড়ে মিলিয়ে যাচ্ছে কোনো নিকক্ষে। এর পর হবে বর্ষণ। হয়তো এর মধ্যে হবে বজ্রাঘাত। হয়তো সমূলে গাছ উপড়ে পড়বে। হয়তো বসতি জনপদ উড়ে যাবে, ভেঙে যাবে। বজ্রা আসবে, প্রাবন আসবে। আর্ত কোলাহল ক্রান্ত হয়ে থেমে যাবে। তারপর—

এরই মধ্যে এল—

*

*

*

দুই হাতে মুখ ঢেকে যেন ভেঙে পড়ে যেতে চাইলে অংশুমান। তার জীবনের স্নায়ু শিরা তার অন্তরের সমস্ত সঙ্কল্প, সকল কাঠিন্য যুক্তি তর্ক সিদ্ধান্ত উপলব্ধি বিকোভ সব কিছু যেন কঠিন টানে বাঁধা একটি বীণার সব তারগুলির একসঙ্গে ছিঁড়ে যাওয়ার মত ছিঁড়ে গেল।

সীতা। সীতা সেন।

রঞ্জন এবং শিবকিংকর তাকে নিয়ে এল। কালরাত্রি ছবিতে নামাবে। তার আগে একবার অভিনয় করে দেখে নেবে। একাত্তিকা হিসেবে কালরাত্রি নাটকটি অভিনয় করিয়ে দেখে নেবে। সীতাকেও দেখা হবে; নাটকটা থেকে ছবির সম্ভাবনাও বুঝতে পারা যাবে।

রঞ্জন বললে—অংশুমা, হিরো তোমাকে করতে হবে। আর সম্ভবপর হলে ছবিতেও নামতে হবে।

রঞ্জন তার থেকে বরসে বড় কিন্তু এই আড়াই বছরে অংশুর ভক্ত হয়ে তাকে দাদা বলতে শুরু করেছে।

শিবকিংকর বলেছিল—আমারও তাই বলতে ইচ্ছে করে তাই অংশু কিন্তু সেটা ভাই তোকে বড় ঠাট্টা করা হবে আর তোর অকল্যাণ করাও হবে। মাল্টি হিসেবে আমি ইভর তা জানি। *There is beast in me. I know my meanness—narrowness of mind*—সব থেকে বেশী করে মনে করিয়ে দিগ ভাই তুই। তোকে দাদা বললে মনে হবে এ দোষগুলোর ভাগ চাপাচ্ছি তোর বাড়ে। আমার দোষ তোর বাড়ে চাপাতে চেষ্টা তো কম করি নি। তোর পা পিছলেছে—তুই আছাড়ও খেয়েছিল। কিন্তু উঠে দাঁড়িয়েছিল সোজা হয়ে। অতঙ্গী আমাকে বলেছিল—ওকে ধরবার ক্ষমতা আমার নেই।

অংশু বাধা দিয়ে বলেছিল—আবোলভাবোল বকো না শিবকিংকরদা। তোমাদের দোষ

তো আমাদের উপর দোষ-চাপানোর জন্তে নয় শিবকিংকরদা। দোষ সব কালেই মানুষের মধ্যে আছে। মানুষ খায়, গোত্রাঃ খায়, মত্তপান করে, নারী নিয়ে উল্লাস করে। হয়তো তা ব্যভিচার। হয়তো তা অপরাধ। এ অপরাধ এ দোষের দণ্ড যা আছে তা মানুষ ভোগ করে। আমিও ভোগ করেছি। আমার জীবন তার সাক্ষী। সে মিথ্যে সাক্ষ্য দিচ্ছে না বা দেয় না তার সাক্ষ্য তুমি দেবে শিবকিংকরদা। তার জন্তে দোষ তোমার নাই এবং তা দেব না। দোষ দেব কিসের জন্তে জান ? দোষ দেব শিবকিংকরদা এই জন্তে যে, এতটুকু গুণও কেন দিতে পারলে না তোমরা বল তো ? তোমাদের কালের সব গুণ এমনভাবে একালে বাতিল হয়ে গেল কেন ?

ক্যালক্যাল করে তাকিরেছিল শিবকিংকর তার মুখের দিকে। ঠিক অর্থ সে ধরতে পারে নি। বলেছিল—কি বললি বল তো। বুঝিয়ে বল তো। বল তো।

অংশুমান বলেছিল—কি হবে তা বুঝে ?

শিবকিংকরদার উত্তরটা মনে পড়ছে। চমকে দি়েছিল শিবকিংকরদা। কথাটা সে বুঝেছিল তবে একটু দেরি লেগেছিল। এবার বিচিত্র হেসে সে বলেছিল—কিছু হবে না তা হয়তো বটে। বুঝেও তো এর প্রতিকার নেই। কিন্তু বল তো—ওকালের বড় বড় মানুষগুলো যাদের ভাঙিরে ত্রোদের আজও বলতে গেলে দিন চলছে—রবীন্দ্রনাথই ধর—তার গুণ—কিংবা তাঁকে এই কথাটা বলতে পারিস ?

চূপ করে গিয়েছিল সে। বলতে হয়তো পারতো সে যে, যেনে কি চলছি এ যুগে আমরা ? প্রব্রটী তো আমার তাই। কেন চলছি না ? কিন্তু তা বলে নি।

রজন কথাটা চাপা দি়ে বলেছিল—দেখ কোন্ কথায় এসে পড়লে দেখ। অংশুদা, তুমি তাই ছেলেবেলার পড়া-ধরা প্যাঁচটি ছাড়। তাহলে আর ষোড়শী সংঘের ড্রপ উঠবে না। যে কৃকপক লেগে আছে তার আর শেষ হবে না। অমাবস্তা আর পোরাবে না।

অংশুমান হেসে ফেলেছিল।

অমাবস্তা পোরানো কথাটা সেই প্রচলন করেছিল। ষোড়শী সংঘের আসল নাম Full Moon Club ; শেকালে যারা এটা চালু করেছিলেন তাঁরা ছিলেন খাঁটি বাঙালী সাহেব। সবাই ছিলেন ব্যবসাদার। ডালহৌসী অঞ্চলে ক্লাইভ স্ট্রীট থেকে সোয়ালো লেন লালবাজার পর্যন্ত এক একটা আপিসের মালিক। টাইমমত চোত্ত নিখুঁত সারয়েবী পোশাক পরে আপিসে আসতেন। বড় বড় সারয়েব কোম্পানি—বার্ড হিলজার্স জাভিনস্কিন কোম্পানির সারয়েবদের আপিসে আড্ডা জমাডেন, দালালি করতেন, মাল কিনতেন বেচতেন ; তাঁরা একসঙ্গে ব্রোকারস, এজেন্টস, মারচেন্টস অনেক কিছু ছিলেন। খুব ভাল ইংরাজী বলতেন ; সংস্কৃতির চর্চা করতেন ; বিয়েটারে যেতেন ; গানবাজনা শুনতেন ; সভাসমিতির সভাপতি হতেন ; চাঁদা দিতেন। এরই মধ্যে একটি তরুণের দল গড়ে উঠেছিল ; যারা সন্ধ্যাবেলা স্নান করে পাউডার মেখে কৌচানো ধুতি পাঞ্জাবি পরে উত্তর কলকাতার বিশেষ পল্লীতে আপন আপন অর্থমূল্যে ক্রয়-করা বাঁকবীর বাড়ি এসে গান শুনতেন ; পান করতেন, পান খেতেন। এবং মধ্যে মধ্যে একজিত ভাবে বাগানবাড়ি করতেন। গল্পে রাজপুত্র মন্ত্রীপুত্র কোটালপুত্র বর্ষিকপুত্র

চার পুত্রের কথা আছে। এঁরা দৈবক্রমে আট পুত্র হয়েছিলেন। এই আটজনে আকস্মিকভাবে এক পূর্ণিমার বাগানবাড়িতে সমবেত হয়ে তাঁদের আলোর বিমোহিত হয়ে স্থির করেছিলেন তাঁরা মাসে মাসে প্রতি পূর্ণিমায় মিলিত হবেন। একক নয়—আপনাপন বান্ধবী নিয়ে। আট ছুণ্ডে বোলজন। বিচিত্রভাবে বোলকলার পূর্ণ চক্রে আকাশে রেখে এঁরা বোলজনে মর্ত্যকুমের বোলকলার মত সমবেত হতেন।

কালান্তরের সঙ্গে রূপান্তর অবশ্যস্বাভাবী। সভ্যদের বয়স হল; ১৯৩০ সাল পার হল। কয়েকজন সভ্যের লোকান্তরও ঘটল। নূতন সভ্যরা এলেন। নূতন নিয়ম হল। নিয়ম হল সভ্যরা বান্ধবী নিয়ে আসবেন না—তাঁরা দম্পতি হয়ে জোড়ে জোড়ে আসবেন। মেয়েরা রান্নাবান্না করবেন খাওয়াবেন—তাঁদের চিত্তবিনোদন করবার জন্ত আসবেন নামকরা আর্টিস্ট যারা তাঁরা।

ওস্তাদ আসবেন—রবীন্দ্রসংগীত গায়ক-গায়িকা আসবেন—কার্তন-গায়িকাও আসবেন। আসরে প্রত্যেক দম্পতি একটি বন্ধুদম্পতি আনতে পারবেন। পানীয় আগে ছিল প্রচুর। এখন পানীয়ের ক্ষেত্রে বস্তা নিয়ন্ত্রণ পদ্ধতি চালু হল।

এই ধারাতেই বোড়শী সংঘ এখন একটি ক্লাবে পরিণত হয়েছে এবং শুধু বাবসারীদের মধ্যেই আবদ্ধ নয়। সভ্য সেই আটটি দম্পতি এবং তাঁর সঙ্গে এখন বোলজন বন্ধু অ্যাসোসিয়েটেড মেম্বর আছেন। তাঁরা দম্পতি নন। এবং এখন বোড়শী সংঘের কার্যক্রম অভিনয়ের ইঞ্জিনেই টেনে নিয়ে চলে। অভিনয়ের আগে বই ধরার পরও ঠিক নয়, রিহার্সালের দিন থেকেই জমতে শুরু করে। এবং অভিনয়ের দিন পর্যন্ত সে যেন গুরুপক্ষের তাঁদের মত কলার কলার বাড়তে থাকে। অভিনয়ের দিন হয় পূর্ণিমার উদয়। তারপরই কৃষ্ণপক্ষ। সভ্যদের আসা বন্ধ হতে থাকে। ক্রমে এমন হয় যে কেউ আসে না।

বেয়ারা বাতি জ্বলে নিভিয়ে দেয়।

রঞ্জন সম্পাদক—সে কোন দিন এসে খবর নেয়, কোন দিন টেলিফোনে বলে—বেয়ারাকেই বলে—কেউ এলে বলিস আজ আমি কাজে ব্যস্ত আছি।

এককালে সংঘটির সঙ্গে পূর্ণিমার সম্পর্ক ছিল এবং আজও আছে বলে ষাভাবিকভাবেই ওরা নিজেরাই এ সময়টিকে বলত কৃষ্ণপক্ষ। এবং একেবারে বন্ধ হয়ে থাকত যে সময় সে সময়টাকে বলত অমাবস্তা। এই উপমাটি কে চালু করেছিল কেউ জানে না।

অংশুমানের ‘বার্থ নমস্কারে’ অভিনয়ের সময় শতীনদা হঠাৎ বলেছিলেন—কৃষ্ণপক্ষের অমাবস্তা পার হল তাহলে। কি বল অংশুমান, তাহলে আজকের তিথিটিকে শুদ্ধ প্রতিপদ বলা যায় ?

অংশুমান তাঁর কথাটির স্তূত্র ধরে রিহার্সালের নোটিশের জন্ত একটি আধা কবিতা রচনা করে একটা কাগজে লিখে রঞ্জনের হাতে দিয়ে বলেছিল, চমৎকার হবে। এই নোটিশ ইস্যু করুন।

“অমাবস্তা অবসানে, বোড়শী সংঘের শুরু শুরু। প্রতিপদ আগামী...তারিখে। তাঁদের কলারা সব যেখানে যে কাজে আছি অবস্ত অবস্ত এস—এই বাতী ছুটে যাও দিকে

দিশি দিকে।”

এটা সংবাদপত্রে ছাপানো হবে এই নিয়ম হয়েছে।

এবারকার অমাবস্তাটা, অর্থাৎ ‘বার্ষ নমস্কারে’ অভিনীত হবার পর থেকে অমাবস্তাটা যেন, বেশী দীর্ঘ অমাবস্তা গেছে। কারণ বোধ হয় অভিনী। এ-কালে অভিনীই বোড়ী সংঘের সেই চন্দ্রকলাটি হয়ে উঠেছিল যেটি শুক্লা প্রতিপদের দিন থেকে উঠে পূর্ণিমা পার করে কৃষ্ণক্লেশ চতুর্দশীর শেষরাত্রে ভোরের মধ্যে মিলিয়ে যায়। সম্পাদক রঞ্জনও যেন উৎসাহ পাচ্ছিল না তার অভাবে।

সেদিন উৎসাহিত হয়ে রঞ্জন অংশুমানকে ‘কালরাত্রি’ অভিনয়ের কথা তুলে বলেছিল— ছোট ছেলেকে পড়া ধরে মুখ বন্ধ করার প্যাচটি ছাড় ভাই অংশুমা। তাহলে বোড়ী সংঘের এ অমাবস্তা আর পোরাবে না।

রঞ্জন সোজা সহজ মানুষ। রঞ্জন সম্পর্কে একটা কথা সবাই বলে; বলে—He is a sport. খাটি খেলোয়াড়। সে কাজ চায়। তার অন্তরে সে সব করতে প্রস্তুত। এবং তার ইদানীং সংকল্প হয়েছিল বোড়ী সংঘ এবং অংশুমানকে জড়িয়ে বড় করে তুলবে।

লোকে বলে এই সংকল্পের আড়ালে আর একটি সংকল্প আছে। সেটি তার ফিল্ম ডিস্ট্রিবিউশন এবং প্রডাকশন কোম্পানি। যাঁরা আরও গভীর তত্ত্বগাহী তাঁরা বলেন আরও গভীর—আছে আরও জটিল সত্য। সেখানে রঞ্জন নাকি নারীবিলাসী।

রঞ্জনকে প্রশ্ন করলে বলে—তা যে একেবারে নই তা বলতে পারব না। স্মরণীয় তরুণীর প্রতি প্রলোভন আমার আছে। তবে কাউকে পথভ্রষ্ট আমি করি না।

এদিক দিয়ে শিবকিংয়ের সঙ্গে রঞ্জনের মিল আছে। তবে বোড়ী রূপে সে তার ধর্ম-পত্নীকে নিয়েই আসে।

সেদিন অমাবস্তা পোরানোর কথার অংশ প্রশ্ন করেছিল—কিন্তু বোলকলার প্রথম কলা ছিল অভিনী। তার স্থানে কে উদয় হবেন। শিবকিংকরদার তৃতীয়া তো একেবারে গৃহিণী। রঞ্জনশালায় তরিতরকারিতে চলবেন—যানে তিনি তো কাঁচা কদলী; পূজার অন্তে বোলকলার এককলা যে পাকা কলা।

শিবকিংকর বলে উঠেছিল—আমার বউ কাঁচা কদলী কিন্তু রঞ্জন কাঁচা ছেলে নয়। তাকে আমি দেখিয়েছি সীতা সেনকে। জিজ্ঞাসা কর ওকে।

রঞ্জন বলেছিল—ভাল মেয়ে ভাই। এ যদি খোপে টেকে তবে ছবির জগতে নতুন তারা উঠে যাবে। অভিনীর মত ব্রাইট নয়, কিন্তু সীতা সেন ভারী মিষ্টি মেয়ে।

শিবকিংকর বলেছিল—ভাছাড়া খুব মজার মেয়ে। লেখাপড়াজানা মেয়ে, চমৎকার ইংরেজী বলে। and—খুব সম্ভব পাটও করবে খুব ভাল। তবে বলা ভাল তার বোড়ী সংঘে আসার প্রধান আকর্ষণ তুমি।

—আমি ?

—হ্যাঁ। তোমার নাম শুনে তবে রাজী হয়েছে।

একটু হেসেছিল অংশুমান। স্পষ্ট মনে পড়ছে তার পুরুষ লেখক চিত্তের অহংকৃত এবং পুলকিত হয়ে ওঠার কথা। একে একে মনে পড়ে গেল অভঙ্গীকে রমলাকে এবং নমিতাকে। অভঙ্গীকে সে করুণা করে। অংশু তাকে ভালবাসতে চেয়েছিল কিন্তু ভালবাসতে দেয় নি তাকে অভঙ্গীই। দোষ অভঙ্গীকে দেবে না অংশুমান। অভঙ্গী মনের অস্পৃশ্যতা কাটিয়ে কোন মতে উপরে উঠে আসতে পারলে না। আর তার নিজের কাছেও সে-দিন ভালবাসা বলে কিছু ছিল না। তার চর্চা করেছিল সে। প্রেম ভালবাসা যদি বা সেকালে ছিল—কোন প্রকারে অতীত কালের বিলুপ্ত প্রাণীদের মত সেকালের সমাজে জন্মাতো—তাহলে একালে কাল পালটানোর সঙ্গে ভালবাসা প্রেম বিলুপ্ত নিশ্চিহ্ন হয়ে গেছে। জীববিজ্ঞান দেহবিজ্ঞান তন্নতন্ন করে খোঁজো তার কোন সন্ধান পাবে না। সে নিজে ভালবাসা দিতে গিয়ে দেখেছে সে যা দিতে চেয়েছিল তা নিছক করুণা। এবং তার সঙ্গে অভঙ্গীর পেলব কোমল দেহখানির উপর লোভ।

রমলা নিজেকে তার পায়ে ঢেলে দিতে এসেছিল। সেও তার প্রতি প্রলুব্ধ হয়েছিল। কিন্তু অংশুমান তাকে নেয় নি, প্রত্যাখ্যান করেছিল। রমলা বিয়ে করলে এক বুড়োকে। সে তাকে ভালবাসে না। কিন্তু অরবিন্দ আশ্রয়ের স্তম্ভ করতে বাধ্য হয়েছিল। এরপর আসে নমিতা। ঠোঁটের ভগার তার বাকা হাসি ফুটে উঠেছিল। ওকে বাদ দাও। নমিতাকে বাদ দাও।

একখানা শক্তিশালী নাটকের কিছু সংলাপ অংশুর বড় ভাল লাগে। নায়ক নায়িকাকে এক জায়গায় বলেছে—“বিয়লা সংসারে লক্ষ্মীদেবীকে সকলেই পূজা করে কিন্তু লক্ষ্মীর বাহন পঁচা চিরকালই ঘৃণ্য জীব।” নমিতাটা একটা পেঁচকী। তবু আশ্চর্যের কথা এই যে—রমলা ধাক্কাবে না। ধাক্কাবে অভঙ্গীরা এবং নমিতারা। এ পিঠ আর ও পিঠ।

—তোমাকে সে চেনে।

বিস্মিত হয় নি অংশুমান। তাকে চেনা আর বিচিত্র কি? নূতন কালের মাছুষের মনের কথা বলতে যে চায়, যে বলে, তাকে একালের ছেলেমেয়ে চিনবে বইকি।

—তোমার বাড়িতে ইলেকট্রিক্যাল রাবার ইউটেনসীল বেচে গেছে। ইলেকট্রিক কতলি, ইলেকট্রিক্যাল কুকার। বললে ওকে চা বানিয়ে খাইয়ে এসেছি। হরির নাম করলে।

চকিত হয়ে উঠেছিল অংশুমান।

মুহূর্তে মনে পড়ে গিয়েছিল।

ঠিক পূজোর আগে—এই মাস তিনেক হল। অক্টোবর নভেম্বর ডিসেম্বর। আড়াই মাস হবে—অক্টোবরের বারো চোদ্দটা দিন এবং ডিসেম্বরের এখনও বাকী বারো দিন বাদ দেবে। সেদিন সে বাইরের বারান্দায় বসে ছিল।

চেয়ারে বসে সে বিবর মনেই আকাশের দিকে তাকিয়েছিল। পূজো আগছে। আকাশে রিভের মেঘ ভেসে যাচ্ছিল। গাঢ় নীল আকাশ—তেসে যাচ্ছিল গুরু গুরু পেঁচা তুলোর মত

সাদা যেব। স্বর্ষ দিগন্তে নেবেছিল। লাল ছটার আভা প্রতিকলিত হচ্ছিল যেহেতু মাঝে।

সেদিন, দুপুরবেলা হঠাৎ পূর্ব পাকিস্তানের থাকার কলকাতায় হিন্দু মুসলমানের আক্রোশ আবার জলবার মত উত্তপ্ত হয়ে উঠেছে। তার বাড়িতে দুটি মুসলমান ছতোর মিস্ত্রী দেওয়াল আলমারির কাজ করছিল। তারা সকালে যখন এসেছিল তখন কোন উত্তাপ ছিল না। অকস্মাৎ দুপুরে ঘটেছে কয়েকটা ঘটনা। যার জন্ত সে ট্যান্ডি থেকে তাদের সঙ্গে নিয়ে পৌঁছে দিয়ে এসেছে ওয়েলসলী স্কোয়ারের কাছে। সেই পৌঁছে দিয়ে এসে চেয়ারে বসে বিবর্ণ মনেই আকাশের দিকে তাকিয়ে ভাবছিল এই ধর্ম নিয়ে বিরোধের কথা।

ভাবতে ভাবতে ইচ্ছে হয়েছিল লিখে রাখি কথাগুলি। তার নোটবই আছে—‘অথার্স নোটবুক’; টুকরো টুকরো চিন্তাগুলিকে সে লিখে রাখে। তাতে সে যা লিখেছিল সে লেখা সে পরে বড় করে লিখে বাঁধিয়ে রেখেছে। ওই ঝুলছে। “ঈশ্বর মৃত, ধর্ম মিথ্যে। তবু এদেশে হিন্দু এবং মুসলমানের দাবিতে দেশ ভাগ হয়ে গেল এবং তাই নিয়ে রক্তপাতের শেষ আজও হল না। ওপাশে হিন্দু মরছে, এপাশে মুসলমান মরছে। মৃত ঈশ্বরের প্রেতাচার। মাহুকের ঘাড়ে ভর করে অট্টহাসি হাসছে এবং এ ওকে ধ্বংস করতে চাচ্ছে। আমি ঈশ্বরকে মানি না, কিন্তু তার প্রেতের ভয় থেকে ভোঁ নিষ্কৃতি পাই না।”

মনে আছে, এইটুকু দেখে সে আকাশের দিকে তাকিয়েছিল। মনে পড়েছিল সে দিন একটা রাশিয়ান উপগ্রহ কক্ষপথে কলকাতার মাধার উপর দিয়ে বেরিয়ে যাবে। যন্ত্রবোণে চেষ্টা করলে তার ‘পিপ পিপ’ শব্দ শোনা যাবে। মনে পড়ছে, মনে হয়েছিল নিশ্চিন্ত, শান্ত জীবন চিরকালের মত শেষ হয়ে গেছে। মনে পড়েছিল দেবদ্রোহের জীবন। ভোরে উঠে নিশ্চিন্ত বায়ুসেবন, ব্যায়াম, দুধ-মুড়ি-গুড় খাওয়া, কিংবা চারখানা লুচি খাওয়া। বাবা সকাল থেকে খানিকটা কাজকর্ম দেখতেন, খানিকটা মাঠে বেড়াতে, খানিকটা কংগ্রেস করতেন। তারপর স্নান, খাওয়া, ঘুম, বিকেলে আড্ডা। এ সব আর নেই, এ সব বিগত। পাখীর ডাক, ফুলের গন্ধ, আকাশের যেব—সব আছে কিন্তু মাহুকের কাছে তা থেকেও নেই। এ সব তার চোখে পড়েই নি।

এরই মধ্যে রাত্ৰি থেকে ভেঙে তার বাড়ির সামনে এসে দাঁড়িয়ে বলেছিল—নমস্কার।

তার দিকে চোখ ফিরিয়ে মনে হয়েছিল হঠাৎ সন্ধ্যাটা উজ্জল হয়ে উঠল। দীর্ঘাঙ্গী উজ্জল কাকনবর্ণা একটি মেয়ে, পরনে আঙনের শিখার রঙের নাইলনের শাড়ি, লাল শাটানের ব্লাউস, পায়ে গাঢ় লাল রঙের স্ট্রাওপল, এরই মধ্যে ভারী একটি মিষ্টি মুখ, উজ্জল দুটি চোখ, তেল-চিকণ চুলে ছুই বোঁকী করে বাঁধা খোঁপা। বাড়ির বারান্দার নীচে দাঁড়িয়ে সিঁড়িতে পা দিয়ে হাত দুটি তুলে নমস্কার করে মুখে বলেছিল—নমস্কার।

মনে পড়ছে ডান হাতে ছিল একগাছি সোনার কলি, বাঁ হাতে কালো স্ফিডের ব্যাগেও বাঁধা রিস্টওয়াচ। গলায় ছিল লাল পলা আর সোনার মটর মিলিয়ে গাঁধা একগাছি হার। কানে? কানে কি ছিল? ছিল রিঙ-মাকড়ি।

অশ্রুমান কয়েকটা পলক ফেলেছিল। এই দুঃস্বপ্নের মত অটল চিন্তার মধ্যে এমন একটি

শ্রীমতী রূপ দেখবার এবং সংগীতময়ী কণ্ঠ শুনবার জন্য প্রস্তুত ছিল না। মুহূর্ত হুই-পরে সে প্রতিনিয়মস্বয়ং করে বলেছিল—কিছু বলছেন ?

সে বলেছিল—আমি একটু বাড়ির ভেতরে মেয়েদের সঙ্গে দেখা করব।

অংশুমান বলেছিল—কি চান বলুন ? ইলেকশন ? না কনফারেন্স ?

মেয়েটি সপ্রতিভ, বলেছিল—না। ইলেকশন নয়, পার্টি নয়। খুব স্বরস্বরে ক্যানভাসিং।

অংশু বলেছিল—যা বলবার আমাকেই বলুন। বাড়িতে মেয়ে বলতে কেউ নেই।

মেয়েটি বলেছিল—তা হ'লে অন্য দিন আসব। বললই সে চলে যেতে উত্তত হয়েছিল।

অংশুমান ডেকে বলেছিল—সে দিনও মেয়েদের কাউকে পাবেন না। আমি ব্যাটলের।
মেয়েটি চকিতে ষাড় ফিরিয়ে ঘুরে দাঁড়িয়েছিল।

সব মনে পড়ে গেল অংশুমানের।

রঞ্জন এবং শিবকিংকর মেয়েটি প্রসঙ্গে সেই কথাগুলি মনে করিয়ে দিতেই, তাকে আশ্চর্য স্পষ্টভাবে মনে পড়ে গেল। সীতা সেন! চমৎকার মিষ্টি মেয়ে।

শিবকিংকর বললে—খুব মজার মেয়ে।

রঞ্জন বললে—যদি উত্তরে যায় তা হ'লে দাদা নিউ স্টারের উদয় হবে।

সেই কথা ধরেই অংশুমান জিজ্ঞাসা করেছিল—হ্যাঁ চেহারা ভাল। কিন্তু অভিনয় করেছে এখনও ?

রঞ্জন বলেছিল—না তা করে নি। তবে পারবে বললই আমার বিশ্বাস। সহজে রাজীই হয় না। হঠাৎ তোমার নাম করলাম—মানে আমার আর শিবকিংকরবাবুর মধ্যে কথা হচ্ছিল। শুনে বললে—লেখক অংশুমান চৌধুরী ? বললাম—হ্যাঁ। বই ঠিক। হিরো উনি। আমাদের ক্লাবের মেম্বর উনি। তা ছাড়া শচীন সেনগুপ্ত আমাদের পেট্রন। তখন বললে—ওঁরা বখন আছেন তখন নামতে পারি।

শিবকিংকর বললে—নামবে এবং ও মেয়ে বেরিয়ে যাবে। দেখে নিয়ো। আমি বিশদ বিবরণ দিচ্ছি। শোন। গিছলাম চিড়িয়াখানা। বাণিজ্য করতে গিছলাম। কিছু মাল সাপ্লাইয়ের ব্যাপার ছিল। হঠাৎ কলরব করে যেন একদল সাইবেরিয়ান হংস এসে ঝপঝপ করে নেমে পড়ে কলরব তুলে দিলে। দেখলাম একদল তরুণ তরুণী যুবক যুবতী, প্রোট প্রোটো, বাঙালী দেশী ক্রীশ্চান, একজন অ্যাংলো মেয়ে, সবস্বচ্ছ জন দশেক এসে ঢুকল—হাতে তাদের খাবার প্যাকেট। দেখেই বুঝলাম সারাদিনের প্রোগ্রাম, পিকনিক করতে এসেছে। দেখেই মনে হল এ মেয়ে ছবিতে নামতে পারে। এবং নামলে বাজার মাং করতে পারে। গোল হয়ে বলে ওরা সকলেই সিগারেট খাচ্ছিল। দেখে আরও বিশ্বাস লাগল। গারে পড়ে আলাপ করলাম। দেশলাই একেজো আলাপের মোক্ষম অস্ত্র। ওরা দেশলাই দিলে, আমি সিগারেটের টিনটা সকলের দিকে বাড়িয়ে ধরলাম। পরিচয় করলাম, চা পান করালে ওরা। বিবরণ শুনলাম—ওরা হল জেনিথ অ্যাণ্ড কোম্পানির ক্যানভাসার এজেন্টের হুঁএকটি দল— তাদের ক্লাবের অ্যানিভার্সারি সেলিব্রেট করতে এসেছে। Eat, Drink and Be Merry Club, সংক্ষেপে Eldabem। বয়ে ক্লাবের একজন এসেছেন চীক গেস্ট হয়ে। এ মেয়েটি

খুব কাশছিল সিগারেট টেনে। বুলাম নতুন খাচ্ছে, অভ্যাস নেই। বললেও তাই। আজকে সকলকে খেতে হবে। আমি বললাম—ছবিতে নামবে? চুপি চুপি বললাম অবিশিষ্ট। বললে—সত্যি বলছেন? বললাম—ঠিকানা নাও, যাচাই করে দেখ। তারপর বললে—পারব আমি? আমি বললাম—পারবে মানে—? হিট্ করে বসবে। আমি গ্যারান্টি দিচ্ছি। দিন দশেক আগে হঠাৎ একদিন সকালে এসে হাজির। শুনলাম যাচাই করেছে। তখন রজনকে ডেকে আলাপ করলাম। রজন খুশী হল। কিন্তু মেয়েটা বেকে বসল। অতঃপর সফটবল নাম, শ্রীমান অংশুমান, এনে দিল পরিজ্ঞান, বল হরি হরি। সে বিবরণ রজন বলেছে। শুনেছ।

একটু হেসে বললে—সুভরাং অতঃপর শুভা প্রতিপদের নোটিশ ইন্স করতে আপত্তি হওয়া উচিত নয়। শতীনদার কাছে আগেই গিছলাম। তিনি শুয়েছেন বিছানায়, তাও উঠে বসলেন। বললেন—“উৎসাহে বসিল রোগী শয্যার উপর।” প্রমাণ দেখে নাও। আরম্ভ করে দাও। তবে কতটুকি একবার আমার কাছে এনো। তাকে দুটো সন্দেহ বলব। শুনবে না, তবু বলব। হয়তো আমাদের কথা সন্দেহ হলে লোকালের সেই রামায়ণের রামের পিতৃসত্য পালনার্থ বনে বাবার কথার মত absurd হতে পারে। তা হলেও বলব। রাম was a very good boy of his time but is a বোকা অ্যাণ্ড ইদারাম in our time. আমাকে এক ব্যারিস্টার বলেছিল—রামের ত্রিক যদি আমি পেতাম তাহলে কৈকেয়ী অ্যাণ্ড ময়ূরার ষড়যন্ত্রের হাঁড়ি হাটের মাঝখানে ভেঙে দিতাম।

সীতাকে নিয়ে রজন গিছল তাঁর কাছে। সেও সঙ্গে ছিল। কিন্তু সে রিহারসালের পরে।

*

*

*

প্রথম রিহারসালের দিন অংশুমান আগ্রহসম্পন্ন যেতে একটু দেরি করেছিল। কারণ সে জানত—প্রথম দিন ওই যে আটটি নমুনা মিলিত হয়ে বেশ একটু আড়ম্বর সৃষ্টি করতে চাইবেন। অবস্থাপন্ন অর্থায় অর্থালুক্যের যে একটি বিশেষ পরিচয় আছে—যা দিয়ে সাধারণ মানুষের সমাজে দীর্ঘ বিবেচ এবং যাকে বলে চোখটাটানি তাই সৃষ্টি করতে চায় তারই একটা বাহ্যিক ঘটবে। এবং পরস্পরকে সম্ভাবনের মধ্যে ব্যবসাবাণিজ্যের কথা হবে, হয়তো বা কিছু পলিটিক্স আলোচনা হবে। কেউ বাংলার grand old young man ডাক্তার রায়ের কথা বলবেন, কেউ বলবেন প্রমুখদা মানে সেনের কথা। অতুল্যদা বাদ যাবেন না। ওদিকে প্রাইম মিনিষ্টার থেকে অশোক সেন, কবীর সাহেব, সিদ্ধার্থ রায়, জ্যোতি বোস পর্যন্ত জিন্দাবাদ হবেন, মূর্তীবাদ হবেন। দেশের মুড, এগ্রিকালচার, ইউনিভারসিটি, হোম, পুলিশ সবকিছু কঠোর সমালোচনা হবে। এ ছাড়া হাজেরী আছে, সুরেন্দ্র ক্যানেল আছে, সন্তজ্ঞাত আফ্রিকা আছে। ইন্দোনেশিয়ার বড় বড় দুটো দাঁতওয়ালা স্বকার্ণো আছে। চীনে মাও সে তুঙ আছে। কোরিয়ার সিঙ ম্যান রী আছে। হো চি মিন আছে। সব থেকে বেশী করে আছে রাশিয়ার সম্ভোষিত রসিক, শক্ত মস্তক নিকিতা ক্রুশ্চেভ।

এদের সবকিছু আলোচনার প্রথম আসরটা একেবারে মেছোহাটা হয়ে উঠবে। এতে

অন্ততঃ তিন কোয়ার্টার খাবার কথা। তার আগে প্রথম পনের মিনিট হাল্কা হাল্কা ব্যাপার। কেমন আছেন? You look very smart, ah—very very smart; আপনার খোকন কেমন আছে? ক্রমে আসবে বিজনেসে। তারপর আসবে কোল্ড ড্রিং।

ক্লাব ঘরখানা সত্যিই সুন্দর।

বেশ একটা বড় হল মাঝখানে। ছপাশে ছপানা ঘর। একটা বিলিয়ার্ড টেবিল আছে। অবশ্য বনাত্তে বড় বেশী ধুলো পড়েছে। একটা ঘরে পার্টিশন দিয়ে দুভাগ করে একদিকে সেক্রেটারীর ঘর অত্রদিকে ছোটখাটো ক্যান্টিন। চা কফি হয়। কোকাকোলা সোডা আইসক্রীম মেনে—কড়া পানীয় মেনে না, তবে অকেশন হলে আমদানী করা হয়।

বড় হলটার তিন দিকে দেওয়াল ঘেঁষে তাকিয়া। একদিকে চেয়ার সোফাসেট। মাঝখানটার রিহারস্রাল হয়, গানবাজনা হয়।

আটটি দম্পতির প্রথম জন রঞ্জন—তার স্ত্রী আধুনিকা—ভাল গান গায়—মিষ্টি মেয়ে, সিনেমা দেখে, থিয়েটারেও কোঁক—তবে সে কমিক রোল করতে চায়। শিবকংকর আগে দম্পতি ছিল এখন একা; সে ম্যানেজমেন্ট করে। নরেন বোস লেখাপড়াজানা লোক—একটুআধটু লেখে, দালালি করে, তার স্ত্রী অমিয়া ক্রিটিক; বিমল রায় নামকরা ব্যারিস্টারের ছেলে—নিজেও বিলেতফেরত কিন্তু পাস কিছু করে নি, এখানে এসে টুরিস্টদের এদেশ দেখায়, এদেশের কিউরিও বিক্রি করে, বিমল রায়ের স্ত্রী সত্যিকারের সুন্দরী মেয়ে তবে বড় বেশী সোফিস্টিকেটেড। স্বামীর খাতিরে এদের সঙ্গে মেশেন তবে সে ওই ছুঁচার দিন।

এ ছাড়া জে. চ্যাটার্জী, পি. মুখার্জী আর. বোস আছেন। এঁরা সব কোল প্রিন্স। একজন ডাক্তারও আছেন। ইণ্ডিয়ান পলিটিক্সের ইঞ্জিনরুমে এঁদের অবাধ যাতায়াত। ইচ্ছামত এ ইচ্ছাপ ও নাট কখনও টাইট করেন কখনও আলগা করে দেন। কংগ্রেস থেকে কম্যুনিষ্ট পার্টির কাণ্ড থেকে ভালপালা ক্যাকড়া নিয়ে যে নানান পার্টি আছে তাদের প্রত্যেকের সঙ্গেই এঁদের অত্যন্ত প্রীতির সম্পর্ক। এঁদের প্রথম মেলামেশা এবং আলাপ বৈচিত্র্যের উপমা একমাত্র বোধ করি ময়ূরের মেনে-ধরা পেখমের মত। মনোরম তাতে সন্দেহ নেই। বৃহ মধ্য এবং মধ্য মধ্যে উচ্চ হাসিতে তালে তালে মুখরতা, সে বেশ লাগে কিন্তু তা অংশ পছন্দ করে না।

ইয়া ওঁদের সঙ্গে আরও ক'জনের নাম আছে। একজন মিষ্টি মাসীয়া। অল্পজন বড়দি।

এককালে মিষ্টি মাসীয়া মধু বোসের সি-পি-এ দলের একজন বড় উৎসাহদাত্রী ছিলেন। তাদের সাজানোগোজানোর ক্ষেত্রে মাসীয়ার অল্পমোদন ছাড়া কোন মেক-আপই গ্রাহ্য হত না। আলিবাবা নাটকে তিনি আলিবাবার বেগম ভতিমা বিবির ডুপ্লিকেট ছিলেন। বড়দি তার থেকেও বেশী—তিনি বিলেতফেরত মেয়ে—অধ্যাপনার নেমেছিলেন কিন্তু তাঁকে বিয়ে করেছিলেন একজন ধনী ছেলে—তিনিও অবশ্য বিলেতফেরত ছিলেন। উনি তাঁরই বিধবা। এমনই জনের সংখ্যা কম নয়—বোল জন। অবশ্য শচীন সেনগুপ্ত, অংশুমান এরাও তাঁদের মধ্যে।

এঁদের আলোচনার এবং প্রারম্ভিক গৌরচন্দ্রিকা বা প্রলোপের স্বরূপের সঙ্গে অংশমানের

পরিচয় আছে বলেই সে বিলম্ব করে পৌঁছেছিল সেদিন।

এই দিনের সেই স্মৃতি সেই ছবি তাকে বিচলিত করে তুললে আজ। সে কোন ১৯৫৫ সালের এক ডিসেম্বর মাস। আর আজ ১৯৫৫ সালের ফেব্রুয়ারী মাস। এতকাল পর আজ মনে পড়ছে, যেন মাত্র ক’দিন আগে দেখা ছবি।

সে যখন গিয়ে পৌঁছল তখন সকলেই এসে গেছেন—মিহু মাসীমা, বড়দি পর্ষন্ত। শচীনদা অনুস্থ। সকলে প্রত্যাশা করে আছেন তাঁর এবং আজ যে নূতন আসবে তাঁর। সীতার অপেক্ষার আছেন।

সম্ভবতঃ সীতা সম্পর্কে বক্তৃতা এবং তীক্ষ্ণ অথচ মধুসিক্ত আলোচনাই চলছিল। সব থেকে মুখর ছিলেন রঞ্জনের স্ত্রী এবং নরেন বোসের এম-এ পাস ক্রিটিক স্ত্রী।

কথাটা তিনিই বলছিলেন—ব্যাটাছেলেদের ওই, ওই ওদের মাপকাঠি—যা নতুন তাই স্বর্গীয় অথবা অপরূপ। অবশ্য এক হিসেবে তুল নেই কারণ যে রূপটি দেখি নাই যা নাকি নবরূপ তাই হল অপরূপ।

অংশুমান এসে বসতেই আলোচনার ছেদ পড়েছিল। কিন্তু মিহু মাসী ছাড়েন নি—বলেছিলেন—আমাদের ড্রামাটিস্ট-হিরো কি বলেন?

অংশু হেসে বলেছিল—আমি মাসীমা কিছুই বলিনে।

রঞ্জন বলেছিল—জুতোর শব্দ উঠছে। বোধ হয় শিবদা মিস সেনকে নিয়ে এসে গেছেন। পরক্ষণেই বললে—এই যে এসে গেছেন।

খোলা দরজার দিকে তাকিয়ে বসে ছিল রঞ্জন।

সকলেই কিরে তাকালেন দরজার দিকে।

চুপকাল একটি মেয়ে। সত্যি চমৎকার দেখতে। রঙে উজ্জ্বল গোরী তপ্ত কাঞ্চনবর্ণা এবং আলোচনা, তার উপর স্বকে একটি কোমল লাভণ্যের মন্থণতা আছে। পাঁটে যেমন দরকার তেমনই একটু দীর্ঘাঙ্গী; ছোট কপাল, চোখ দুটি বেশ টানা-ভাগর, ঠোঁট আর চিবুক ভারী সুন্দর, সবচেয়ে সুন্দর দাঁতগুলি, হাসলে মেয়েটি মনোহারিণী হয়ে ওঠে; চুলগুলি কাঁধ ছাড়িয়ে পিঠের সিকিধানা পর্ষন্ত এসে ছড়িয়ে পড়ে আছে। বাকীটা কেটে ছোট করে নিয়েছে। লামনের দিকে সোজা সিঁথির ছ’পাশে একটু ফুলিয়ে সাজানো। খুবই সুন্দর লাগছে, কিন্তু প্রসাধন করেছে বলে অপবাদ কেউ দিতে পারবে না। কানে দুটি গোল রিং। মেয়েটি হেসে নমস্কার করল। বাঁ হাতে ঘড়ি, ডান হাত খালি। আঙুলগুলি লম্বা ধরনের। গলার পলা বা লাল বিড় আর সোনার মটরদানার একগাছি হার বা মালা। এবং আজকের পোশাক তার সাদা।

বিস্মিত হয়ে গেল অংশুমান। এ সীতা সেন যেন সে সীতা সেন নয়। লাল রংয়ের পোশাকের মোড়কে তাকে একটা দীপ্তি দিয়েছিল আজ তাকে সাদা পোশাকে বিবর দেখাচ্ছে কিন্তু এতেই যেন মেয়েটিকে ভাল মানিয়েছে।

নীতা সেন তাকে নমস্কার করল—ভালো আছেন ? চিনতে পারছেন আমাকে ?

অংশু ঠিক ধরতে পারে নি খোঁচা আছে কি না। কিন্তু সংকুচিত বিনয়ের অভাব ছিল না এটা নিশ্চিত। অংশু প্রতিদানম্ভার করে বলেছিল—এঁরা বলছিলেন হিরোইন নীতা সেন একটি আশ্চর্য নতুন মেয়ে। এবং তিনি আমাকে চেনেন। আশ্চর্য্য একটা করেছিলাম। তবে আজ দেখছি এ-আপনাতে আর সে-আপনাতে তফাত আছে। কিন্তু আপনাকে দেখেই চিনেছি—সে রক্তরাগ থেকে শুভ্র পদ্মরাগের রূপান্তর সম্বন্ধে। আজ ভারী চমৎকার দেখাচ্ছে আপনাকে।

নীতা সেন ঠকে নি। সে বলেছিল—আজ তো হিটারের বিজ্ঞাপনবাহিনী নই আমি—আমি আজ মধুকরমোহিনী হিরোইন।

কালরাত্রি নাটিকার নায়কের নাম ‘মধুকর’। ছদ্মনাম—কিন্তু তাই শেষ পর্যন্ত দাঁড়িয়েছে আসল নামে। অংশুমান খুশী হয়েছিল। কারণ মেয়েটির মধ্যে সিরিয়াসনেস আছে। এর মধ্যেই বইটা পড়ে ফেলেছে।

অংশুমান বেশ সকৌতুক বিশ্লেষণী দৃষ্টিতে তাকে তখনও দেখছিল। ভাল লাগছিল।

আজ এখন মেয়েটির পরনে সব সাদা। আর একটু প্রভেদ আছে। সেদিন বাঁ হাতে রিস্টওয়াচ ছিল—তান হাতে সোনার রুলি ছিল, আজ রিস্টওয়াচ আছে—রুলি নেই। আর একটা প্রভেদ, আজ খাটো চুলগুলি শ্রাম্পু করা, এলানো। সে দু’দিনই চুলে ঈষৎ তেলের স্পর্শের চিহ্নগত ছিল আর দুই বেগী করে ঘাড়ের উপর স্তন্যর একটি খোঁপা ছিল।

আজ মেয়েটিকে সেদিন থেকে অনেক বেশী মনোহারিণী বোধ হচ্ছে। এলানো শ্রাম্পু করা চুলের মধ্যে একটা এলোমেলো নেশা রয়েছে। যেটা চোখে লাগছে। নাকের নিখাসের সঙ্গে লাগছে। মেয়েটি বসেছে সামনেই। তার বিপরীত দিকে। বেশ বৃহৎ একটি গন্ধ আসছে।

*

*

*

না—। সেদিনও তার প্রতি ঠিক আকৃষ্ট হয় নি। অংশু মানে যে, পুরুষ এবং নারীর মধ্যে যে আকর্ষণ সেটা একটা স্ত্রীত্বের আকর্ষণ নয়—দুটো স্ত্রীত্বকে একসঙ্গে পাকিয়ে নিয়ে আকর্ষণটা সম্পূর্ণ হয়। একটা আকর্ষণ দেহের অন্তর্ভুক্ত মনের। দুটো একসঙ্গে জড়িয়ে শক্ত হয়ে যখন টানে তখনই সে টান সত্যিকারের টান। দেহের আকর্ষণ হাতুড়কে অহরহ টানে। সে ওরূপ সে যুবক দেহের রঞ্জে রঞ্জে নারীদেহ কামনা কীদে—প্রতি অঙ্গের অঙ্গে প্রতি অঙ্গ কীদে। মধ্যে মধ্যে সে-কামনা দুর্বীর হয়ে ওঠে। দেহব্যবসারের বাজার আছে; অস্বীকারও সে করবে না—কখনও কখনও সে দুর্বীর বাগনাকে চরিতার্থ সে করেছে। তার জন্ত অপরাধবোধ তার নেই। কিন্তু দেহ এবং মন এই দুই দিয়ে একটি মেয়ের দেহ এবং মন কামনা করা খতম ব্যাপার। তেমন কোন কামনা তাকে চঞ্চল করে নি। সে কারণেই দিব্য অসংকোচে তাকে দেখে বাচাই করে নিয়েছিল যে হিরোইনের পাটে তাকে মানাবে কি না।

মেয়েটি একটু অস্বস্তি বোধ করেছিল।

কানে-কানে শিবকিংকর বলেছিল—চুষক নেই মেয়েটার মধ্যে ?

শিববিংকরের কথাই কোন জবাব না দিয়ে অশ্রুমান বলেছিল—আপনাকে মানাবে খুব ভাল। এর আগে অতনী বলে একটি মেয়ে পাটটা করেছিল—তার হাইট কম মনে হয়েছিল।

লজ্জিত হয়েছিল সীতা সেন। অশ্রুমান বলেছিল—একটু আগে বললেন ‘মধুকর মনমোহিনী’। তা হলে বুঝতে পারছি এর মধ্যেই নাটিকাটা পড়ে ফেলেছেন আপনি।

সীতা বলেছিল—রেডিয়োতে আমি শুনেছি।

—বইটা পড়েন নি?

—না।

—আজ্ঞা। কিন্তু এটা বুঝতে পারছেন যে আপনাকে ডাবল্ রোলে প্লে করতে হবে। মানে বউ এবং নার্স দুজনের রোল আপনাকেই করতে হবে।

—আমি পারব?

—কেন পারবেন না? যেমন সহজভাবে সেদিন আমাকে বস্ত্রপাতির কথা বুঝিয়ে এলেন ঠিক তেমন সহজভাবে কথা বলে যাবেন—আর ভাবতে হবে আপনি ওখন কে। মানে তাই হতে হবে।

চুপ করে থেকেছিল সীতা। শুধু একটা রজনীগন্ধার ডাঁটা ছেঁড়া একটা সবুজ পাতা নিয়ে কুটিকুটি করে ছিঁড়েছিল।

রঞ্জন বলেছিল—আজ রিডিং দেবেন বইয়ের। নাও বই ধর অশ্রুমান।

রঞ্জনের বউয়ের হাতে তার ছিল অতিথি আপ্যায়নের—সে কফি এবং কাক্সডানাম, বিস্কুট সাজাচ্ছিল ওঘরে—তার সঙ্গে ছিলেন বড়দি। নয়ন বোসের শিক্ষিতা স্ত্রী বলেছিলেন—দাঁড়ান দাঁড়ান। আপনারা পুরুষেরা ভারী স্বার্থপর। ওরা আশ্রুক তবে আরম্ভ করবেন।

*

*

*

নাটিকার আরম্ভ একটি নার্সকে নিয়ে।

অশ্রুমান পড়তে আরম্ভ করেছিল।

—একটি নার্স মেয়ে। সুন্দরী চটুল এবং প্রগল্ভা মেয়ে। গুরু ডাক্তারেরা তার প্রতি বৃদ্ধ। তারা তাকে অ্যাডমায়ার করে অ্যাডোর করে। আকারে ইন্ডিতে তাকে তাদের হৃদয়ের বার্তা জানায়। সে তাদের নিয়ে খেলা করে। হাসে। তাদের নাচায়। কিন্তু আমল দেয় না। একজন গুরু ডঃসাহসী বিলেতফেরত—এসব বিষয়ে নামকরা কুটিলচরিত্র সুদর্শন ডাক্তারের একথানা ডায়েরী এবং চিঠি হস্তগত করলে যাতে ডাক্তারটির মারাত্মক স্বকর্মের স্বীকৃতি আছে। ধরাও সে দিয়েছিল। ডাক্তারটি জানতেন না চুরির কথা। এরপর তিনি তাকে কেলে যে মুহূর্তে সরে যেতে চাইলেন সেই মুহূর্তে সে হস্তগতকরা ডায়েরী এবং চিঠি প্রকাশ করে দিতে উত্তত হল। ডাক্তার বিষ খেয়ে আত্মহত্যা করলেন। কিন্তু অস্ত্র সব ডাক্তারেরা তার উপর বিরূপ এবং প্রায় খড়গহস্ত হয়ে উঠল। মেয়েটি চাকরি করত একটি নার্সিং হোমে। সেখানকার বিনি প্রধান তিনি প্রৌঢ় খ্যাতনামা চিকিৎসক; তিনি কিন্তু মেয়েটিকে স্নেহ করতেন কত্নার মত। অস্ত্র ডাক্তারেরা ইঙ্গিত করত যে, মেয়েটির পিতৃস্বের দায়িত্ব তার। অথবা যৌবনে যে নার্সটিকে তিনি ভালবেসেছিলেন—যে নার্সটি এই মেয়েটির চেয়েও বৈয়াক্তিক

ছিল এ তারই মেয়ে। স্নেহটা সেই হেতু। তবুও তিনি নার্সটিকে ডেকে বললেন তাকে বিচারের সম্মুখীন হতে হবে। অবশ্য বিচার করবেন কয়েকজন ডাক্তার। যদি মেয়েটির অস্ত্র প্রমাণিত হয় তবে তার নার্সবৃত্তির ডিপ্লোমা ক্যান্সেল করে দেওয়া হবে। এইখানেই নাটকের আরম্ভ। পিছনের ঘটনাগুলি বাদামুহুরীদের মধ্যে ব্যক্ত হয়েছে। এই মুহূর্তেই একটি লোক এল প্রবীণ ডাক্তারের কাছে। তাঁরই চিকিৎসাধীন এক রোগীর বাড়ি থেকে। কেসটি বাইরে থেকে সাধারণ কেস। কিন্তু ভিতরে অনেক জটিলতা। একটি অবস্থাপন্ন ঘরের ছেলে। সুদর্শন তরুণ। এক বছর আগেও তার হাসি-উল্লাসের সীমা ছিল না। বাণী বাজাত আর ছদ্মনামে গান রচনা করত—সুরও দিত—যা রেকর্ডও হয়েছিল এবং অন্নদিনের মধ্যে তরুণ-সমাজে অত্যন্ত প্রিয় হয়ে উঠেছিল। সে তার ছদ্মনামটি কিন্তু এমন সযত্নে গোপন রেখেছিল যে, বন্ধুবান্ধবও জানত না। এক বৎসর আগে ঠিক আজকের তারিখে ছিল তার বিয়ের কালরাত্রি। অর্থাৎ বিয়ের ঠিক পনের দিনের রাত্রি। এই রাত্রিতে হিন্দু সমাজের বিধিমতে বর ও বধূর সাক্ষাৎ নিষিদ্ধ। এর পরদিন হয় ফুলশয্যা। কলকাতার দক্ষিণে নদীর ধারে গ্রাম; অবস্থাপন্ন ঘর। ঘরে ওই এক ভাই আর তার বড় বিধবা বোন নিয়ে সংসার। বড় দিদিই তাকে মালুম করেছেন। আর দু'চারজন পোড় আত্মীয় আছে। রূপসী মেয়ে দেখে বিয়ে দিয়েছিলেন দিদি। সে নিজেও তাকে দেখে এসেছিল। মুগ্ধ হয়েছিল বিশেষ করে এই কারণে যে, মেয়েটি ভাল গান গায় এবং কনে দেখার আসরে মধুকরের (তার ছদ্মনাম) গানই সে গেয়েছিল। সকৌতুকে সাহসরাগে সে তার পরিচয় গোপন রেখে মধুকরের নিন্দা করেছিল, তাতে মেয়েটি ক্ষুব্ধ হয়েছিল। ছেলেটি ঠিক করেছিল, প্রথম মিলন-রাত্রির আগে পর্যন্ত সে এ পরিচয় গোপনই রাখবে। অর্থাৎ ফুলশয্যার রাত্রি পর্যন্ত।

আরও ঠিক করেছিল যে, ওই দিন লোকসমাজেও সে প্রকাশ করবে যে, সেই মধুকর। বিয়ের পরদিন বর-কন্যা এসে নৌকায় করে যখন ঘাটে পৌঁছল তখন ঝড় বৃষ্টি—ছুপোগ। অবশ্য খুব বিপদের মত নয়। তবে তার ফলে দিদির অনেক সাধ করে ব্যবস্থা করা শোভাযাত্রা পণ্ড হল। আলো-বাজনাসহযোগে দুই পালকিতে বর ও কন্যাকে সারা গ্রাম প্রদক্ষিণ করিয়ে আভসবাজি পুড়িয়ে ঘরে তোলা গেল না। দিদি ব্যবস্থা করলেন, বর-কন্যা সেদিন ওই ঘাটেই দুখানা স্বতন্ত্র নৌকায় রাত্রিবাস করবে। পরের দিন সকালে শোভাযাত্রা নাজিরে বর-কন্যাকে গ্রাম প্রদক্ষিণ করিয়ে তুলবেন—বধূবরণ করবেন; সারা গ্রামের লোক দেখবে।

সেই ব্যবস্থা মত বর-কনে দুই পাশাপাশি নৌকায় গ্রামের ঘাটে রাত্রিযাপন করছিল; নৌকায় মাঝিরা ঘুমিয়েছে, বরের চাকর কনের ঝি সকলে ঘুমিয়েছে; প্রায় মধ্যরাত্রি; আকাশের মেঘ কেটে গিয়ে আকাশে চাঁদ উঠেছে; বরের ঘুম হয় নি—সে বাণী হাতে এসে নৌকায় ছইয়ের বাইরে এসে সুর তুলছিল—মধুকরের গানের সুর। হঠাৎ তার মনে হয়েছিল, বাণীর সুরের সঙ্গে কণ্ঠ মিলিয়ে কে গান গাইছে। তারপর বধু এসেছিল বাইরে। সে বাজিরেছিল বাণী—সে গেয়েছিল গান। মাঝিরা জেগে উঠেও আবার চোখ বন্ধ করেছিল, কান্ড দেখে—নদীর বাতাসে ঘুমিয়েও গিয়েছিল। হঠাৎ বর বলেছিল—রাত্রিটা কি এমনিই যাবে।

মেয়েটি উঠে দাঁড়িয়ে বলেছিল—আমি বাই—আমাকে ধর—।

সে বারণ করতেও সময় পায় নি—বলতে পায় নি—আমি বাই—; বধুও নৌকো থেকে পাশের নৌকোর আসবার জন্ত পা বাড়িয়েছিল। খুব কাছাকাছি নৌকো, তবু নৌকো দু'লে উঠে সরে গিয়েছিল, বধু পড়ে গিয়েছিল জলে। সঙ্গে সঙ্গে বরও বাঁপ দিয়েছিল। মাঝিমাঝিরাও জেগেছিল। তারাও এর পর বাঁপ দিয়েছিল। গভীর তখন জোয়ার। সহজে পায় নি তাদের। বরকে পেয়েছিল অচেতন অবস্থায়। বুকে আঘাত লেগেছে। পরদিন কনেকে পেয়েছিল চড়ার উপর—ফুলশয্যার বদলে বালির শেষ শয্যার শুয়ে শেষ ঘুমিয়ে আছে।

বরের অন্তর তখন থেকে। তখন কলকাতার হাসপাতালে এনে রাখা হয়েছিল তাকে। বৃকের আঘাত সেরেছিল; কোমরেও আঘাত লেগেছিল—তাও সেরে এসেছিল। ডাক্তারদের মতে ছেলেটি নিজে কিছু সারে নি। শুধু ক্লান্ত আচ্ছন্ন মত পড়ে থাকে। ভাল সে হয় নি। ভাল হতে সে চায় না। ভাল সে হবে না। তার শেষদিন আসবে আগামী বৎসরের ওই কালরাত্রির তারিখে, তার দুট খারশা সেদিন তার মৃত্যু বধু আসবে, তার পাশে দাঁড়িয়ে হাত বাড়াবে, সেও হাত বাড়াবে, বধুর মতই সে পড়বে মরণ-সমুদ্রে, বধুও ডুব দিয়ে তার হাত ধরবে গিয়ে এবং চলে যাবে তারা নিরুদ্দেশের দেশে।

এই চিকিৎসার তার নিয়েছিলেন এই বিখ্যাত প্রবীণ চিকিৎসকটি। হাসপাতাল থেকে ছাড়িয়ে এনে মাস দুয়েক ক্লিনিকে রেখে, তিনি তাকে বাড়িতেই রাখার ব্যবস্থা করেছিলেন। রোগীদের মধ্যে না রেখে তার নিজের ঘরে স্বাভাবিক অবস্থার মত রেখেছিলেন। তার বই গ্রামোফোন রেডিওর ব্যবস্থার মধ্যে রেখে চেয়েছিলেন ধীরে ধীরে ছেলেটি জীবনের আকর্ষণ ফিরে পাবে। নাস ছিল। নাসদের ছেলেটি পছন্দ করে না। রাখতে চায় নি। কিন্তু এই প্রবীণ ডাক্তারটি তাকে মিষ্টি কথা রান্ধী করিয়েছিলেন। বলেছিলেন—তোমার কথা অস্ত্রে যে অবস্থাস করে করুক, আমি করি না। আমি বিশ্বাস করি। বিশ্বাস করি ওই দিন নিশ্চয় সে আসবে। কিন্তু সে দিনটি পর্যন্ত তো তোমার সেবার জন্ত লোক চাই। তার জন্ত নাসরাই সব থেকে পারদম—তারাই এ কাজের জন্ত বিশেষ শিক্ষা নিয়েছে। স্ত্রীরাং নাসে আপত্তি করলে চলবে কেন? এর উত্তরে কোন যুক্তি ছেলেটি পায় নি, সে রাজী হয়েছিল কিন্তু তরুণী নাস পাঠাতে নিবেদন করেছিল। প্রৌঢ়া নাস রাখা হয়েছিল একজন।

তাতে কিন্তু সমস্তা মেটে নি। কোন নাসকেই সে এক সপ্তাহ দু' সপ্তাহের বেশী সহ করে নি। উত্তেজিত হয়েছে সামান্ত জটিলে। কটু কথা বলেছে। তাকে সরিয়ে আবার অন্য নাস এসেছে।

আজ সেই দিন। সকাল থেকেই রোগী উত্তেজনার অধীর। সে আসবে। তার জন্ত বিছানার শুয়ে শুয়েই নির্দেশ দিচ্ছে। ঘর সাজাচ্ছে চাকরে। কাপড় কৌচাতে বলেছে—সে পরবে। মালা গাথা হচ্ছে। বাঁশী নিয়ে বসে আছে। আজ সে বাজাবেই। এসব দেখে প্রৌঢ়া নাসটি একটু বিরক্তি প্রকাশ করেছিল, সেই কারণে সে তৎক্ষণাৎ তাকে ডাকিয়ে

দিয়েছে। রোগীর দিদি কাঁদছেন। তিনি বুদ্ধ কর্মচারীকে পাঠিয়েছেন ডাক্তারের কাছে—
আজ তাঁকে যেতেই হবে। রোগীকে যদি কোনমতে শান্ত করতে পারেন।

ডাক্তার শুনে অনেকক্ষণ চিন্তা করলেন। তারপর সহকারীকে ডেকে পরামর্শ করলেন।
স্থির করলেন বিচিত্র পন্থা। তারপর দুজনে গেলেন রোগীকে দেখতে। দেখলেন—বুকের
কথা অক্ষরে অক্ষরে সত্য। রোগী বরের সাজে সেজে হাতে বাঁশী নিয়ে বসে আছে। বাঁশীর
সুর না উঠলে অশরীরিণী বধু তো কায়ামরী হয়ে আসতে পারবে না। তার বাঁশীর সুরই
হবে অসীম শূন্যলোকে তার পথের সূত্র। বাঁশী তাকে বাজাতেই হবে।

ডাক্তার তাকে পরীক্ষা করে দেখলেন। কথা কইলেন। বুঝলেন ভাবপ্রবণ যুবকটি
উদ্ভাদ হয়ে গেছে। এ ধারণা থেকে তার বিশ্বাস কোনক্রমেই নড়বে না। তার এ বিশ্বাস
এমনি দৃঢ় যে প্রতিনিবৃত্ত করতে গেলে হিতে বিপরীত হবে।

তিনি ভেবে নিরে বললেন—বেশ তাই হবে।

নির্দেশ দিলেন—কেউ যেন তার কথার প্রতিবাদ না করে। অমান্তও না করে। তবে
রোগীর কাছে প্রতিশ্রুতি নিলেন যে, অশরীরিণী বধু কায়ামরী হয়ে না আসা পর্যন্ত সে
রোগী।

রোগী বললে, সেই নির্দিষ্ট সময়ে বারোটার সময় বাঁশী বাজাবে সে।

—নিশ্চয়, কিন্তু বারোটার আগে নয়।

তাই স্থির করে ঘর থেকে বেরিয়ে এসে রোগীর দিদিকে বললেন—প্রতিবাদে কোন লাভ
নেই। যা বলছে তাই করে যান। দেখুন না কি হয়। হয়তো বউয়ের আত্মা আসবে।

বলে তাঁকে চুপিচুপি বললেন—একটি ব্যবস্থা আমি করব। একমাত্র পথ। দেখুন
তাতে কি হয়। একটি কথা, আপনাদের বউটির ছবি দেখে মনে হয় একটু দীর্ঘাকী ছিল
এবং হালকা শরীর ছিল।

—হ্যাঁ।

—তাহলে সে আসবে। একটি শর্ত। বউটির গায়ে যে গহনাগুলি ছিল সেগুলি সব
বের করে রাখবেন, কি ধ্বংসের কাপড় ছিল? বিয়েতে সাধারণতঃ লাল রঙই তো থাকে।

—ফিকে গোলাপী বেনারসী।

—ভেমন কাপড় কিনে আনতে হবে। কেমন? বুঝছেন তো, তার আত্মা যখন কায়
ধরবে, তখন এগুলি সে পাবে কোথা। সে সবই তো চিতার উঠবার সময় ফেলে গেছে সে?
তার বউ যদি এসে শুকে না নিয়ে গিয়ে নতুন করে বাঁচিয়ে দিবে যার তবে সে গহনা কাপড়
নিয়ে যাবে। যদি নিয়ে যার তবে নিশ্চয় সে ফেলে দিয়ে যাবে। বুঝলেন।

দীর্ঘনিশ্বাস কেলে দিদি বলেছিলেন—তাই হবে।

ডাক্তার বলেছিলেন—বউ আসবে আপনাদের। কিন্তু কোন পথে কিভাবে শুধু আপনি
জানতে পারবেন, কিন্তু অল্প কেউ যেন না জানে।

তাই হল। মধ্যরাত্রে বাঁশীর সুর তুললে সে, অর্ধোন্মাদ তরুণ।

ঘরে নীলাভ আলো জলছিল।

ঠিক জানালার ধারে এসে দাঁড়াল ফিকে গোলাপী রঙের বেনারসী পরা দীর্ঘাদী তরুণী। সেই গহনা। সে বললে—আমি এসেছি।

রোগী উঠে বসল। বধু বললে—তুমি তো জান মর্ত্যের আগুনের আলো আমার এ মায়ায় কায়তো সহ হয় না। ওই আলোটা নিভিয়ে দাও। ওগো, নইলে যে আমি তোমার কাছে যেতে পারছি না!

রোগী বললে—তোমার মুখ কেমন করে দেখব?

—চাঁদের আলোয়। আজ যে আকাশে পূর্ণিমার চাঁদ। তিথি তুলে গেছ। সেই আলো জানালা দিয়ে এসে পড়বে মেনেতে, আমি বসব সেই আলো সারা অন্ধ মেখে—আমাকে তুমি দেখবে।

অপরূপ কথার আত্মহারা বর বেড-সুইচ টিপে আলো নিভিয়ে দিল; কনে এসে জ্যোৎস্না ছড়িয়ে-পড়া মেঝের উপর বসল। টেবিলের উপর খালি মালা ছিল—সেই মালা নিয়ে বরের গলায় পরিয়ে দিয়ে বললে—এবার তুমি পরিয়ে দাও।

মেরেটি আর কেউ নয়, বধুর আত্মা নয়, সেই নাস'টি, যে তরুণ ডাক্তারদের নিয়ে খেলা করে কিন্তু ধরা দেয় না। ধরতে গেলে কালনাগিনীর মত দংশন করে। প্রবীণ ডাক্তারটি শেষে এই উপায় স্থির করেছেন। রোগীর বিশ্বাসমত ওর বিশ্বাস পূরণ করিয়েই মেরেটি আসবে বধু সঙ্গে; সেই সজ্জা, সেই আভরণ; সেই দীর্ঘাদী তরুণী, আলোহীন ঘরে জ্যোৎস্নার মায়ালোকে অকুবিখ্যাসের ঠুণীপরা বর তাকে বধু বলেই বিশ্বাস করবে। এবং প্রথম কিছুক্ষণ উত্তীর্ণ হলে আর ধরবার কোন শক্তিই তার থাকবে না; মেরেটি তাকে তার করম্পর্শে ছলনাভরা কথায় তুল থেকে গভীর তুলে নিয়ে যাবে; শান্ত করবে কাছে বসে, কপালে হাত বুলাবে। তারপর ধীরে ধীরে তার বাঁচবার ইচ্ছা কিরিয়ে আনবে। বলবে—তুমি বাঁচ—তোমাকে যে বাঁচতে হবে। তুমি মধুকর নামে বিখ্যাত হও। আমি শুল্ললোকে ঘুরব আর সুনব মধুকরের গান আকাশে উঠে ঘুরে বেড়াচ্ছে। তাতেই হবে আমার অনন্ত তৃপ্তি। তুমি বাঁচ, তুমি বাঁচ। ওগো তুমি বাঁচ। তারপর তাকে বিশ্বাস করিয়ে বলবে—তুমি বিয়ে কর। তুমি বিশ্বাস কর, আমি তার আত্মার সঙ্গে এক হয়ে যাব। বিয়ে না করলে আমাকে শুধু শুল্ললোকে কিরতে হবে। দেখ তুমি ভাল হয়ে গেছ। ওঠ তুমি, দাঁড়াও, এস, তুমি আমার কাছে এস। সে নিশ্চয় হাটবে। শুধু সাবধান—যেন মানবী দেহের উত্তম অঙ্গম্পর্শে তার মোহ না ভাঙে। এইভাবে ধীরে ধীরে তার বিশ্বাস কিরিয়ে এনে তাকে ঘুম পাড়িয়ে চলে আসবে সে। ঘুমের ওষুধ সঙ্গে থাকবে তার। তাই সে সময়মত তাকে খাইয়ে তার মাথায় হাত দিয়ে বসবে।

এর অন্ত সে ওই বধুর অলঙ্কারগুলি সব পাবে; যার দাম অন্তত সাত-আট হাজার টাকা। ছেলেটিকে যদি বাঁচাতে নাও পাবে—যদি সব ব্যর্থ হয়, তবুও এই এক রাজির অভিনয়ের অন্ত এক হাজার টাকা দেওয়া হবে তাকে।

মেরেটি এল—সকোতুকেই এল। এক বিচিত্র অভিনয়। এবং আশ্চর্য নৈপুণ্যের সঙ্গে অভিনয় করে গেল। রোগীকে শেষরাতে ঘুম পাড়িয়ে বেরিয়ে এসে যখন সে ক্লান্ত হয়ে অন্ত

ঘরে প্রতীক্ষমাণ ডাক্তারের সামনে চেঁচিয়ে বসে টেবিলে মাথা রাখল তখন পৃথিবীর রঙ যেন পালটে যাচ্ছে।

ডাক্তার হেসে বললেন—ওয়েল ডান! খুব ভাল করেছ। অভূত! কিন্তু তুমি একটু বিশ্রাম কর। একটু পরেই রওনা করে দেব তোমাকে আমার গাড়িতে। এখানে কাউকে দেখতে দেব না। কোনক্রমে এ কথা ওর কানে উঠলে হয়তো ও পাগল হয়ে যাবে।

ডাক্তার বেরিয়ে গেলেন—মেয়েটি সেই বধুবেশেই সেখানে একটা বিছানা পাতা ছিল তাতে যেন ভেঙে পড়ে শুয়ে পড়ল।

কিছুক্ষণ পরে ডাক্তার ঘরে এসে ওকে ডাকলেন। কিন্তু সাড়া পেলেন না। নাড়া দিয়ে দেখলেন, মেয়েটি বেঁচে নেই। তার হাতের মুঠোয় চিঠি। তিখেছে—জীবনে শেষ অভিনয় করে গেলাম। এরপর আর বাঁচতে পারব না। মনে হচ্ছে সব পেয়েছি। সকাল হলে সব হারাব। তাই সকাল হবার আগেই বিষ খাচ্ছি, পটাসিয়াম সায়নাইডেড। ওটা আমার ভ্যানিটি ব্যাগে থাকত অনেক দিন থেকে। আজ কাজে লাগল। জীবন এত মধুর জানতাম না। সে স্বাদ মিলিয়ে যাবার আগেই চলে যাচ্ছি আমি।

*

*

*

দাদার শালী নমিতার বন্ধু স্মৃতি। স্মৃতির কাঁকা কোরিয়া-ফেরত ডাঃ ক্যাপ্টেন সেন। তাঁর কাছে ডাঃ গিরীন্দ্রশেখর বসুর বিচিত্র পথে মানসিক ব্যাধি ভালো করার গল্প। একটি অবস্থাপন্ন ঘরের ছেলে জীবনে বিমর্ষ এবং ব্যাধিগ্রস্ত হয়ে গিয়েছিল। গিয়েছিল অবশ্য একটি মেয়েকে ভালবেসে। ডাঃ বসু একটি নার্স ওরুগীকে নিয়োগ করেছিলেন ছেলেটিকে আকর্ষণ করে উল্লসিত করে তুলে বাইরে বের করবার জন্য। ছেলেটি বের হল ভাল হল, কিন্তু মেয়েটি ছেলেটিকে ভালবেসে চিরবিষন্ন হয়ে গেল। আর একটি গল্প ওই নমিতাদেরই এক আত্মীয় ওরুগের রোমাঞ্চিক গল্প। ছেলেটি বিয়ে করে বাড়ি এল বউ নিয়ে। কালরাত্রি সেদিন। বর-বউয়ে দেখা হতে নেই। সকল জনকে লুকিয়ে সেই দেখা করতে গিয়ে অ্যাকসিডেন্ট হয়েছিল—তাতে বউ জলে ভেসে গেল, বর বাঁচল। কিন্তু তার ধারণা হল ঠিক এক বছর পর ওই দিনটিতে তার বউয়ের আত্মা এসে তাকে নিয়ে যাবে। এবং তাই ঠিক ঘটল। ছেলেটি ঠিক ওই দিনই মারা গেল। এই দুটি গল্পকে মিশিয়ে লেখা নাটক।

অংশুমান নাটকখানি আগাগোড়া নিজের মত করে রিডিং দিয়েছিল। সে নিজে লেখক এবং অ্যাকটিংও ভাল করে—তবে তার অ্যাকটিংয়ে একটু ইমোশন আছে। একালের মত বাস্তবতার জন্তে শুকনো নয়। কিন্তু ইমোশনের আমেজের ফলও আছে। সে যখন পড়া শেষ করল তখন সকলে অভিভূতই হয় নি চোখও সকলের সজল হয়ে গেছে। বই রেখে সে চুপ করল। গোটা ঘরটা স্তব্ধ হয়ে রইল। মেয়েরা চোখ মুছছিল। সীতা যেন দুই হাঁটুর উপর চিবুকটা রেখে স্তব্ধ হয়েই বসেছিল—চোখের জল সে মোছে নি। জলের রেখা দুটি চিকচিক করছিল গালের উপর।

অংশুমান একটা সিগারেট ধরিয়ে বলল—বই ভাল—তবে শক্ত।

রজন বলল—শক্ত না হলে ভাল হয় কি করে?

বিমল গুপ্ত বলল—দাটন্ হট!

মাসীমা বললেন—আমার খু—ব ভাল লেগেছে। খু—ব ভাল।

বড়দি তখনও চোখ মুছছিলেন। বললেন—বড় লেখকের লেখা! তাছাড়া আনো—লেখাটা ট্রান্সলেট হয়েছে ইউরোপে! ওই যে গুরুসদর দত্ত রোডে মিনেস সিনহা থাকেন—নরওয়ার্থের মেয়ে—উনি ওঁদের ভাষার ট্রান্সলেট করেছেন। উনিই তো আমাকে বললেন। রেডিয়োতে শোনা শেষ করেছেন—আমি গেলাম—আমাকে বললেন—কি সুন্দর একটা ওয়ান-অ্যাক্ট প্লে হল রেডিয়োতে বড়দি, কি বলব! আমি ট্রান্সলেট করব আমাদের ভাষায়। আমি বললাম—তার আর কি—অংশ আমাকে মাসীমা বলে। সে তোমাকে ম্যাডলি পারমিশন দেবে।

অংশুমান বলল—আমি উঠব রঞ্জন। না হলে আর মাসীমার উচ্ছাস সামলানো যাবে না।

—দাঁড়ান, ট্যাক্সি আনাই।

সীতা সেন বলেছিল—আমিও যাব রঞ্জনবাবু। শিবকিংকরদা!

শিবকিংকর বলেছিল—নিশ্চয়।

রঞ্জন বলেছিল—আপনার বাড়ি যাবার পথেই মাঝখানে ওঁর বাড়ি। শচীনদার বাড়ির একটু আগে। বাগবাজার স্ট্রীট ছাড়িয়েই গলির মধ্যে।

পথে সেই দিনই শচীনদার ওখানে সীতাকে নিয়ে গিয়েছিল। শিবকিংকরই জোর করে নিয়ে গিয়েছিল। মতলব ছিল তার, সীতা বোঝে নি কিন্তু রঞ্জন বুঝেছিল—হয়তো বা সেও জানত এ মতলব তবে সে এটা অহুমান করতে পেরেছিল। শচীনদা ওকে সদ্বাক্য বলে উপদেশ দিয়ে আত্মবীদ করবেন—উৎসাহবাক্যও বলবেন—তাতে সীতা যে পাখানি এ পথে বাড়িরেছে সেখানি আর গুটিয়ে নেবে না।

শচীনদার বাড়ির কাছে এসেই ট্যাক্সি থামিয়ে শিবকিংকর এক মিনিটের জন্য শচীনদার কাছে গিয়ে ফিরে এসে বলেছিল—শচীনদা ডাকছেন। মিস সেন, আপনাকেই ডাকছেন বেশী করে।

নামতে হয়েছিল।

শচীনদা অসুস্থ শরীরে বিছানার উপর আধবসা হয়ে বসেছিলেন। বলেছিলেন—এস এস। এই শীতের রাজ্যে তোমাদের ভালবাসার উত্তাপে একটু গরম করে দিবে যাও। চা হবে নাকি একটু?

সকলেই না বলেছিল। সকলে প্রণাম করে সরে দাঁড়ালে সীতা এগিয়ে গিয়ে পারে হাত দিয়ে প্রণাম করে একপাশে আনতমুখে ঠাড়িয়েছিল। শচীনদা বলেছিলেন—এদেশের সকলের অতিপরিচিতা—হৃদয়ের স্নেহস্বাধারাসিক্তিতা তুমি সীতা। এঁ্যা। তুমি তো সুন্দর এবং মর্দান। হুইই। তুমি নামবে স্টেজ? নাম নাম। স্টেজকে আরও উজ্জ্বল করে তোল বুঝে—brighter কর—more dignified—এবং পবিত্র কর আরও। একালে কে

কার, বা কে কোন বংশোদ্ভূত, তা নিয়ে কোন প্রশ্নই তোলে না। তার সত্য মূল্যও নিশ্চয় নেই; দিল্লীর চাঁদনী চৌকের ধারে তার প্রমাণ ছড়ানো আছে। কিন্তু এটা নির্ভুল যে, বংশের না হোক প্রতিটি মানুষের একটা বার্ষরাইট আছে এবং বেসপনসিবিলিটি আছে। শুচিবাদে একটা ব্যাধি কিন্তু শুচিতা মানুষের জীবনে যহুযহের অন্ততম পরিচর। জন্ত মরলা মেখে থাকে, তাতে তার ক্ষতি হয় না। মানুষের কিন্তু চর্যরোগ জন্মায়। যে মানুষ আনন্দীন সে নিঃসন্দেহে মানুষদের মধ্যে নীচ। জীবের মধ্যে মানুষই মাথা উচু করে খাড়া সোজা হয়ে দাঁড়ায়। মাথা নীচু হলে তার অমর্যাদা হয়।

সীতা একটি কথাও বলে নি।

আসবার সময় আবার শতীনদা বলেছিলেন—অংশুমানের উর্গো দিকে দাঁড়াতে হবে। তা পারবে তুমি। এবং মানাবে ভাল। আমি অভিনয় দেখতে নিশ্চয় যাব। ততদিনে ভাল হয়ে যাব। আর একটা কথা—তোমরা কোথাকার সেন?

সীতা এবার কথা বলতে বাধ্য হয়েছিল—বলেছিল—ঠাকুরদা বেহারে ছিলেন, গয়াতে ওকালতি করতেন। বাবা বাংলাদেশে গভর্নমেন্ট সার্ভিস নিয়েছিলেন। চাকরিতে ঘুরে ঘুরেই বেড়িয়েছেন। এখন ওই খালের পোলের কাছে—

—আরে তোমাদের আদি বাড়ি কোথার?

সীতা বলেছিল—তা জানি না।

—এই দেখ। অংশুমান, নতুন কালটা এমনি ভাবেই নোঙর ছিঁড়ে বেমালাম স্বরাপাতার মত ছড়িয়ে ছড়িয়ে হারিয়ে গেল হে! দুঃখ করিনে। তবে দীর্ঘনিশ্বাস পড়ে। সীতাকে একটু দেখো তুমি। বুলে?

*

*

*

শতীনদাই বোধ করি সীতাকে হাত ধরে তার একটু বেশী কাছে এনে নিয়েছিলেন। পথে সীতা তাঁকে উদ্দেশ্য করে বারবরেক নমস্কার জানিয়ে বলেছিল—ভারী ভাল লাগল। দেবতার মত মানুষ। সুনতাম উনি নাকি রাগী লোক।

শিবকিংকর বলেছিল—রাগলে একেবারে ক্ষেপে যান। কোন অস্ত্রায় সহ করেন না।

সীতা বলেছিল—ভারী লজ্জা লাগল আমার, আমাদের বাড়িটাড়ির কথা কিছুই বলতে পারলাম না!

অংশুমান বলেছিল—জেনেও বিশেষ কিছু হয় না মিস সেন। কাল আমাদের এমনভাবে টেনে নিয়ে চলেছে—কারুর কোন পরিচরই সে আর রাখবে না। সব মাটি-চাপা পড়বে।

পথে তার বাড়ি এসে পড়েছিল।

নেমে ঝাবার সময় সে বলেছিল—আমার ভয় করছে অংশুমানবাবু। এ বোধ হয় আমি পারব না।

১৯৬৭ সালে আজও তার কানে বাজছে সীতার সেদিনের কথা। রজন, শিবকিংকর দুজনেই কথাটা শুনে হাঁ হাঁ করে উঠেছিল। কিন্তু তার মনকে যেন বিচিত্র স্পর্শে স্পর্শ

করেছিল তার কথা। সেই কারণেই সে ওদের হৃদয়কে ধামিয়ে দিয়ে বলেছিল—কি ভয় করছে বলুন তো ?

সীতা বলেছিল—তা বলতে পারি না। তবে ভয় করছে। এবং চূপ করে গিয়েছিল সে।

অংশুমান বলেছিল—আমি এইটুকু বলছি যে অভিনয় চেষ্টা করলে আপনি পারবেন। দিন কয়েক দেখুন—যদি আপনাকে দিয়ে না হয় তবে আমিই বলে দেব। আর হলে বড় সাকশেস পেতে পারবেন আপনি। আর সংসারে ভয় আছে—তবে সে কোথায় নেই বলুন ?

একটা দীর্ঘনিশ্বাস ফেলে সে গলির ভিতর দিকে চলে গিছিল। বাড়িটা তাদের খানকতক বাড়ি পরে।

*

*

*

পরের দিন রিহারস্‌শালাে সীতা এল। ঘেন বিষন্ন হয়ে এসেছিল। না। বিষন্ন নয়—মগ্ন হয়ে ছিল নিজের মধ্যে। হাতে বইখানা ছিল। রিহারস্‌শালা আরম্ভের পূর্বেই সে তার কাছে এসে বসেছিল এবং বলেছিল—অংশুবা! এ আমি পারব না।

চমকে উঠেছিল সে।—পারবেন না ?

—না। এ আমি পারব না।

একসঙ্গে ষোড়শী সংঘের ষোলজনই স্থলে আঠারো কুড়িজন হাঁ-হাঁ করে উঠেছিল। সীতা অসহায়ের মত দাঁড়িয়েছিল। তাদের হাঁ-হাঁ শেষ হলে অংশুমান বলেছিল—দেখুন মিস সেন, তেনভিং নোরকে মাউন্টেনীয়ারিং শিখে এভারেস্ট জয় করে এল। আপনি রিহারস্‌শালা দিয়েই দেখুন—তারপর যদি না পারেন পারবেন না। বলুন। আচ্ছা—কাল আমি রিডিং দিয়েছি আজ আপনি একটা রিডিং দিন তো। অত্যন্ত প্রথম সিনটা। বসে বসে পড়তে পারবেন তো !

না বললেই ভাল হতো।

আজ খাঙ্কা-খাওয়া গাড়িখানার মধ্যে অচেতন সীতা—

ওঃ !

কচি শিশুটা ! হাতখানা তার—। বৃক্কের মধ্যে নির্ভরতম একটা যন্ত্রণার বৃক্কখানা ফেটে যেতে চাচ্ছে।

*

*

*

নিরতি ? না ; নিরতি ভাগ্য দৈবের পাপ পুণ্য এসব সে মানে না। বিশ শতাব্দীর পঞ্চাশ বছরের পরের পঞ্চাশ বছর নতুন কাল নতুন পৃথিবী নিয়ে এসেছে। এ যুগে কোন কিছুই অ-দৃষ্ট নয়। এ যুগে আকাশে দেবতা নাই স্বর্গ নাই। একালে সুখ আছে ভোগে—দুঃখ আছে অভাবে ; সমস্ত সমস্তার সিদ্ধান্ত আছে বুদ্ধিতে। নিরতি নাই।

বুদ্ধির ভুলে ঘটে গেছে এমনটা।

সীতাকে পড়তে না বললেই হতো। সম্ভবতঃ ওইটেই প্রথম ভুল।

সীতা পড়ে গিয়েছিল। লেখাপড়া জানা ক্যানভাসিং বিস্তার রপ্ত মেয়ে সে, ভাল পড়া তার পক্ষে কঠিন ছিল না ওবুও সে যত ভাল পড়েছিল তত ভাল পড়া বোড়সী সংঘের জন দুইকে বাদ দিয়ে চৌদজনের পক্ষেই সম্ভবপর ছিল না।

প্রথম দৃষ্টিটাই ছিল কলকাতার একটি বড় নার্সিং হোম। সেই নার্সিং হোমের একটি উইংয়ের এক পাশে ডাক্তারদের কনসাল্টিং রুম। সেই রুমের মধ্যে নার্সিং হোমের যিনি সর্বশ্রেষ্ঠ বাক্তি ও ডাক্তার—প্রোফ মাহুঘ বিমর্ষভাবে বসে আছেন, এবং আরও ক'জন তরুণ ডাক্তার চারপাশে দাঁড়িয়ে আছেন।

ডাঃ সেন বলছেন—হতভাগ্য ছেলে—নিভাস্ত হতভাগ্য এবং আই মাস্ট সে—সে অত্যন্ত দুর্বলচিত্ত। সময়ের মত ছেলে বিষ খেতে পারে এ আমি বিশ্বাস করতেই পারি না।

অস্ত্র ডাক্তার—But he tried to do—তা ছাড়া তার পথও ছিল না। মুখ দেখাতো কি করে? Blackmailing-এর লজ্জায়—

অস্ত্র ডাক্তার—আপনি এর বিচার করুন। এর জন্তে যে দারী তাকে পানিশমেন্ট নিতে হবে। সে দারিত্ব আপনার।

ডাঃ সেন—you mean নার্স স্প্রিয়া! কিন্তু তাকে দোষী করছ কি করে? সময়ের তাকে ভালবাসত। সে বাসত না। কোন মেরেকে জোর করে তুমি ভালবাসাতে পার না। She was not his married wife—

—But why did she play with him in that way? What right she had to play false with him like that? এই চিঠি দেখুন। সময়েরের বাক্তি থেকে স্প্রিয়ার লেখা এই সব love letter আমরা পেয়েছি। Here she is, ওই তো আসছে। জিজ্ঞাসা করুন ওকে।

সুন্দর পড়ছিল—প্রথম একটু আড়ষ্টতা ছিল, মিনিটখানেক পরেই সে স্বচ্ছন্দ হয়ে পড়ে যেতে লাগল। অল্পকরণ সে করে নি। তবে বোধ করি পতকাল অংশুমানের দেওয়া রিডিং সে খুব ভাল করে শুনেছিল। তা ছাড়া পড়ার মধ্যে প্রাণ দেবার ক্ষমতা ছিল যেরটির।

বিস্মিত সকলেই হয়েছিল। চুপ করে বসেছিল শুধু অংশুমান।

সীতা পড়ছিল—এবার প্রবেশ করলে নার্স স্প্রিয়া। বাইরে থেকেই কাচ ধরে ঢুকল—শাস্ত দীর কণ্ঠে বললে—কৈফিয়ৎ দেবার জন্তে আমি তৈরী হয়েই এসেছি স্যার।

ডাঃ সেন বললেন—এ সব হাতের লেখা তোমার?

—আমার। স্বীকার করছি।

—You loved him?

—No Sir!

—Then you just played with him?

—তিনি আমাকে নিয়ে খেলতে চেয়েছিলেন—আমি জানতে পেয়ে তাঁকে নিয়ে খেলেছি

স্মার। বেড়াল এবং ইন্দুরের মধ্যে সব সময়েই বেড়াল জেতে না।

অন্ত একজন ডাক্তার গর্জে উঠলেন—মিথ্যে কথা। সমরেশ কখনও খেলা করতে চায় নি। You were the attracting magnet—তুমি তাকে টেনেছিলেন—

—এই চিঠিখানা পড়ে দেখুন স্মার। চিঠি নয়। চিঠির ফটোস্টাট কপি। মূল চিঠি আমার ডকুমেন্ট। দেখুন কি লিখেছে। সমরেশবারু ডাঃ হালদারকে লিখেছিলেন। ডাঃ হালদার একসময় আমাকে নিয়ে খেলতে শুরু করেছিলেন। আমি বুঝতে পেরে তাঁকেও ঠকিয়ে সরে এসেছিলাম। তাই যখন গুজব রটল ডাঃ সমরেশ ঘোষ আমার প্রেমে পড়েছেন—সম্ভবতঃ বিয়ে করছেন তখন তিনি তাঁর কলীগকে চিঠি লিখে বলেছিলেন—সুপ্রিয়া স্বৈরী—সে অণুচি—সে ব্যাভিচারিণী—বেশ্য। শব্দটাও ব্যবহার করেছিলেন। উত্তরে সমরেশ ডাক্তার তাঁকে বড়াই করে চিঠি লিখে জানিয়েছিলেন বিলেতে তিনি কত নারীর দম্প্ত চূর্ণ করেছেন এবং সুপ্রিয়ার সঙ্গেও যে প্রেম তিনি করেছেন তাও ছলনা। সুপ্রিয়াকে তিনি শিক্ষা দিতে চান। Expose করতে চান—জানিয়ে দিতে চান She is a harlot; দুর্ভাগ্য তাঁর চিঠিখানা আমার হাতে এসে পড়ল। সম্ভবতঃ দুখানা চিঠি একসঙ্গে লিখেছিলেন—একখানা আমাকে একখানা ডাঃ হালদারকে। তাঁর দুর্ভাগ্যক্রমে খাম বদল হয়ে গেল। আমার চিঠিখানা ডাঃ হালদার পেরেছেন—তাঁর চিঠিখানা পেরেছি আমি। আরও কাগজ আমার কাছে আছে। ডাঃ ঘোষ কত নারীর সঙ্গে এই প্রেম করেছেন তাঁর একটা list আমার কাছে আছে। I can produce.—

*চমৎকার পড়ে গেল সীতা। কঠিন কণ্ঠে বাকা বলার ভঙ্গিতে সে এমনভাবে পড়ে গেল যে সকলেই একসঙ্গে বাঃ বাঃ বলে তারিফ করে উঠল।

অংশুমান বলেছিল—আর পড়তে হবে না। Rehearsal আরম্ভ হোক। আপনি পারবেন।

সীতা কিছু বলতে চেষ্টাছিল। কিন্তু কেউ তা শোনে নি। শুনতে চায় নি।

মিষ্ট মাসীমা বলেছিলেন—তোমার কোন কথাই শোনা হবে না। And that is passed unanimously; শচীন সেন প্রেসিডেন্ট, তিনি নেই—as vice-president I give this verdict. One two three—passed. Now go on.

*

*

*

সত্যই, প্রথম দিকেই সে এত চমৎকার বলেছিল যে অংশুমানও বিস্মিত হয়েছিল।

রিহার্সাল দিতে দিতে ঘেরেটা আশ্চর্য স্বচ্ছন্দ হয়ে উঠেছিল। মনে পড়ছে—।

নাটিকার ডাঃ বোস তরুণ একজন ডাক্তার কঠিন কণ্ঠে বললেন—বোড়ী সংঘের বিয়ল গুপ্ত বললেন—সমরেশ ডাক্তারের অপরাধের কথা বলেছ তুমি। কিন্তু তোমার নিজের কথা? অস্বীকার করতে পার তুমি যে প্রেমের অভিনয় করা তোমার একটা স্বভাব? এবং তোমার heartlessness সব থেকে বড় পরিচয়, তোমার স্বৈরীত্বের সব থেকে বড় প্রমাণ।

শান্ত ঘরে এবার সুপ্রিয়া নার্সের বলার কথা—ছয় কি এ যুগে কারও আছে ডাঃ বোস? আপনার আছে? তা ছাড়া আপনারা পুরুষেরা এ যুগে কোন পবিত্রতাকে স্বীকার

করেন ?

প্রবীণ ডাঃ সেন বললেন—সুপ্রিয়া, তুমি নিজের কথা বল। এ ধরনের তর্কের মধ্য দিয়ে কোন মীমাংসার পৌঁছানো যাবে না।

সুপ্রিয়া বললে—ডাঃ বোসের এ অভিযোগও আমি স্বীকার করছি। কিন্তু—ঠিক ওইভাবে নয়।

ডাঃ সেন—মানে ? কি বলতে চাও তুমি ?

—Sir, I have got some charm. সে আমার রূপ অথবা অস্ত্র কিছু তা জানি না। তবে আমার একটা আকর্ষণী শক্তি আছে। পুরুষেরা ছুটে আসে। মেয়েদের এ প্রলোভন সংবরণ করা খুব শক্ত। খেলতে তার ইচ্ছে হয় স্বাভাবিক ভাবে। আমার বেলা তার সঙ্গে মিশেছে আর একটা শক্তি। Sir, আপনি আমার পিতৃত্বা, কন্যার মত স্নেহ করেন। আমাকে বিশ্বাস করুন আমি সত্য বলছি। একটা প্রতিহিংসা এসে মিশেছে আমার এই খেলা করার প্রকৃতির সঙ্গে। সে আমার দিদির জন্তে। তিনি আমার মতই আকর্ষণময়ী ছিলেন। কিন্তু তিনি ছিলেন শাস্ত্র সং ধীর। ডাঃ সেন, তাঁর মত পবিত্র সুন্দর একটি মেয়ে জীবনে আমি দেখি নি। তিনি আত্মহত্যা করেছিলেন। কেন জানেন ? দিদি একজন অধ্যাপককে ভালবাসতেন। বিয়ের সব ঠিকও হয়েছিল। কিন্তু হঠাৎ অধ্যাপক দিকিকে ছেড়ে আমাকে ভালবাসলেন। কারণ দিদির আকর্ষণী শক্তি ছিল কিন্তু খেলবার শক্তি ছিল না। আমি খেলতে পারতাম। তাঁর সঙ্গেও আমি আমার অজ্ঞাতসারেই খেলা করেছিলাম। যার জন্তে দিদির ভাবী স্বামী দিকিকে ফেলে আমাকে নিয়ে উন্নত হলেন। দিদি আত্মহত্যা করলেন। কিন্তু বিশ্বাস করুন আমি তাঁকে ভালবাসি নি। দিদির ভাবী স্বামী বলে শ্রদ্ধা করতাম, ঠাট্টা করতাম। ডাঃ সেন, সংসারে মানুষ পুরুষ ভুল করেকজন আছেন। কালকালান্তরের tradition এর creation; যজ্ঞের চক্র। বাকী সব animal, beasts.

রিহারসালে—আশ্চর্যভাবে সীতা কথাগুলিকে প্রাণবন্ত করে বললে। অভিনী পাট্টা ভাল করত। কিন্তু তার বলার মধ্যে একটা acting এর কৃত্রিমতা ছিল। এ যুগের naturalism-এর নামে যে উড়বড় করে সমান একটা সরল রেখার পথে কথা বলে বাওয়ার একঘেয়ে সুর তার মধ্যে নতুন চন্ডের কৃত্রিমতা আছে—সেটা যেন সার্কাসের আসরের চাবুক মারার সশব্দ অভিনয়ের মত মনে হত। সীতা আপন ভঙ্গিতে তার থেকে অনেক ভালই বললে। তবে উচ্চারণে সোফিস্টিকেশন কিছু বেশী।

সকলে তারিক করে উঠল।

অংশুমান সব থেকে বেশী তারিক করে বলে উঠল—চ—মৎ—কার। সুন্দর হয়েছে। এই স্পিরিট বজায় রেখে চললে মারভেলাস সাকসেস হবে।

সীতা সিনটা সেয়ে অংশুর সামনে এসে বলে বললে—এক গ্রাস জল খাব। গলা শুকিয়ে কাঠ হয়ে গেছে আমার।

অংশুমান বলেছিল—কিন্তু you have won the battle.

সীতা বলেছিল—হ্যাঁ। দেখলাম এমন কিছু নয়। ফাঁসির আসামীর পাটাতনের উপর দাঁড়ানো নয়।

অল্পক্ষণ পরেই এসেই সিন। অংশুমান নায়ক হিসেবে প্রথম বের হবে স্টেজে। রোগশয্যার স্তরে অভিনয়। অংশুমান তার পাট বলতে বলতে সীতার দিকে তাকিয়ে দেখেছিল; সীতা একেবারে মুগ্ধ অভিভূতের মত তার অভিনয়ের মহলা দেখেছিল। অংশুমান সাধারণ মহলার আসরের চেয়ে একটু বেশী প্রাণবন্ত হয়ে উঠেছিল।

ভরাট গলা অংশুমানের। চোখ তার অপ্রাচ্ছন্ন হয়ে উঠেছিল—আপনাআপনি হয়ে উঠেছিল। রুগ্নদেহ নবমুখ অশরীরী আত্মার জন্ত প্রতীক্ষমান নায়কটি জেগে বসে ছিল। রাজে যখন সবাই ঘুমোর তখন সে নিতাই জেগে থাকে। সে যেন, দূর দূর অতিদূর কোন লোক থেকে ডাক শুনতে পায়, অশরীরী বধু বলে—“ওগো—ওগো—আমার ধর—আমার টেনে নাও।” পাতার খসখসানি ভেসে আসে, সে-খসখসানি শুনে সে বুঝতে পারে অসহায়ভাবে বায়ুস্তরে বধুর অশরীরী কান্নাখানি ভেসে বেড়াচ্ছে। সে হুঁহাত বাড়িয়ে সেদিন সেই জলের জলার যেমন তার জন্তে হাত বাড়িয়েছিল তেমনভাবেই এই শূন্যতার সমুদ্রের মধ্যে তার জন্তে হাত বাড়িয়ে দিচ্ছে। ঝিল্লী ডেকে যায়—তার মধ্যে নায়ক শোনে তার জীবনজোড়া কান্না! কিন্তু আজ তাদের সব প্রতীক্ষার শেষ। সে আসবে। আজ বৎসর পূর্ণ হল। আজ প্রাণের পূর্ণিমা তিথি। সে আসবে। নিঃশব্দ পদক্ষেপে এসে দাঁড়াবে এবং নাত্রি দুপুরের ঠিক সেই লগ্নে আমি বাঁশী বাজাব—তার সুরের স্রব ধরে সে এসে দাঁড়াবে ওই জানালার ধারে—

—উঠুন। সীতা দেবী—উঠুন। বলেছিল রজন।

—আমি? সীতা চমকে উঠেছিল।

—হ্যাঁ। জানালার ধারে এসে দাঁড়িয়েছেন আপনি। ডাকছেন—মধুকর। ক্যাচ ধরে ডাকতে হবে। মানে ওর অসমাপ্ত কথা আপনার কথার সমাপ্ত হবে।

সীতা সেন উঠে দাঁড়াল। রজন পরিচালক—সে বলল, অংশুমান আর একবার শেষটা বলুন। অংশু চোখ দুটি উপরের দিকে তুলে বিষন্ন-উদাস অথচ প্রত্যাশাভরা কণ্ঠে বলল—রাজে ঝিল্লী ডেকে যায়, আমি শুনতে পাই তার জীবনজোড়া কান্না বেজে চলেছে। একটু ধেমেরে সে আবার শুরু করল, কণ্ঠস্বর পাগটাল—একটু নীপ্ত হয়ে উঠল। অংশুমান বলল—কিন্তু আজ সে আসবে। নিঃশব্দ পদক্ষেপে আসবে। আমি বাঁশী বাজাব—বাঁশীর সুরের স্রবোটি ধরে সে এসে দাঁড়াবে হয়তো ওই জানালার ধারে—আমাকে ডাকবে—

এই ক্যাচ ধরেই সেই নাসটি বধুর ছদ্মবেশ পরে জানালার ধারে এসে দাঁড়াবে—বলবে—মধুকর। আমার মধুকর—!

রজন তাকে ইশারা করেছিল—বলুন বলুন। মিস সেন।

বলতে চেষ্টাও করল সীতা সেন কিন্তু বলতে পারল না। কেমন ধেন নার্তাস হয়ে গেছে,

মুখ দেখেই বোকা যায়। সময় পার হয়ে গেল কিন্তু কোনমতেই কথা বলতে পারল না।

অংশ বলল—আচ্ছা আমি আবার বলছি। সে শুরু করল। কিন্তু তবুও বলতে পারল না সীতা সেন—মুহুর্তে মুহুর্তে তার মুখখানা ফাফাসে ক্রিষ্ট হয়ে যাচ্ছে। চোখের দৃষ্টি কেমন অসহ্য ভর্যার্ত হয়ে উঠছে। চূপ করে দাঁড়িয়ে আছে সে।

অবশেষে সে বলল—এ আমি পারব না। বলে অত্যন্ত দীর পদক্ষেপে এসে বসে পড়ল। একটা দীর্ঘনিশ্বাস ফেলে মাথা নীচু করে বসে রইল। গোটা ঘরখানাই নিমগ্ন। সকলে চূপ হয়ে গেছে। তারা চোখে দেখতে পাচ্ছে মেয়েটির অবস্থা। এ অবস্থার কি বলবে—কি বলতে পারে ?

নিরবতা ভঙ্গ করে অংশ বলল—কি হল ? আসছে না ?

মুখ মাথা নেড়ে সে বলল—না !

—এক কাজ করুন। বইখানার ওই সিনটা রিডিং পড়ুন। বেশ উচু গলার। অবশ্য অ্যাকটিংয়ের মত করে। পড়ুন !

সীতাকে বইখানা এগিয়ে দিল রজন। সীতা কিন্তু স্পর্শ করল না। অংশ বলল—পড়ুন। সীতা এবার ঘাড় তুলে নাথা নেড়ে বলল—আমি পারব না।

—কেন পারবেন না ?

—না। আমি কেমন হয়ে যাচ্ছি। তাছাড়া আপনি এত ভাল পার্ট করছেন—আপনার পরে আমার কথা আসছে না। আমার গলা শুকিয়ে গেছে। হাত পা কাঁপছে। আপনারা অন্য কাউকে দিন।

—বেশ তো এবার পড়ুন না।

—কি হবে পড়ে ? পারব না বা—।

—লজ্জা লাগছে ?

—লজ্জা ? লজ্জা কেন হবে ? প্রথম সিনে যে কথাগুলো বললাম—লজ্জা পেলে ওই কথাগুলোই আটকাতে।

—বেশ, আবার আপনি বই দেখে পড়ে যান। আমি পার্ট বলব বই দেখে—আপনি পড়ুন। না হয় সবটাই আপনিই পড়ুন। রিডিং পড়ুন।

বইখানা টেনে নিয়ে পড়ে গেল সীতা। সবটাই পড়ল। অর্থাৎ রিডিং পড়ে সে বর-বধু যুগলের কথাই বলে গেল। পড়ার মধ্যে অভিনয়-ভঙ্গির বেশ ছিল না কিন্তু পড়ে গেল। অংশ বলল—ঠিক আছে। আমি এবার রিহার্সালের মত করে আমার পার্ট বলে যাই, আপনার পার্টটুকু আপনি বই দেখে পড়ে যান।

সেটা সে পারল। এরপর অংশ বলেছিল—আজ এইখানেই থাক।

অংশ সেদিন ট্যাক্সিতে শুধু সীতাকে নিয়ে বাড়ি পৌঁছে দিয়ে নিজে বাসার ফিরল। ট্যাক্সিতে চড়বার সময় সীতাকে ডাকল—আমুন। পৌঁছে দিয়ে যাব। রজন তুমি চলে যেয়ো।

ট্যাক্সিতে চড়ে সীতাকে বলল—শাই কেন আপনি ?

—শাই ? শাই কেন হবে ? আপনিই বলুন না, আমি শাই ? আমি ক্যানভাসারের

কাজ করি, আমি শাই ? হাসল সীতা ।

অংশু বিস্মিত হয়ে গেল । সীতা পাশটে গেছে । এ সেই মেয়ে । ক্যানভাসার । রঞ্জন বলেছিল—তাকে সে কফি হাউসে দেখেছে, মেট্রোর বারে দেখেছে, চিড়িয়াখানার দলের মধ্যে হৈ হৈ করতে দেখেছে—অংশু তাকে নিজের চোখে না দেখলেও তার আভাস পাচ্ছে ।

অংশুমান বললে—তা হলে ? অভিনয়ে লাভ দিন । এতে নার্তাস হচ্ছেন কেন ?

একটু ভাবল সীতা । বলল—দেখুন, কারণ ঠিক একটা নয় । আমি বসে বসে ভাবছিলাম ।

—কারণগুলো কি, বলুন দেখি ?

কপালের চুল সরিয়ে সীতা বলল—প্রথম কারণ আপনার সামনে । আপনি খুব ভাল অভিনয় করেন শুনেছিলাম—রিহারসালে দেখলাম যা ভাবতাম তার থেকে অনেক ভাল । মনে হল এরপর আমি যে কথাগুলো বলব তা শুনে লোকে বোধ হয় হাসবে ।

—না, হাসবে না । একটু প্রাণ দিয়ে অভিনয় করতে হবে । নিজেকে একটু ভুলতে হবে । দেখবেন আমার চেয়ে—

সীতা সেন বলল—সেই হয়েছে বিপদ । কিছুতেই ভুলতে পারছি না নিজেকে । তাছাড়া—। কিছু মনে করবেন না তো ?

—কেন, মনে করব কেন ?

—ব্যাপারটা রোমাটিক ননসেন্স মনে হচ্ছে আমার । আমি মডার্ন-উডার্ন বুঝিনে । হাল-ক্যানশান জানি । সাজতে-গুজতে পারি । কথাও বলতে পারতাম, এখন ক্যানভাসারি করে প্রায় টেপ রেকর্ডারের মত বেজে চলি । বাবা ছিলেন রিটার্ড গভার্নমেন্ট সারভেইল—বাড়িতে এককালে সারবীরাণী ছিল, রিটার্ডারমেন্টের পর অনেক কমিয়েছিলেন, কিন্তু উঠিয়ে দেন নি । ছেলেবেলার মিশনারী ইস্কুলে পড়েছি । বড় হয়ে কিছুদিন লরেটো, তারপর অর্থাভাবে দেশী ইস্কুলে ।

*

*

*

সেইদিন ওই ট্যান্সিতেই পূর্ণ পরিচয় পেয়েছিল সীতা সেনের । অত্যন্ত সহজভাবে কথার কথায় সীতাই বলে গিয়েছিল । সৌকটিকটেড বরের মেয়ে । যত নাক উচু, তাদা অবস্থার জন্ত জটিল ধূলোমাটির রিরেলিটির উপর তত বেশী অহুস্রাগ । ওইটেকেই চরম সত্য মনে করে সেটেকেই হেয়ার আয়েল কিংবা নামী ডাম্পুর অভাবে চুল কঁচু করে রাখে । ধূলোবালি মাখার মতো দেখায় । কিন্তু নারকেল তেল মাখতে পারে না ।

বাপ ছিলেন ইংরেজ আমলের ছোটখাটো গেজেটেড অফিসার । ছিলেন সাব-ডেপুটি, স্বভাবে স্বগড়াটে লোক । উপরওয়ালাদের সঙ্গে স্বগড়া করতেন । বলতেন—বিভে তো সেই এক । তুমিও এম-এ, আমিও এম-এ । তবু সুবিধেবাদের কেরামতিতে কিংবা মুক্তকীর জোরে তুমি হুঁশাপ ওপরে আমি হুঁশাপ নীচে । আবার সে আমলের জাশনাল লীডারদের বলতেন—লোকায় । হুঁ বছর জেল খাটলেই হিরো ! বিভে ম্যাট্রিক কেল—নয় পাস । এমনি

ধরনের মানুষ ছিলেন বাবা। স্বাধীনতার পর তারাই যখন দেশের কর্ণধার হল তখন নিজের বিষয়ে নিজে অর্জর হয়ে গেলেন। লম্বা ছুটি পাওনা ছিল তাই নিয়ে বসলেন। ফলে ইংরেজ আমল থেকে দেশী আমল পর্যন্ত থেকে গেলেন সেই সাব-ডেপুটি গ্রেডে। মেজাজটা বরাবরই ছিল সাহেবী। বাড়িতে স্টাইলটা যথাসম্ভব অভিজাত করে রেখেছিলেন। দুই ছেলে তিন মেয়ে; সীতা ছোট মেয়ে। ছেলেদের পড়াতেন সেন্ট জেভিয়ার্সে সিনিয়র কেব্রিজ কোর্সে। মেয়েদের পড়াতেন লরেটোতে। ছেলে দুটি ইংরেজীতে পাকা কিন্তু বাকী সব কিছুতেই গোবরের মত কাঁচা। দুই মেয়েই সব থেকে বড়। তাদের বিয়ে দিয়েছিলেন ইংরেজ আমলে চাকরি থাকতে থাকতে। ছেলেরা বিয়ে করেছিল ভাল ঘরে; মানে মকসলের অবস্থাপন্ন জমিদার-কাম ব্যবসায়ীর ঘরে। সার্কেল অফিসারি যুজ্জ পরিচর হয়েছিল। তারা প্রত্যাশা করেছিল—হাকিমের ছেলে—দস্তুরমত স্টাইলদার এবং চমৎকার ইংরাজী বলে—এ ছেলেরা বড় চাকরে হবেই। ছেলেদের তখন পঠদশা। পোস্ট-গ্র্যাডুয়েট ক্লাসে পড়ে। বছরের পর বছর পরীক্ষা দেয় না ফার্স্ট ক্লাসের জন্তে। স্টুডেন্ট যুডমেন্ট করে। মেয়ে সীতা তখন লরেটোতে ফ্রক পরে স্থলে যায়।

রিটারারমেণ্টের পর বাপ প্রিভিডেন্ট ফাণ্ডের যে টাকা পেলেন তাই নিয়ে নতুন করে নামলেন বিজ্ঞানভর জীবনক্ষেত্রে। শেরার মার্কেটে। ছেলেদের আশা তখন গেছে। ছেলেরা এম-এতে থার্ড ক্লাস নিয়ে কোন রকমে বেরিয়ে ধরাপড়া করে চুকেছে গভর্নমেন্ট সার্ভিসে। একজন ফুড ডিপার্টমেন্টে ইন্সপেক্টর, অন্ত্রজন সেক্রেটারিয়েটে ক্লাক।

বাবা একখানা সেকেণ্ড-হাণ্ড গাড়ি কিনলেন—নইলে শেরার মার্কেটে খাতির থাকে না। এবং পরিচিতদের কাছে বেশ মাখা উচু করে বলা চলে না—বিজিনেস করছি। এবং তখন অবস্থাটা ভিতরে ভিতরে যাই হোক বাইরে থেকে নিজেও কিছু বুঝতে পারেন নি। পৈতৃক বাড়ি-আছে, পেন্সন আছে। ছেলেরা মাইনে আনে। বউদের ছেলেপুলে হয় নি। চলছিল ভালই। হঠাৎ শেরার মার্কেটে ডুবলেন মি: সেন।

ব্যাক করেছিলেন আর এক সেন সাহেবের সঙ্গে জুটে। সেই ব্যাক ডুবল। আসল সেন সাহেব ব্যাকের টাকা সরিয়ে ধরা দিয়ে জেল খাটলেন। আর সীতার বাবা সেন—তিনিও ছিলেন ডিরেক্টর—তিনি শেরারগুলো লোকসান করে বেচে সব শেষ করে পুরনো মোটরে চেপে বাড়ি ফিরলেন। দু'দিন পর সেটাও বেচে ঘরে চুকে বসে ব্রহ্মাণ্ডকে গাল দিতে দিতে একদা হার্টফেল করলেন।

সীতা তখন আই-এ পড়ছে। সেও পড়ার ক্ষেত্রে ভাইদের যোগ্য বোন; একবার ফেল করেছে। বিয়ে হয় নি। কলেজে যার—মেয়েদের ছেলেদের সঙ্গে আড্ডা মারে। তারপর বছরখানেকের মধ্যে তাইরা পৃথক হল। শুধু ভাইয়ে ভাইয়ে নয়, মায়ের সঙ্গেও পৃথক হয়ে গেল। সীতার দারিদ্র্যও কেউ নিলে না। সীতা বললে—ঠিক আছে—আমার দারিদ্র্য আমিই নেব, শুধু আমারই নয় মায়ের দারিদ্র্যও রইল আমার।

লরেটোর পড়া মেয়ে, মোটমাট শ্রীমতী। স্টাইল জানে, ইংরেজিতে ভালো কথা বলে। এই তারতবিখ্যাত ইলেকট্রিক্যাল কোম্পানীর ক্যানভাসারের চাকরি বোগাড় করে নিলে।

বাপের পরিচয় কিছু সাহায্য করেছিল, কিন্তু তার থেকেও বেশী সাহায্য করেছিল তার এই মর্ডান জীবন—এই স্বরূপ, এই প্রগল্ভতা। এই চমৎকার ইংরিজী বস্ত্রে পারা। কোম্পানীর মকেল বাঙালী বেশী নয়। বাঙালীরা ঘুঁটের ধোঁয়া আর করলার ধোঁয়া ছাড়া রান্না করতে পারে না আর বোধ হয় অল্প আঁচে রান্না করলে ধোঁয়ার একটু গন্ধও থাকে না বলে বাজনি মিষ্টি লাগে না। ভিন্ন প্রদেশবাসীরা বেশী খদের বড় খদের—বিশেষ বর্তমান কালের রাষ্ট্রনায়কদের জাতিদের, যাদের বাড়িতে লগুন নিউইয়র্কের সুখ-সুবিধে আমদানী হয়েছে, যাদের মেয়েরা গঙ্গাস্নান করে এবং বাচ্চাদের ‘বেবী’ বলে ডাকে। খিদের আয়া বলে—চাকরদের বয় বলে। পুরুষেরা কোট-প্যাণ্ট পরে। বছরে দু’একবার ইয়োরোপ অ্যামেরিকা যায়। করেন ব্যাকে যাদের মোটা ব্যাক-ব্যাগেলস। খদের ভারাই। তাদের সঙ্গে চাকুরে মাদ্রাজীরা আছে—ফরেনার তো আছেই। এদের কাছে তার মত মর্ডান ক্যানভাসারের অনেক মূল্য বলেই কোম্পানীর কাছেও তার আদর হয়েছিল অনেক।

*

*

*

কথাগুলি হতে অনেকখণ সময় লেগেছিল। ট্যান্সিওলা অংশমানের চেনা। সে তাকে একেবারে তার বাড়িতে এনে হাজির করেছিল। গাড়িটা থামলে দুজনের খেয়াল হয়েছিল। এবং দুজনেই হেসে উঠেছিল। সীতা বলেছিল—এ মা! দেখুন তো কাণ্ড! ট্যান্সি কেবলো বলুন। আমার পৌছে দিয়ে আসুন।

অংশ বলেছিল—কথাগুলো শেষ করুন। আপনার দেওয়া কেটলিতে তৈরী কফি খেয়ে নিন। ট্যান্সি রইল। বাড়ি পৌছে দিয়ে আসব।

কথা শেষ করে সীতা বলেছিল—ও অত্যন্ত আনন্দিয়া। অ্যাবসার্ড। ও পার্ট আমি পারব না। আমার ক্যানভাসারিই ভাল। ওই ব্যাপারটার কিছুতেই সত্যি বলে মানতে আমি পারছি না।

অংশমান বলেছিল—সত্যি তো নয়। বলেই তো দেওয়া আছে মিথ্যা।

সীতা তার দিকে সবিস্ময়ে তাকিয়েছিল। অংশমান বলেছিল—এমন করে তাকাচ্ছেন যে! বলুন তো ওটা কি সত্যকারের লাভ সিন? না—একটি মানসিক ব্যাধিগ্রস্ত তরুণকে প্রেমাত্মিনয় করে তাকে বাঁশী বাজানো থেকে নিরস্ত করা হচ্ছে এবং তার বাঁচবার ইচ্ছা—will to live জাগ্রত করা হচ্ছে? নাটকে কি স্পষ্টভাবে বলে দেওয়া নেই?

বেশ কিছুক্ষণ ভেবে নিয়ে সীতা ঘেন সমস্তটা বুঝে নিয়েছিল এবং ঘাড় নেড়ে সম্মতি জানিয়ে বলেছিল—হ্যাঁ। একমুহূর্ত পরেই কিন্তু বলেছিল—কিন্তু মেয়েটা অভিনয় করতে গিয়ে তো প্রেমে পড়েছে। বিষ খেয়ে মরেছে।

—তা মরেছে। সেখানটার তো আপনি শুধু শুয়ে থাকবেন চোখ বুজে। মরতে তো হচ্ছে না আপনাকে। আপনার নিশ্বাস পড়বে—তা পড়বে; সেটা নাট্যশাস্ত্র অনুসারে আপত্তিজনক হবে না।

হেসে উঠেছিল সীতা।

*

*

*

বিগদ বেধেছিল স্টেজ রিহারসালের দিন।

সেদিন অংশুমানের মন অত্যন্ত ক্ষুব্ধ ছিল। প্রায় তিনটে মাস চলে গেছে। দেহি হয়েছে তারই জন্তে। কয়েকটা বড় কনকারেন্স গেল। লিটারারি কনকারেন্স দুটো, দুটো ড্রামা কন্সটিভ্যাল। তাকে যেতে হয়েছিল। দিল্লীতে সংগীত নাটক একাডেমিরও একটা নেমস্তম্ভ সে পেয়েছিল। কিন্তু সেদিনের ক্ষোভ সেজন্তে নয়। সেদিন খবর এসেছে সঙ্কোচ সময়—নেহেরু পার্লামেন্টে বলেছেন—তিন দিন আগে ৩১শে মার্চ ভিক্টোর জীবিতবুদ্ধ বুকের অবতার দালাই লামা, তাঁর মা তাঁর ভাই বোন, তিনজন মন্ত্রী এবং দুজন শিক্ষক সঙ্গে নিয়ে ভারতবর্ষের মাটিতে এসে পৌঁছেছেন।

হার বুকের অবতার, হার ধর্ম, হার ঈশ্বর! চীনের মাও সে-তুঙ অবতার নন। তিনি জনগণের ডিক্টেটর। কমাহীন পরিচালক। সর্বময় অধিকর্তা। তাঁর তরে জীবিতবুদ্ধ শরণ নিয়েছেন এই দুর্বল ভারতের! একটা ক্ষুব্ধ চিত্ত নিয়েই সে এসেছিল। রাজনীতির কোনটিকেই সে মানে না, চায় না, ভবুও সে যখন আপন দাপটে এসে ব্যক্তিজীবনকে পর্বস্ত নাড়া দেয় তখন ক্ষুব্ধ না হয়ে উপায় কোথায়?

সেদিন স্টেজ রিহারসালের সময় প্রথম সিনগুলিতে সুনন্দ অভিনয় করে ওই সিনে অংশুমানের কথা ধরে নববধূর ছদ্মবেশ পরে সীতা ঢুকল ঠিক কিন্তু কথা বলতে পারলে না। প্রমটার বার বার কথা বরিয়ে দিলে—সে বলবার চেষ্টা করলে কিন্তু বলতে পারলে না।

ভিতর থেকে রঞ্জন জিজ্ঞাসা করলে—কি হল?

সে কিছু বলতে পারে নি শুধু থরথর করে কঁপেছিল।

সকলে বলল—কি হল?

সীতা অসহায় ভরাত দৃষ্টিতে তাকিয়ে ছিল, বামছিল; দরদরধারে বামছিল। একটু একটু কাঁপাছিল। রঞ্জন এসে বলেছিল—মিস সেন, কি হল?

সে বলেছিল—পারছি না। এ আমি পারব না রঞ্জনবাবু।

—সে কি?

—না। আমি পারব না! আমার সর্বাঙ্গ কাঁপছে। দেখুন!

বোড়ানী সংখের সকলে রাগে অধীর হয়ে উঠেছিল। বিমল গুপ্ত বলেছিল—রাবিশ! থে বন্ধ করে দিন। রঞ্জনবাবু আর অংশুবাবু এর জন্তে দারী।

হাসীমা বলেছিলেন—এ যে দাক্ষিণ্য কাকামি। আমরা পারিনে।

অংশু উঠে এসেছিল এবার, সে স্টেজে তার জারগার বসেই ছিল। উঠে এসে বলেছিল—সকল তো সব। সকলেই সরে গিয়েছিল। অংশু এসে সামনে দাঁড়িয়েছিল সীতার। বলেছিল—কি হয়েছে তোমার? একমুহুর্তে সেদিন তাকে ‘তুমি’ বলেছিল সে। কণ্ঠস্বর তার রক্ত কঠিন।

সে কণ্ঠস্বর শুনে সীতা সঙ্কল্পভাবে তার মুখের দিকে তাকিয়েছিল।

অংশু প্রায় করেছিল—কি হয়েছে বল?

ভা. দ. ১৮—১০

করণ কর্ত্তাই সীতা বলেছিল—আমি পারছি না। আমি কাঁপছি। ঝামছি।

—না কাঁপছ না। ঝামছ ঝাম। পাট করতেই হবে।

সীতা বলেছিল—না, আমি পারব না।

খণ করে তার হাত ধরে অংশু তাকে টেনে গ্রীনরুমের একটা ঘরে নিয়ে গিয়ে দরজা বন্ধ করে দিয়েছিল। সীতা বিহ্বল হয়ে তার মুখের দিকে তাকিয়ে ছিল—কোন প্রাণ করতে পারে নি।

—পারবে না কেন ?

সীতা এবার একলা অংশুমানকে পেয়ে দীপ্ত হয়ে উঠেছিল এবং বলেছিল—না। পারব না। আমি পারছি না। করব না আমি অভিনয়।

—কি—ভেবেছিলে কি ?

—কি ?

—সাহিত্যিক অংশুমান তোমার প্রেমে পড়েছে ? এবং ভয় হচ্ছে, অভিনয় করতে গিয়ে তুমি তার প্রেমে পড়ে যাবে ?

নির্বাক স্তব্ধ হয়ে গেল সীতা। তার সুন্দর মুখ পেণ্টের রঙে আরও সুন্দর হয়ে উঠেছিল—সে মুখ যেন কালো হয়ে গেল। দুটি অশ্রুর ধারা তার চোখের কোল বেয়ে নেমে এল।

—কাদছ কেন ? কেঁদে কি ফল ? এদের কথা ভাবছ না তুমি ?

চোখ মুছে উঠে দাঁড়িয়েছিল সীতা। বলেছিল—চলুন।

কোন উৎসাহবাক্য বলে নি অংশু—কোন সাহসনা দেয় নি—দরজা খুলে বলেছিল—এস।

স্টেজে এসে বলেছিল—আরম্ভ কর। গোড়া থেকে। এই সিনের গোড়া থেকে। বিকেল থেকে সিন আরম্ভ। বিকেলের আলো—। বিকেলের আলো দাও। প্রমটার—

আরম্ভ হয়ে গেল। একপাশে উইংসের ধারে মাটির মূর্তির মত দাঁড়িয়ে ছিল সীতা। মাটির দিকে চেয়ে ছিল। হঠাৎ তার কানে এসেছিল অংশুমানের কথা—কিন্তু আজ সে আসবে। নিঃশব্দ পদক্ষেপে আসবে। আমি আমার বাঁশীর সুর ছড়িয়ে দিয়েছি। তারই সুরতো ধরে এসে সে হয়তো ওই জানালার ধারে দাঁড়িয়ে ডাকবে—মধুকর—

সীতা এসে ঠিক দাঁড়িয়েছিল জানালার ধারে। কণ্ঠস্বর একটু যুহু হয়েছিল।

কে একজন বলেছিল—লাউডার।

অংশু বিরজিত্তরে বলেছিল—না। ঠিক ডাক হয়েছে। লাউডার হবে না। প্রেমের অভিনয় চীৎকার করে চাক বাজিয়ে হয় না। ডিস্টার্ব করবেন না। প্রিন্স। তবে একটু ড্রাই হয়েছে।

আবার এই জায়গাটা থেকে আরম্ভ করতে হয়েছিল। সীতা আবার ঠিক এসে ডেকেছিল—মধুকর। তারপর চলেছিল অভিনয়ের মহড়া। আগামীকালের জন্ত প্রস্তুতি। ঠিক চলছিল। শুধু সীতা প্রাণহীন। শুধু বলেই গিরেছিল। বলেই যাক্ছিল প্রমটার যেমন বলাচ্ছিল। কিন্তু কেঁপেছিল সে সারাক্ষণ। মুখখানা বিবর্ণ। তবু সে পাটটা চালিয়ে গিরেছিল। সিন শেষ করে বাইরে এসে সে বসে পড়েছিল। অনেকক্ষণ হাঁপিয়েছিল। একান্ত অসহায়ের মত

তার সে মুখ মনে রয়েছে অংশুমানের। সেই মুখের ছায়া যেন কালকের অচেতন সীতার মুখে ভেসে উঠেছিল।

রজন এসে পাখাটা খুলে দিল। দুই হাতে মুখ ঢেকে বসে আছে সীতা। সম্ভবতঃ কাঁদছে। অংশুমান দৃষ্ট বদল হতে এসে দাঁড়াল সেখানে। বলল—মরে শুয়ে থাকার সিনে আজকে ওকে শুতে হবে না। এমনি করতে বল।

তবে স্টেজ রিহারসাল দেখে ষোড়শী সংঘের সভ্যদের অসন্তোষের শেষ ছিল না। অংশুমান বলেছিল—কি করব? উপায় কি? তবে—থাক। যা হয় হবে। তার একটা প্রত্যাশা ছিল।

*

*

*

পরদিন পরিপূর্ণ প্রেক্ষাগৃহে এয়ুগের শ্রেষ্ঠ নাট্যকার শচীন সেনগুপ্তের সামনে অংশুমানের প্রত্যাশা আশ্চর্যভাবে সত্য হয়ে উঠল। সীতা এল যথাসময়ে। নীরব স্তব্ধ। এবং চোখ দুটি অভ্যস্ত ধারালো মনে হল। কিছু পান করেছে কিনা সে নিয়ে মহিলারা একটু কানাকানি করলেন। কিন্তু কোন ব্যতিক্রম বৈলক্ষ্য্য কেউ দেখতে পেল না। ওদিকে সীতা প্রথম দৃষ্টে ধারালো ছুরির দীপ্তি নিয়ে প্রবেশ করল। সে যখন বক্ষ ভিত্ত হেসে বলল—বা আমার মন করার আমি তাই করি ভক্তারবাবু। আমার তো তা অভ্যাস মনে হয় না। মনে হলে করব কেন? আর অস্ত্রে তাকে অভ্যাস বললে মানব কেন?

—মানবে না?

—না। আর পথ? কোন্ পথে মানুষ কোথায় কবে কোন্ স্বর্গে পৌঁছেছে বলতে পাবেন? সেই মাটির ধুলোতেই তো সে চোখের জল ফেলে, শেষ নিঃশ্বাস ফেলে। তারপর ছাই হয়ে কিংবা পচে মাটির ধুলোতেই মিশে যায়……। পাপ-পুণ্যের বিচার লোকে বলে ভগবানের হাতে। তিনি নেই বলেই আমার ধারণা। আমি মানি না। থাকলে তো এমনিতেই আমার সাজা হবে তাঁকে না-মানার জন্তে। তার উপর এই সব যদি পাপই হয় তবে তার সাজাটা বোঝার উপর শাকের আঁটিই হবে। ফাঁসির হুকুমের পর পাঁচ বছর কারাবাসের ব্যবস্থা হবে।

সে কথা শুনে লোকে শিউরে উঠল। স্তম্ভিত হল। কি প্রথমা কি উচ্ছত উগ্র মেয়ে! তারপর কিন্তু শেষ দৃষ্টে সে যখন বধুবশে এল, তখন তার কণ্ঠ যেন বিরহবিদ্রুনা চক্রবাকীর মত কর্ণশ। এবং অভিনয়ের মধ্যে মনে হল অংশুমানের কাছে বসে থাকলেও একটা অনুভূত নদী তাদের মধ্যে বয়ে যাচ্ছে। যার অপর পারে সে বসে রয়েছে। কিন্তু সে আজও কাঁপছিল। ধরধর করে কাঁপছিল। মুখের পেটের উপর বিন্দু বিন্দু ঘাম দেখা দিয়েছে। পাঁচ শেষ করে সে টলতে টলতেই বেরিয়ে গেল। প্রেক্ষাগৃহে দর্শকেরা কাঁদছে। দানীয়া হুঁপিয়ে হুঁপিয়ে কাঁদছেন। বড়দিদি চুপ করে বসে আছেন। দুটি ভলের ধারা তাঁর চোখের উপর চিকচিক করছে—তিনি মোছেন দি। মুছতে ফুলে গেছেন।

শেষ দৃষ্টে প্রবীণ ভক্তার চিঠিখানা পড়েছিলেন। তারপর অগ্নিরা নার্সের গায়ে হাত

য়েখে নাড়া দিয়ে ডাকার কথা—সুপ্রিয়া সুপ্রিয়া—মা। তাই করতে গিয়ে ডাক্তারবেশী বিমল গুপ্ত চমকে উঠেছিল। সীতা অজান হয়ে গিয়েছিল।

মাসীমা স্টেজের ভিতর ছুটে গেলেন। বড়দাদি এবং অল্প সভায়া ও কিছু নিমন্ত্রিতেরাও গেলেন স্টেজের মধ্যে। শচীনবাবুও গেলেন। ডাক্তারবেশী বিমল গুপ্ত স্টেজের দরজার দাঁড়িয়ে ছিল। সে বলেছিল—হিরোইন অজান হয়ে গেছে। এখন—একটু—

অর্থাৎ ভিতরে যাবেন না।

শচীনবাবু বললেন—একদিন আমার ওখানে ভোমারের সব নিয়ন্ত্রণ, বলা অংশকে।

জান হতে দেরি হয়েছিল সীতার।

স্টেজ থেকে বেরিয়ে সীতা টলতে টলতেই গ্রীনরুম এসেছিল এবং এসেই নার্সের কুমিকার অল্প অল্প সেটে যেতে যেতেই পথেই লুটিয়ে পড়েছে জান হারিয়ে। রঞ্জন তাকে তুলে পাখার ডলার শুইয়ে মুখে চোখে জল দিয়েও জ্ঞান ফেরাতে পারে নি। ডাক্তার তাকতে হয়েছে। এর মধ্যে অংশমানও এসেছে। সে ওর পাশে হুঁকে বসে আছে। ডাক্তার বলেছেন অত্যন্ত স্ট্রেন হয়েছে। খুব ইমোশনের সঙ্গে পাউ কন্সার জন্মে হয়েছে। এখন বিশ্রাম—স্লুয়েস্ট। অন্ততঃ বস্টাখানেক শুইয়ে রাখুন। জ্ঞান অবশ্য একটু পরেই হবে। একটু গরম ছুখ—না হলে জল দিন। ওই চোখের পাতা কাপছে। চোখ মেলবেন। কিন্তু ভিক করবেন না। না।

আধঘণ্টা পর রঞ্জন সীতাকে বলল—গাড়ি আনতে বলি?

সীতা বলল—হ্যাঁ।

রঞ্জন বেরিয়ে গেল—অংশমান সামনে চেয়ারে বসে সিগারেট টানছিল। সে বলল—সীতা।

সীতা তার মুখের দিকে তাকাল।

অংশমান বলল—তোমাকে আমি ভালবাসি সীতা।

সীতা একটু হাসল কিন্তু কিছু বলল না।

রঞ্জন ফিরে এসে দাঁড়াল।—গাড়ি এসেছে।

সীতা উঠে দাঁড়িয়ে বলল—আমার মনকে আমি বুঝে দেখব অংশবাবু। পরে—

—পরে?

—আজকেই—এখন উত্তর চান?

—হ্যাঁ।

একটু চুপ করে থেকে সীতা বলল—না। তারপর বলল—অভিনয়—অভিনয় অংশবাবু। তুলে বান। অভিনয় শেষ হয়ে গেছে।

অংশমান দৃঢ়কণ্ঠে বলল—না। অভিনয়ও সত্য হয়। জ্ঞান বুদ্ধি হুজি হারিয়ে যাব্ব লুটিয়ে পড়ে ধুলোর।

সীতা মাটির দিকে তাকিয়ে রইল। অকারণে বা সাধারণের অগোচর কোন কারণে টপটপ করে চোখ থেকে জল বয়ে পড়ল।

পরদিন থেকে—তাই বা কেন—সেই মুহূর্ত থেকেই সীতা এসেছিল তার জীবনে। এবং সে পৌছেছিল সীতার জীবনে। কিন্তু স্বামী স্ত্রীর বিবাহবন্ধনে আবদ্ধ হয়ে নয়।

মনে পড়ছে প্রথম কথাগুলো। সে নিজেই গিয়েছিল সীতার বাড়ি। প্রত্যাশা করেছিল দেখা হবে শতীনবাবুর বাড়িতে; তিনি সার্থক অভিনয় দেখে খুশি হয়ে সকলকে নিয়ন্ত্রণ করেছিলেন তাঁর বাড়িতে। কিন্তু সীতা সেখানে আসে নি। ট্যান্সি করে নিজে অংগ গিয়েছিল তাকে আনতে। সীতা বেরিয়ে এসেছিল কিন্তু নিয়ন্ত্রণে আসতে চায় নি। বলেছিল—না থাক করবেন—আর অভিনয় নয়। শেষ করেছি অভিনয়ের পালা।

অংগ বলেছিল—কিন্তু ‘অভিনয় নব্বের’ পালার নিয়ন্ত্রণ আমি তোমাকে কাল জানিয়েছি সীতা। তুমি কথার তার জবাব দাও নি। কিন্তু চোখের জলে উত্তর দিয়েছ।

এবারও কথার জবাব না দিয়ে সীতা চুপ করে দাঁড়িয়েছিল।

—সীতা।

—বল।

উল্লসিত হয়ে অংগ তার হাত ধরে বলেছিল—বলনের বদলে বল বলেছ তুমি।

সীতা বলেছিল—তা বলেছি। কিন্তু অভিনয় করে আর নয়। ও আসরে তুমি আমাকে থাক কর। আমি শতীনবাবুর বাড়িতে গিছলাম সকালবেলা। তিনি বলেছেন—সীতা, অংগ নাটক লেখে লিখবে। লিখুক। প্রয়োজন আছে। কিন্তু যদি তুমি ওকে ভালবেসে থাক তবে সীতা হয়েই ভালবেসো। হয়তো এ যুগ সীতার যুগ নয়। তবু এ যুগের সীতা হতে চেষ্টা করো।

সেদিন অংগমান বলেছিল—তাই হবে।

কিছুদিনের মধ্যেই কানাকানি শুরু হয়েছিল পরিচিত মহলে। যে কানাকানি চিরকাল হয়ে আসছে, সমাজে সংসারে তাই। কলকাতার সমাজ নেই, সীতা এবং অংগের পরিচিত মহলে আছে, সেই ছুই মহলই প্রথম এবং মুখর হয়ে উঠেছিল। কিন্তু ওদের দুজনের কেউই তা গ্রাহ্য করে নি—না সীতা, না অংগমান। কিন্তু সীতা মাসখানেক পর এসে বলেছিল—বেশ ওদের চাকরি ছেড়ে দিলাম। ওরা বড্ড খাড়াবাড়ি করছে আমাদের ব্যাপার নিয়ে।

—বেশ করেছ। ওটা আমারও ভাল লাগছিল না। আমার বন্ধুদেরও ছেড়েছি এই জন্তে। রজনকে পর্বত।

—একটা শাস্ত গ্রহ জীবনের চাকরি খুঁজে দাও। মাসে শ'হুয়েক টাকা হলেই চলে যাবে। বাড়ি আছে। ভাতা লাগে না। শুধু নিজের আর মায়ের খরচ।

—চাকরি করতেই হবে?

—হবে না? কাকর কাছে নিতে আমি পারব না। সে তোমার কাছেও না। তাহলে খেলাধুলি পাকা-সংসারের চেহারা দেবে।

অংগ একটা চাকরিও তাকে বোপাক করে দিয়েছিল। শতীনবাবুর লাহাঘা নিতে হয়েছিল

—একটি শিশু এবং নারী প্রতিষ্ঠানের চাকরি। সেখানে শিক্ষিকার কাজ। তাতে খুশী হয়েছিল সীতা। এমনি কাজই যেন সে চাচ্ছিল। বড় বড় ধনীর বাড়ি সেজেগুজে গিয়ে মনোরঞ্জন করতে হয় না, কোম্পানির সহকর্মীদের সঙ্গেও মধ্যে মধ্যে ষাওয়া আসা করতে হয় না। তাদের ইট ড্রিংক এণ্ড বি মেরী ক্লাবে হৈ হৈ করতে হয় না। স্মার্টনেসের খেলা খেলার বাংলাই নেই। ছেলেমেয়েদের নিয়ে এ বেশ সুস্থ শাস্ত জীবন—অথচ হৈ হৈ কর, তাদের নিয়ে খেলা কর, গান গাও, এ যেন একটা বড় সংসারের বড়দির কাজ। বিকেলে ছুটি। ছুটি হলোই অংশুর বাড়িতে এসে রান্না ষাওয়া হাসি-ঠাট্টা অথচ একটা অভলম্পর্শী গভীর জলস্রোতকে মাঝখানে রেখে দুজনে দুপাশে বসে নির্নিমেমে পরস্পরের দিকে চেয়ে থাকা। সে স্রোতের খাত ওরা ইচ্ছা করে নিজেরাই খুঁড়ে রেখেছে। দুপাশ থেকে দুজনে হাত বাড়িয়ে পরস্পরকে ছুঁতেও পারে। সে হোয়ার স্পর্শ দুজনের কাছে দুজনকেই আরও রমণীয় করে তোলে। তাই তাদের সারা জীবনের পাথর—এইভাবেই চলবে তারা জীবনে। তার বেশী নয়। ওই জলস্রোতে দুজনে পড়ে দুজনকে জড়িয়ে ডুবে ওরা মরবে না—মরতে পারবে না।

ফলে দুর্নামের আর সস্ত রইল না। তাতেও ওরা গ্রাহ্য করলে না। সীতার মা বিরূপ হলেন। ভাইরা প্রায় ক্ষেপে গেল। ওদিকে এই দুর্নামের জন্তে সীতার চাকরিটাও গেল।

অংশু বললে—তুমি ভেবো না এর জন্তে। আমার কাছ থেকে তুমি কিছু টাকা নাও। ধার বলে নাও। নিজে স্বাধীনভাবে কিছু করে আমার শোধ দিয়ে। টাকাটা দিয়ে—

সীতা নতুন করে পড়তে শুরু করেছিল। এক বছর পর আই-এ পাসও করেছিল।

অংশু বলেছিল—এবার পড়া ছাড়।

সীতা বলেছিল—না। আমাদের ভোমার যোগ্য হতে দাও।

তুল বোধ হয় ওইখানেই হয়েছিল।

চিরাচরিত ধারায় এবং পথে সীতা তার যোগ্য হতে চেয়েছিল।

সে নিজেও কি ঠিক তাই চায় নি? শচীনদা সেদিন ছিলেন না। তিনি চলে গেছেন। তিনি সীতাকে বলেছিলেন—যদি ভালবাসো তা হ'লে সীতার মতই ভালবেসো। সীতা হয়েই ভালবেসো।

সেই সীতার মত—

‘কারেন মনসা বাচা’ কারমনোবাক্যে এক হয়ে ভালবেসো।

কল্পনা করতে তারও তো মন্দ লাগে নি। সে যদি বনবাসে যায় তবে সীতাও যাবে বনবাসে তার সঙ্গে। সোনার হরিণ ধরে দিতেও বলবে।

এ কালের মেয়েদের মত বন্ধু-বান্ধব থাকার কথা তো কল্পনা করে নি। মিছিলধারিণী ধ্বজা পতাকা বাহিনী রাজনৈতিক কর্মে নিয়োজিত-প্রাণা সীতার কথা কল্পনা করে নি।

তারা তাদের সমবয়সী বন্ধুদের বিচিত্র সহজ আধুনিক ছন্দে ‘তুই’ বলে; ‘শোন’ বলে; ‘ওরে’ বলে; তাদের ভ্যানিটি ব্যাগে প্রসাধন দ্রব্য থাকে না, বিকোরক পদার্থ থাকে। ছুরি থাকে ছোরাও থাকে। বারো রাজনীতির সঙ্গে সংশ্লিষ্ট থাকে না তাদের ব্যাগে কি থাকে?

সব—সব—সব থাকে, বা থাকতে পারে। একটি মেয়ের জীবনে বা প্রয়োজনে হ’তে

পারে তাই থাকতে পারে।

সীতা তা পারে নি। সেও পারে নি।

কেন পারে নি ?

কেন এমন হ'ল ? এমন করে সব পাণ্টে গেল কেমন করে ?

দুই হাতে মুখ ঢেকে ভাবে অশ্রুমান।

সীতা এবং তার জীবন ঘটনা-চক্র বা ঘটনা-বিক্রাসের মধ্য দিয়ে পরস্পরের দিকে এগিয়ে মিলতে এসেছিল এবং মিলতে চেয়েওছিল। কিন্তু আগেকার সমস্ত কালের সমস্ত বিধি-বিধানকে অস্বীকার করে নূতন কোন বিধানের সাজেশন নিয়ে মিলতে চেয়েছিল; সেও চেয়েছিল সীতাও চেয়েছিল। শচীনদার ওই সীতা হয়ে মিলবার আশীর্বাদ মাথায় নিয়ে মনের ঘরের কুলুকীতে বেলপাতার মত রেখেও, চেয়েছিল। আবার বিবাহের চেয়ে বড়, এক-সঙ্গে অধিকতর বাস্তব এবং পবিত্রতর এক মিলনকে রূপ দিতে চেয়েছিল জীবনে। কিন্তু সব যেন কোন একটা অতি প্রচণ্ড শক্তিশালী অনিবার্যতা এসে বার্থ করে দিল, তখনই করে দিল।

১৮৫৫ থেকে ১৯৫৯ সাল পর্যন্ত, মাস দিন এক একটি ক'রে গুণে হবে দু বছর সাত মাস কয়েক দিন।

এ সময়ের ডায়রী আছে তার।

জীবন তাদের আশ্চর্যভাবে মুখ ফেরাতে শুরু করেছিল।

মুখ ফেরাতে মানে, বাইরের জগতের সমস্ত ঝড়ঝাপটা বিকোভ থেকে মুখ ফিরিয়ে ছুজনের দিকে মুখ করে একটু একটু করে এগিয়ে আসছিল।

পরিবর্তন তার থেকে যেন সীতার বেশী।

সে প্রতিষ্ঠার দিক থেকে মুখ ফেরাতে পারে নি। সভা সমিতি আলোচন এ সব থেকে একেবারে সংশ্রব ছিন্ন করতে পারে নি।

সীতা পেরেছিল।

সীতা প্রথম পড়েছিল পড়া নিয়ে। এক বছরের কমাস বেশী সময়ের মধ্যে আই-এ পাশ করেছিল সে। পড়ছিল বি-এ। সকালে বা দুপুরে আসতো বাড়িতে, রান্নাবান্না কিছু করত নিজের হাতে, কিছু করাতো ভরত-হরিকে দিয়ে; (চাকরের আসল নাম বোধ হয় ভর্তৃহরি, তার থেকে ভরত-হরি। অশ্রুমান কখনও তাকে 'ভরত', কখনও বা 'হরি') নির্জন শিগ্ৰহরে ছুজনে খেতে বসত, গল্প করত। পড়াশুনার গল্প, জীবনের তত্ত্ব নিয়ে বিতর্ক; সে বিতর্কের মধ্যে সীতা চলে যেত, পৃথিবী পার হয়ে অত কোন গ্রহে, অশ্রুমানকে বলত, তুমি অশ্রুমান হয়েই ভোমার আলো পাঠাবে আমার বুকে।

অশ্রুমান কিন্তু দুবছর পূর্ণ হ'তে হ'তেই অলুতব করলে—কোথা থেকে যেন উত্তাপ বিকীর্ণ হচ্ছে।

ক্রমে ক্রমে সে অলুতব করলে সে উত্তাপ তারই নিজের মনের অন্তর্লৌক থেকে বেরিয়ে আসছে। কিন্তু বলতে যেন সংকোচ হত।

সীতা ? সীতার কথা সীতা জানে।

বিচিত্রভাবে নিজেদের একটা খুব আত্মবিশ্বাস মূহুর্তে পরস্পরের কাছে মৃত জীবন বা বর্তমান কালের সব ধ্বংস করা যে জীবনভঙ্গ্য তার নাম নিয়ে লগ্ন করতেন—পরস্পরকে, আমরা বাঁধব না—বিবাহ নয় বন্ধন নয়,—দেহ দেওয়া নয় মন বিনিময় ক’রে—সে এক বিদেহী অস্তিত্বের মত মিলন একটা—।

একদিন সে সীতাকে বললে—সীতা আমি যে আর আত্মসম্মরণ করতে পারছি না।

সীতা হেসে বলেছিল—আমাদের প্রতিশ্রুতির কথা স্মরণ কর। মনে নেই ?

বাইরে একটা মিছিল যাচ্ছিল। ১৯২২ সাল সেটা।

চীনের আক্রমণ নিয়ে সোর উঠেছে তর্ক উঠেছে।

সেই সব শ্লোগান উঠছিল।

রাষ্ট্রের ওপাশের একটা নতুন রঙ ফেরানো বাড়ির দেওয়ালে শ্লোগানগুলোর কতকগুলো লেখা ছিল। সীতা এবং অংশুমান সেই লেখাগুলোর দিকে তাকিয়ে বসেছিল। পরস্পরের দিকে যেন তাকাতো ঠিক পারছিল না।

যতক্ষণ ধরে মিছিলটা না-পার হয়ে গেল ততক্ষণ দুজনে কথা বলতে পারে নি। ওরা চলে গেলে অংশুমান ডেকেছিল—সীতা।

সীতা সাড়া দিয়েছিল—বল।

—আমি কি বলব—তুমি বলবে। আমি বা বলবার বলেছি।

সীতা বলেছিল—না বল নি। বন্ধুত্বের লক্ষণের গভীর থেকে তুমি যখন বেরিয়ে কাছে আসতে বলছ তখন কোন নতুন প্রতিশ্রুতি দিচ্ছ বল। আমি নারী তুমি পুরুষ, আমার অস্তিত্ব নিকটতম কাছে তুমি আসতে পার। কিন্তু রাবণের মত নয়।

মূহুর্তে অংশুমানের মনে হয়েছিল—সীতা কৌতুকোচ্ছল হয়ে উঠেছে। এবং উত্তরও দিয়েছিল সেই চোখে। বলেছিল—বল তা হ’লে কোন হরখহু ভাঙতে হবে।

সীতা বলেছিল—না অংশুমান, আমি কৌতুক বা পরিহাস করিনি। রাবণের কথাটা বলেছি—তার কারণ রাবণ হওয়া সোজা। কিন্তু বাঙ্গালীর রাম সীতা হওয়া অত্যন্ত কঠিন। সে হুঃখ আমার সইবে না। তোমাকে জানি তুমি রামের নামে ঠাট্টা করে অট্টহেসে উঠবে। আমি লাঙলের কালে ওঠা বন্ধুত্বের যেনে নই। সাধারণ একটি যেনে, আমি আমার জীবনে থাকে অংশুমানের করব সে আমার বর হবে আমি তার বধূ হবে। তুমি আমাকে স্বামী হবার প্রতিশ্রুতি দেবে আমি তোমাকে স্ত্রী হবার প্রতিশ্রুতি দেব। বল কোন্ মনে আমাকে গ্রহণ করবে বল ?

—মানে বলছ—কি মত ? তোমরা খ্রিস্টান আমরা হিন্দু, যদিও তা নই আমি। তবুও কোন্ মতে হবে জিজ্ঞাসা করছ ?

—হ্যাঁ।

গভীর হয়ে উঠেছিল সে। বলেছিল—তার প্রয়োজন কি ?

—প্রয়োজন নেই ? চমকে উঠেছিল সীতা।

—কি প্রয়োজন ?

অনেকক্ষণ তার মুখের দিকে তাকিয়ে থেকে সীতা বলেছিল, অত্যন্ত দীর্ঘ ভাবে এবং যত্নস্বরে বলেছিল—আমাকে বরগী করে আনবে—আমি বর চাইব—

—কেন এই বাড়িখানাই আমার বাড়ি—

—সে বাড়ি কাল কাউকে বিক্রী করলে অস্তের হবে। আমি যে বর চাইছি সে বর বাসাভেও পাতা হয়, গাছভলাভেও হয়, পাহাড়ের গুহার মধ্যেও হয়। আমার সংসার চাই—
আমি সংসার পাভব।

—সীতা !

—বল।

—বিবাহ মানে মিথ্যা ঈশ্বরের শপথ করে মন্ত্র পড়ে বিয়ে কি রেজেস্ট্রী করে বিয়ে কোনটাকেই আমরা মানি নি এতদিন। তুমিও না—আমিও না। আজ তুমি তা চাও কেন ? কিসের ভয় ভোমার—

একটু ভেবে নিয়ে সীতা বলেছিল—ভয় নয় অংশু। আমি ভোমার সংস্পর্শে এসে অনেক বদলে গেছি। দেখ পুরুষ আর নারী যখন সামনা-সামনি দাঁড়ায় তখন চোখে, সারা দেহে, নিঃশ্বাসের উত্তাপে পরস্পরের অন্তে পরস্পরে চঞ্চল হয় প্রকৃতির নিয়মে। মানুষের প্রকৃতির নির্দেশ বেরিয়ে আসে মন থেকে। সে মন বলে, ওকে আমি চিরকালের জন্য চাই। চিরকালের জন্যই ওর একান্ত নিজস্ব হতে চাই। আর কাউকে চাইনে—মনে চাইনে, দেহে চাইনে—এমন কি কথার কথাতে চাইনে। ভালবাসা—

বার বার ঘাড় নেড়ে অংশুমান বলে উঠল—না সীতা। না। এ ব্রাহ্মি—সাময়িক বোহ
—এ সেই মিথ্যের পুনরুক্তি।

—তা হলে আমি উঠলাম অংশুমান।

চমকে উঠেছিল অংশুমান, বলেছিল—চললে কি ? সীতা।

—হ্যাঁ আমি চললাম। তুমিও ভেবে দেখো। আমিও ভেবে দেখব। যদিও আমার মনকে আমি জানি, ভেবে দেখবার কিছুই নাই—তবু বলছি ভেবে দেখব। ভোমার দিকে ‘আমি’ আর তাকাতো পারছি না অংশুমান। আমি—

চলে গিছিল সীতা। বোধ করি ‘আমি’ বলে যে কথা বলতে চেয়েছিল তার ওই শব্দ আমি শব্দেই সীতা কেঁদে কলেছিল। অংশুমান আর তাকে কোরাতে চেষ্টা করে নি। সে তাবতে বসেছিল।

না। না। না।

কিছুতেই সে ওই পুরানো প্রতিকৃতির মিথ্যার বোকাকে সত্য বলে মাথার ঠেকাতে পারবে না। বিবাহের চেয়ে বড়, শেষের কবিতার ভালবাসা, এ সবের উপরেও তার আর বোহ নেই। এ কল্পনাও মিথ্যার চেয়েও মিথ্যা। অসার। বস্তুজগতে বাস্তবতাবাদী মানুষ সে। তার কাছে বিশেষতাবাদী এই সপ্তম দশকে ইতিহাসের চরম ঘাটাইয়ে সব মিথ্যা, সব মিথ্যা, সব মিথ্যা। বা সে বিশ্বাস করে না।

হায় সীতা ! তোমার পরিণতি শেষে এই হ'ল ? কয়েক মিনিট চুপ করে ব'সে থেকে সে উঠে গিয়েছিল ঘরের ভিতর। ভার্যারীটা এবং কলমটা এনে লিখতে বসেছিল।

কথাগুলি লিখে সে রাখতে চায়।

লিখেও রেখেছে। কাটা কাটা ছাড়া ছাড়া কথা। এই লেখা যে পরে সে কতবার পড়েছে তার ঠিক নেই।

আরও একটা প্রেসেন এসেছিল সেই সময়। ময়দান চলেছে সব। বড় সভা আছে। সীতা চলে যাবার এবং লিখবার জন্ত কলম ধরার পাঁচ সাত মিনিট পর্যন্ত সেটা চলেছিল।

ইনকিলাব জিন্দাবাদ তো প্রথম কথা বটেই। এ ছাড়াও মনে পড়েছে কোন কিছু বিচার চাই ফ্লোগানও ছিল। সম্ভবতঃ কংগ্রেসী নেতাদের বা মন্ত্রীদেয়। বে-আইনী আইন চলবে না চলবে না চলবে নাও ছিল।

ভার্যারীতে সে সেদিন—নাটকের দৃশ্যে লাগাবার মত করে নিয়ে লিখেছিল—। এবং তার নতুন নাটকের মধ্যে সে তা লাগিয়েছে। মানুষ এ কথাগুলোকে মন দিয়ে শুনেছে; হাত-তালি দিয়েছে, ভাবিয়েছে।

কত শত সহস্র বৎসর ধরে মানুষ একটি প্রতিশ্রুতিতে নিজেকে আবদ্ধ করতে চাইছে—সঙ্গে সঙ্গে পরকেও দিচ্ছে একটি প্রতিশ্রুতি। কিন্তু প্রতিশ্রুতি সে রাখতে পারে নি। নিজেকে নিজেকে ঠকিয়েছে। নিজের কাছে দেওয়া নিজের শপথ ভেঙেছে। পরকে দেওয়া শপথ ভেঙেছে। জ্বারের প্রতিশ্রুতি—নীতির প্রতিশ্রুতি—সত্যের প্রতিশ্রুতি। কিন্তু সব ব্যর্থ হয়ে গেল। মিথ্যা হয়ে গেল। প্রমাণই হ'ল না কোনটা জ্বর, কোনটা নীতি, কোনটা সত্য।

দুর্ধ্যোধনেরও একটা সত্য ছিল।

যুধিষ্ঠিরেরও ছিল।

বাসুদেব স্বর্গলোকে দুর্ধ্যোধনকে ইন্দ্রের সঙ্গে সমাসনে বসিয়ে তাকে তার প্রাণ্য দিয়েছেন। অবহেলা করতে পারেন নি। আবার যুধিষ্ঠিরকে স্বর্গলোকে প্রথম নরক দেখিয়ে তবে নিষ্কৃতি দিয়েছেন। তা দিন। কিন্তু যুধিষ্ঠির ধর্মরাজ্য স্থাপনের প্রতিশ্রুতিতে ব্যর্থ হয়ে মাথা নিচু করে স্বর্গের পথে হেঁটেছেন।

মনে পড়েছে বলহীন অর্জুনের হাত থেকে বহু কুলবধূদের জোর করে ছিনিয়ে নিয়ে গেছে ব্যাধেরা শবরেরা। এবং বধুগুলির এতাহস্ত করতে করতে শবরদের আলিঙ্গন ক'রে তাদের সজ্জা নিয়েছে। যাবার সময় মৃত ভর্তাদের উদ্দেশে তারা যে ধূধু ছুঁড়েছিল তা তাদের নিজের গায়ে পড়ে থাকলে তাই মেখে তারা প্রসাধন করেছে। হায় ধর্মরাজ্য! কাটা যুড়ির মত ভাসতে ভাসতে চলে গেল কোন নিরুদ্দেশে। হায় প্রতিশ্রুতি। প্রতিশ্রুতির মধ্যেই মানুষের সভ্যতার জন্ম। মানুষ মানুষ হ'ল। জন্তু থেকে মানুষ হ'ল। ধর্ম ধরে দাঁড়াল। ধর্ম প্রতিশ্রুতি দিয়েছিল—ধর্ম ঈশ্বরকে জানে—সে ঈশ্বরের প্রসাদ দেবে, তাঁর বাণী দেবে, তাঁকে এনে দেবে মানুষের কাছে, মানুষ সব পাবে। এ প্রতিশ্রুতি মিথ্যা হয়ে গেছে। ধর্মের সব শপথ মিথ্যা—সব প্রতিশ্রুতি ব্যর্থ।

ভার্যার রাষ্ট্র দিয়েছিল প্রতিশ্রুতি। সমাজ দিয়েছিল প্রতিশ্রুতি। অন্ন বস্ত্র শাস্তি মুখ।

তাছাড়া আরও অনেক কিছু, তার স্বাধীনতা, তার সঙ্গে আরও কিছু। ওই ঈশ্বরের মত কিছু।

তাও সব ব্যর্থ হয়ে গেছে।

বোধ হয় বিংশ শতাব্দীর প্রথমার্ধ শেষ হওয়ার সঙ্গে সঙ্গে এতদিনের সমস্ত ব্যর্থতা একসঙ্গে চীৎকার করে উঠেছে—

ইনকিলাব—জিন্দাবাদ।

ওই যে যারা চীৎকার করছে ইয়ে আজাদী খুটা হায়—তাদের জ্ঞানগান ওই সঙ্গে বলছে—
বিলকুল সব খুট হায়।

এমন ভাবে পৃথিবীর সকল প্রতিশ্রুতি, সকল তপস্যা মিথ্যা হয়ে যাওয়ার হতাশার ক্ষোভে মানুষ আর কখনও এমন ক্ষুব্ধ হাহাকার করে ওঠে নি। সব ছুঁড়ে ফেলে দিচ্ছে আবর্জনার মত। ভাঙা ফুটো উজ্জিষ্ট অব্যয় মত।

সীতার বদলে এই মুহূর্তে তার অর্ধসমাপ্ত জীবন নাটকের নায়িকা হবার জন্ত নাটকীয় মুহূর্ত সৃষ্টি করে নমিতা মুখ বাড়ালে।—হ্যালো হ্যালো অংশুমান।

—কে ?

—আমি কোন একজন নমিতা। চিনতে পার।

নমিতা তার বউদির বোন, যে তাকে উপেক্ষা করে অল ইণ্ডিয়া সার্ভিসের একজন পাল্টীষরের নবীন ড্রাসস্টান চাকুরেকে বিয়ে করে তার চোখের এলাকা থেকে দূরে চলে গিছিল। বাকি সে লক্ষ্মীর বাহন পেঁচা বলে এ সেই।

একেবারে নাটক সৃষ্টি করে ঢুকল নমিতা। টেলিফোন বেজে উঠল।

ওই দিনই, যে দিন সে, সীতা চলে যাবার পর এবং প্রেসেনসনটা চলে যাবার পর ওই হঠাৎ ওঠা চিন্তার টুকরোগুলোকে ভায়রীতে লিখে রাখছিল—তখনই লেখার মধ্যে বাধার সৃষ্টি করে টেলিফোনের রিঙ বেজেছিল।

দমদম এরোডোম থেকে টেলিফোন করছিল নমিতা।

—অংশুবাবু, আমি নমি। চিনতে পারছো আমাকে ?

প্রথমটার এক কথায় চেনা যায় নি। নমিতা নামটা তার জীবনের পথে কয়েকটা মাইল পোষ্টের গাঁয়ে গাঁয়ে খোঁচাই হয়ে আছে, তবু এক কথায় চিনতে পারে নি অংশু। অংশু ভাবছিল সীতার কথা। নমিতার কণ্ঠস্বর তাকে চমকে দিলে। সে আর ছুটো লাইন লিখে ভায়রী বন্ধ করে উঠল।

সে লিখলে—“দেহের বে দেহের কাছে একটা প্রতিশ্রুতি আছে সীতা।

সে প্রতিশ্রুতি রক্তের স্রোতে স্রোতে কল্লোলিত। চোখের পাতার দৃষ্টিতে বিদ্যুতের মত অহরহ প্রবাহিত। মুহূর্তে চমকে ওঠে।

দেহে বাস করে দেহাতীত হ’তে চেরো না। তার নাম মৃত্যু।

মনের দোহাই দিয়ে নয়নারীর প্রথম অধিকারকে আঠেপৃষ্ঠে বেধে তাকে চুলে আঠায়

পাকিয়ে অঁটা করে তুলো না।”

এই পৰ্বন্ত তার ডায়রীতে লেখা আছে। তার পর আর নেই।

নমিতা এসে গেল।

নমিতা টেলিফোনের ওদিক থেকে মনে করিয়ে দিল—নমিতা তোমার বউদির বোন। তোমার এককালের কাব্যের নারিক। আমার জন্তে বিবাহী হয়ে তুমি বিয়ে করলে না। আমি কি করব বল? ওরা ধরে বেঁধে করেন সার্ভিসের অফিসারের কোর্টের সঙ্গে আমার শাড়ীর আঁচলখানা সেকটিপিন দিয়ে জুড়ে দিলে। প্রথম নেশা লাগল। সেই নেশায় উড়ে চলে গেলাম। অনেক দেশ ঘোরা হয়ে গেছে। মধ্যে মধ্যে দেশে ফিরেছি কিন্তু দেখা করি নি।

ঠাণ্ডা চাপা হাসি যেন মিহি কর্তব্যের রেশমী চাদরের হিল্লোল বেয়ে এক ঝলক বাতাসের মত এসে তার কানে পৌঁছেছিল।

এ বাতাস সেই বাতাসের ঝলক—বাতে অলস ভ্রমরের কাছে নিয়ে আসে ফুলের গন্ধ। অংশুমানের চিন্তা চেতনা যেন চমকে জেগে উঠেছিল। সে সাগ্রহ উল্লাসে বলে উঠেছিল—
নমি। আমি আর তুমি, অংশু আর নমির নমি।

—হ্যাঁ—তুবন ভ্রমরা শেষে ফিরেছি তোমার দেশে। এবং পতিদেবতার সঙ্গে ঝগড়া করে ফিরেছি। তাই তো কার্টমসএর বেড়া না-পার হ’তে হ’তেই তোমাকে খবর দিচ্ছি। তুমি এস। আমাকে সাহায্য কর। একেবারে কোন হোটেল। বুকেছ। পুরো আধীন আমি। না। বাড়ির তাঁবেদারী এবং শুভাশুভের খবরদারীর মধ্যে আর না। এনাক অফ ইট। যথেষ্ট হয়েছে অংশু। ওই সব অর্থহীন ঈশ্বর ধর্ম সভা সভা সত্যি স্বাভাবিক নীতি ও সব দিয়ে আর চোখে কাপড় বেঁধে কানামাছি খেলতে রাজী নই আমি। হ্যাঁ তুমি এস।

আশ্চর্য রূপসী এবং উজ্জল যৌবনা হয়েছে নমিতা। সর্বদে বিধ-সত্যতার সেই শাখার কোটা ফুলের গন্ধ বর্ণ মোহ, যে শাখার ফুল কোটাতে প্রয়োজন হয় প্রচুর বিলাসের, অগাধ ঐশ্বর্যের।

কার্টমসের বেড়ার গায়ে ঝাড়িয়ে সে পথের দিকেই তাকিয়ে ছিল। অংশুমানের মনে পড়েছিল উর্বশী কবিতার কটি ছত্র।

নহ বধু নহ কস্তা সুন্দরী রূপসী। মনে পড়েছিল—তব স্তনহার হতে—। বুকের মধ্যে তার রক্তধারা নাচা নৃতন নর। কিন্তু এমন ক’রে কখনও সে বিহ্বল হয় নি।

নমিতা তাকে বলেছিল—কেমন দেখছ? খুব সুন্দর হই নি?

—হয়েছ।

—সে তো জানি। কিন্তু কেমন তুমি বলবে তো।

—বলব, অপূর্ব।

—যদি বলি তোমারই জন্তে।

—বলব মিথ্যে কথা।

—কেন ?

—তা জানিনে। তবে নিজের কথা জানি সেইটে বলি। বলি—দেহ দেহকে টানে এটা বাস্তব সত্য। কিন্তু মন মনকে টানে এটা মিথ্যে কথা। এই মুহূর্তে তোমার সামনে দাঁড়িয়ে বলতেও সঙ্কোচ হচ্ছে না।

নমিতা অত্যন্ত সহজ হাসিতে যেন অকপট ভাবে স্বীকার করে বলেছিল—বা বলেছ। ওর মত মিথ্যে আর হয় না। এ যুগে যখন সমাজের ভয়, পাতিভ্যের ভয়, শাস্ত্রের শাসনভয় যুটে গেছে তখন স্বীকার নিশ্চয় করতে হবে এ যুগে কেউ একজনের একা নয়। এবং তোমারও নই তা বলব না।

একটা নামজাদা হোটেলে সে তাকে ভুলে দিয়ে এসেছিল। এবং সে দিন সে প্রায়ত্তের মত ছুটেছিল অভঙ্গীর খোঁজে।

গিরেছিল সে অভঙ্গীর খোঁজে কিন্তু সীতাকেই তার সারাক্ষণ মনে পড়েছিল ট্যান্ডির মধ্যে। এ যুগের সকল কোত সকল অবিধাসের রুঢ়তাকে বুকের মধ্যে নিয়ে সীতার ছবিকে মনের মধ্যে থেকে দূর করে দিভেই সীতাকে তাড়াবার জন্যেই সে অভঙ্গীকে মনে করেছিল। নমিতাকে মনে করতে তার ভাল লাগে নি। নমিতার দেহ নিয়ে কোন আকর্ষণ তার ছিল না, তা সত্য নয়, আকর্ষণ ছিল কিন্তু কোনও একটা বিচিত্র বোধ তাকে যেন বাধা দিয়েছিল।

মন তার উৎসাহিত না হয়ে পিছিয়ে এসেছিল।

সন্ধ্যার নমিতার হোটেলেই মত্ত পান ক'রে ছুটে গিরেছিল অভঙ্গীর সন্ধ্যানে। নমিতা তাকে আকর্ষণ ঠিক করে নি। অভঙ্গীর কাছে তার কোন সঙ্কোচ নেই। না—নেই।

কোন অপরিণত কৈশোরে দেহের আকর্ষণে সে এবং অভঙ্গী পরস্পরে মিলিত হয়েছিল। তার মধ্যে মন থাক বা না-থাক প্রকৃতির একটা অনিবার্য আকর্ষণ নিতান্ত ভ্রণের মতই ছিল। বাস্তব হয়তো, কিন্তু তার বেশী কিছু নয়, হয়তো নির্লজ্জ, কিন্তু কদৰ্শ নয়। নমিতা দেহের আকর্ষণের মধ্যে বিলাসের নানান উপকরণে সজ্বিলে লালসাকে উজ্জ্বল করে কেমন যেন অপরিচ্ছন্ন করে কেলেছে। অপবিত্র বলবে না। না। অভঙ্গী অপবিত্র। অভঙ্গীকে কিন্তু পার নি। সে বসে গেছে আর ফেরে নি।

*

*

*

নমিতা বৃত্তিমতী আধুনিকা; খনডারিক দেশের আধুনিক যুগই যেন সে। অংশুমানকে মৃত্যু করে কাশনার শিখায় উজ্জল এবং উত্তপ্ত করে জ্বালিয়ে দিয়ে আবার মাস দেড় হুই পরে চলে গেল। ঝড়ের মতই এসেছিল, ঝড়ের মতই চলে গেল। বাবার সময় বলে গেল—‘ইউরোপে এস অ্যামেরিকায় এস। কি হবে তোমার বাংলার বই লিখে? এখানে জীবন কোথা। আমাকে দেখ! এ দেশে তুমি আমাকে স্পর্শ করতেই পারলে না। আমার তাতে কোতও নেই ছুঃখও নেই। দেখ।’

নমিতা এ দেশের সংস্কার অস্বী। তার স্বামী তাতে ভুল নয়—তাতে আবদ্ধ নয়, সেও নয়। নমিতার এতে কিছু আসে যায় না।

নমিতাকে গেনে ভুলে দিয়ে কিয়ে এসে সে নাটক লিখে ভেবেছিল। আবার সে কৈশে

বসেছিল সেই পুরনো অসমাপ্ত নাটকের বিষয়বস্তু নিয়ে নাটক। মহাভারতের সত্যবতীকে নিয়ে নাটক। এবার নাম দিয়েছিল—‘অৰ্ণবগী’।

প্রথম অঙ্ক—পর্যায় ও সত্যবতী।

প্রায় দু’মাস পরে এল সীতা। সীতা দু’মাস পরে আসে নি। সীতা এসেছে কিরে গেছে? অংশুমানের সঙ্গে দেখা হয় নি। অংশুমান নমিতার সঙ্গে কিরেছে। কোন দিন বাড়ি কিরেছে কোন দিন ফেরে নি।

সীতাকে দেখে অংশু যেন কেমন হয়ে গিয়েছিল। হয়তো বিবর্ণ। কিন্তু সীতা তাকে কিছু বলে নি।

বলেছিল—এত কি কাজ ছিল তোমার নমিতার সঙ্গে?

চমকে উঠেছিল সে।—নমিতার সঙ্গে?

সীতা বলেছিল—আমি জানি।

অংশু বলেছিল—তাবছলাম অ্যামেরিকা যাব।

—ও।

একটু পরে সীতা আবার বলেছিল—কি হল বল তো?

—কি হবে?

—এমনি করে বদলালে?

—বদলেছি? না। একটু পর বলেছিল—নতুন নাটক লিখছি। ভাবছি নিজেও নামব।

—আবার নাটক? নিজেও নামবে?

—নইলে?—

সীতা অনেকক্ষণ চুপ করে বসে থেকে চলে গিয়েছিল।

আরও বদলাল অংশু। সে চলে যেত—বাড়িতে থাকত না। সীতা এসে বসে থেকে বাড়ি কিরে যেত। খাবার তৈরি করে রেখে যেত।

যেদিন দেখা হত সেদিন জিজ্ঞাসা করলে বলত—কাজ ছিল। পাণ্ডুলিপিদের সঙ্গে হিসেব চলছে। ঝগড়া হয়েছে। বই তুলে অস্ত্র আরগার দেব। তার সঙ্গে যেতে হচ্ছে। কিংবা বলত—মিটিং ছিল।

একদিন বললে—একটা অভিনয় হবে। তাতে হিরোর পার্টের জন্তে খরছে। তাই গিয়েছিলাম।

একটু চুপ করে থেকে সীতা বলেছিল—অভিনয় করবে?

—শক্ত পার্ট—

সেইদিন বাবার সময় সীতা বলেছিল—কাল আমি আসব না।

অংশু বলেছিল—ঠিক আছে। আমারও কাজ আছে।

—সেও আমি জানি।

—জান? আমি তো তোমাকে বলি নি।

—বল না তো কোন দিনই। আমি এসে ফিরে যাই।

চুপ করে থেকেছিল অংগুমান, জবাব দিতে পারে নি। জবাব খুঁজে পায় নি।

সীতা বলেছিল—আরও একটা কথা বলি।

না থেমেই সে বলেছিল—আর আসবে না।

—আসবে না? মানে?

—ভাল লাগছে না।

—সীতা।

—তোমারও ভাল লাগছে না অংগু। তুমি বলতে পারছ না। খেলাঘর ভেঙে চলে যাবার সময় হয়েছে—

অংগুমান উঠে দাঁড়িয়ে পারচাৰি করেছিল। সীতাও উঠেছিল। কিন্তু অংগুমান বলেছিল—
—যেয়ো না।

—বল কি বলবে? রাত্রি অনেকটা হয়েছে।

—আজ যেয়ো না।

—অংগু।

অংগুমান তার হাত চেপে ধরে বলেছিল—না।

সীতা বলেছিল—অংগু।

—না! না! না!

সে পুঙ্খ!

বিংশ শতাব্দীর একবটি সালে তার বয়স তিরিশ বৎসর। সে বলেছিল—না যেতে পাবে না আজ।

*

*

*

• দ্বন্দ্ব করতে করতে অশান্তি বোধ করলে অংগু। জীবনে তার এই একটি অশান্তি অশান্তি। সকালে উঠে সীতা সেই চলে গেল। আর এল না। সেদিন সে উঠবার আগেই সীতা উঠে বেরিয়ে চলে গিয়েছিল। যাবার সময় শুধু বলেছিল—এ কি হল বল তো?

অংগুমান উত্তর খুঁজে পায় নি।

• সেদিন সকালে উঠে অংগু অশান্তি ভোগ করেছিল—দারুণ অশান্তি আর অস্থশোচনা হয়েছিল—সে করলে কি? এ কি করলে সে! আশঙ্কা করেছিল—সীতা আসবে। এলে—। এর পর সে ভাবতে পারত না। সে একটা শব্দ করে উঠত। বিরক্তিশূচক শব্দ। কখনও—আঃ! কখনও—ছি ছি! কখনও মুখে কোন শব্দ করত না—অস্থির হয়ে উঠত।

কিন্তু সীতা আর আসে নি। চার বছর হয়ে গেল। রজনকে দিয়ে খোজ করে জেনেছে সীতা এখান থেকে চলে গেছে। সীতার মা মারা গেছেন। সীতাকে তিনি তাঁর বাড়ির অংশ দিয়ে গেছেন। সেই বাড়ির অংশ বিক্রি করে সে চলে গেছে। কোথায় গেছে তাইরা

বলতে পারে না। জানে না তারা।

তাদের দুঃখ ক্রোধ সীতার উপর ; কারণ মায়ের দেওয়া বাড়ির অংশ সে তাদের না দিয়ে চড়া দামে অস্ত্র একজনকে দিয়ে গেছে। উত্তর কলকাতার বাড়ি, বেশ কয়েক হাজার টাকাই সে পেয়েছে।

সংবাদে বিস্মিত হয় নি অংশুমান। সীতা জীবনের হিসেবে পাকা। তা না হলে তার সঙ্গে ঘর বাঁধবার দাবি নিয়ে এসে ঘর বেঁধে বাকী জীবনটা অশান্তির আগুনে নিজেও জ্বলতো, তাকেও জ্বালাতো। তা সে করে নি।

অংশুমান সীতাকে মন থেকে মুছে কেলে আবার তার জীবনের পরিত্যক্ত পথে ফিরে এল এবং ক্রতভর পদক্ষেপে বাজা শুরু করলে।

ছুটে চলেছিল সে বিংশ শতাব্দীর দ্বিতীয়ার্ধের কয়েকটা বছরের সঙ্গে।

সীতা কোথায় হারিয়ে গিয়েছিল। ধীরে ধীরে অংশুমান ভুলতে চেষ্টা করেছিল। অস্ত্রের কোন অঙ্গশোচনা তার মনের মধ্যে এতটুকু অবশিষ্ট রেখে যায় নি। যুগের সঙ্গে চলমান রাখব সে। উরি গাগারিনের সঙ্গে সে শূন্যলোক পৃথিবী পরিক্রমা করে এসেছে। হাংগেরীর সময় সোবিয়েভের প্রতিবাদ করেছে। তাইওয়ানে অ্যামেরিকার প্রতিবাদ করেছে— ভিয়েতনামে অ্যামেরিকার প্রতিবাদ করেছে। কেনেডীর মৃত্যুতে শোক প্রকাশ করেছে। জওহরলালের মৃত্যুতেও কৈদেছে। বিধান রায়ের মৃত্যুতেও বিষণ্ণ হয়েছে। কালের প্রবল ঝোড়ের টানে ভেসে চলেছিল তীব্রতম বেগে।

হঠাৎ কাল—। ১৯২২ সালের ১০ই জানুয়ারী।

কাল সে গিয়েছিল ইউ-এস-আই-এস-এ।

নিজের নাটিকাগুলিকে নিয়ে একটি নাটিকা-সংগ্রহ করবে ঠিক করেছে। তাতে সে শুধু নাট্যকার এবং অভিনেতাই হবে না, নিজেই পরিচালনা এবং প্রযোজনা করে পরিচালক-প্রযোজকও হবে। সেই প্রোডাকশন সম্পর্কে বই সে বাঁটিছিল—অ্যামেরিকান প্রোডাকশনের বই। একত্রে শুধু সে ইউ-এস-আই-এস-এই যাব না, রাশিয়ান এয়াসী এবং সোবিয়েত দেশের আপিসেও যাব। সেই ভক্ত কাল ইউ-এস-আই-এস-এ গিয়ে হঠাৎ চৌরিকীর পথে সমবেত কর্তার জিন্দাবাদ মূর্দাবাদ আওয়াজ শুনে বেরিয়ে এসে দেখেছিল ছাত্রদের লম্বা শোভাযাত্রা চলেছে। ডক-ডকনী থেকে ছোট ছোট বাজা পৰ্বত। ফেস্টুন প্রাকার্ড নিয়ে আওয়াজ দিতে দিতে চলেছে—

—ভিয়েতনাম থেকে—

—হাত হঠাৎ।

—অ্যামেরিকান সাম্রাজ্যবাদ—

—মূর্দাবাদ।

—ভিয়েতকং মুক্তিসেনা—

—জিন্দাবাদ।

—লং লিড—

—রেভেলুশন।

তাদের পাশে পাশে পুলিশ চলেছে। পুলিশের জীপও আছে। ইউ-এস-আই-এস'এর পাশটা—পুলিস কিছু দূরে দাঁড়িয়ে পাহারা দিচ্ছে। একবার এমনি একটা অ্যামেরিকাবিরোধী মিছিল ইট মেয়ে ভাঙা মেয়ে ইউ-এস-আই-এস'এর কাঁচগুলো ভেঙে দিয়েছিল—তাই এখানে এ সতর্কতা নিয়েছে পুলিশ। সেদিন সে চটেছিল এই মিছিলগুলোর উপর। মারাত্মক ভাবে চটেছিল। কিন্তু আজ তার রাগ হল না। মনে মনে খবরের কাগজের হেডলাইনগুলো ভেসে উঠল। ঠিক ঠিক ভাষা তার মনে নেই, কিন্তু অ্যামেরিকা জেট বখার নিয়ে গিয়েছে ভিয়েতনামে, এবং কীকে কীকে বখারগুলো উত্তর ভিয়েতনামে কমুনিষ্ট অঞ্চলে গিয়ে বখি করে আসছে। একটা মেয়ের ছবি বেরিয়েছিল। সে মেয়েটির মুখভঙ্গি দেখে বোঝা যায় সে বুকফাটা কান্না কাঁদছে। তার সব গেছে। স্বামী পুত্র সংসার—সব—সব। কেন? তোমাদের গোটা প্রশান্ত মহাসাগর পার হয়ে দক্ষিণ ভিয়েতনামের প্রেমে পাগল হয়ে এখানে লড়তে আসার কি প্রয়োজন? তাদের দেশের ভাগ্য তারাই নিয়ন্ত্রণ করুক। তোমাদের কি?

ওদিকে চীন। চীন অ্যাটম বোমা ফাটিয়েছে। তার অহংকার তারা এশিয়ার ভাগ্য-নিয়ন্তা হয়েছে। ভারতবর্ষের উত্তরে থাকা গেড়ে বসে আছে। ভাবতে ভাবতে মাথা খারাপ হয়ে যায়। দম বন্ধ হয়ে আসে।

ওদিকে আয়ুব খাঁ বিষ উদগার করছে—ফোঁট ফোঁট। নর গলগল করে বিষ ঢালছে। কচ্ছের রাণে ছোঁবল মেয়ে সাপের মত কামড়ে ধরে আছে অনেকটা অংশ।

এই এলোমেলো ভাবনার মধ্যে সে যে কখন রাত্তায় নেমে পড়ে ওই মিছিলের সঙ্গে চলতে আরম্ভ করেছিল তা সে নিজের জানে না। তবে অ্যামেরিকান কনসুলেটের সামনে এসে থমকে দাঁড়িয়েছিল।

একশো গজ দূরে পুলিশের ব্যারিকেড প্রেসেন্স রুখে দিয়েছে। একজন ছাত্রনেতা উঠে দাঁড়িয়েছে একটা কিছু উপর। হাতে মুষ্টি বেঁধে চীৎকার করে বক্তৃতা শুরু করলে—বন্ধুগণ!—

করেক ছত্র শুনেই আর তার ভাল লাগল না। অত্যন্ত অভয় মত্যন্ত জুঁক বাক্যের সমষ্টি তাকে পীড়িত করলে।

সে সেখান থেকে সরে এল। একলা হাঁটতে হাঁটতে চলে এল সে ভিক্টোরিয়া মেমোরিয়ালের ধারে। রোজালোকিত মাঠে ঘাসের ডাঁটি ছিঁড়ে নিয়ে ছেলেমানুষের মত দাঁড়ে কাটতে লাগল।

বিকেল হয়ে আসছে। বড় বড় গাড়ি এসে দাঁড়াচ্ছে মাঠের ধারে। গাড়ি থেকে নামছে সুন্দরী স্ত্রীশ্রী মেয়েরা, তার সঙ্গে কাঁচা বাঁজা এবং পুরুষেরা। এদের অধিকাংশই ভিন্ন প্রদেশবাসী। লক্ষণতি কোটিপতির দল। ব্ল্যাকমার্কেটিয়ার এদের শতকরা নিরানব্বই জনেরও বেশী। অল্প লোকে হরভো বলবে একশো জনের মধ্যে একশোজনই। সে তা

বলবে না। একজন—অন্ততঃ একজন ভাল লোক আছে। নিশ্চয় আছে। নইলে ছুনিয়া আছে কি করে? ওগান থেকে সরে এসে সে প্র্যানেটোরিয়ামের পাশের বাগানটার ছায়ায় বসল।

সমস্ত দিনটাই মিছে গেল—বাজে বাজে এতদূর ঘুরল সে এই ছেলের দলের সঙ্গে!

হঠাৎ মনে হল সারা জীবনটাই সে এমনি করে মিছিমিছি ঘুরেছে। মিছিমিছি বই কি!

ভাবতে ভাবতে সে আকাশের দিকে তাকালে। কে জানে—চল্লিশ-পঞ্চাশ হাজার কি তারও উপরে অ্যাটম বোমা পেটে নিয়ে জেট প্লেন ঘুরছে না। আমেরিকায় কোথায় কোন কন্ট্রোল পোর্টে কেউ একজন একটা বোতাম টিপলেই একটা মারাত্মক খোনা আওয়াজ—যে আওয়াজের প্রতিধ্বনিতে পৃথিবীর কেন্দ্রস্থল পর্যন্ত শিরশির করে—সেই আওয়াজ তুলে একটা অভিকার অ্যাটম বোমা নেমে আসতে আসতে ফেটে গিয়ে চোখ-অন্ধ-করে-দেওয়া ছটার উত্তাপে এবং একটা প্রচণ্ডতম শব্দ তুলে সমস্ত কলকাতা শহরটাকে গালিয়ে ঝলসে ছাইয়ের স্তূপ করে দেবে না! একটু ভয়ও হয় না আজ অংশুমানের।

হঠাৎ থিয়েটার রোড আর চৌরঙ্গীর ক্রসিংয়ে ট্রাফিক পুলিশের হুইসলটা অস্বাভাবিক জোরে বেজে উঠল। শব্দে মোটরের ব্রেক কষার শব্দ উঠল। অংশুমান তাকিয়ে দেখলে পূব থেকে পশ্চিমের রাস্তার ট্রাফিক বন্ধ করে দাঁড়িয়েছে পুলিশ।

এবার সামনে পেলে সে একখানা খালি ট্যাক্সি। সে ছুটে গিয়ে উঠে বসল।

*

*

*

ময়দানে মহুমেন্টের ওলার মিটিং হচ্ছে। মহুমেন্টের গা বেঁধে ফেস্টুন টাঙানো। ঝাণ্ডা উড়ছে। ইউনাইটেড ফ্রন্টের মিটিং। এবার ইলেকশন। সমস্ত দল এবার কংগ্রেসকে হঠাতে বন্ধপরিকর।

বাঁদিকে পূব পাশে মেট্রোর সামনে দর্শকের ভিড় জমেছে। ফার্স্ট শো ভাঙল—সন্ধ্যার শোয়ের দর্শকেরা ঢুকছে। গাড়ি গাড়ি গাড়ি। প্রাইভেট ট্যাক্সি, ডবল-ডেকার, লরী—ভার সঙ্গে মাছ মাছ মাছ। চলছে। চলছে। চলছে। ব্যবসাবাণিজ্য। কেরিওলা—জুতো বৃক্ষ—পিকপকেট—নারীশিকারী পুরুষ—পুরুষসন্ধান নারী। পুলিশ স্পাই।

জীবনের স্রোত প্রচণ্ডবেগে বয়ে চলেছে। অসংখ্য ট্যাক্সিও তারই সঙ্গে চলেছে। মধ্যর গতিতে। ক্ষুণ্ণ গতিতে। এর ওর পাশ কাটিয়ে। বুড়ো শিখ ড্রাইভার গাল দিচ্ছে পাশের ড্রাইভারকে। কখনও অস্ত শিখ ড্রাইভারকে কিছু বললে হৈকে। গীয়ার দিচ্ছে, ক্লাচ করছে, হর্ন মারছে। আশ্চর্য ব্যস্তিক হয়ে গেছে জীবন। অংশুমানের মন শূন্য।

গাড়িটা থেমে গেল। সামনে ধর্মতলা চৌরঙ্গী বেষ্টিক স্ট্রিট লেট্রাল অ্যাভেন্যুর অংশন। মোড়ে লাল আলো জলে উঠেছে। গাড়ির সারিগুলো থেমে গেছে। এখন পূব দিকে দক্ষিণমুখে গাড়ি ঢুকছে—চলছে দক্ষিণমুখে। পশ্চিম দিকে কার্জন পার্কে জনতা, পিপড়ের মত মাছ মাছ মাছ মাছ। খাত্ত নাই। স্থান নাই। মাছ মাছ। কোন কাগজে অংশুমান পড়েছিল আজ পৃথিবীতে সাড়ে তিনশো কোটি মাছ—২০০০ ক্রীটাকে মাছ মাছ দ্বিগুণ হয়ে বাবে পৃথিবীতে। তার ত্রিশ বছর পর ১০০ কোটি হবে ১৪০০ কোটি।

কি করবে তখন মানুষ ?

মানুষ বা করবে তা করবে।

গাড়ির মধ্যে অংশুর জীবন অসহ্য মনে হচ্ছে। শীতের দিন তবু সে ঘামছে। পেট্রোলের গন্ধ। ধোঁয়া। দশটা বিশটা কি পঞ্চাশটা হর্নের একসঙ্গে শব্দ। ডবল-ডেকারের অসহনীয় অহংকারে অতিকার দৈত্যের মত চাপা দেবার ভয় দেখিয়ে পাশ বেঁধে যাওয়া—এ অসহ্য মনে হচ্ছে। এরই ফাঁকে ফাঁকে ভিখিরীরা ঘুরছে। এদেশের লোকই নয় এরা। অল্প প্রদেশ থেকে এসে চৌরিকীর এলাকাটা দখল করে বসেছে। তবু তো ফিটনের দৌরাঙ্গা গেছে।

সিটি পড়ল। লাল আলো হলুদ হয়েছে। এইবার সবুজ হবে। এরই মধ্যে গাড়ির সারি নড়ে উঠেছে। এই চলছে। অংশুমানের ট্যাক্সির পাশ দিয়ে একখানা ডবল-ডেকার একেবারে ভেড়েফুঁড়ে গর্জন করে পাশ কাটিয়ে এগিয়ে গেল। ক্রুড অয়েলের ধোঁয়ার কালো হয়ে উঠল সামনেটা। প্রথমে আশে তারপর বিপুল গর্জন করে এগিয়ে চলল। ওপাশে একখানা লরী। ওরা রোলিং-স্টোন। ওদের পথ ছাড়।

পাঞ্জাবী শিখ ড্রাইভার তেতে উঠেছে। সে গলা বাড়িয়ে গাল দিলে ড্রাইভারকে। বাসের ড্রাইভার তার ইঞ্জিনের গর্জনের মধ্যে কিছু শুনতে পেলেন না। সে গাল দিচ্ছে তার সামনের একখানা ট্যাক্সির ড্রাইভারকে।

এরই মধ্যে সামনে একখানা কানো রঙের প্রাইভেট। গাড়িগুলোর কণ্ডক চলেছে গভর্ণমেন্ট হাউসের দিকে। কণ্ডক চলেছে সামনে। কিছু ঘুরছে পূর্বমুখে ধর্মতলা স্ট্রীট বরাবর। ডবল-ডেকারখানা ঘুরছে ধর্মতলার দিকে। তার পিছনে আছে লরি একখানা।

আরে—আরে—আরে—

বিচিত্র কৌশলে তাদের ডাইনে বাঁয়ে রেখে এগিয়ে চলল প্রাইভেটখানা।

পাঞ্জাবী শিখ ড্রাইভার বললে—মর যারগা শালা !

আশ্চর্য অশুভ বাক্য বের হল তার মুখে।

একটা প্রচণ্ড শব্দে অংশুমানের চিন্তাহ্রদ ছিন্ন হয়ে গেল ; সে চমকে উঠল।

নিশ্চয় সেই ডবল-ডেকারখানা ! সামনে তাকিয়ে দেখে তার শরীর মন শিউরে উঠল ; না ডবল-ডেকারখানা নয়, এটা একখানা হেভী ট্রাক, মেরেছে একখানা প্রাইভেটকে। পাশে মেরেছে। একটা দিক চড়চড় করে খানিকটা ছেড়ে গেছে, খানিকটা বসে গেছে।

সঙ্গে সঙ্গে সিটি বেজে উঠল ডিন-চারটে ! ডিন-চারজন টি-পি থাকে এখানে, তারা সশস্ত্র বাঁশী বাজিয়ে ছুটে আসছে গাড়িখানার দিকে। একজন দুই হাত প্রসারিত করে সব দিকে ট্র্যাফিক বন্ধ করে দিয়ে দাঁড়িয়েছে। একটা অসহনীয় ব্রেক কষার আওয়াজ উঠল। এ আওয়াজে শরীর শিউরে ওঠে। জেট প্লেন নামবার সময় যে শব্দটা হয় অনেকটা তারই মত। শরীর ঠিক শিউরে ওঠে না, সমস্ত দেহের স্নায়ুনিরাঙলো যেন ওই শব্দে ঐক্য-বৈক্যে ওটিয়ে যেতে চায়। সাপ যেমন কুণ্ডলী পাকিয়ে এতটুকু হয়ে যায়, শামুক যেমন খোলার মধ্যে ঢুকে যায়, না তার থেকেও গুঁয়োপোকা যেমন ঐক্য-বৈক্যে ছটকট করে ওঠে তেমনি হয়ে

যায়। তার সঙ্গেই দেহের এ রিফ্লেক্স অ্যাকশনের মিল বেশী। মাহুয বড়াই করে চেতনার চৈতন্যের—সে যে এ সময় কোথায় থাকে তার ঠিক থাকে না। নিগুণ ত্রয়ের মত অবাঙমনসোগোচর হয়ে যায়।

আশপাশ থেকে হুড়মুড় করে লোক এসে ভিড়ছে। ভিড় করে ঘিরে দাঁড়াচ্ছে। ওদিকে সামনে একদল লোক, একজন টি-পি ছুটছে বেটিক স্ট্রীট ধরে।

অংশমানের ড্রাইভার বললে—উ লরী ড্রাইভার হুদকে ছুটা ছায়। উরো ছুট রং ছায়—উরো।

হ্যাঁ ওই ছুটছে। লোকটা প্রাণভয়ে ছুটছে। ধরা পড়লে তার আর রক্ষা থাকবে না। উধ্বাশে ছুটেছে। ওই একটা গলিতে মোড় নিয়েছে।

ট্যাক্সি ড্রাইভার বললে—লেকিন উসকা কনুর নেহি থা সাব। বিলকুল কনুর প্রাইবেট চালানেওলা বাবুকা। বাবু লরীকো ওভারটেক করনে কোশিস কিয়া। ই ডি টারন লিয়া উ ডি টারন লিয়া। লরী গিয়া পছেলে, প্রাইবেট পিছেমে টারন লেতে যানেসে লরীকে সাথ থাক্কা লাগায়। আজকালকা নয়া প্রাইবেট স্রিক টিনা ছায়। একদম। সে স্টীয়ারিং ছেড়ে দিয়ে জান হাতের উপর বা হাতে মুঠো বেঁধে মারলে ঘুঁষি। অর্থাৎ ভুবড়ে গিয়েছে।

—জান লুকসান হয়া? কোই মর গিয়া?

—ক্যা মালুম! ড্রাইব করনেওলা মর গিয়া হোগা। কেও কি থাক্কা যো লাগা ছায় উ লাগা ছায় পিছেমে। মর গিয়া হোগা।

* * *

ট্যাক্সি দাঁড়িয়ে গিয়েছিল। অংশমান নেমে পড়ে এগিয়ে গেল অ্যাকসিডেন্ট-হওয়া গাড়িখানার কাছে।

এ কি? এ যে সীতা! গাড়ির ভিতর অজ্ঞান হয়ে পড়ে আছে বা মরে গেছে। আর একটি শিশু।

সে যেন পাথর হয়ে গেল।

এমন কখনও অল্পভব করে নি অংশমান। সে যেন কেমন হয়ে গেল! অতর্কিত আঘাতে মাহুয অজ্ঞান হয়ে যাবার পূর্ব মুহূর্তটিতে এবং চেতনা যেতে যেতে যাবার শেষ মুহূর্তটিতে যেমনটি হয় বোধ হয় তেমনি। আলো যেন নিভে গেল—অথবা বৃত্তাকারে সংকুচিত হয়ে এসে তাকে কেন্দ্র করে টেকে রইল; সব হারিয়ে গেল; সব ধেয়ে গেল; সব নিশ্চয় হয়ে গেল; কোথাও কোন শব্দ নেই—নিঃশব্দ হয়ে গেছে সব; ঠিক তেমনি একটি অল্পভূতিতে অংশমান আচ্ছন্ন হয়ে পড়ল।

পুরাণে মাহুযের পাথর হয়ে যাওয়ার কথা আছে।

অধি গোতমের শাপে তাঁর বিচারিণী পত্নী অহল্যা পাবাগী হয়ে গিয়েছিল। অংশমানের মনে হল সেও পাথর হয়ে যাচ্ছে।

অহল্যার প্রান্তরীভূত দেহের মধ্যে বন্দী আত্মার মতই তার আত্মা ও চেতনা যেন চীৎকার করে উঠতে চাইল কিন্তু পারলে না। গলা থেকে কোন শব্দ বের হল না।

নিঃশেষে শব্দহীন হয়ে গেছে সংসার।

আলো যেন মুছে এসে এসে মাত্র আভাসে জেগে রয়েছে তার চোখের সামনে।

অংশুমান স্পষ্ট অমুভব করলে যে, পৃথিবী যে সূর্যের চারিদিকে একটি লম্বা ধরনের গোলালো কক্ষপথে অনিবার ও নিরন্তর ঘূর্ণমানতায় ও চলমানতায় ঘুরে বেড়ায় সেই ঘূর্ণমানতা ধেমে গেল, সেই বেগবানতায় একটা ছেদ পড়ে গেল। সামনে পা ফেলবার মত মাটি আর সংসারে নেই। এবং সে পা সে ফেলবেই বা কি করে, তার আর পা নাড়বার শক্তিই নেই। যে-পৃথিবী তার পৃথিবী—যে-পৃথিবীতে সে জন্মেছে—তার জীবন যৌবনের রাজত্ব সংস্থাপন করেছে সে পৃথিবী হঠাৎ একটি জীবনস্পন্দনহীন জড়পদার্থের জমাট স্তূপে পরিণত হয়ে গেল—তার সঙ্গে সঙ্গে সে নিজেকে যাচ্ছে পাথর হয়ে।

একটা শিশুর রক্তের স্পর্শ লেগে সমস্ত পৃথিবী পাথর হয়ে যাচ্ছে—সঙ্গে সঙ্গে সেও পাথর হয়ে যাচ্ছে। এর মধ্যেও সে যে কেমন করে চেতনার শেষ প্রান্তবিন্দুটিতে দাঁড়িয়ে রয়েছে তা সে বুঝতে পারছে না। নিভিরে-আসা প্রদীপের শলতের মুখে কীণতম শিখার আলোক ও উত্তাপ প্রাণপণে আঁকড়ে ধরে বেঁচে বা জেগে রয়েছে।

জীবনীশক্তি বা পরমায়ু বড় আশ্চর্য শক্তি! রক্তের স্রোত দেহ জমে পাথর হয় কিন্তু প্রাণ নিঃশেষিত হয় না। অথচ কত না সহজে মাছুষ মরে হার্টফেল করে, অ্যাকসিডেন্টে একমুহুর্তে মরে যায়।

একটা ছেলের রক্তস্রোত যেন গোটা পৃথিবীর বুকে একটা রক্তবজ্রা এনে দিয়েছে মনে হচ্ছে। সব ডুবে গেল। শুধু সে আকর্ষণ ডুবে আর ডুবছে না—মাথা জাগিয়ে সব দেখছে।

*

*

*

মোটরের একপাশে সীতা পড়ে আছে—অক্লান্তিক রক্তে ভাসছে চার বছরের একটি শিশু। ছেলেটির বা হাতখানা ভাঙা দরজার ভাঁজের মধ্যে চেপটে লেগে গেছে। দেহ থেকে বিচ্ছিন্ন হয়ে গেছে সম্পূর্ণ।

ওঃ! সীতা! সীতার ছেলে! সীতার সিঁথিতে সিঁদুর।

সে নিজেকে সেই ছেলেটিকে দুই হাতের ভাঁজের উপর তুলে নিজের ট্যাক্সিতে চাপিয়ে নিয়েছিল—তার রক্তে তার শরীর তার কাপড়-চোপড় রক্তাক্ত হয়ে গিয়েছিল। তার পিছন পিছন দুজন লোক ছেলেটির অজান মাকে (মা বলেই সবারই মনে হয়েছিল কারণ আর কোন মহিলা সে গাড়িতে ছিলেন না) এনে গাড়ির ব্যাক সীটে শুইয়ে দিয়েছিল। তখনই সে চমকে উঠেছিল। কারণ সে মেরেটি সীতা! তখনই তার চিত্ত চঞ্চল হয়ে উঠেছিল—মন কেমন উদ্ভ্রান্ত হয়ে উঠেছিল।

সীতা! এ ছেলে ভাহলে সীতার ছেলে!

তখনও এ ছেলে তার কাছে শুধু সীতার ছেলে ছিল। তার বেশী কিছু না। মেডিক্যাল কলেজে পৌঁছে (ধর্মতলা মোড় থেকে মেডিক্যাল কলেজই সব থেকে কাছে) সেই ছেলেটিকে তুলে নিয়েছিল স্ট্রচারের উপর। সাতটা পথ সে একবার সীতার এবং একবার এই ছেলেটির মুখের দিকে তাকিয়ে তাকিয়ে দেখেছে আর হাজার বা অসংখ্য টুকরো টুকরো

বিক্ষিপ্ত চিন্তা মনের মধ্যে অন্ধকার রাত্রে জোনাকিশোকার মত এক একটি ছোট দীপ্ত রেখা টেনে দিয়ে দিয়ে চলে গেছে। সবগুলিকে জোড়া দিয়ে যে একটি লম্বা রেখার যুক্ত করে কোথাও থেকে কোথাও পৌঁছুবে তার উপায় ছিল না কারণ বারেকের অস্ত্র জলে উঠেই রেখাটি হারিয়ে বা নিভে গেছে অন্ধকারের মধ্যে।

সীতা !

সীতার ছেলে !

ছেলেটির বা হাতখানা গাড়ির দুমড়ে যাওয়া দরজার সঙ্গে চেপটে গিয়েছে। চুরমার হয়ে গেছে ভিতরের হাড়গুলি। মাংস ধেঁতলে গেছে। ওঃ কি রক্ত পড়ছে! ওঃ! ছেলেটা কি বেঁচে আছে?

সীতাও অজ্ঞান।

সীতার সিঁথিতে সিঁথুরের আভাস রয়েছে।

বিয়ে করেছে সীতা।

এইভাবে অসংলগ্ন টুকরো টুকরো চিন্তাগুলি মনের মধ্যে জোনাকির মত জলছিল আর নিভছিল। তারই মধ্যে এসে পৌঁছেছিল মেডিক্যাল কলেজে।

ছেলেটি তারই কোলে ছিল সেই গোড়া থেকে।

সীতার স্বামী এই ছেলেটির বাপ বলে যাকে সে মনে বুঝেছিল সে ভ্রমলোক—

তারই দোষে অ্যাকসিডেন্ট হয়েছে। ইয়া তারই দোষে। তার ট্যাক্সি ড্রাইভার ছিল ওদের পিছনেই। সে বলছিল কিছুক্ষণ ধরেই এ প্রাইভেট কি বেমকা ড্রাইভ করছে। অ্যাকসিডেন্ট হয়ে যাবে। গাড়ির ডান দিক দিয়ে পাস করতে যাচ্ছে। ক্যারসা ড্রাইভ করতা ছায়! ঠিক তাই হল। একটা লরীর ডান দিক দিয়ে ওভারটেক করতে গেল; গেল গেল ঠিক ধর্মতলার বাকের ঘোড়ের উপর। আর লাগল। সে কি শব্দ! গাড়িখানার বা পাশের পিছনের সীটটা একেবারে তুবড়ে ঢুকে গেল ভিতরে। পিছনের সীটে ছিল মা আর ছেলে। ছেলেটিই ছিল বাম্বিকের জানালার ধারে। বা হাতখানা দিয়ে হরতো দরজার হ্যাণ্ডেলটা সে ধরে ছিল। অকস্মাৎ হয়েছে সংঘর্ষ। চেপটে ভেঙে ধেঁতলে গেছে—ভিতরে কচি হাড় টুকরো টুকরো হয়ে গেছে। বিচিত্র বিধান এই প্রকৃতিঙ্গগতের। অন্ধ সে বধির সে—তার বিচার নেই; ওই ভ্রমলোক বাপ ভ্রমলোকটির (তখন সে তাকে বাপই ভেবেছিল) অপরাধের জটিলে ঘটল সংঘর্ষটা আর সর্বাপেক্ষা নিষ্ঠুর আঘাত, বলতে গেলে এ আঘাতের সামনের খাকাটা এসে পড়ল এই ছেলেটির উপর আর ওই ভ্রমলোকটি আশ্চর্য নিরাপত্তার মধ্যে একেবারে অক্ষত রয়ে গেলেন। একেবারে অক্ষত। এমন অক্ষত যে তাঁকে হাসপাতালে আনবার প্রয়োজন মনে করে নি কেউ; তার বদলে নিয়ে গেছে খানায়।

ইমারজেন্সী ওয়ার্ডে পৌঁছে দিয়ে অনারাসেই সে চলে আসতে পারত; কিন্তু এমন ক্ষেত্রে অনারাসে আসা গেলেও আসা যায় না; তার উপর ওই মেয়েটিকে সে সীতা বলে চেনার পর সে যেন কেমন কোন এক চোরাবালির বালুচরে পা দিয়ে আটকে গিয়েছিল বলে মনে হয়েছিল।

সীতাকে আলাদা নিয়ে গেছে—একটা টেবিলে শুইয়ে দিয়েছে। ছেলেটিকে রেখেছে আলাদা। সে রইল। বাইরে দাঁড়িয়ে রইল—একান্ত অকারণেই দাঁড়িয়ে সজ্জের কনস্টেবলটির সঙ্গেই কথা বলেছিল কয়েকটা।

ওই ছেলেটি সম্পর্কেই কথা। হঠাৎ রক্তের কথা উঠল। ডাক্তারেরাই এসে বললেন রক্তের কথা।

সে নিজে থেকেই বলেছিল—আমার কেউ নয় তবু রক্ত আমি দিতে পারি।

রক্ত নেওয়া হলে একজন ডাক্তার বলেছিল—বাঃ এক গুপের রক্ত দেখছি। তাহলে ছেলেটি বেঁচে যাবে। একেই সুরাহা বলে।

তার নামটাম লিখে নিয়ে ডাক্তার তার মুখের দিকে তাকিয়ে বলেছিল—অংশুমান চৌধুরী—মানে লেখক নাট্যকার অ্যাক্টর ডিরেক্টর—

মুখে হ্যাঁ বা না কোন কথা না বলে সে একটু হেসেছিল শুধু। তারপর নমস্কার করে চলে এসেছিল।

ডাক্তার যদি নাম শুনে বিস্মিত হয়ে তাকে প্রশ্নটা না করত এবং সে যদি ওইভাবে একটুকরো নীরব হাশ্মের দ্বারা একটি নাটকীয় মুহূর্ত সৃষ্টি করবার সুযোগ না পেতো তাহলে হয়তো বা আরও কিছুকণ থাকত। ছেলেটির থেকেও তার আকর্ষণ ছিল সীতার উপর অনেক বেশী।

সীতা।

স্বামীর মতো সেই রামের সীতা নয়। অংশুমানের সীতা। সীতা একদা পাঁচ-ছ বছর আগে অংশুমানের প্রিয়বান্ধবী ছিল। এক সময় দুজনে ঘর বাঁধবার স্বপ্নও দেখেছিল। কিন্তু ওই ছোট্ট একটুকরো নাটকীয় মুহূর্ত সৃষ্টি হবার পর সে থাকে নি। অভ্যাসমত চলে এসেছিল। আরও একটা কারণ ঘটেছিল। ওই ভক্তলোকটি, সীতার স্বামী ভক্তলোকটি এই সময়েই থানা থেকে মেডিক্যাল কলেজে এসে পৌঁছেছিলেন। সীতা এবং গুরু মধ্যে আর সে দাঁড়াতে ইচ্ছে করে নি। ওদের ভাল লাগবে না। তার থেকেও বেশী হল তার ভাল লাগবে না।

বাড়ি কিরে এসেও স্থিতি পায় নি।

জানের ঘরে গিয়ে সীতা এবং ওই শিশুটির রক্ত মাথামাখি-হওয়া সেই সমস্ত কাণ্ডচোপড় ছেড়ে কেলে পান করেছিল।

*

*

*

রাত্রিতে সারা রাত্রি ঘুম হয় নি। আজ ভোরে জেট প্লেনটা তাকে জাগিয়ে নিয়ে গেছে। এরই মধ্যে রক্তন এসেছে। আর একজন ভক্তলোক এসেছেন।

মেডিক্যাল কলেজ থেকেই তাঁরা এসেছেন।

সীতা পাঠিয়েছে তাঁদের ভারই কাছে। যে শিশুকে সে কোলে তুলে ইমার্জেন্সী টেবিল পর্যন্ত পৌঁছে দিয়েছিল—যার জন্যে সে রক্ত দিয়েছিল সে ভারই সম্ভব। সীতা তাকে অহুরোধ করে পাঠিয়েছে সে বেন বৈপারনের সংস্কার করে। ছেলের নাম দিয়েছিল সে বৈপারন।

সীতার আশ্বাস তেমন কিছু নয়। কালই ছেড়ে দিত। কেবল ওই শিশুটির জন্যে দেয়

নি।

সীতা মার্কারী করে রানাঘাটের কাছে একটি ছুঁলে।

তার দিদির বাড়ি সে এসেছিল ক'দিনের জন্য। কিরে যাচ্ছিল তার কর্মস্থলে। দিদির বড় ছেলে গাড়ি চালাচ্ছিল। ট্রেনের সময় ছিল না। আর ভাগ্য!

ভাগ্য মানে না অংশুমান। কিন্তু সে কথা সে বলতে পারলে না। শুধু বললে—চল আমি যাই!

তারপর বললে—সীতার সঙ্গে কি দেখা হবে না? একবার?

চোখ থেকে কি জল গড়াচ্ছে তার?

চোখের জল সে মুছে ফেললে।

*

*

*

হাসপাতাল থেকে শিশুটির শব্দেহ একখানা নতুন দামী তোয়ালে এবং নিজের ছেলে বয়সের একখানা কাশ্মিরী রুমাল শাল (একেবারে দৈর্ঘ্যে-প্রস্থে সমান, জরীর কাজ করা শাল। মাঝে কোণাকুনি ভেঁজে তিনকোণা করে নিয়ে গারে দিতে হয়) দিয়ে জড়িয়ে বৃকে করে নিয়ে যখন সে আশানে এসে পৌঁছল তখন বেলা প্রায় তৃতীয় প্রহরে এসে পৌঁছেছে। সঙ্গে রঞ্জন ছিল। শিবকিঙ্কর এসে পৌঁছল আর একখানা ট্যাক্সিতে কিছুক্ষণ পর। কিছু ভাল চন্দন কাঠ এবং চন্দনের গুঁড়ো, দামী ধূপকাঠি আর গাওয়া ঘি নিয়ে এল সে। বরাত অংশুমানেরই।

কি যে তার মনে হল সে হাসপাতালে যাবার পথে—পথের মাঝখানে ওই বরাতগুলি দিয়ে তাকে নামিয়ে দিয়েছিল হারিসন রোড সেন্ট্রাল এ্যাভেন্যুর ক্রসিংয়ে। এগুলো নিয়ে এস তুমি।

ফুল আনলে রঞ্জন।

কেউ কোন প্রশ্ন করলে না। কোন কথাই তুললে না। নীরবে নিঃশব্দে পারলৌকিক ক্রিয়াগুলি সে করে গেল। চিতার শুইয়ে দিয়ে আঙুন দিয়ে গঙ্গার কিনারার বসে গঙ্গার স্রোতের দিকে মুখ করে বসে রইল।

চন্দনের গন্ধ উঠছে; ধূপকাঠি ঘি পুড়ছে। ধোঁয়া উঠছে আকাশের দিকে। বাস, দেহখানা ছাই হয়ে গেলেই—

সব শেষ? না তো!

—অংশুমান। অংশু। ডাকলে শিবকিঙ্কর।

কিরে তাকাল অংশুমান।

বলতে হ'ল না শিবকিঙ্করকে তার বক্তব্য। সীতা এসে ঘাটের উপর চিতার অস্থিরে এসে দাঁড়িয়েছে। সে জল দিয়ে চিতা নিভিয়ে দেওয়াটুকু শেষ করতে এসেছে। নিনিমেব :ত তাকিয়ে দেখছে। চোখে একফোটা জল নেই।

চিতা নিভল।

অংশুমান কলসী ক'রে জল এনে ঢেলে দিলে। একবার দুবার তিনবার। শেষবার

জল দিয়ে সে থমকে দাঁড়াল। কলসীটা বাড়িয়ে ধরলে।

সীতা কলসীটা নিয়ে বললে—মুখায়ি করেছিলে ?

—করেছি—মানের চিতার আগুন দিয়েছি। মজ-টজ পড়ি নি। * ওতে তো আমি বিশ্বাস করিনে।

সীতা কলসীটা নিয়ে ঘাটে নেমে গেল জল আনতে।

অংশুমান পশ্চিম দিকে তাকিয়ে ভাবছিল। ভাবছিল—এই কি ভবিষ্যৎ।

সীতা চিতা ধুয়ে—কথানা হাড় বেছে তুলে নিয়ে গন্ধার জলে ভাসিয়ে দিল। বললে—
তুমি অমৃতলোক পাও যেন।

সবই মিথ্যে। অসুভ সত্য নয়। তবে তা নিয়ে কোন কথাই কেউ কাউকে বললে না।

সীতা শুধু বললে—চললাম।

সে চলে গেল।

অংশু কিছুক্ষণ দাঁড়িয়ে থেকে বেরিয়ে এল আশান থেকে। একবার মনে হয়েছিল সীতাকে ডাকে। কিন্তু না। সীতা ফিরবে না, ফিরতে পারে না। সেও তাকে ডাকবে না। তাকে ডাকা যায় না। না, যায় না। হু জনের পথ হু মুখে চলে গেছে। বিপরীত মুখে।